



২ নম্বর সেক্টর এবং কে ফোর্স কমান্ডার  
**খালেদের কথা**

সম্পাদনা | মেজর কামরুল হাসান ভূইয়া






তখনো সেক্ষ্টের গঠিত হয়নি। ৪ৰ্থ ইষ্ট বেঙ্গল  
রেজিমেন্ট নিয়ে মেজর খালেদ মোশাররফ ত্রিপুরা  
রাজ্যের মতিনগরে অস্থায়ী ক্যাম্প স্থাপন  
করেছেন। ঢাকা, কুমিল্লা, নোয়াখালি, ফরিদপুর  
থেকে হাজার হাজার মুক্তিপাগল ছাত্র-জনতা  
উপস্থিত মতিনগরে। মেজর খালেদ এক বড়তায়  
তাদের উদ্দেশ্যে বলেন, 'আমি তোমাদের দেশপ্রেম  
শেখাবো না। দেশপ্রেম এমনিতেই তোমাদের  
আছে, না হলে তোমরা এখানে আসতে না।  
আমার কাজ তোমাদের যুদ্ধ শেখানো। আর  
যেভাবে যুদ্ধ শেখানো উচিত তার সময় এবং  
সুযোগ এখানে নেই। তোমরা যুদ্ধ করেই যুদ্ধ  
শিখবে। যুদ্ধের মাঠই তোমাদের প্রশিক্ষণ  
একাডেমী'।

ছিলেরা অনুপ্রবেশের আগে বাংলাদেশ থেকে আনা  
একমুঠো মাটি যোদ্ধাদের হাতে দিয়ে শপথ  
করাতেন। বলতেন, 'তোমাদের হাতে একমুঠো  
বাংলাদেশের মাটি। এই একমুঠো মাটি যথেষ্ট  
নয়। আমাদের দরকার গোটা বাংলাদেশের  
মাটি'।

খালেদ ছিলেন দেশপ্রেম উজ্জীবিত করার এক  
জাদুকর।

সেই অনন্য জাদুকরকে নিয়ে এ বই।



আলোকচিত্র • নাসির আলী মাউন

জন্ম : ২৪ জুলাই ১৯৫২। বিনাইদহ ক্যাডেট কলেজে যখন তিনি এইচএসসি পরীক্ষায়ী, তখনই ডাক এল মুক্তি সংগ্রামের। যোগ দেন মুক্তিযুদ্ধের ২ নম্বর সেক্টরে এক তরঙ্গ গণযোদ্ধা হিসেবে। মুক্তিযুদ্ধের দুই কিংবদন্তি মেজর খালেদ মোশারফ ও ক্যাপ্টেন হায়দারের সহযোদ্ধা হিসেবে তাদের পাশে পাশে ছিলেন মুক্তিযুদ্ধের হিরন্যায় দিনগুলিতে একান্তরে বীরযোদ্ধাদের পাশাপাশি নিজেকে শানিত করেছেন বিদেশপ্রেমের এক অগাঢ় চেতনায়। বাহাতুরের বাংলাদেশ সেনাবাহিনীতে নির্বাচিত হলেও বাংলাদেশ মিলিটারি একাডেমি প্রতিষ্ঠায় বিলবের কারণে চুয়াতুরের ৯ জানুয়ারি সেনাবাহিনীতে যোগ দেন এবং পচাস্তরের ১১ জানুয়ারি সেনাবাহিনীতে ৪ৰ্থ ইষ্ট বেঙ্গল রেজিমেন্ট-এ কমিশনপ্রাপ্ত হন। ১৯৮৩ সালের বেইজিং ল্যাংগুয়েজ ইউনিভার্সিটি থেকে চীনা ভাষায় ভ্রাতকোতুর ডিপ্রি লাভ করেন। তারপর ১২ জুলাই ১৯৯৬ সেনাবাহিনী থেকে স্বেচ্ছায় অবসর নেন। একান্তরের মুক্তিযুদ্ধ মেজর কামরুল হাসান ভূইয়ার জীবনের শ্রেষ্ঠ অর্জন-এ যেমন উচ্চ শাস্ত্র, একমাত্র পুত্র শিশু সাবিতের মৃত্যু তেমনি তার হৃদয়ের গভীরতম ক্ষত। তবুও এ ক্ষত নিয়ে, এই বিক্ষিত সময়ে তিনি সরুজআদৃত এক বাংলাদেশের স্বপ্ন দেখেন।

মুক্তিযুদ্ধ বিষয়ক তার অপরাপুর প্রস্তাবের নাম জনযুদ্ধের গণযোদ্ধা, বিজয়ী হয়ে ফিরব নইলে ফিরবই না, স্বাধীনতা (প্রথম খণ্ড) সম্পাদনা।

# ২নং সেক্টর এবং কে ফোর্স কমান্ডার খালেদের কথা

মেজর কামরুল হাসান ভুঁইয়া  
সম্পাদিত



মুক্তিযুদ্ধ



আকাহ্নি

[liberationwarbangladesh.org](http://liberationwarbangladesh.org)

প্রথম প্রকাশ

ফেব্রুয়ারি ২০০৮

দ্বিতীয় মুদ্রণ

ফেব্রুয়ারি ২০০৯

২ন্দ সেক্টর এবং কে ফোর্স কমান্ডার : খালেদের কথা

মেজর কামরুল হাসান ভুঁইয়া সম্পাদিত

স্বত্ত্ব : লেখক

প্রকাশক



CENTRE FOR  
BANGLADESH  
LIBERATION WAR STUDIES

সেক্টর ফর বাংলাদেশ লিবারেশন ওয়ার স্টাডিজ

এপার্টমেন্ট # ৪ বি, বাড়ি # ৪৪৮/এ

রোড # ৭ (পূর্ব), বারিধারা ডিওএইচএস, ঢাকা ১২০৬

ফোন #০১৫৫২ ৪৪৯৮০৮, ০১৭১১ ৫৩৬৫০০

ই-মেইল : cblws 1971 @ yahoo. com

কম্পোজ

বাংলাবাজার কম্পিউটার

৩৪ নর্থকুক হল রোড ৩য় তলা, ঢাকা ১১০০

মুদ্রণ

সুপার এনীন প্রেস

৬১ তনুগঞ্জ লেন, সুত্রাপুর, ঢাকা ১১০০

প্রচ্ছদ

ক্রুব এশ

একমাত্র পরিবেশক

অনন্যা

৩৮/২ক বাংলাবাজার, ঢাকা ১১০০

ফোন : ৭১১১৬৪৩

U.K Distributor □ Sangeeta Limited, 22, Brick Lane, London

U.S.A Distributor □ Muktadhabra, 37-69, 74 St., 2nd floor, Jackson Heights, N.Y 11372

Canada Distributor □ Anyamela, 300 Danforth Ave., Toronto (1st floor), Suite-202

মূল্য : দুইশত টাকা

Doi Nombor Sector Abong K Force Commander : Khaleder Kotha Edited by Major Qamrul Hassan Bhuiyan and also Published by him on behalf of Centre for Bangladesh Liberation War Studies, Apartment # 4B, House # 448/A, Road # 7 (East), Baridhara DOHS, Dhaka 1206. Cover Design by Dhrubo Esh. Price Taka : 200.00 Only US # 8

ISBN 984 70008 0001 5

## উৎসর্গ

একান্তরের খালেদকে  
কখনো কমান্তার, কখনো অভিভাবক, কখনো বক্সু

## সম্পাদকের কথা

খালেদ মানে খালেদ মোশাররফ অর্থাৎ আমাদের ২ নম্বর সেঁটরের সেঁটর কমান্ডার মেজর খালেদ মোশাররফ—মুক্তিযুদ্ধের এক কিংবদন্তি।

উনিশ শ' সপ্তর সালের সেপ্টেম্বর মাসে মেজর খালেদ বৃটিশ আর্মির সাথে সংযুক্ত হন। ফিরে আসেন ছয় মাস পর একাত্তরের মার্চের মাঝামাঝি। এর মধ্যে দেশে পরিবর্তন বিশাল। বাঙালিদের উপর পাকিস্তানিদের সশস্ত্র আক্রমণের পরিকল্পনা ও প্রস্তুতি চূড়ান্ত। মেজর খালেদ বৃটেন যাবার পূর্বে ছিলেন ঢাকাস্থ ৫৭ ব্রিগেডের ব্রিগেড মেজর। উনি ফেরত এসে স্বাভাবিকভাবে এ পদেই আবার যোগ দেন। কিন্তু ততদিনে ৫৭ ব্রিগেডের অবয়ব এবং তার কমান্ডার ব্রিগেডিয়ার জাহানজেব আরবাব খানের মননের এতই পরিবর্তন হয়েছে যে মেজর খালেদ আর তার ব্রিগেড মেজর থাকার যোগ্য রইলেন না। অপারেশন-সার্চলাইট ঢাকা এলাকায় কার্যকর করার দায়িত্ব পাকিস্তানী এই ব্রিগেডের। পাকিস্তান থেকে ফেরুয়ারির শেষে এসে যোগ দিয়েছে ১৮ পাঞ্জাব এবং ২২ বালুচ রেজিমেন্ট। ১৯ মার্চ মেজর খালেদকে জয়েনিং টাইম ছাড়া বদলী করা হয় ৪৮ ইন্ট বেঙ্গল রেজিমেন্টের উপ-অধিনায়ক হিসেবে, কুমিল্লা সেনানিবাসে। মেজর খালেদ পাকিস্তানিদের কাছে ছিলেন আতঙ্কের বিষয়। তার স্থলে আনা হয় পাকিস্তানি এক অফিসার মেজর জাফর আহমদকে।

মেজর খালেদ মোশাররফ যখন ৪৮ ইন্ট বেঙ্গল রেজিমেন্টের দুই কোম্পানি সৈনিক এবং লে. মাহবুবুর রহমানকে নিয়ে পাকিস্তান সেনাবাহিনীর বিরুদ্ধে বিদ্রোহ করে মুক্তিযুদ্ধের সূচনা করতে সিদ্ধান্ত নেন তখন তিনি মৌলভীবাজারের শমশেরনগরে। তখন তার চাকুরি ১২ বছর ১১ মাস, বয়স ৩৩ বছর ৫ মাস। [জন্ম : ১ নভেম্বর ১৯৩৭, কমিশন : ২৭ এপ্রিল ১৯৫৮, ১৭ পিএমএ লং কোর্স।]

পরবর্তীতে ঢাকা-কুমিল্লা-নোয়াখালি এবং ফরিদপুরের একাংশ নিয়ে গঠিত ২ নম্বর সেঁটরের কমান্ডার নিযুক্ত করা হয় মেজর খালেদকে। ২ নম্বর সেঁটরের শুরুত্ব ছিল ভিল মাত্রার। রাজধানী ঢাকা, ঢাকা-চট্টগ্রাম মহাসড়ক, ঢাকা-চট্টগ্রাম রেলপথ এবং ঢাকা-সিলেট সড়ক ও রেল যোগাযোগ ছিল ২ নম্বর সেঁটরের দায়িত্বপূর্ণ এলাকার মধ্যে। এই সেঁটরের গণযোদ্ধাদের সংখ্যা ছিল সর্বাধিক। গোটা মুক্তিযুদ্ধের উত্তপ্ত রণাঙ্গন সালদা নদী ও বিলোনিয়া ছিল এ সেঁটরেরই অন্তর্ভুক্ত।

সেপ্টেম্বরের শেষের দিকে নির্দেশিত হয়ে মেজর খালেদ মোশাররফ একটি ব্রিগেড গঠনের প্রক্রিয়া শুরু করেন। অঞ্চলবরের প্রথম সপ্তাহে ৪৮ ইন্ট বেঙ্গল রেজিমেন্টের

অল্পকিছু পুরানো সৈনিক এবং গণযোদ্ধাদের নিয়ে গঠিত হয় নতুন ব্রিগেড—কে ফোর্স মেজর জিয়া এবং মেজর সফিউল্লাহর জেড ও এস ফোর্সের মত মেজর খালেদের ইংরেজি নামের আদ্যাক্ষর দিয়ে ব্রিগেডটির নামকরণ করা হয়। একই সময় তাকে লে. কর্নেল পদে উন্নীত করে কে ফোর্সের কমান্ডার নিযুক্ত করা হয়। ১৯৭১ সনের ২২ অক্টোবর তিনি আহত হলে মেজর আবদুস সালেক চৌধুরী কে ফোর্সের ভারপ্রাণ কমান্ডার নিযুক্ত হন। ২ নম্বর সেক্টরের কমান্ডার নিযুক্ত হন মেজর এটিএম হায়দার।

১৯৭২ সালে বাংলা একাডেমী মুক্তিযুদ্ধের একটি প্রকল্প গ্রহণ করে। সে প্রক্রিয়ায় সশস্ত্র যুদ্ধের উল্লেখযোগ্য ব্যক্তিদের বক্তব্য গ্রহণ করে। সেগুলি গণপ্রজাতন্ত্রী বাংলাদেশ সরকার, তথ্য মন্ত্রণালয় কর্তৃক ১৯৮৪ সালের জুন মাসে প্রকাশিত হয় 'বাংলাদেশের স্বাধীনতা যুদ্ধ : দলিলপত্র' নামে পনের খণ্ড-এ। সশস্ত্র যুদ্ধ সংকুলান করা হয়েছে ৯ম, ১০ম এবং ১১শ খণ্ড-এ সশস্ত্র যুদ্ধ-১, সশস্ত্র যুদ্ধ-২ এবং সশস্ত্র যুদ্ধ-৩ নামে। ১১শ খণ্ড কেবল দলিলপত্র। ৯ম ও ১০ম খণ্ড-এ মেজর খালেদ মোশাররফের দীর্ঘ দুটি সাক্ষাত্কার পত্রস্থ করা হয়। এগুলি গ্রহণ করা হয় ১৯৭৪ এবং ১৯৭৫ সালে। (লজ্জার কথা সে প্রকল্পের একটি ফটো ছাড়া একটি পাতাও আজ নেই বাংলা একাডেমীতে।) মেজর খালেদের সে দুটি সাক্ষাত্কার এত বিস্তারিত ও পুরুনুপূর্ণ যে পড়ে অবাক হতে হয়। মুক্তিযুদ্ধের অনেক দলিল, চিঠিপত্র ও পরিস্থিতি প্রতিবেদন (Situation Report) সেনাবাহিনী সদর দপ্তর, মিলিটারী অপারেশন পরিদপ্তরে রক্ষিত ছিল। ব্রিগেডিয়ার খালেদ মোশাররফ ছিলেন টীফ অফ জেনারেল স্টাফ। মিলিটারী অপারেশন পরিদপ্তর ছিল তারই অধীনে। ধারণা করি Situation Report-গুলি পর্যালোচনা করে এবং তার প্রথর স্মৃতি হাতড়িয়ে তিনি এ দুই প্রস্ত্রপ্রবক্ষ লিখেছেন। এ যুদ্ধ কাহিনী বহুল পঠিত হওয়া উচিত। কিন্তু এই পনের খণ্ড বই একসাথে কেনার কোনো বিকল্প নেই। বইগুলোও দুপ্পাপ্য এবং দামী। পাঠকের সুবিধার্থে ৯ম ও ১০ম খণ্ড-এ মেজর খালেদ মোশাররফের লেখা দুটি একসাথে করে বই আকারে মুদ্রিত করেছি।

বিলোনিয়ার দ্বিতীয় যুদ্ধ শুরু হয় নভেম্বরের ৫ তারিখ দিবাগত রাত থেকে। খালেদ আহত হন ২২ অক্টোবর। স্বভাবতই বিলোনিয়ার দ্বিতীয় যুদ্ধ লিখতে তাকে পরনির্ভর হতে হয়েছে। ফলে তার বিলোনিয়ার দ্বিতীয় যুদ্ধ বর্ণনায় কিছু অসঙ্গতি দেখা যায়। (আগ্রহী পাঠকদের জানাচ্ছি—বিলোনিয়া যুদ্ধের সমর নায়ক এবং গণযোদ্ধাদের লেখা সংগ্রহ করে এবং সবাইকে একত্র করে তথ্যের নির্ভুলতা যাচাই করে বিলোনিয়া যুদ্ধের অন্যতম যোদ্ধা গোলাম মুস্তাফা 'ফেনী বিলোনিয়া : রণস্মনের এক প্রাত্মর' নামে একটি প্রামাণ্য গ্রন্থ সম্পাদনা করেছেন। বইটি প্রকাশ করেছে সেন্টার ফর বাংলাদেশ লিবারেশন ওয়ার স্টাডিজ।)

এপ্রিলের শেষে গ্রন্থ ক্যাপ্টেন একে বন্দকার, উইং কমান্ডার এসকে বাশারসহ পাঁচজন বৈমানিক আগরতলা পৌছান। অব্যবহিত পরে পৌছান আরো তিন জন। অল্প কয়েকদিন পর গ্রন্থ ক্যাপ্টেন খোন্দকার, উইং কমান্ডার বাশার এবং পাইলট অফিসার বদরুল আলম দিল্লি চলে যান। আগরতলার শালবাগানে ছিল ভারতীয় ডেলটা ('ডি') সেক্টরের কমান্ডার ব্রিগেডিয়ার সাবেগ সিং-এর সদর দপ্তর যার অধীনে ছিল আমাদের ১,

২ এবং ৩ নম্বর সেক্টর। মে মাসের প্রথম সপ্তাহের একদিন শোনা গেল ব্রিগেডিয়ার সাবেগ সিং মেজর জিয়াউর রহমান এবং মেজর খালেদ মোশাররফের সাথে মিটিং করছেন। দুপুরের খাবার সময় বিমান বাহিনীর অফিসারদেরও কনফারেন্স রুমে খাবারের জন্য ডাকা হল। ব্রিগেডিয়ার সাবেগ সিং বসেছিলেন ঘরে চুকতেই টেবিলের এক প্রান্তে। সবার সামনে উপড় করা খাবার প্লেট। সাবেগ সিং-এর বামে বসা খালেদ ডানে জিয়া। হঠাৎ এবং অপ্রাসঙ্গিকভাবে ব্রিগেডিয়ার সাবেগ সিং বায়ে তাকিয়ে মেজর খালেদকে জিজ্ঞাসা করলেন, ‘খালেদ তোমার এত রেশন লাগে কেন?’ খালেদ জবাব দিলেন, ‘স্যার, আমি ঢাকার সবচেয়ে কাছে, কুমিল্লা, নোয়াখালির লাগোয়া। সকালে যদি থাকে ৫০০ ছেলে, দুপুরে থাকে ১,৫০০, রাতে থাকে ৩,০০০। কোনো কিছুই ঠিক নেই।’ ‘আমি দৃঢ়বিত খালেদ। আমাকে তোমার রেশনের হিসাব নিতে হবে’ সাবেগ সিং-এর মন্তব্য। খালেদ বুঝলেন সাবেগ সিং ইঙ্গিত করছেন তার সততার প্রতি। খালেদ ডান হাতে ধাক্কা দিয়ে খাবার প্লেটটি সামনে ঠেলে দিলেন। ব্রিগেডিয়ার সাবেগ সিং-এর চোখে চোখ রেখে পরিষ্কার ভাষায় এবং প্রত্যয়ী কঠে বললেন, ‘ব্রিগেডিয়ার সাবেগ সিং, আপনি নিশ্চয়ই চান না যে আমি আমার রাইফেলের ব্যারেল দুই দিকে ঘূরাই’। বলেই সাবেগ সিং-এর পিছনের দরজা দিয়ে তিনি বের হয়ে গেলেন। প্রায় সাথে সাথেই মেজর জিয়াও বের হয়ে গেলেন। খালেদের হাত ধরে বাংলায় বলতে লাগলেন, ‘খালেদ এটা রাগারাগি করার সময় না, জায়গাও না। মাথা ঠাণ্ডা রাখো। ফেরত আসো।’ এতক্ষণে সাবেগ সিংও তার ভুল বুঝেছেন। সেও বের হয়ে এসে খালেদের কাছে ক্ষমা চেয়ে হাত ধরে খালেদকে নিয়ে ঘরে চুকলেন।

এই ছিলেন আমাদের খালেদ।

আমরা অবশ্য দেখেছি খালেদের সাথে অন্তরঙ্গ সর্ব্ব সাবেগ সিং-এর।

পেশাজ্ঞান, বৃক্ষি, দৃঢ়তা, দেশপ্রেম আর অমায়িকতা দিয়ে মেজর খালেদ ভারতীয় সিনিয়র অফিসারদের বুঝিয়ে দিয়েছিলেন ‘আমি খালেদ’। ত্রিপুরার রাজনীতিবিদ, সাংবাদিক আর জনগণের মাঝে খালেদের জনপ্রিয়তা ছিল ব্যাপক। তিনি সবার সঙ্গে মিশতেন খোলা মন নিয়ে।

যুদ্ধের সময় KMT বলে একটি কথা প্রচলিত হয় খালেদকে নিয়ে Khaled Mosharraf Time। খালেদের সময় ঘড়ির সময়ের পিছনে চলতো। সবসময় সময়ের পরে উপস্থিত হতেন খালেদ। ২২ অক্টোবর কসবার কাছে কমলা সাগরে ৯ম ইঞ্চ বেঙ্গল রেজিমেন্টের আক্রমণ অবলোকন করার সময় শক্তর আর্টিলারী গোলার স্প্লিন্টার যে তার কপালের মাঝখান দিয়ে চুকে গেলো সে তো প্রধানত তার দেরিতে উপস্থিত হবার কারণেই। ভোর রাতের আক্রমণ দেখতে খালেদ উপস্থিত হন ভোরের আলোয় সকাল সাড়ে সাতটায়।

গল্লবাজ ছিলেন খালেদ। সেবার কোনাবন যাবেন ক্যাপ্টেন গফফারের সদর দণ্ডে। গাড়ি দাঁড়িয়ে। আমি বারবার তাগাদা দিচ্ছি। বাংলাদেশে অনুপ্রবেশ করবে এমন একটি মুক্তিযোদ্ধা দলকে ব্রিফিং করবেন তিনি। তারা অপেক্ষমান। আসছি, একটু ... বলে আমাকে নিবৃত করছেন। গল্ল চলছেই। এবার মনে করিয়ে দেবার সুরে হয়তো

তাগাদার ভার একটু বেশি থেকে থাকবে। তিনি ডান হাতের বুঢ়ো আঙুল দিয়ে বাম  
হাতে পরা ঘড়ির কাঁচটি ঘষতে ঘষতে বলতে লাগলেন, এই ছোট হাবিলদার মেজরটির  
জন্য কোথাও একটু শাস্তিমতো বসতে পারলাম না।

পঁচাত্তরের ৭ নভেম্বর তিনি চলে গেলেন। এই প্রথম এবং শেষ বারের মতো খালেদ  
চলে গেলেন সময়মতো নয়, সময়ের বহু আগেই-মাত্র ৩৭ বছর বয়সে।

ঢাকা  
জানুয়ারি ২০০৮

মেজর কামরুল হাসান ভুইয়া (অব.)

[নোট : এ বইয়ে বাংলাদেশ ও ভারতীয় সামরিক বাহিনীর অফিসারদের যে র্যাংক ব্যবহার করা হয়েছে  
তা ১৯৭১-এর।]

## সশন্ত্র প্রতিরোধ : কুমিল্লা-নোয়াখালী-ঢাকা

প্রথম খণ্ড

১৯ মার্চ ১৯৭১ আমাকে ঢাকা সেনানিবাস থেকে ৪ৰ্থ ইন্ট বেঙ্গলের রেজিমেন্ট কুমিল্লা সেনানিবাসে বদলী করা হয়। আমি ২২শে মার্চ আমার পরিবারকে ঢাকার ধানমন্ডিতে রেখে কুমিল্লা চলে যাই এবং সক্ষ্য সাড়ে ৭ টায় ৪ৰ্থ ইন্ট বেঙ্গল রেজিমেন্টে গিয়ে যোগদান করি। ইউনিটে পৌছার সাথে সাথেই বুবতে পারলাম আমার সৈনিকরা বেশ উদ্বিগ্ন। আরো জানতে পারলাম পাঞ্জাবীদের কমান্ডো এবং গোলন্দাজ (আর্টিলারী) বাহিনী ৪ৰ্থ ইন্ট বেঙ্গল রেজিমেন্টের চতুর্দিকে পরিখা খনন করে মেশিনগান লাগিয়ে অবস্থান নিয়েছে। নির্দেশ পেলেই সবাইকে হত্যা করবে। পাঞ্জাবীরা সেনানিবাস রক্ষার অজুহাতে এসব পরিকল্পনা নিয়েছে। পাঞ্জাবীদের কার্যাবলিতে ৪ৰ্থ ইন্ট বেঙ্গল রেজিমেন্টের সৈনিকদের মনে তীব্র অসন্তোষ দানা বেঁধে উঠেছিল। আমি পৌছবার সঙ্গে সঙ্গে তারা জানতে চায় এখন তাদের কী কর্তব্য? আমি সকলকে সতর্ক থাকার নির্দেশ দিয়ে এবং আত্মরক্ষার্থে প্রহরী দ্বিশণ করার নির্দেশ দিয়ে তাদের শান্ত করি। পরের দিন ২৩ মার্চ ছুটির দিন ছিল। ২৪ মার্চ সকাল ৭টায় আমি প্রথম অফিসে রিপোর্ট করি লে. কর্নেল খিজির হায়াত খানের কাছে। তিনি ৪ৰ্থ ইন্ট বেঙ্গলের কমান্ডিং অফিসার ছিলেন এবং পাঞ্জাবী ছিলেন। লে. কর্নেল খিজির হায়াত খান আমাকে বুবাতে চেষ্টা করলেন যে আমার পোষ্টিংয়ে তিনি খুব খুশি হয়েছেন এবং ইউনিট সমস্কে নানা বিষয়ে আলাপ-আলোচনা করলেন। ঐদিনই আমি যখন আমার অফিসে সেকেন্ড-ইন-কমান্ডের কাজ বুঝে নিছিলাম সকাল প্রায় সাড়ে ১০ টায় তখন খিজির হায়াত খান ডেকে পাঠান। আমি অফিসের ভেতর চুকে দেখি খিজির হায়াত খান উদ্বিগ্ন। তিনি আমাকে বসার জন্য বললেন এবং জানান যে আমাকে শুরুত্বপূর্ণ কাজের দায়িত্ব নিয়ে আজই কুমিল্লা থেকে রওনা হতে হবে। আমি উত্তর দিলাম যে, যদি হকুম হয় আমি নিশ্চয়ই যাব, তবে আমি একদিন হয় এসেছি এবং আমার দায়িত্ব কেবল বুঝে নিছি, এমতাবস্থায় আমাকে ইউনিট থেকে অন্য জায়গায় পাঠিয়ে দেওয়া হয়ত আপনার পক্ষে ভুল হবে। তাকে আরো বুবাতে চেষ্টা করলাম ব্যাটালিয়নে আরও অফিসার আছে, তাদেরকেও পাঠানো যেতে পারে। তাছাড়া কোনো ইউনিট উপ-অধিনায়কে সাধারণত এভাবে পাঠানো হয় না। আমার বক্তব্য শুনে তিনি বললেন, ‘ব্যাপারটা বিশেষ শুরুত্বপূর্ণ, সেজন্য তোমাকেই যেতে হবে’। আমি জানতে চাইলাম, ‘আমাকে কী ধরনের দায়িত্ব দিয়ে পাঠান হচ্ছে’।

কর্নেল খিজির হায়াত খান বললেন যে, খবর এসেছে সিলেটের শমসেরনগর নামক জায়গাতে নকশালপঞ্চীরা বিশেষ তৎপর রয়েছে এবং পার্শ্ববর্তী রাষ্ট্র ভারত তাদেরকে অন্তর্শস্ত্র দিয়ে ব্যাপকভাবে সাহায্য করছে। আরো খবর আছে ভারত থেকে বেশ অনুপ্রবেশও হচ্ছে। এইসব কারণে আমাকে ৪ৰ্থ ইষ্ট বেঙ্গলের একটা কোম্পানি নিয়ে সেখানে যেতে হবে এবং তাদের দমন করতে হবে। আমি জবাব দিলাম একটা কোম্পানি যখন যাবে, তখন কোনো জুনিয়র মেজরকে সেখানে পাঠানো যেতে পারে। সাধারণত উপ-অধিনায়ক একটা কোম্পানি নিয়ে কথনও যায় না। আমার বক্তব্যে খিজির হায়াত খান কিছুটা অপ্রস্তুত হয়ে গেলেন। আমাকে বললেন ঠিক আছে আপনি যান এবং আমি আপনাকে একটু পরে ডেকে পাঠাবো। কিছুক্ষণ পরে কর্নেল আবার আমাকে ডেকে পাঠালেন এবং বললেন, ব্রিগেড কমান্ডার বিপ্রেডিয়ার ইকবাল শফি এখনই আপনাকে ডেকেছেন। আমাকে নিয়ে কর্নেল খিজির হায়াত ব্রিগেড কমান্ডারের কাছে গেলেন। ব্রিগেড কমান্ডার আমাকে দেখেই বললেন, ‘আমি তোমার জন্যই অপেক্ষা করছিলাম। বিশেষ একটা গুরুত্বপূর্ণ কাজ আছে যা একমাত্র তুমি ছাড়া আর কেউ সম্পন্ন করতে পারবে না এবং সেইজন্য আমি তোমাকেই নির্বাচিত করেছি। আশা করি তুমি আমাকে নিরাশ করবে না।’ তিনি আরো বললেন, ‘তোমার মতো একজন সিনিয়র অফিসারকে এইজন্য মনোনীত করা হয়েছে। আর্মি ট্রুপস ছাড়া শমসেরনগরে ইপিআর এর দুটি কোম্পানি আছে। এত বড় ফোর্স-এর নেতৃত্ব দেওয়ার জন্য একজন সিনিয়র বাঙালি অফিসারের দরকার। তুমিই একমাত্র বাঙালি অফিসার কুমিল্লাতে যাকে আমি এ ব্যাপারে বিশ্বাস করতে পারি।’

আমি বুঝতে পারলাম যেতে আমাকে হবেই। উপায় যখন আর নেই তখন যতটুকু তাদের কাছে আদায় করে নেয়া যায় সেটুকুই আমার পক্ষে মঙ্গল। আমি ব্রিগেডিয়ার শফিকে বললাম, ‘যে কাজের ভার আমাকে দিচ্ছেন, শুধু একটা কোম্পানি দিয়ে তা হবে না। কোম্পানির চেয়ে বেশি সৈন্য আমাকে দেওয়া হোক। আর হেডকোয়ার্টারের সঙ্গে যোগাযোগ রাখার জন্য একটা শক্তিশালী অয়ারলেস দেওয়া হোক। এ ছাড়া যেহেতু আমি অনেক দূরে একটা গুরুত্বপূর্ণ কাজে যাচ্ছি সেহেতু আমার ট্রুপস-এর জন্য স্বয়ংক্রিয় ভারি এবং হাল্কা অন্তর্শস্ত্র এবং মর্টার ইত্যাদি এবং যথেষ্ট পরিমাণ গোলাবারুদ দেয়ার অনুমতি দেয়া হোক’। ব্রিগেডিয়ার শফি প্রথমে বললেন, ‘তোমাকে যে কাজের জন্য পাঠানো হচ্ছে, তাতে এসব ভারি অন্তর্শস্ত্রের দরকার হবে না।’ আমি উত্তরের বললাম যে, আপনি যে গুরুত্বপূর্ণ অবস্থার কথা চিত্রিত করেছেন তাতে আমার সামরিক জ্ঞান অনুসারে এ সব ভারি অন্তর্শস্ত্রের দরকার হবে বিশেষ করে যেখানে হেডকোয়ার্টার থেকে তাড়াতাড়ি সাহায্য পাবার আশা কম। আমার বক্তব্যে ব্রিগেডিয়ার ইকবাল শফি কনভিন্সড হলেন এবং কর্নেল খিজির হায়াতকে নির্দেশ দিলেন আমার যা প্রয়োজন তা যেন আমাকে দিয়ে দেয়া হয়। আমরা ব্রিগেডিয়ার শফির কাছ থেকে ইউনিটে ফিরে এলাম। এসেই ব্যাটালিয়নের এডজুট্যান্ট ক্যাপ্টেন গফফারকে ডেকে নির্দেশ দিয়ে দিলাম সমস্ত ব্যাটালিয়ন থেকে বেছে বেছে ২৫০ জনের মতো সৈনিককে কোম্পানিতে একত্রিত করার জন্য।

গফফারকে বলে দিলাম যে ব্যাটালিয়নের ভারি অন্তর্শস্ত্র যত আছে সব নিয়ে নাও। গোলাবারুণ এমনভাবে নেবে যাতে একমাস যুদ্ধ করা যায়। আমাদের ২৬টা গাড়ি ব্রিগেড থেকে দেওয়া হয়েছিল। সব বোঝাই করতে এবং অন্তর্শস্ত্র ও সৈনিকদের তৈরি করতে সম্ভ্য হয়ে গেল। এই সময় আমি একটা অস্বাভাবিক ঘটনা দেখতে পাই। যতক্ষণ পর্যন্ত আমি এবং আমাদের লোকজন প্রস্তুত হচ্ছিলাম ততক্ষণ পর্যন্ত খিজির হায়াত এবং অন্যান্য ব্রিগেড স্টাফ অফিসাররা বসে লক্ষ্য করতে থাকলেন।

আমি ২৪ মার্চ সঞ্চ্যা সাড়ে ৭ টায় যাওয়ার জন্য তৈরি হই। ব্যাটালিয়নে যেসব বাঙালি অফিসার থেকে গেল, তারা সবাই আমার যাবার পূর্বে মেসে এসে দেখা করে গেল। এদের মধ্যে সিনিয়র অফিসার ছিলেন ক্যাপ্টেন মতিন। তাকে আমি এই উপদেশ দিলাম যে, আমি চলে যাচ্ছি, এতে ঘাবড়াবার কিছু নেই। এখন তুমই সিনিয়র। যদি কোনো অঘটন ঘটে তাহলে এই ৪৬ ইন্ট বেঙ্গলের বাকি ট্রুপস-এর নিরাপত্তার পুরো বন্দোবস্ত করবে এবং যদি প্রয়োজন হয় যুদ্ধ করে ক্যান্টনমেন্ট থেকে বেরিয়ে আসবে এবং আমার সাথে যোগাযোগ করার চেষ্টা করবে। সঞ্চ্যা সাড়ে ৭ টায় আমি আমার কনভয় নিয়ে শমসেরনগরের পথে রওনা হলাম। রাত প্রায় ২ টার সময় ব্রাক্ষণবাড়িয়া শহরের উপকর্ত্তে পৌছলাম। সেখানে রাস্তায় অনেক ব্যারিকেড। এই প্রতিবন্ধকতার জন্য আমাদের এগোতে অসুবিধা হচ্ছিল। এই ব্যারিকেড ভাঙতে ভাঙতে শহরের দিকে এগোছিলাম। শহরের কিনারে যে পুল আছে (নিয়াজ পার্কের কাছে) সেখানে ব্রাক্ষণবাড়িয়ার ছাত্র-জনতা আমাদের বাধা দেয়। হাজার হাজার লোক এবং ছাত্ররা রাস্তায় শুয়ে পড়ে এবং বলে, যেতে দেওয়া হবে না। আমি সেখানকার নেতৃস্থানীয় লোকজনের সঙ্গে কথা বলতে চাইলাম। ওখানেই আওয়ামী লীগের তদানীন্তন এমসিএ সাচু মিয়া এবং অন্য কয়েকজন আওয়ামী লীগ এবং ছাত্রনেতারা আমাকে জানান যে, পূর্ব বাংলার অনেক জায়গায় পাকসেনারা আবার শুলি চালিয়েছে এবং মিলিটারী চলাচল কেন্দ্রীয় নির্দেশে নিষিদ্ধ ঘোষণা করা হয়েছে। তারা আরও বললেন, আপনাদের বেঙ্গল রেজিমেন্ট-এর সৈনিকদের ইচ্ছাকৃতভাবে কুমিল্লা থেকে দূরে পাঠিয়ে দিচ্ছে এবং আমরা আপনাদের যেতে দেব না। এভাবে কয়েকঘণ্টা কথাবার্তা হয়। ইতোমধ্যে মেজর শাফায়াত জামিল যিনি ৪৬ ইন্ট বেঙ্গল রেজিমেন্টের আর একটা কোম্পানিসহ ব্রাক্ষণবাড়িয়াতে অবস্থান করছিলেন, তিনিও ঘটনাস্থলে উপস্থিত হন। তিনিও তাদের বুঝাতে চেষ্টা করলেন যাতে ব্যারিকেড এবং অন্যান্য প্রতিবন্ধকতা সরিয়ে ফেলা হয়। কিন্তু তাতেও তারা আমাদের অনুরোধ রাখতে রাজি হয় না। তারপর তাদের নিয়ে মেজর শাফায়াত জামিলের ক্যাপ্সে যাই। সেখানে আবার কথাবার্তা চলে এবং তাদের আমি শ্পষ্ট ভাষায় জানিয়ে দিই যে বেঙ্গল রেজিমেন্ট বাংলাদেশেরই রেজিমেন্ট, যখন দরকার পড়বে বাঙালি জাতির জন্য পিছিয়ে থাকবে না। এমতাবস্থায় আমাদের বাধা দেওয়া ঠিক হবে না। অবশেষে সকাল সাড়ে ৫ টায় সব নেতৃস্থানীয় ব্যক্তিরা আমাদেরকে আর বাধা না দেওয়ার সিদ্ধান্ত নেন। আমরা শমসেরনগরের পথে আবার ২৫ মার্চের সকালে রওনা দিলাম। যাওয়ার আগে মেজর শাফায়াত জামিলকে আলাদা দেকে সতর্ক করে দিলাম এবং আমার সঙ্গে অয়ারলেস মারফত যোগাযোগ রাখার

নির্দেশ দিয়ে গেলাম। আমি সকাল ১০ টা-১১ টার সময় শ্রীমঙ্গলে পৌছি। সেখান থেকে শমসেরনগর যাবার রাস্তা আমার জানা ছিল না। বিগেড হেডকোয়ার্টার থেকে আমাকে বলে দেওয়া হয়েছিল যে শমসেরনগর যেতে হলে মৌলভীবাজার হয়ে যেতে হবে। শ্রীমঙ্গলে কনভয় দাঁড় করিয়ে স্থানীয় কিছু ব্যক্তিকে জিজ্ঞেস করি শমসেরনগরে যাওয়ার রাস্তা সন্ধান্কে। এবং জানতে পারি মৌলভীবাজার হয়ে যাওয়া যায় অথবা আর একটা রাস্তা আছে সোজা শ্রীমঙ্গল হয়ে জঙ্গল এবং পাহাড়ের মধ্য হয়ে। এবং এই রাস্তা অপেক্ষাকৃত কম দূরত্বের। আমি এই সোজা জঙ্গলের রাস্তা দিয়ে শমসেরনগরের পথে রওনা দিলাম। যে রাস্তা দিয়ে যাওয়ার কথা ছিল সে রাস্তা পরিত্যাগ করে পাহাড়ের পথ দিয়ে রওনা হলাম। এই রাস্তা খুব খারাপ ছিল তাই অতি কষ্টে দুপুর ২ টার সময় শমসেরনগরে গিয়ে পৌছি। সেখানে গিয়ে ডাকবাংলোতে আমি আমার ছাউনি স্থাপন করি।

দুপুরে খেয়ে আমি এবং লে. মাহবুব শমসেরনগরের চারদিক ঘুরে দেখে আসি। দেখি পরিস্থিতি স্বাভাবিক। আরো কিছু পেট্রোল পার্টি চতুর্দিকে পাঠিয়ে দিই। স্থানীয় ব্যক্তিদের সঙ্গে আলাপ-আলোচনা করে জানতে পারি কোনো অঘটন সেখানে ঘটেনি। ইপিআর-এর যে দু'টো কম্পানির কথা আমাকে বলা হয়েছিল তাদের কোনো হিসস নেই। একজন সুবেদার এবং আরো কয়েকজন সিপাই শমসেরনগর এয়ারপোর্টে অবস্থান করছিল, তাদের সঙ্গে যোগাযোগ করে সঠিক কোনো উত্তর পাইনি। শমসেরনগরের টি-গার্ডেনগুলো ঘুরে জানতে পারলাম সমস্ত পশ্চিম পাকিস্তানি ম্যানেজার এবং অফিসাররা ঢাকায় চলে গেছে। নকশালপত্তী বা অনুপ্রবেশকারীদের কোনো চিহ্ন আমি খুঁজে পেলাম না। ২৫ মার্চের রাতটা এভাবে খবরাখবর নিতে এবং পেট্রোলিং করে কেটে গেল। সমস্ত ব্যাপারটা আমার কাছে ঘোরালো মনে হলো। আমার মনে জাগলো আমাকে এখানে কৌশল করে পাঠানো হয়েছে। এবং যা কিছু তারা বলেছিল, তা সবই মিথ্যা। আমি সমস্ত সকাল অয়্যারলেস-এর মাধ্যমে হেডকোয়ার্টারে যোগাযোগ করার চেষ্টা করি কিন্তু কোনো যোগাযোগ হলো না। এইভাবে দুপুর পর্যন্ত চলে যায়। আমি এবং লে. মাহবুব ডাকবাংলোর বারান্দায় বসেছিলাম, হঠাৎ আমাদের এসে খবর দেয় একজন পাঞ্জাবী অফিসার এবং বেশ কয়েকজন সৈন্য শমসেরনগর বাজারে এসেছে এবং সেখানে কারফিউ জারি করে স্থানীয় জনসাধারণের উপর অত্যাচার করছে। সেই দলটি আমাদের ক্যাম্পের সম্মুখ দিয়ে মৌলভীবাজার যাচ্ছিল। আমাদের সেন্ট্রিকে সেই দলটির অফিসারকে ডাকার জন্য পাঠাই। এরা যখন সামনে দিয়ে যাচ্ছিল, তখন সেন্ট্রি তাদের আমাদের ক্যাম্পে আসার অনুরোধ জানায়। অফিসারটি ক্যাম্পের ভিতরে আসে এবং আমার সেখানে উপস্থিতি দেখে আশ্র্যবোধ করে। এমন ভাব দেখায় যে আমরা এখানে আছি এটা সে জানতো না। কথাবার্তায় আমি জানতে পারি যে ৩১ পাঞ্জাব রেজিমেন্টের বেশ কিছু সৈন্য সিলেট থেকে মৌলভীবাজারে এসে দু'দিন আগে ক্যাম্প করেছে। অফিসারের হাবভাব এবং কথাবার্তা আমাকে সন্দিহান করে তোলে। যতক্ষণ সে ডাকবাংলোয় বসেছিল, ততক্ষণ সে স্টেনগানটি কোথাও না রেখে নিজের হাতে রাখে। এতে সন্দেহ আরও ঘনীভূত হয়। এদের আগমন সম্বন্ধেও আমাকে অবহিত করা হয়নি।

এটাও ছিল অত্যন্ত অস্বাভাবিক। কিছুক্ষণ পরে অফিসারটি তার দলবল নিয়ে চলে যায় এবং যাওয়ার আগে আমাদেরকে পাঞ্জাব রেজিমেন্টের ক্যাপ্টেন যাওয়ার জন্য আমন্ত্রণ জানায়। আমি যাওয়ার আশ্বাস দিয়ে অফিসারটিকে বিদায় করলাম।

সেইদিনই বিকেলে স্থানীয় জনসাধারণের মুখে আমি জানতে পাই ঢাকাতে কিছু একটা ভয়ঙ্কর অঘটন ঘটেছে, কিন্তু কেউ সঠিক কিছু বলতে পারে না। আস্তে আস্তে লোকমুখে আরও শুনতে পাই যে, ঢাকায় পাকসেনাবাহিনী হাজার হাজার লোক গুলি করে মেরে ফেলেছে এবং মারছে। বাংলাদেশের অন্যান্য জায়গাতেও পাকবাহিনী সেইরূপ নৃশংস অত্যাচার এবং হত্যাকাণ্ড চালিয়ে যাচ্ছে। হাজার হাজার লোক ঢাকা ছেড়ে জান বাঁচানোর জন্য বাইরে চলে যাচ্ছে। পাকসেনাবাহিনী ট্যাংক, কামান এবং অন্যান্য অস্ত্রশস্ত্র নিয়ে নির্দোষ, নিরাহ, নিরত্ব জনসাধারণের উপর বর্বরোচিতভাবে অত্যাচার করছে। ঢাকা শহর একটা ধ্রংসন্ত্বপে পরিণত হয়েছে। আমি অনেকক্ষণ বসে থেকে চিন্তা করতে থাকলাম আমার এখন কর্তব্য কী। অয়ারলেস সেট খোলার হুকুম দিয়ে হেডকোয়ার্টারের সঙ্গে যোগাযোগ করার চেষ্টা করতে লাগলাম। অনেক চেষ্টার পরেও কোনো যোগাযোগ হল না। তবুও আবার চেষ্টা চালিয়ে যেতে বললাম। অনেকক্ষণ পর আমাকে লে। মাহবুব এসে খবর দিল যে হেডকোয়ার্টারের সঙ্গে অতি কষ্টে যোগাযোগ করা সম্ভব হয়েছে। আমি তাড়াতাড়ি দৌড়ে গেলাম অয়ারলেসে কথা বলার জন্য। যখন আমি কথা বলতে চাই, তখনই অপরদিক থেকে কর্নেল খিজির হায়াত কিংবা ক্যাপ্টেন আমজাদ (পাঞ্জাবী) জবাব দেয়। তাদের কাছে কোনো কথাই খুলে বলা সম্ভব ছিল না। শুধু এটুকু বুঝতে পারলাম কর্নেল খিজির হায়াত এবং ৪ৰ্থ ইন্ট বেঙ্গলের বাকি অংশ কুমিল্লা থেকে ২৫ তারিখে ব্রাক্ষণবাড়িয়া এসেছে। কর্নেল খিজির হায়াত আমাকে জানালেন সবকিছু স্বাভাবিক এবং আরো জানালেন যে অতিসন্ত্বর তিনি একবার শমসেরনগরে পরিদর্শনে আসবেন। আমি তাকে জানালাম এখানে সব শাস্তি এবং আমার এখানে থাকার কোনো প্রয়োজনীয়তা নেই এবং আমাকে ফিরে আসার অনুমতি দেওয়া হোক। তিনি জবাবে আমাকে শমসেরনগরেই থাকতে আদেশ দিলেন। কিছুক্ষণ পর আমি আবার অয়ারলেসে কথা বলার চেষ্টা করি। এবার ক্যাপ্টেন গাফ্ফারের সঙ্গে কথাবার্তায় বুঝতে পারলাম যে ক্যাপ্টেন গাফ্ফারের নিকটে কোনো পাঞ্জাবী অফিসার আছে। সেজন্য সব কথা খুলে বলতে পারছিলো না। আমি শুধু তাকে বললাম যখন সুযোগ পাবে তখন মেজর শাফায়াত জামিলকে আমার সঙ্গে কথা বলতে বলবে। আরো কিছুক্ষণ পরে মেজর শাফায়াত জামিল আমার সঙ্গে অয়ারলেসে কথা বলেন এবং জানালেন ঢাকাতে পাক সেনাবাহিনী গণহত্যা চালিয়েছে এবং এখনও ধ্রংসনীল চালিয়ে যাচ্ছে। এই কথা চলছিল ২৬ মার্চের সন্ধ্যাবেলায়। শাফায়াত জামিল লোকমুখে শুনেছেন যে, সব লোক ঢাকা থেকে পালিয়ে কুমিল্লার দিকে এবং ব্রাক্ষণবাড়িয়ার দিকে আসছে। মেজর শাফায়াত জামিল এবং ক্যাপ্টেন গাফ্ফার আরো জানান যে ব্রাক্ষণবাড়িয়াতেও সান্ধ্য আইন জারি হয়েছে এবং ৪ৰ্থ ইন্ট বেঙ্গলকে এটা কার্যকরী করতে বলা হয়েছে। কিন্তু ব্রাক্ষণবাড়িয়ার জনসাধারণ সান্ধ্য আইন ভঙ্গ করে মিছিল বের করেছে। এমতাবস্থায় তাদের করণীয় কী তা আমার কাছে জানতে চাইলেন।



আমার কনভয় নিয়ে রওনা হয়ে যাই। রাস্তায় আমাদের অঘসর অনেক ধীর ছিল, কারণ সমস্ত রাস্তায় ব্যারিকেড এবং কোনো কোনো জায়গায় রাস্তা কেটেও দেওয়া হয়েছিল। জঙ্গলের অনেক জায়গায় বিরাট গাছ কেটে রাস্তার উপর ফেলে দেওয়া হয়েছিল। এইসব প্রতিবন্ধক আমাদেরকে কেটে কেটে বা মাটি ফেলে পরিষ্কার করে অঘসর হতে হচ্ছিল। সব প্রতিবন্ধকের ক্যাছেই অনেক লোক লুকিয়ে দেখছিল আমরা কী করি। যখনই তারা বুবতে পারতো আমরা বেঙ্গল রেজিমেন্ট এবং ঢাকার দিকে বা ব্রাক্ষণবাড়িয়ার দিকে অঘসর হচ্ছি, তখনই তারা স্থৎঃস্ফূর্তভাবে এসে ব্যারিকেড সরিয়ে ফেলতো এবং রাস্তাখাট পরিষ্কার করতে সাহায্য করতো। তাদের সহায়তায় এবং সক্রিয়তায় আমাদের পক্ষে সম্ভব হচ্ছিল কম সময়ের মধ্যে এগিয়ে যাবার। এভাবে অতি মন্ত্রুর গতিতে এগুতে এগুতে আমি ভোর সাড়ে ৫ টায় সাতছড়িতে পৌছলাম। এখানে আমার সৈনিকরা কিছুক্ষণ বিশ্রাম নেয়। এখানে এসে আমি আবার অয়ারলেসের মাধ্যমে ব্রাক্ষণবাড়িয়াতে যোগাযোগ করি। ঐ অবস্থাতে কর্নেল খিজির হায়াতের সঙ্গেও আলাপ হয়। তিনি আমাকে আশ্বাস দেন যে সেখানে সবকিছু ঠিকঠাক। মেজের শাফায়াত জামিলও আমার সঙ্গে কথা বলে। সে তার উদ্বেগ প্রকাশ করে এবং জানতে চায় আমি কোথায় এবং আসতে কেন দেরি হচ্ছে। আমি বললাম, তয়ের কোন কারণ নেই কেননা আমি অনেক কাছে এসে গেছি। তাকে আশ্বাস দিয়ে আমি আবার রওনা হই। সকাল ৬ টায় ব্রাক্ষণবাড়িয়া থেকে দশ মাইল দূরে মাধবপুরে পৌছি এবং মেজের শাফায়াত জামিলের সঙ্গে অয়ারলেসে কথা বলি। তিনি আমাকে জানান, সকাল ১০ টার সময় কর্নেল খিজির হায়াত একটা কনফারেন্স ডেকেছেন (আমি পরে জানতে পারি যে কুমিল্লা থেকে পাঞ্জাব রেজিমেন্টের একটা কোম্পানি সেই সময়ে আসছিল)। কনফারেন্স-এর কথা যখন আমি শাফায়াতের কাছে শুনতে পেলাম, তখন আমি যথেষ্ট উদ্বিগ্ন হয়ে যাই এবং তাদের পরিকল্পনা সম্বন্ধে সন্দিহান হয়ে উঠি। আমি শাফায়াতকে তখনই নির্দেশ দিই আমার জন্য অপেক্ষা করো না। প্রয়োজন হলে সমস্ত পাঞ্জাবী অফিসারকে কর্নেল খিজির হায়াতসহ প্রেফতার করে ফেলো এবং যত পাঞ্জাবী সৈনিক আছে নিরস্ত্র কর। আমি আবার রওনা হয়ে গেলাম। পরে শুনতে পেলাম ব্রাক্ষণবাড়িয়াতে কী হয়েছে। ১০ টা বাজার দশ মিনিট আগে কর্নেল খিজির হায়াত, মেজের সাদেক নেওয়াজ, ক্যাপ্টেন আমজাদ সাইদ কনফারেন্সে বসেছিল। এমতাবস্থায় মেজের শাফায়াত জামিল, লে. কবির, লে. হারুন হঠাৎ সেই কামরায় প্রবেশ করেন এবং পাঞ্জাবী অফিসাদের তাদের অন্তর্ভুক্ত করার নির্দেশ দেন। মেজের নেওয়াজ যিনি নিজে একজন কমান্ডো ছিলেন তিনি কিছুটা বাধা দেওয়ার চেষ্টা করেন কিন্তু লে. হারুনের ত্বরিত প্রচেষ্টায় তার সে চেষ্টা ব্যর্থ হয় এবং সব পাঞ্জাবী অফিসারকে তারা বাংলাদেশের নামে প্রেফতার করে। ইতোমধ্যে বাকি বঙ্গশার্দুলরা বাইরে যেসব পাঞ্জাবী সৈনিক ছিল, তাদের নিরস্ত্র করে এবং যারা বাধা দেওয়ার চেষ্টা করে তাদের চরম শাস্তি প্রদান করে। ব্রাক্ষণবাড়িয়া শক্রমুক্ত করে বাংলাদেশের পতাকা উড়িয়ে দেওয়া হয়। দিনটি ছিল ২৭শে মার্চ। ইতোমধ্যে আমি ব্রাক্ষণবাড়িয়ার অতি সন্নিকটে এসে গেছি। আমার বাহিনী এবং শাফায়াতের বাহিনী বেলা ১১ টার দিকে সশ্রিতিত হয়। আমি বুবলাম আমার প্রথম

কর্তব্য হল, যে সমস্ত এলাকা মুক্ত হয়েছে তা শক্তির আক্রমণ থেকে রক্ষা করা। আমি প্রথমেই অফিসারদের নিয়ে একটা বৈঠক করি এবং এই প্রতিরক্ষা ব্যবস্থাকে কীভাবে কার্যকরী করতে হবে তার সম্বন্ধে আমার পরিকল্পনা জানাই। আমার এই পরিকল্পনায় সিদ্ধান্ত ছিল যে, আমরা মেঘনা নদীকে উত্তরে রেখে পশ্চিমে প্রতিরক্ষা লাইন তৈরি করবো এবং দক্ষিণে ময়নামতি সেনানিবাস পর্যন্ত মুক্ত করে প্রতিরক্ষার বন্দোবস্ত করবো। উত্তর-পূর্বে মৌলভীবাজার থেকে সিলেট পর্যন্ত বিভিন্ন এলাকা মুক্ত করে সিলেটে আর একটি ঘাঁটি স্থাপন করবো।

এই পরিপ্রেক্ষিতে তৈরববাজারে প্রথম দুটি কোম্পানি পাঠিয়ে দিই। আর একটা পার্টিকে কুমিল্লার দিকে ব্রাক্ষণবাড়িয়া থেকে অগ্রসর হতে বলি। মেঘনার পূর্ব পাড়ে একটা প্রতিরক্ষাবৃহৎ তৈরির ব্যবস্থা করি। এছাড়া ব্রাক্ষণবাড়িয়ার চতুর্দিক, তিতাস নদীর চতুর্দিকে একটা আভ্যন্তরীণ প্রতিরক্ষাবৃহৎ নির্মাণ করি। লে. মাহবুবের নেতৃত্বে একটা কোম্পানি দিয়ে সিলেটের দিকে অগ্রসর হবার জন্য পাঠিয়ে দিই। শ্রীমঙ্গলে তাদের সাথে স্থানীয় সংগ্রামী আনসার, মুজাহিদ এবং আরো কিছুসংখ্যক সৈন্য কর্ণেল রবের নেতৃত্বে যোগ দেয়। এই দলটির সাথে পাঞ্জাব রেজিমেন্টের যেসব সৈন্য মৌলভীবাজারে ছিল তাদের সাথে লড়াই হয় এবং পাঞ্জাবীরা অনেক হতাহত এবং ক্ষয়ক্ষতির পরে মৌলভীবাজার থেকে পালিয়ে যায়। সিলেট শহর পর্যন্ত তাদেরকে ধাওয়া করা হয়। ব্রাক্ষণবাড়িয়াতে আমি বেসামরিক প্রশাসনের সঙ্গে যোগাযোগ করি। তখন মহকুমা প্রশাসক ছিলেন জনাব রকিব। তিনি অত্যন্ত উৎসাহী, সাহসী এবং সংগ্রামী ছিলেন। তিনি সবসময় আমাদের সাথে ছিলেন। তিনি যুদ্ধপ্রচেষ্টায় বেসামরিক সাহায্যের যতটুকু প্রয়োজন ছিল—যেমন রসদ সরবরাহ, যানবাহন যোগাড়, সৈনিকদের থাকা-খাওয়ার ব্যবস্থা, চিকিৎসা, আর্থিক সাহায্য তিনি অত্যন্ত উৎসাহ এবং উদ্দীপনা নিয়ে করেছেন। তিনি পুলিশ অয়ারলেসের মাধ্যমে বাংলাদেশের সমস্ত জেলা এবং মহকুমা প্রশাসকদের কাছে খবর পাঠিয়েছিলেন যে, মেজর খালেদ মোশাররফের নেতৃত্বে ৪৬ ইন্স্ট বেঙ্গল রেজিমেন্ট স্বাধীনতা যুদ্ধ করছে এবং ব্রাক্ষণবাড়িয়া থেকে সিলেট পর্যন্ত বিস্তীর্ণ এলাকা শক্তমুক্ত করেছে। ঐ সময় ব্রাক্ষণবাড়িয়াতে আমার সাথে জনাব তাহের উদ্দিন ঠাকুর, সাচু মিয়া প্রমুখ রাজনৈতিক নেতাদের সঙ্গে আলোচনা হয় এবং তাদেরকে আমি বাংলাদেশ সরকারের সাথে আমার আনুগত্যের কথা বলি। তারা আমাকে সব রকম সাহায্য-সহযোগিতা করেন। তারা আমাকে জিজেস করেন কীভাবে এই যুদ্ধ পরিচালনায় সহায়তা করা যায়। আমি তাদেরকে অনুরোধ করি, যেকোনো উপায়ে প্রতিবেশী রাষ্ট্র থেকে যদি কোনো অস্ত্রশস্ত্র আনার বন্দোবস্ত করতে পারেন তাহলে আমি আমার এই প্রতিরক্ষা ব্যবস্থা আরো সুন্দর ও শক্তিশালী করতে পারি। আমি তখন জানতাম যে, আমার কাছে যা গোলাবারুদ আছে তা নিয়ে বেশ দিন পাকিস্তান সেনাবাহিনীকে ঠেকিয়ে রাখা যাবে না। তারা এই বার্তা নিয়ে আগরতলাতে চলে যান।

এই সময় ব্রাক্ষণবাড়িয়ার দিকে অগ্রসরমান পাঞ্জাবী সৈন্যদের সাথে আমার অগ্রবর্তী সৈন্যদের কোম্পানিগঞ্জে লড়াই হয়। এতে পাকিস্তানিরা অনেক হতাহত হয়ে

আবার কুমিল্লা সেনানিবাসের দিকে পক্ষাদপসরণ করে। ২৯শে মার্চ ব্রাহ্মণবাড়িয়াতে শক্রসেনা প্রথম বিমান হামলা চালায়। এতে আমার একজন সৈনিক শহীদ হন। সেদিনই সন্ধ্যায় পাকিস্তানিদের একটা রেকি পার্টি একজন অফিসার এবং ৮ জন সিপাইসহ ব্রাহ্মণবাড়িয়াতে আসে। এই দলটি আমাদের অগ্রবর্তী ঘাঁটির গ্রামবুশে পড়ে যায় এবং অফিসারসহ সব শক্রসেনা এবং একটি গাড়ি ধ্রংস করে দিই। ব্রাহ্মণবাড়িয়ার উপর বিমান হামলা আরো চলতে থাকে এবং আমাদের প্রতিরক্ষা আরো অধিকতর শক্তিশালী হতে থাকে। আমি এই অবস্থাতে ভৈরববাজার এবং নরসিংদীর তেতরের রেলওয়ে লাইন অনেক জায়গায় বিছিন্ন করে দিই এবং আর একটা দলকে নরসিংদী পর্যন্ত অগ্রসর হওয়ার জন্য নির্দেশ দিই। আমার এই দলটির সঙ্গে ঢাকা থেকে আগত আর একটি প্রাক্তন ইপিআর এবং ২য় ইষ্ট বেঙ্গল রেজিমেন্টের কিছু সৈন্যের যোগাযোগ স্থাপন হয়। এই সম্মিলিত দলটি ঢাকা থেকে পাকসেনাদের অগ্রসরমান একটি বিরাট বাহিনীকে গ্রামবুশ করে পর্যুদস্ত করে এবং ঢাকার দিকে পক্ষাদপসরণে বাধ্য করে।

আমাদের তখনো বাইরের আর কোনো প্রতিষ্ঠান বা বাঙালি সেনাবাহিনীর আর কোনো দলের সাথে যোগাযোগ হয়নি। অন্যান্য জায়গা সম্বন্ধে আমি সম্পূর্ণ অন্ধকারে ছিলাম।

আমি জানতে পাই যে, মেজর সফিউল্লাহ্ ময়মনসিংহ থেকে কিশোরগঞ্জে এসে তার ২য় ইষ্ট বেঙ্গল রেজিমেন্টকে একত্রিত করেছে। আমি আরো জানতে পারলাম যে, সে তার মৃষ্টিমেয় সৈন্য নিয়ে ঢাকা অভিযুক্ত যাবার পরিকল্পনা করেছে। এই সংবাদে আমি অতিশয় উদ্বিগ্ন এবং চিন্তিত হয়ে পড়ি। কারণ আমি জানতাম ঢাকাতে পাকিস্তানিদের অস্ততৎপক্ষে দু'টো ব্রিগেড সৈন্য আছে। তাছাড়া সাঁজোয়া বাহিনীর ট্যাংক, গোলন্দাজ বাহিনীর কামান এবং বিমানবাহিনী আছে। এসব অত্যন্ত শক্তিশালী এবং আধুনিক মারণাত্মক সজ্জিত। বিরাট পাক সেনার বিরুদ্ধে অল্প সংখ্যক সৈন্য ও অন্তর্নিয়ে আক্রমণ করার মানেই ছিল আমাদের শক্তিকে অঙ্গুরেই বিনষ্ট করা। আমার সঙ্গে মেজর সফিউল্লাহ্ যোগাযোগের কোনো ব্যবস্থা ছিল না। ব্রাহ্মণবাড়িয়া থেকে কিশোরগঞ্জ পর্যন্ত কোনো সরাসরি রাস্তা না থাকায় তার সঙ্গে যোগাযোগ করা অসম্ভব হয়ে পড়ে। অথচ তার সঙ্গে যোগাযোগ করা খুবই প্রয়োজন। তা না হলে এ সর্বনাশকে কিছুতেই রোধ করা যাবে না। অনেক চেষ্টার পর আমি একটা খালি রেলওয়ে ইঞ্জিনের ব্যবস্থা করলাম। লে. মাহবুবকে সেই ইঞ্জিনে বসিয়ে সোজা কিশোরগঞ্জ পাঠিয়ে দিলাম। তাকে বিস্তারিত বুঝিয়ে দিলাম। কোনো কিছু করার আগে তিনি যেন আমার সঙ্গে যোগাযোগ করেন এবং সম্ভব হলে আমার সঙ্গে দেখা করার অনুরোধ জানাই।

এরপর লে. মাহবুব ফিরে এসে জানায় মেজর সফিউল্লাহ্ এবং তার সমস্ত সেনাদল ব্রাহ্মণবাড়িয়ার দিকে আসছে। মেজর সফিউল্লাহ্ তার বাহিনীকে নিয়ে ব্রাহ্মণবাড়িয়া পৌছেন এবং তিনি আমার হেডকোয়ার্টার তেলিয়াপাড়াতে আসেন। আমাদের দু'টো দলের যোগাযোগ হওয়াতে আমাদের শক্তি ও মনোবল বেড়ে যায়। এরপর আমরা বসে আমাদের ভবিষ্যৎ কর্মপক্ষ সম্বন্ধে আলোচনা করি। আমরা জানতে পারি যে, পাকিস্তানিরা আমাদের আক্রমণ করার যথেষ্ট প্রস্তুতি নিচ্ছে এবং আমরা পাকিস্তানিদের

আক্রমণের কৌশল সংস্করণ করি এবং সিদ্ধান্তে উপনীত হই যে, পাকিস্তানি বাহিনী আমাদের উপর বিমান, হেলিকপ্টার এবং নদীপথে ঢাকার দিক থেকে আক্রমণ করতে পারে। নদীপথে আক্রমণ করার জন্য তারা মেঘনার পথে গানবোটে আসতে পারে এবং মেঘনার দক্ষিণ পাড়ে ল্যাভিং করতে পারে এবং তারা সাথে সাথে হেলিকপ্টারযোগেও কমাড়ো এবং শক্রবাহিনী নামাতে পারে।

• যে বিস্তীর্ণ মুক্ত এলাকা আমাদের আয়তাধীন ছিল, সেসব এলাকাতে সৈন্য রাখার মতো আগার কাছে সৈন্য ছিল না। সেই জন্য আমি আমার ট্রুপসকে যেখানে পাকবাহিনীর অবতরণের এবং আক্রমণের বেশি সম্ভাবনা, সেই জায়গাগুলোতে ডিফেন্স নেওয়ার বন্দোবস্ত করি। এই সময়ে আমি জানতে পাই ৪৪ ইঞ্চ বেঙ্গলের জন্ম পঞ্চাশেক সৈন্য যারা কুমিল্লার দক্ষিণে জাঙ্গালিয়া ইলেক্ট্রিক হৈড টেশনে প্রহরায় ছিল সেইসব সৈন্যরাও ২৫শে মার্চের পর নিকটবর্তী একটা থামে আশ্রয় নিয়েছে এবং আমার নির্দেশের অপেক্ষায় আছে। আমি এই অবস্থাতে তাদের কাছে লোক পাঠিয়ে দিই এবং তাদেরকে আরও দক্ষিণে গিয়ে লাকসাম এবং কুমিল্লার মধ্যখানে লালমাই হিলের মধ্যপ্রান্তে টেম্পল পাহাড় নামক এক জায়গায় প্রতিরক্ষাবৃহ গড়ার নির্দেশ দিই। তাদের উপর এই নির্দেশ দিলাম যে, কুমিল্লা থেকে পাকবাহিনী লাকসাম, নোয়াখালী কিংবা চাঁদপুরের দিকে অগ্রসর হলে তাদের যেন এ্যামবুশ করা এবং বাধা দেওয়া হয়। এরমধ্যে আমি খবর পাই আখাউড়া, কসবা, বুড়িচং-এ পাকিস্তানি সেনারা ইপিআর পোষ্টগুলোতে বাঙালি ইপিআরদের বিরুদ্ধে এখনও লড়াই করে যাচ্ছে। এই সংবাদ পেয়ে আমি ক্যাপ্টেন আইনউদ্দিনকে পাঠাই কিছু লোকজন দিয়ে যাতে বাঙালি ইপিআরদের নিয়ে সম্মিলিতভাবে এইসব পোষ্টগুলো পাঞ্জাবীদের কবল থেকে মুক্ত করা যায়। বেঙ্গল রেজিমেন্ট, ইপিআর এবং স্থানীয় জনসাধারণের সম্মিলিত হামলায় অনেক ক্ষয়ক্ষতি এবং হতাহতের পর পাঞ্জাবীরা এইসব অবস্থান থেকে পালিয়ে যেতে বাধ্য হয়। এই সব খণ্ডনের পর ব্রাক্ষণবাড়িয়া থেকে কুমিল্লার গোমতী পর্যন্ত আমি সমস্ত এলাকা মুক্ত করতে সমর্থ হই এবং কুমিল্লা শহরের বিবিরবাজার নামক একটা জায়গায় একটা প্রতিরক্ষাবৃহ গড়ে তুলি।

ইতোমধ্যে তাহের উদ্দিন ঠাকুর এবং সাচু মিয়ার প্রচেষ্টায় আমাদের বন্ধুরাষ্ট্রের কিছু সাড়া পাওয়া যায়। সীমান্তে আমার সঙ্গে আগরতলার জেলা প্রশাসক মিঃ সাইগলের সঙ্গে সাক্ষাৎ হয়। বাংলাদেশের ঘটনাবলি সংস্করে তখনও তাদের কোনো ধারণা ছিল না। আমার কাছে বিস্তারিত জানতে পেরে তিনি আমাকে জানালেন যে এ সংস্করে তিনি তার উর্ধ্বতন কর্তৃপক্ষকে জানাবেন। তাকে আমি অত্রশন্ত ও গোলাবারুদ দেওয়ার জন্য অনুরোধ জানাই। তিনি সাহায্যের প্রতিশ্রুতি দিয়ে চলে যান। কয়েকদিন পর আবার সীমান্ত এলাকায় ভারতের সেনাবাহিনীর ৫৭ মাউন্টেন ডিভিশনের কমান্ডার মেজর জেনারেল গানজালভেজ-এর সঙ্গে দেখা হয়। তাকেও আমি ঘটনাবলির বিস্তারিত বিবরণ দিই। তখন পর্যন্ত আমরা কোনো সাহায্য পাইনি।

এপ্রিল মাসের ৩ তারিখে কুমিল্লার সীমান্তে মতিনগরের নিকট কর্নেল এমএজি ওসমানী যখন ভারত সীমান্তে পৌছেন, তখন আমার সঙ্গে তার দেখা হয়। তিনি প্রথম

আমার কাছে সংক্ষেপে আমাদের বর্তমান পরিস্থিতি সম্বন্ধে ওয়াকেবহাল হন এবং তার পরই তিনি আগরতলাতে চলে যান। পরের দিন সন্ধ্যায় আমার হেডকোয়ার্টার তেলিয়াপাড়াতে কর্নেল ওসমানী আমাকে, মেজর সফিউল্লাহ্, লে. কর্নেল রব এবং আরো কয়েকজন মেজর পদবীর অফিসারদের নিয়ে একটা বৈঠক করেন। এই বেঠকে আমরা যুদ্ধের বর্তমান পরিস্থিতি সম্বন্ধে সম্পূর্ণভাবে তাকে জ্ঞাত করি। আমি তাকে আরও জানাই, আমাদের যে শক্তি আছে তা দিয়ে বেশি দিন পাকবাহিনীকে ঠেকিয়ে রাখা যাবে না, অতিসত্ত্ব বন্ধুরাষ্ট্র থেকে বা অন্য কোনো জায়গা থেকে অন্তর্শত্র ও গোলাবারুণ্ডের ব্যবস্থা করতে হবে। এছাড়া তাকে আরো অনুরোধ করা হয় আরো নেতৃত্বান্বিত রাজনৈতিক নেতাদের সঙ্গে যোগাযোগ করে অতিশীত্র আমাদের বাংলাদেশ সরকার গঠন করা হোক যাতে আমরা বহির্ভুতের স্বীকৃতি পাই এবং যুদ্ধের সময় রাজনৈতিক নেতৃত্ব পাই। তিনি আমাদের বক্তব্য বুঝতে পারলেন এবং আগরতলা থেকে কলকাতা চলে গেলেন। কিছুদিন পর ১০ই এপ্রিল বঙ্গবন্ধুর নেতৃত্বকে স্বীকার করে সৈয়দ নজরুল ইসলামকে অস্থায়ী রাষ্ট্রপতি এবং তাজউদ্দীন আহমদকে প্রধানমন্ত্রী করে বাংলাদেশ সরকার গঠন করা হয়।

এই সময়ে বন্ধুরাষ্ট্র থেকে বিএসএফ-এর ব্রিগেডিয়ার পাণ্ডে আমাদের হেডকোয়ার্টারে আসেন এবং আমাদের সাহায্যের প্রতিশৃঙ্খল দেন। তিনি আপ্রাণ চেষ্টা করেন আমাদের সহায়তা করার, কিন্তু সে সাহায্য ছিল নগণ্য। আমরা চাচ্ছিলাম হালকা এবং ভারি স্বয়ংক্রিয় হাতিয়ার, মট্টার। কিন্তু সে সময় আমাদেরকে খুবই সামান্য ৩০৩ রাইফেল এবং সামান্য শুলি সাহায্য দেওয়া হয়। তা ছিল আমাদের দরকারের চেয়ে অনেক নগণ্য। এই সময়ে ব্রিগেডিয়ার পাণ্ডে আমাদেরকে মেজর জিয়াউর রহমান সম্বন্ধে বিস্তারিত জানান এবং একদিন মেজর জিয়াউর রহমানকে সঙ্গে নিয়ে আসেন। তিনি বলেন, পাকবাহিনীর প্রচণ্ড আক্রমণে ৮ম ইন্ট বেঙ্গল রেজিমেন্টের যথেষ্ট ক্ষয়ক্ষতি হয়েছে এবং যুদ্ধ করার জন্য তার কাছে অতি নগণ্য সংখ্যক সৈন্য আছে এবং তিনি আমাকে ও মেজর সফিউল্লাহ্'কে তাকে কিছু সৈন্য দেওয়ার অনুরোধ করেন। আমি এবং মেজর সফিউল্লাহ্ নিজ নিজ বাহিনী থেকে দুটো শক্তিশালী কোম্পানি গঠন করে মেজর জিয়াউর রহমানের নিকট প্রেরণ করি।

এই সময় পাকবাহিনী আগুণজ্ঞ, ব্রাক্ষণবাড়িয়া এবং পার্শ্ববর্তী এলাকাসমূহে আমাদের সম্প্রদাই বাহিনীর ওপর প্রবল বিমান আক্রমণ চালাতে থাকে। এই আক্রমণ এতই ভয়াবহ রূপ ধারণ করে যে, মাঝে মাঝে ৭ থেকে ৯ ঘণ্টা অন্বরত স্ট্রাফিং, রকেটিং এবং বিস্তৃত করতে থাকে। এপ্রিল মাসের মাঝামাঝি পাকবাহিনী বিমানবাহিনীর সহায়তায় হেলিকপ্টার এবং গানবোটের সাহায্যে আমাদের আগুণজ্ঞ পজিশনে সৈন্য অবতরণ করায়। আমাদের সৈন্যরা শক্রদের বিমান বাহিনী এবং ছত্রীদের সম্প্রদাই সাঁড়াশি আক্রমণের মুখ্য অসহায় হয়ে আগুণজ্ঞ থেকে ব্রাক্ষণবাড়িয়াতে পিছু হটে আসে। ব্রাক্ষণবাড়িয়াতেও শক্রবাহিনীর সাথে আমাদের সম্প্রদাই বাহিনীর প্রচণ্ড সংঘর্ষ হয় এবং শেষ পর্যন্ত শক্রদের সাঁজোয়া বাহিনী, বিমান বাহিনী এবং গোলন্দাজ বাহিনীর প্রচণ্ড আক্রমণে আর টিকতে না পেরে আমরা দুই রাস্তায় পিছু হটে গেলাম। আমার

সৈন্যরা ক্যাপ্টেন আইনউদ্দিনের নেতৃত্বে আখাউড়াতে এসে তিতাস নদীর উপর পুনরায় প্রতিরক্ষা বৃহ রচনা করে। মেজর সফিউল্লাহ তার বাহিনী নিয়ে মাধবপুরের দিকে চলে যায়। পাকবাহিনী ব্রাক্ষণবাড়িয়া থেকে এক ব্যাটালিয়ন শক্তি নিয়ে আসে এবং আখাউড়া আক্রমণ করে কিন্তু অনেক ক্ষয়ক্ষতি এবং হতাহত স্বীকার করে তারা পশ্চাদপসরণে বাধ্য হয়।

আমি এই সময়ে কুমিল্লার দক্ষিণে যে দলটি ছিল, অর্থাৎ ৪র্থ ইন্ট বেঙ্গলের 'বি' কোম্পানি তাদেরকে লে. মাহবুব এবং লে. দিদারের নেতৃত্বে আরও কিছু সৈন্য পাঠিয়ে জোরদার করি।

কুমিল্লা থেকে এপ্রিল মাসে ১৫/১৬ তারিখে পাকবাহিনীর বিরাট এক কনভয় প্রায় ৩০টি গাড়িতে সৈন্য ও অন্তর্শক্তি নিয়ে লাকসামের দিকে যাচ্ছিল। লে. মাহবুবের নেতৃত্বে ৪র্থ ইন্ট বেঙ্গল রেজিমেন্টের 'বি' কোম্পানির সৈন্যরা শক্রসেনাদের এই দলটিকে দুপুর ১২ টায় জাঙ্গালিয়ার নিকটে এ্যামবুশ করে। এই এ্যামবুশে শক্রসেনাদের যথেষ্ট ক্ষয়ক্ষতি হয়। সংঘর্ষ প্রায় পাঁচ ঘণ্টা স্থায়ী হয়। পাকসেনারা গাড়ি থেকে নেমে এ্যামবুশ পার্টিকে আক্রমণ করার চেষ্টা করে কিন্তু আমাদের সৈন্যদের সাহসিকতা এবং কৌশলের কাছে পর্যুদন্ত হয়ে ফিরে যেতে বাধ্য হয়। এই সংঘর্ষে লে. মাহবুব এবং লে. দিদার যথেষ্ট কৌশলের এবং যুদ্ধনিপুণতার পরিচয় দিয়েছিল। লে. মাহবুব তার সৈন্যদের নিয়ে রাস্তার পূর্বপাশে এ্যামবুশ করে ওঁৎ পেতে বসেছিল। যখন শক্রদের কনভয় তার এ্যামবুশ এর মাঝে পড়ে যায়, তখন সে তাদের উপর তার লোকজন দিয়ে গুলি ছুঁড়তে থাকে। এতে একটা গাড়ি রাস্তা থেকে এ্যাকসিডেন্ট করে পড়ে যায়। বাকি গাড়িগুলো থেকে পাকসেনারা লাফালাফি করে নিচে নামার চেষ্টা করে। এতেও তাদের যথেষ্ট হতাহত হয়। যেসব পাকসেনা গাড়ি থেকে ভালভাবে নামতে পারে তারা রাস্তার ওপারে (পশ্চিম দিক) গিয়ে একত্রিত হয় এবং লে. মাহবুবের উপর আক্রমণের প্রস্তুতি নেয়। এদিকে লে. দিদারুল আলম রাস্তার পশ্চিম পাশে বেঙ্গল রেজিমেন্টের সৈন্য নিয়ে তৈরি ছিল। সে পাকিস্তানিদের উপর অকস্মাত প্রচও আক্রমণ চালায়। এইভাবে দু'দিক থেকে আক্রান্ত হয়ে এবং নিজেদের এত হতাহত দেখে শক্রসেনাদের মনোবল একেবারেই ভেঙে যায়। মৃতদেহ ফেলে রেখেই তারা কুমিল্লার দিকে পালিয়ে যায়। এই যুদ্ধের ফলে লে. মাহবুব এবং লে. দিদারুল আলমের সম্মিলিত দলটি ২টি মেশিনগান, ৬টি হালকা মেশিনগান এবং প্রচুর রাইফেল আহত এবং নিহত শক্রসেনাদের কাছ থেকে ছিনিয়ে নেয়। যে বিশ্বস্ত গাড়িগুলো শক্ররা ফেলে গিয়েছিল, তা থেকে কয়েক হাজার এ্যামুনিশন উদ্ধার করা হয়। এর তিনদিন পরে স্থানীয় জনসাধারণ আরও ২টা হালকা মেশিনগান, কয়েকটা রাইফেল এবং বেশ কিছু গোরাবারুদ, যা শক্রসেনারা পালিয়ে যাবার সময় ধানক্ষেতে ফেলে দিয়ে গিয়েছিল আমাদেরকে পৌছে দেয়। এই এ্যাকশনের ফলে আমার এ্যামুনিশনের প্রয়োজনীয়তা সামরিকভাবে মিটেছিল এবং পাকবাহিনী বেশ কিছুদিন কুমিল্লার দক্ষিণে অগ্রসর হবার সাহস দেখায়নি।

এই সময় আখাউড়াতে পাকবাহিনী ব্রাক্ষণবাড়িয়ার দিক থেকে আবার আক্রমণ চালায়। এই আক্রমণে তাদের ২৫ জনের মতো হতাহত হয় এবং পাকবাহিনী আবার

ব্রাক্ষণবাড়িয়াতে পশ্চাদপসরণ করে। এগ্রিম মাসের শেষে পাকবাহিনী কুমিল্লা থেকে উত্তর দিকে ব্রাক্ষণবাড়িয়ার রাস্তায় অগ্রসর হয়ে ১২ ফ্রান্টিয়ার ফোর্স রেজিমেন্ট নিয়ে সাইদাবাদ দখল করে নেয়। পরে পশ্চিম দিক থেকে আক্রমণ চালিয়ে তারা নিয়ামতাবাদ, গঙ্গাসাগর দখল করে নেয়। আমি তখন কুমিল্লার বিবিরবাজার এলাকাতে যেখানে পাকবাহিনী প্রতিদিন আক্রমণ চালাচ্ছিল, সেখানে যুদ্ধ পরিচালনা করছিলাম। গঙ্গাসাগর, নিয়ামতাবাদ শক্রকবলিত শুনতে পেয়ে ক্যাপ্টেন আইনউদ্দিনকে নির্দেশ দিই ৪৪ ইন্সট বেঙ্গলের 'ডি' কোম্পানি নিয়ে কসবার উত্তরে চতুর্ভুরূ উঁচু পাহাড়ে প্রতিরক্ষাব্যুহ শক্ত করতে এবং সেই রাতেই কুমিল্লার দক্ষিণ হতে ৪৪ ইন্সট বেঙ্গলের 'এ' কোম্পানিকে উঠিয়ে আমার সঙ্গে নিয়ে গঙ্গাসাগরের নিকটে দুটি কোম্পানিকেই একত্রিত করি। সন্ধ্যায় যখন আমি চতুর্ভুরূর নিকটে পৌছি তখনই শক্রদের অবস্থান সম্বন্ধে মোটামুটি একটা বিবরণ ইপিআরদের কাছ থেকে অবগত হই এবং সেই রাতেই গঙ্গাসাগর এবং নিয়ামতাবাদে শক্রদের উপর আক্রমণ করার সিদ্ধান্ত নিই। ক্যাপ্টেন আইনউদ্দিন, ক্যাপ্টেন গাফ্ফার এবং একজন সুবেদারের নেতৃত্বে 'এ', 'সি' এবং 'ডি' কোম্পানি নিয়ে তোর ৫ টায় শক্রদের উপর আক্রমণ করার জন্য প্রস্তুতি নিতে নির্দেশ দিই। এই আক্রমণের পরিকল্পনা ছিল যে ক্যাপ্টেন গাফ্ফার এবং ক্যাপ্টেন আইনউদ্দিন পূর্বদিক থেকে শক্রদের গঙ্গাসাগর পজিশনের পিছন দিক দিয়ে ইনফিলট্রেট করে ভিতরে চুকে গঙ্গাসাগরের উপর আক্রমণ চালাবে এবং সেই সময়ে সুবেদার তার 'এ' কোম্পানি নিয়ে নিয়ামতাবাদের উপর যে জায়গাতে আমরা শক্রদের হেডকোয়ার্টার ভেবেছিলাম, সেখানে আক্রমণ চালাবে। এ দুই আক্রমণ এক সঙ্গে ৪ টায় শুরু হবে। আক্রমণের ঠিক দশ মিনিট আগে সুবেদার শামসুল হকের নেতৃত্বে ৪৪ ইন্সট বেঙ্গলের মর্টার এই দুই পজিশনের উপর গোলা ছুঁড়বে। রাত ১২ টায় এই পরিকল্পনা অনুযায়ী আমি এই তিনি কোম্পানি নিয়ে শক্রদের ঘাঁটিতে চুকে যাই। সেদিন টিপটিপ করে বৃষ্টি পড়ছিল। চতুর্দিকে বেশ পানি জমছিল। আমাদেরকে হাঁটু পানি ভেঙে অগ্রসর হতে হচ্ছিল। এক সময়ে আমার মনে হচ্ছিল আমরা যেন আমাদের ঠিক পথে যাচ্ছি না এবং এই সময়ে নিকটবর্তী একটা বাড়ির একটা লোকের সঙ্গে দেখা হয়। সেও একজন পুরানা অবসরপ্রাপ্ত সামরিক ব্যক্তি ছিল। এই ব্যক্তি আমাদেরকে শক্রদের অবস্থান সম্পর্কে দিনে দূরে থেকে যা দেখেছে সে সম্বন্ধে আরো বিস্তারিত খবর দেয়। এই ব্যক্তির সাহায্যে আমি এবং আমার প্রত্যেকটি দল তোর ৫ টায় আমাদের লক্ষ্যস্থলে পৌছে যাই। আক্রমণ করার সময় নির্দিষ্ট ছিল রাত ৪ টা। যেহেতু আমরা দেরিতে পৌছি সেহেতু ৫ টায় পরিকল্পনামতো আক্রমণ শুরু করে দিই। শক্রসেনারা অকস্মাত তাদের অবস্থানে এবং পিছনে ভয়ঙ্কর গোলাগুলির শব্দ শুনে ভীতসন্ত্রস্ত হয়ে পড়ে। কিছুক্ষণ যুদ্ধ করার পর তারা গঙ্গাসাগর এবং নিয়ামতাবাদ ছেড়ে সাইদাবাদে পশ্চাদপসরণ করে। আমরা পরের দিন সকালে গঙ্গাসাগরে আবার প্রতিরক্ষাব্যুহ গড়ে তুলি। শক্রসেনারা গঙ্গাসাগরে পর্যন্ত হয়ে কসবার দিকে অগ্রসর হবার চেষ্টা করে। তাদের প্রথম আক্রমণ আমরা ব্যর্থ করে দিই কিন্তু পরে গোলন্দাজবাহিনীর সহায়তায় পাকসেনারা টি. আলীর বাড়ি পর্যন্ত অগ্রসর হয় এবং ঘাঁটি গড়ে তোলে। আমরা আমাদের কসবা পুরানা বাজারে

পজিশন শক্তিশালী করে তুলি এবং শক্রসেনাকে কসবার দিকে অগ্রসর হতে বাধা দিই। টি. আলীর বাড়িতে শক্রসেনাদের যে ঘাঁটি ছিল সে ঘাঁটিতে ৪৩ ইন্ট বেঙ্গলের ‘ডি’ কোম্পানি মটোরের সহায়তায় ক্যাপ্টেন আইনউদ্দিন অকশ্মাং আক্রমণ করে। এই আক্রমণে শক্রদের ৪/৫টা গাড়িতে আগুন লেগে যায় এবং তাদের ২০-৩০ জন হতাহত হয়। তারা টি. আলীর বাড়ি ছেড়ে আরো পিছনে হটে যায়।

ইতোমধ্যে কুমিল্লার বিবিরবাজার পজিশনের উপর পাকবাহিনী প্রচণ্ড আক্রমণ করতে শুরু করে এবং অনেক ক্ষয়ক্ষতি স্বীকার করে কুমিল্লা শহরের সন্নিকটে দেড় মাইল পূর্বদিকে তারন্যপুর শক্র দখল করতে সমর্থ হয়। আমি ইপিআর-এর একটি কোম্পানি এবং কিছুসংখ্যক বেঙ্গল রেজিমেন্টের সৈন্য দিয়ে বিবিরবাজার প্রতিরক্ষাবৃহৎ আরও শক্তিশালী করে তুলি। প্র্দৰক্ষা অবস্থানে শক্রসেনারা বারবার আক্রমণ চালাতে থাকে। এই অবস্থানটির উপর পাকসেনাদের লক্ষ্য এজন্য ছিল যে প্রতিরাতে এখান থেকে আমার ছোট ছোট কমান্ডো পার্টি গোমতী নদী অতিক্রম করে কুমিল্লা শহরে পাকিস্তানি অবস্থানের উপর অতর্কিত হামলা চালাতো এবং ব্যতিব্যস্ত করে তুলতো। এখান থেকে অনেক সময় তাদের অবস্থানের উপর মটোর হামলাও চালাতাম। এতে প্রায়ই পাকসেনাদের অনেক লোক হতাহত হতো। অবশেষে পাকবাহিনী একদিন সন্ধ্যার সময় অতর্কিতে এই পজিশনের উপর ৩৯ বেলুচ রেজিমেন্টের সাহায্যে গোলান্দাজ বাহিনী এবং ট্যাঙ্কের সহায়তায় প্রচণ্ড আক্রমণ চালায়। প্রথমে শক্রসেনা পূর্বদিকে আক্রমণ চালনা করে। এই আক্রমণ আমার সৈনিকরা নস্যাং করে দেয় এবং শক্রদের অনেক লোক নিহত এবং আহত হয়। এরপর শক্রসেনারা দক্ষিণ দিক থেকে আমাদের পজিশনের উপরে পিছনে বামপাশে ট্যাংক ও ৩৯ বেলুচ রেজিমেন্টের সাহায্যে আক্রমণ চালায়। এই আক্রমণ অন্ততপক্ষে ৪/৫ ঘণ্টা স্থায়ী থাকে। আমাদের গুলিতে শক্রদের অন্তত ১০০ থেকে ১৫০ জন নিহত বা আহত হয়। কিন্তু ট্যাংক এবং গোলান্দাজ বাহিনীর প্রচণ্ড গোলাবর্ষণে এবং পিছন দিক থেকে ঘিরে ফেলার আশঙ্কা থাকায় আমাকে বাধ্য হয়ে এই অবস্থান ছাড়তে হয়।

এই যুদ্ধে ইপিআর-এর জওয়ানরা যথেষ্ট সাহসের পরিচয় দেয়। বিশেষ করে মনে পড়ে এক নায়েকের কথা, যে শক্রদের গুলি করতে করতে এত উত্তেজিত হয়ে পড়েছিল যে, তাদের নিহতের বিপুল সংখ্যা দেখে এক পর্যায়ে ‘জয় বাংলা’ হংকার দিয়ে দাঁড়িয়ে পড়ে এবং সেই সময়ে হঠাৎ দুর্ভাগ্যবশত তার মাথায় গুলি লাগে এবং সে মারা যায়। এ যুদ্ধে আমার ৬ জন সৈন্য মারা যায় এবং ৮/১০ জন আহত হয়। এইসব আহতদের আমরা পিছনে নিয়ে আসি কিন্তু দুর্ভাগ্যবশত তাদের চিকিৎসার বদোবস্ত করতে পারিনি। এ রকম একজন আহত তরুণ ছাত্রের কথা মনে পড়ে যার পেটে গুলি লেগেছিল কিন্তু তৎক্ষণাং অপারেশন করার কোনো ব্যবস্থা না থাকায় সে মারা যায়।

এদিকে গঙ্গাসাগরে এবং আখাউড়ায় শক্রসেনারা আবার তৎপর হয়ে ওঠে এবং বার বার আখাউড়া এবং গঙ্গাসাগরের উপর আক্রমণ চালায়। জুন মাসের প্রথমে পাকবাহিনীর ১২ ফ্রন্টিয়ার ফোর্স ট্যাংক, কামান এবং বিমানবাহিনীর সহায়তায় আখাউড়া রেলওয়ে স্টেশন এবং গঙ্গাসাগরের উপর প্রচণ্ড আক্রমণ চালায়। এই

আক্রমণে ৪৩ ইন্ট বেঙ্গলের 'ডি' কোম্পানি কিছুটা পিছু হটে আজমপুর, আখাউড়া রেলওয়ে স্টেশন থেকে আধা মাইল পূর্বে আবার প্রতিরক্ষাবৃহ গড়ে তোলে। এই প্রতিরক্ষাবৃহ সিলেট, চট্টগ্রাম, ঢাকা রেলওয়ে লাইনকেও শক্রদের ব্যবহার থেকে বাধা দিতে সমর্থ। এই অবস্থানগুলোর উপর পাকবাহিনী বারবার আক্রমণ চালায় এবং প্রতিবারই ৩০-৪০ জন করে সৈন্য হতাহত হওয়ায় তারা আক্রমণ থেকে নিরস্ত থাকে।

মে মাসে কর্নেল ওসমানী আমাদের হেডকোয়ার্টারে আসেন। সে সময় ভবিষ্যৎ যুদ্ধ পরিচালনা কীভাবে হবে সে সম্বন্ধে আমাদের সঙ্গে আলোচনা করেন। কর্নেল ওসমানী আমাকে নির্দেশ দেন যুদ্ধ পরিকল্পনা সম্বন্ধে একটা বেসিক পেপার তৈরি করতে। আমি মেজর সফিউল্লাহর সঙ্গে পরামর্শ করে একটা বেসিক পেপার তৈরি করে ফেলি। এই পরিকল্পনায় আমরা আমাদের মুক্তিযুদ্ধকে দুই বাহিনীর দ্বারা পরিচালিত করার পদ্ধতি নিই। আমরা পরিকল্পনা করি যে পাকিস্তানের সঙ্গে যুদ্ধ চালিয়ে যেতে হলে আমাদের শক্তিকে আরো বাড়াতে হবে। দুই রকমের বাহিনী গড়ে তুলতে হবে। নিয়মিত বাহিনী, যা ইন্ট বেঙ্গল রেজিমেন্ট, ইপিআর এবং অন্যান্য আর্মস ও সার্ভিসেস-এর নিয়মিত সৈনিকদের নিয়ে গঠিত হবে। এই সব নিয়মিত বাহিনী নিয়ে ইন্ট বেঙ্গল রেজিমেন্টের একটা ডিভিশন গড়ে উঠবে এবং কিছুসংখ্যক নিয়মিত সৈন্য নিয়ে প্রত্যেক সেক্টরেই কোম্পানি গঠন করা হবে এবং সেইসব কোম্পানি শক্রদের যোগাযোগ ব্যবস্থায় কর্মান্বো এ্যাকশন চালিয়ে যাবে। ইন্ট বেঙ্গল রেজিমেন্টের পূরনো এবং নতুন ব্যাটালিয়নগুলো নিয়ে ব্রিগেড গঠন করে সেইসব ব্রিগেড শক্রদের ঘাঁটির উপর আক্রমণ চালাবে এবং প্রয়োজন হলে দখলীকৃত অবস্থানগুলোতে প্রতিরক্ষাবৃহ গড়ে তুলবে। যেসব যুবক পাকবাহিনীর বিরুদ্ধে যুদ্ধ করার প্রতিজ্ঞা নিয়ে আমাদের কাছে এসেছে তাদেরকেও ট্রেনিং দিয়ে একটা অনিয়মিত বাহিনী গড়ে তুলতে হবে। এই অনিয়মিত বাহিনী ছোট ছোট গ্রুপ এবং কোম্পানিতে বিভক্ত হয়ে বাংলাদেশের ভেতরে প্রবেশ করে নিজ নিজ এলাকা শক্রমুক্ত করবে। এসব নিয়মিত বাহিনীর কোম্পানি এবং গ্রুপগুলো যাতে ভালভাবে কাজ করতে পারে সেজন্য তাদের পরিচালনার জন্য নিয়মিত বাহিনী থেকে জেসিও বা এনসিওদেরকে পরিচালনার জন্য পাঠানো হবে। এই পরিকল্পনাতে আমরা আরো উল্লেখ করি যে নিয়মিত বাহিনীর অন্তর্শস্ত্র পাকিস্তানি নিয়মিত বাহিনীর অন্তর্শস্ত্রের মতোই হবে। কিন্তু অনিয়মিত বাহিনীর অন্তর্শস্ত্র হালকা ধরনের হবে এবং এলএমজি-র চেয়ে ভারি অন্তর্শস্ত্র দেওয়ার প্রয়োজন হবে না।

জেনারেল ওসমানী আমাদের সাথে একমত হন এবং তিনি আমাদেরকে আশ্বাস দেন যে এই পরিকল্পনা যাতে তাড়াতাড়ি কার্যকর হয় তিনি তার চেষ্টা করবেন। ইতোমধ্যে বাংলাদেশের হাজার হাজার লোক ভারতে গিয়ে আশ্রয় নিয়েছে। অনেক যুবক আমাদের কাছে যুদ্ধ করার ইচ্ছা প্রকাশ করে। আমি আমার হেডকোয়ার্টারে একটা ট্রেনিং ক্যাম্প চালু করে দিই। এই ট্রেনিং ক্যাম্পে বিভিন্ন ধরনের ট্রেনিং-এর প্রবর্তন করি। বিশেষ করে পাকবাহিনীর যোগাযোগ ব্যবস্থাকে বিধ্বন্ত করে দেওয়ার জন্য ডেমোলিশন ট্রেনিং দেওয়ার ব্যবস্থা করি। এই ট্রেনিং-এর ভার ক্যাপ্টেন হায়দার এবং হাবিলদার মুনিরের উপর ন্যস্ত করি। অতিসত্ত্বরই আমার বেশ কিছু ডেমোলিশন টিম

ট্রেইভ হয়ে যায়। প্রথমেই আমি এসব টিমগুলোকে ঢাকা, কুমিল্লা, ব্রাঞ্ছণবাড়িয়া এবং কুমিল্লা-চট্টগ্রাম রেললাইন এবং পাকা সড়কে পাঠিয়ে দিই। তাদের এ কাজ দিই যে যতটুকু সম্ভব পুল এবং রেলওয়ে লাইন ধ্বংস করে দেয়ার জন্য। এসব কাজে আমাদের সবচেয়ে বড় অসুবিধার সৃষ্টি হয় ডেমোলিশন-এর সরঞ্জামাদির অভাবে। আমরা হয়ত বিশ্বেরক পাই কিন্তু বিশ্বেরক ফোটানোর ডোটোনেটোর পাই না কিংবা অন্য কোনো সরঞ্জামাদি। এসব অসুবিধার মধ্যেও আমরা প্রত্যেকটি রেল এবং রাস্তাতে বেশ কিছুসংখ্যক পুল ধ্বংস করে দিতে সক্ষম হই। যার ফলে পাকিস্তানিদের ঢাকার সঙ্গে এইসব প্রধান স্থানগুলোর যোগাযোগ ব্যবস্থা বিনষ্ট হয়ে যায় এবং পাকিস্তানকে বিমান ও জলপথের সাহায্য নিতে হয়। ঐরূপ অবস্থা শেষ পর্যন্ত চলে।

আমি আমার হেডকোয়ার্টার তেলিয়াপাড়া থেকে সরিয়ে কুমিল্লার কাছে ভারতের মতিনগর নামক স্থানে স্থাপন করি। এখান থেকে কুমিল্লা এবং ঢাকা কাছে হওয়াতে আমার পক্ষে এসব জায়গাতে গেরিলা তৎপরতা চালানো অনেক সুবিধাজনক হয়। আমার ট্রেনিং ক্যাম্প এ সময়ে অনেক বড় হয়ে যায় এবং হাজার হাজার ছেলেদের আমি ট্রেনিং দিতে শুরু করি। এসব ছেলেদের মধ্যে অনেককেই আমি নিয়মিত বাহিনীতে ভর্তি করি এবং অনেককে অনিয়মিত বাহিনীর শিক্ষা প্রদান করি। প্রথম অবস্থায় সৈন্যদের এবং অনিয়মিত বাহিনীর লোকদের থাকা-খাওয়ার ও চিকিৎসার অত্যন্ত অসুবিধা হয়। আমাদের কাছে না ছিল রসদ, না ছিল টাকা পয়সা, না ছিল বাসস্থান। অনেক সময় এই সব হাজার হাজার লোককে খাওয়ানোর জন্য আমাকে বাংলাদেশের ভেতর বিভিন্ন রেশন ডিপো (এলএসডি) থেকে রসদ জোরপূর্বক আনতে হয়েছিল: কোনো কোনো সময়ে রসদের ব্যবস্থা হলেও হাজার হাজার লোকের খাবার তৈরির হাঁড়ি-পাতিল-বাসনপত্র ছিল না। তেলের ড্রাম কেটে আমরা পাত্র তৈরি করে নিই। অনেক সময় এমন দিন যায় যে ২৪ ঘণ্টার মধ্যে মাত্র একবার ক্যাম্পের লোক থেতে পেয়েছে—শুধু আধাসিদ্ধ ভাত, কোনো সময় ডাল ছাড়াই। থাকার জন্য কোন আশ্রয় না থাকায় অধিকাংশ লোকজনকে বৃষ্টিতে ভিজতে হত। কোনো বিশুদ্ধ পানি ছিল না, নালার পানি ব্যবহার করতে হত। তবুও এত কষ্টের ভেতরে আমি ক্যাম্পে লোকজনের মুখে সব সময় হাসি এবং উৎফুল্ল ভাব দেখতাম। এরা সবাই নিয়মিত এবং গণবাহিনী মিলেমিশে সব প্রতিকূল অবস্থার মধ্যে নিজেদের খাপ খাইয়ে নিয়েছিল। আস্তে আস্তে অবস্থার কিছুটা উন্নতি হয়। ভারত সরকার ইউথ ক্যাম্প তৈরি করার জন্য সাহায্য দেয়। আমি আগরতলার রিলিফ ডিপার্টমেন্ট-এর সঙ্গে সাক্ষাৎ করে একটা ইউথ ক্যাম্পের অনুমোদন করিয়ে নিই। তাদের কিছুটা আর্থিক সাহায্যের ব্যবস্থা করি এবং আমার লোকদের প্রচেষ্টায় আমরা মেলাঘর নামক স্থানে একটা ক্যাম্প গঠন করি। এ জায়গাটা পাহাড়ের উপর এবং জঙ্গলের ভেতর বেশ একটা সুন্দর জায়গায় অবস্থিত ছিল। পাকিস্তানি হামলার আশঙ্কা থেকেও বিপদমুক্ত ছিল। এখানেই আমি আমার স্থায়ী হেডকোয়ার্টার স্থাপন করি। এ ক্যাম্পটিতে বেশি জায়গা ছিল বলে আমি তিন চার হাজার লোককে একত্রে থাকা-খাওয়া এবং ট্রেনিং-এর বন্দোবস্ত করতে পারি। এ ক্যাম্পে আমি নিয়মিত ও গণবাহিনীর উভয় প্রকারের মুক্তিযোদ্ধার ট্রেনিং শুরু করি। এ

সময় কুমিল্লার দক্ষিণে আমার যেসব সেনাদল ছিল তাদেরকে নিয়ে একটা সাব-সেক্টর গঠন করি। এ সাব-সেক্টর হেডকোয়ার্টার আমি নির্ভয়পুরে স্থাপন করি। ক্যাপ্টেন আকবর, লে. মাহবুব এবং লে. কবির এই সাব-সেক্টর থেকে যুদ্ধ চালিয়ে যাচ্ছিল। এখান থেকে একটি কোম্পানি সুবেদার আলী আকবর পাটোয়ারীর অধীনে লাকসামের পশ্চিম এলাকায় তাদের গোপন ঘাঁটি স্থাপন করে এবং এখান হতে নোয়াখালী, লাকসাম, কুমিল্লা, চাঁদপুরের রাস্তায় শক্রসেনাদের উপর অনেক আক্রমণ চালাতে থাকে।

জুলাই মাসে শক্রদের একটি শক্তিশালী দল এ এলাকাকে মুক্তিসেনাদের হাত থেকে মুক্ত করার জন্য লঞ্চযোগে চাঁদপুর থেকে ডাকাতিয়া নদীতে অগ্সর হয়। সুবেদার আলী আকবর পাটোয়ারী আগে থেকে এ সম্বন্ধে খবর পেয়েছিল। সে হতুরার নিকট একটি সুপারির বাগানে শক্রসেনাকে এ্যামবুশ করার জন্য প্রস্তুত ছিল। নদীর দু'পাশে হালকা মেশিনগান লাগিয়ে শক্রদলের অপেক্ষায় ছিল। সকাল ১১ টায় শক্ররা লঞ্চযোগে এ্যামবুশ অবস্থানের মধ্যে পৌছায় এবং নদীর দুই তীর থেকে আমাদের কোম্পানির লোকেরা শক্রসেনার উপর অতর্কিত গোলাগুলি চালায়। এতে লঞ্চের মধ্যে অনেক শক্রসেনা হতাহত হয়। এ সংঘর্ষে শক্রসেনারা পর্যন্ত হয়। উপায়ান্তর না দেখে শক্রসেনারা পিছু হটে যায় এবং আবার লঞ্চ থেকে নেমে অগ্সর হওয়ার চেষ্টা করে। কিন্তু এবারও তারা পরাস্ত হয়ে চাঁদপুরে ফিরে যায়। এ কোম্পানি পরে চাঁদপুর থেকে কুমিল্লার বেশকয়েকটি সেতু ও রেলসেতু ধ্বংস করে দেয়। পাকবাহিনী পরবর্তী পর্যায়ে অনেকবার আমাদের এ মুক্ত এলাকাকে দখল করার চেষ্টা করে কিন্তু তারা অসমর্থ হয়। নির্ভয়পুর থেকে আমাদের সৈন্যরা এবং গেরিলা বাহিনী লাকসাম-চট্টগ্রাম রেলওয়ে লাইনের লাকসাম ও চৌক্ষগামের দক্ষিণে রেলসেতু এবং রাস্তার সেতু ধ্বংস করে দেয়। এতে চট্টগ্রাম এবং কুমিল্লার মধ্যে যোগাযোগ ব্যবস্থা সম্পূর্ণ বিপর্যস্ত হয়।

উত্তরাঞ্চলে কসবা, মন্দভাগ, আখাউড়া, শালদানদী প্রভৃতি অঞ্চলে যখন আমার সেনাদলের সাথে পাকবাহিনীর প্রত্যহ সংঘর্ষ তীব্রতর হচ্ছিল, সে সময়ে কুমিল্লার দক্ষিণাঞ্চলে মিয়ারবাজার এবং চৌক্ষগাম অঞ্চলেও আস্তে আস্তে পাকবাহিনীর সাথে সংঘর্ষের সূত্রপাত হয়। আমার ৪৩ ইষ্ট বেঙ্গলের 'বি' কোম্পানির একটি প্লাটুন এবং ইপিআর ও মুজাহিদদের নিয়ে গঠিত সম্মিলিত দলটি জুন মাসের প্রথম সপ্তাহে মিয়ার বাজারে ঢাকা-চট্টগ্রাম মহাসড়কের উপর প্রতিরক্ষা অবস্থান গঠন করে ব্যুহকে আরো শক্তিশালী করে তোলে। এর ফলে চট্টগ্রাম-ঢাকার মধ্যে যোগাযোগ বন্ধ হয়ে যায়। পাকবাহিনীর মধ্যে এ অবস্থার তীব্র প্রতিক্রিয়া দেখা দেয়। মিয়ারবাজারের নিকট যে রাস্তায় সেতুটি ছিল, সেটা ভেঙে দেয়া হয়। এছাড়া কুমিল্লার ৬ মাইল দক্ষিণে বাগমারাতে যে রেলওয়ে সেতুটি ছিল, সেটাও উড়িয়ে দেয়া হয়। পাকবাহিনী ঢাকা-চট্টগ্রাম মহাসড়ক পুনরায় খোলার জন্য ৩০ মে সকাল ৬ টায় দুই কোম্পানি সৈন্য নিয়ে দক্ষিণ দিকে অগ্সর হয়। বেলা ১১ টায় সময় আমাদের একটি এ্যামবুশ দল মিয়ারবাজারের উত্তরে পাকসেনাদের উপরে অতর্কিত হামলা চালায়। শক্রসেনাদল মিয়ারবাজারের এত আগে এ ধরনের হামলার জন্য প্রস্তুত ছিল না—ফলে তারা সম্পূর্ণ

হতচকিত হয়ে যায়। তিন ঘণ্টা যুদ্ধের পর শক্রসেনারা ছত্রভঙ্গ হয়ে কুমিল্লার দিকে পলায়ন করে। এ যুদ্ধে শক্রদের প্রায় ৫০ জন হতাহত হয় এবং আমাদের সেনাদল ২ টি ও টন গাড়ি, গোলাবারুদসহ ধ্বংস করে দেয় এবং ১টি গাড়ি দখল করে নেয়। আমাদের পক্ষে ২ জন সৈন্য নিহত এবং একজন আহত হয়। এরপর শক্ররা কুমিল্লা বিমান বন্দর অবস্থান থেকে আমাদের মিয়ারবাজারের প্রতিরক্ষা অবস্থানের উপর ভীষণভাবে ভারি কামানের সাহায্যে গোলাবর্ষণ করতে থাকে এবং সঙ্গে সঙ্গে এ অবস্থানের উপর পুনরায় আক্রমণ করার চেষ্টা চালায়। শক্রদের একটি শক্রিশালী পেট্রোল পার্টি চিওরা হয়ে মিয়ারবাজারের পূর্বদিক দিয়ে আমাদের অবস্থানের ভেতর প্রবেশের চেষ্টা করে। কিন্তু লে. কবিরের নেতৃত্বে আমাদের একটা ছোট দল পাকবাহিনীর পেট্রোল পার্টিকে এ্যামবুশ করে। এই এ্যামবুশে পাকবাহিনীর ১০ জন নিহত হয়। লে. কবির পাকবাহিনীর পিছু ধাওয়া করে তাদেরকে তাড়িয়ে দেয়।

মিয়ারবাজারের অবস্থানটির উপর পাকসেনাদের চাপ বাড়তে থাকে। কামানের গোলা দিনে দিনে আমাদের অবস্থানের উপর তীব্র হতে থাকে। অবস্থানটি বেশি দিন আর টিকানো যাবে না ভেবে আমি লে. ইমামুজ্জামানকে একটু পিছু হটে চৌদ্দগ্রাম থানার বাজারের নিকট নতুন করে অবস্থান তৈরির নির্দেশ দিই। লে. ইমামুজ্জামান তার দলকে নিয়ে চৌদ্দগ্রামে আবার এক নতুন প্রতিরক্ষাবৃহৎ গড়ে তোলে। এ প্রতিরক্ষাবৃহৎ তিন দিকে মুখ করে গড়ে তোলা হয়। ৪৬ ইষ্ট বেঙ্গলের প্লাটুনটি মিয়ারবাজারে কুমিল্লার দিকে মুখ করে পজিশন নেয়। কুমিল্লা-চট্টগ্রাম রাস্তায় মিয়ারবাজারে যে সেতুটি ছিল, সে সেতুটির দক্ষিণে অবস্থানটি গড়ে তোলে। এদের উপর দায়িত্ব ছিল কুমিল্লা থেকে পাকবাহিনীকে দক্ষিণ দিকে অগ্রসরে বাধা দেওয়া। আরেকটি প্লাটুনকে পশ্চিম দিকে মুখ করে বাগমারা থেকে যে কাঁচা রাস্তা মিয়ারবাজারের দিকে আসে তার উপর প্রতিরক্ষাবৃহৎ গঠন করার নির্দেশ দিই। মুজাহিদ কোম্পানির দায়িত্ব ছিল দক্ষিণ দিকে মুখ করে মিয়ারবাজার হতে আধা মাইল দক্ষিণে চট্টগ্রাম-কুমিল্লা মহাসড়কের উপর অবস্থান গড়ে তোলা এবং দক্ষিণ থেকে শক্রসেনার অগ্রগতিকে বাধা দেওয়া। কিছু কিছু মাইন এবং সরু বাঁশ কেটে আমরা এ অবস্থানটির চতুর্দিকে পুঁতে দিই। এতে আমাদের অবস্থানটি আরো শক্রিশালী হয়ে ওঠে। এ অবস্থানটির হেডকোয়ার্টার চৌদ্দগ্রাম থানায় স্থাপন করি। দু'সপ্তাহ পরে শক্রসেনারা কুমিল্লার দিক থেকে এ অবস্থানটির উপর দুটি কোম্পানি নিয়ে আক্রমণ চালায়। কিন্তু শক্রদের বেশ কিছুসংখ্যক সৈন্য হতাহত হওয়ার পরে তারা আক্রমণ বন্ধ করে দিয়ে পশ্চাদপসরণ করে। শক্ররা আমাদের অবস্থানের উপর তাদের কামানের গোলা চালিয়ে যায়।

১৪ জুন সকাল ৬ টার সময় পাকসেনারা নয়াবাজার হয়ে চৌদ্দগ্রামের দিকে অগ্রসর হয় কিন্তু তারা নয়াবাজারের নিকট আমাদের একটা এ্যামবুশ পার্টির ফাঁদে পড়ে যায়। শক্রদের প্রায় ৩০ জন হতাহত হয় এবং তাদের অগ্রগতি ব্যাহত হয় এবং পিছু হটে যায়। ২৯শে জুন সকাল ৬ টায় পাকসেনারা অস্তপক্ষে দুটি ব্যাটালিয়ন নিয়ে দুইদিক থেকে (লাকসাম এবং ফেনীর দিক থেকে) প্রবল আক্রমণ শুরু করে। কামানের তীব্র গোলার মুখে আমাদের সম্মুখবর্তী সৈনিকরা পিছু হটে আসতে বাধ্য হয়। পাকসেনাদের

আক্রমণ সন্ধ্যা পর্যন্ত চলতে থাকে। সন্ধ্যা সাড়ে ৭ টা পর্যন্ত পাকসেনাদের আক্রমণে আমাদের চৌদ্দগ্রামের অবস্থানটি সঞ্চিতময় হয়ে পড়ে। আর বেশিক্ষণ এ অবস্থানটিতে থাকলে রাতের অন্ধকারে শক্রসেনা দ্বারা পরিবেষ্টিত হবার আশঙ্কা ছিল। যদিও পাকসেনাদের সমস্ত দিনের যুদ্ধে অন্তত ২০০ জন হতাহত হয়েছিল এবং আমাদের পক্ষে শক্তির সংখ্যা ছিল ২ জন নিহত এবং ৪ জন আহত, তবুও চৌদ্দগ্রাম অবস্থানটি শক্রদের প্রবল আক্রমণের মুখ থেকে আর রক্ষা করা যাবে না বলে সন্ধ্যা সাড়ে ৭ টায় আমাদের সেনাদল অবস্থাটি পরিত্যাগ করে।

মে মাসে যখন আমাদের শক্রদের সঙ্গে সম্মুখসমর চলছিল, সে সময় আমার মুক্তিযোদ্ধারা শক্র বাহিনীর পিছনে তাদের আক্রমণ চালিয়ে যাচ্ছিল। ২১ মে ২ জন মুক্তিযোদ্ধা জামাল এবং খোকন একটি এ্যান্টি-ট্যাংক মাইন পুঁতে শক্রবাহী ১টি ট্রাককে কুমিল্লার নিকট উড়িয়ে দেয়। গেরিলাদের আর একটি পার্টি দেবীদ্বার থানা আক্রমণ করে ৬ জন দালাল পুলিশকে নিহত করে। গেরিলাদের হাতে হাজিগঞ্জ থানার ১ জন পুলিশ সাব-ইসপেন্টের ও ২ জন দালাল পুলিশ নিহত হয়। এ পুলিশদের নিহত হওয়ার সংবাদ পেয়ে পাকবাহিনীর একটি ছোট দল (দশ জনের মত) হাজিগঞ্জ থানা পাহারায় নিযুক্ত হয়। গেরিলারা একদিন আক্রমণ চালিয়ে তাদের চারজনকে নিহত করে।

এ সময়ে ঢাকাতে আমাদের কমান্ডো ছেলেরা নয়টি সরকারি অফিসে আক্রমণ চালিয়ে বিক্ষেপণ ঘটায়। সেগুলো ছিল সেক্রেটারিয়েট বিভিঃ; হাবিব ব্যাঙ্ক, স্টেট ব্যাঙ্ক, টেলিফোন এক্সচেঞ্জ, সদরঘাট টার্মিনাল, পাকিস্তান অবজারভার অফিস প্রভৃতি। এসব আক্রমণে চারজন পাকসেনা অফিসার এবং দু'জন সৈনিক নিহত হয়।

কুমিল্লার দক্ষিণে গৌরীপুর নামক স্থানে আমাদের কমান্ডোরা পাকসেনাদের উপর অক্ষাৎ আক্রমণ চালায়। এ আক্রমণেও পাকসেনাদের ৯ জন সৈন্য নিহত হয়।

পাকসেনারা ইতোমধ্যে শালদানদী এলাকায় বিশেষভাবে তাদের সৈন্যসংখ্যা বাড়াতে থাকে। তাদের ১টা রেলওয়ে ট্রলি, যা শক্রদের জন্য রেশন এবং এমুনিশন নিয়ে যাচ্ছিল—২১ মে আমাদের একটা ছোট এ্যামবুশ দলের হাতে ধরা পড়ে। এর ফলে আমাদের হস্তগত হয় MG1A3 মেশিনগান, ৭৫ মি.মি. এবং ১০৬ মি.মি. আরআর-এর শেল।

২২ মে তারিখে মুজাহিদ ক্যাপ্টেন আবদুল হকের নেতৃত্বে একটি গেরিলাদল শালদানদী এলাকায় অবস্থানরত শক্রদের প্রতিরক্ষা ঘাঁটির উপর অক্ষাৎ আক্রমণ চালায়। এ আক্রমণটা শক্রদের পিছন থেকে পরিচালিত করা হয়। শক্ররা এরকম আক্রমণের জন্য একদম প্রস্তুত ছিল না। মুজাহিদ ক্যাপ্টেন আবদুল হকের প্লাটুন শক্রদের অবস্থানটি ভেদ করে ভেতরে প্রবেশ করে। শক্ররা তাদের অবস্থানের ভেতর এ অতর্কিত আক্রমণে সম্পূর্ণ হতচকিত হয়ে যায়। এ আক্রমণ ফলে পরে আমরা জানতে পারি যে, শক্রদের প্রায় ১৫ জন হতাহত হয়েছে এবং তাদের মধ্যে ৪ জন মারা যায়।

২৫ মে রাত আড়াইটার সময় আমাদের এ্যামবুশ পার্টি বাটপাড়া জোড়কাননে নিকটে শক্রদের ১টা ট্রাক এবং ১টা আরআর জীপ এ্যামবুশ করে। এই এ্যামবুশে শক্রদের প্রায় ২০ জন সৈনিক ট্রাক এবং জীপসহ ধ্রংস হয়ে যায়। ২৯ মে সকাল সাড়ে

৬ টায় একটা এ্যাম্বুশ পার্টি সুবেদার আবদুর রহমানের নেতৃত্বে ১৫ জন লোক নিয়ে কুমিল্লার উত্তরে রঘুরামপুর নামক স্থানে এ্যাম্বুশ করে বসে থাকে। শক্রদের একটা পেট্রোল পার্টি ১ জন অফিসার ও ২৫ জন সৈন্য নিয়ে আমাদের এ্যাম্বুশের ফাঁদে পড়ে যায় এবং সম্পূর্ণরূপে ধ্বংস হয়ে যায়। ২৭ মে মন্দভাগ থেকে ১টি প্লাটুন বিকাল সাড়ে ৫ টার কুটি-সালদানদী সিএভিবি রাস্তার উপর শক্রদের এ্যাম্বুশ করে। এ এ্যাম্বুশের ফলে শক্রদের ৯ জন লোক নিহত হয় এবং ১টা জীপ ও ১টা ডজ গাড়ি ধ্বংস হয়ে যায়। শক্ররা তাদের মৃতদেহগুলো রেখেই পলায়ন করে। পেট্রোল পার্টি ২ জন পাকসেনাকে জীবিত অবস্থায় ধরতে সক্ষম হয়। মে মাসের মাঝামাঝি ফেনী এবং লাকসামের মাঝে রেলওয়ে ব্রীজ উড়িয়ে দেওয়া হয়। রেলওয়ে ব্রীজের উপর পাক সেনাদের ১০ জন পাহারারত ছিল। তাদেরকেও সঙ্গে সঙ্গে ফেলা হয়।

২৬ মে ক্যাপ্টেন আইনউদ্দিনের নেতৃত্বে ১টি শক্রিশালী দল কসবার উত্তরে ইমামবাড়ির নিকট ১৫০ পাউণ্ড এক্সপ্লোসিভ লাগিয়ে রেলওয়ে ব্রীজ ধ্বংস করে দেয়। এরপর এ দলটি শক্রদের জন্য এ্যাম্বুশ করে বসে থাকে। শক্ররা ব্রীজের দিকে অগ্রসর হয়। শব্দ শুনে আমাদের দল তৈরি হয়। ব্রীজ পর্যন্ত পৌছার আগেই পাক সেনারা এ্যাম্বুশ-এর ভয়ে সেখান থেকে ফেরত চলে যায়। ক্যাপ্টেন আইনউদ্দিন পরে তার দলটিকে নিয়ে কর্নেল বাজারে শক্র অবস্থানের উপর অকস্মাত আক্রমণ চালায়। এ আক্রমণের সময় ৭৫ মি.মি. আরআর-এর সাহায্যে শক্রদের কয়েকটি বাংকার ধ্বংস করে দেয় এবং সঙ্গে সঙ্গে ৩ ইঞ্জিন মর্টারের সাহায্যে গোলাবর্ষণ করে। এতে শক্রদের ৮ জন সেনা নিহত হয় এবং কয়েকটি বাংকার ধ্বংস হয়।

আখাউড়া থেকে আমাদের অবস্থান পরিত্যাগ করার পর আমি আমার দলকে আখাউড়ার উত্তরে আজমপুর গ্রামে সিঙ্গরবিলে পজিশন নেওয়ার নির্দেশ দিই। লে. হারুনের নেতৃত্বে ১টি ইপিআর কোম্পানি এবং ৪ৰ্থ ইন্ট বেঙ্গলের ১টি প্লাটুন আজমপুর রেলওয়ে কলোনীর পিছনে মাধবপুর সড়ক এবং রেল লাইনের উপর প্রতিরক্ষাবৃহৎ গঠন করে। এ জায়গাটা ছিল একটু উঁচু এবং এর ডান দিকে তিতাস নদী থাকাতে এ অবস্থানটি খুবই গুরুত্বপূর্ণ ছিল। পাকসেনারা প্রথমে বুঝতে পারেনি যে আমরা এ জায়গাতে প্রতিরক্ষা অবস্থান নিয়েছি। শক্রদল আখাউড়া দখল করার পর ভেবেছিল যে এবার তারা সিলেট-আখাউড়া লাইনে ট্রেন যোগাযোগ পুনরায় চালু করবে। এ জন্য সিলেটের দিক থেকে একটি লাইট ইঞ্জিন এবং কয়েকটি বগিসহ মাধবপুর থেকে দক্ষিণে পাঠায়। সিঙ্গারবিল স্টেশনের কিছু উত্তরে পুলের নিকট লে. হারুন কয়েকটি এ্যান্টি-ট্যাংক মাইন রেল লাইনের নিচে আগেই পুঁতে রেখেছিল। এ ট্রেনটি লাইনের উপর দিয়ে আসার সময় মাইনের আঘাতে লাইনচ্যুত হয়ে যায়। এর কিছুদিন পরে পাকিস্তান বাহিনীর কিছু সৈনিক এবং রেলওয়ে কর্মচারীরা ক্রেন নিয়ে আসে এ ট্রেনটি তোলার জন্য। কিন্তু পাক সেনাদের এ দলটি লে. হারুনের পূর্ব পরিকল্পিত এ্যাম্বুশে পড়ে যায়। এর ফলে প্রায় ২০ জন পাক সেনা নিহত হয় এবং তারা রেলওয়ে কর্মচারীসহ সেখান থেকে পালিয়ে যায়। এর কিছুদিন পর লে. হারুন সিঙ্গারবিল লেওয়ে ব্রীজ ১৪০ পাউণ্ড এক্সপ্লোসিভ লাগিয়ে উড়িয়ে দেয়। পাকবাহিনী এ সেতুটি

মেরামত করার জন্য রেলওয়ে কর্মচারী ও আরো সরঞ্জাম সিঙ্গারবিল রেলওয়ে টেশনে জমা করে। এরপর সেসব সরঞ্জাম তারা রেলওয়ে সেতুটির নিকট নিজেদের তত্ত্বাবধানে এবং পাহারাধীনে আনে। লে. হারুনের ঘর্টান প্লাটুন সুবেদার শামসুল হক এ সময়েরই অপেক্ষায় ছিল। পাক বাহিনী কয়েক দিন পর সকালে যখন তাদের সেতু মেরামতের কাজ আরম্ভ করেছে, ঠিক সে সময় সুবেদার শামসুল হকের ঘর্টার তাদের লক্ষ্য করে গোলা ছুঁড়তে থাকে এবং সঙ্গে সঙ্গে লে. হারুনও তার সৈন্যদের দিয়ে আক্রমণ চালায়। পাকবাহিনী এ আক্রমণের মুখে টিকতে না পেরে তাদের সমস্ত সরঞ্জাম ফেলে সেখান থেকে পলায়ন করে এবং সে সঙ্গে সিলেট-চট্টগ্রাম রেলওয়ে লাইন তাদের জন্য চিরতরে বন্ধ হয়ে যায়। এ সংঘর্ষে পাক বাহিনীর ১০ জন লোক নিহত হয়।

কিছুদিন পর পাকবাহিনী আমাদের আজমপুর পজিশনের উপর কামান দিয়ে গোলাবর্ষণ করতে থাকে। তারা বুঝতে পেরেছিল যে আজমপুর থেকে আমাদের অবস্থানটিকে দখল করতে না পারলে সিলেট-ঢাকা রেলওয়ে লাইন তারা কখনও চালু পারবে না।

২৯ মে পাকিস্তানিরা কয়েকটি ফাইটিং পেট্রোল আজমপুর পজিশনের পশ্চিমে তিতাস নদী বরাবর পাঠায় আমাদের পজিশন সংস্কে বিস্তারিত জানবার জন্য। কিন্তু সর্বক্ষেত্রেই এসব দল আমাদের হাতে পর্যন্ত হয়ে পলায়ন করে। আমরাও পাক সেনাবাহিনীর আখাউড়া অবস্থানে ছোট ছোট দল পাঠিয়ে ব্যতিব্যন্ত করে তুলি। আমরা জানতে পারি যে, ব্রাক্ষণবাড়িয়া থেকে ট্রলি বা লাইট ইঞ্জিনের মাধ্যমে পাকবাহিনী তাদের রসদ এবং সরঞ্জাম আখাউড়াতে পাঠায়। এ খবর জানতে পেরে আমাদের একটি দল ব্রাক্ষণবাড়িয়ার ২ মাইল দক্ষিণে রেল লাইনের নিচে মাইন পুঁতে দেয়, কিন্তু পাক বাহিনী স্থানীয় দালালদের সহায়তায় এসব মাইন সংস্কে জানতে পারে এবং সেগুলো উঠিয়ে নেয়। পাকবাহিনী এ সময়ে রেল লাইনের নিকটবর্তী গ্রামের লোকদেরকে কঠোর সতর্ক করে দেয় যে, কোনো গ্রামের নিকটে মুক্তিবাহিনী যদি তাদের কোনো ক্ষতিসাধন করে তবে সে গ্রাম পুড়িয়ে দেয়া হবে। এ সতর্কতার ঘোষণার প্রতিদিন রাতে পার্শ্ববর্তী গ্রামগুলো হতে লোকজন রেলওয়ে লাইন এবং সড়ক পাহারা দিতো। এর ফলে আমাকে পাকবাহিনীর গতিবিধির উপর বাধাবিঘ্ন সৃষ্টি করতে যথেষ্ট বেগ পেতে হয়েছিল।

এ রকম বাধাবিপত্তির সম্মুখীন আরো অনেক জায়গাতে আমি হই। আমাদের কাজ অব্যাহত রাখার জন্য যেসব জায়গায় আমার লক্ষ্যস্থল ছিল সেখানে আমার সেনাদলগুলোকে সান্ধ্য আইন (কারফিউ) জারি করার নির্দেশ দিই এবং এ নির্দেশ বহুলাংশে সফল হয়। যদিও গ্রামবাসীদের পাকবাহিনীকে সহযোগিতা করার কোনো ইচ্ছা ছিল না, তারা ওদের ভয়ে এসব বাধাবিপত্তির সৃষ্টি করত। আমাদের সান্ধ্য আইনের ঘোষণায় অনেক ফল হয় এবং গ্রামবাসীরা আর বাধা সৃষ্টি করেনি। এরপর আমি ব্রাক্ষণবাড়িয়া এবং আখাউড়ার মাঝে দুইটি রেলসেতু উড়িয়ে দিই। এর ফলে আখাউড়ায় পাক সেনাদের অবস্থানটির জন্য রসদ এবং অন্তর্শস্ত্র সরবরাহে যথেষ্ট অসুবিধা হয়। এরপরে তারা আখাউড়াতে হেলিকপ্টারের সাহায্যে রসদ সরবরাহ করতে বাধ্য হয়।

পাকবাহিনী আমাদের আজমপুর পজিশনের উপর তাদের চাপ বাড়তে থাকে। তাদের দুইটি কোম্পানি একদিন সকালে আজমপুরের আধা মাইল দক্ষিণে দরগার নিকট আমাদের অগ্রবর্তী অবস্থানের উপর আক্রমণ চালায়। এ আক্রমণ সকাল ৬টা থেকে ১১টা পর্যন্ত চলে। আমাদের সৈন্যরাও আক্রমণের জন্য প্রস্তুত ছিল। প্রায় ৩০ জন শক্রসেনা হতাহতের পর তারা আক্রমণ বন্ধ করে নিয়ে আবার পশ্চাদপসরণ করে।

বেশ কিছুদিন পর জুন মাসে পাকিস্তানি সৈন্য আবার মাধবপুরের রাস্তা এবং রেললাইনের উপর আমার পজিশনের দিকে অগ্রসর হয়। এবার পাকসেনাদের ১২ ফ্রন্টিয়ার ফোর্স আমাদের অবস্থানের উপর আক্রমণ চালায়। আমাদের অগ্রবর্তী দরগা পজিশন থেকে এ আক্রমণকে বেশ কয়েকদিন বিফল করে দেয়া হয় কিন্তু জুন মাসের শেষের দিকে আক্রমণ আরো তীব্রতর হয়ে ওঠে। পাকবাহিনী আখাউড়াতে ১২০ মি.মি. ভারি মর্টার এবং ১০৫ মি.মি. কামান নিয়ে আসে। এসব কামানের গোলার আঘাতে এবং ১২ ফ্রন্টিয়ার ফোর্স-এর প্রবল চাপে আমাদের অগ্রবর্তী পজিশন সঙ্কটময় হয়ে ওঠে এবং শক্রদের অস্তত ৫০ জন হতাহতের পর আমাদের পজিশন পরিত্যাগ করতে বাধ্য হতে হয়।

এর কিছুদিন পর জুলাই মাসে পাকবাহিনী আবার আজমপুরের দিকে মূল অবস্থানের উপর আক্রমণ চালায়। এবারও তারা মাধবপুরের সড়ক ও রেল লাইনের উপর ১২ ফ্রন্টিয়ার ফোর্স এবং মিলিশিয়াসহ আক্রমণ চালায়। আক্রমণের পূর্বে প্রচণ্ড গোলাগুলি করতে থাকে। আমরা এ আক্রমণের জন্য আগে থেকেই প্রস্তুত ছিলাম। আক্রমণের প্রথম পর্যায়ে যখন পাকসেনারা সারিবদ্ধ লাইনে আমাদের অবস্থানের দিকে অগ্রসর হচ্ছিল, তখন আমাদের মর্টার এবং মেশিনগান তাদের অস্ততপক্ষে ১০০/১২০ জনের মত লোককে হতাহত করে। তারা আমাদের অবস্থানের কোনো কোনো জায়গায় চুকে পড়ে কিন্তু আমাদের পাল্টা আক্রমণে আমরা পাকসেনাদের হাটিয়ে দিই। এ সংঘর্ষ প্রায় দু'দিন চলে। আমরাও দৃঢ় প্রতিজ্ঞ ছিলাম, যেকোনো অবস্থাতেই আমরা আমাদের ঘাঁটি ছাড়বো না। শক্রসেনাদের যথেষ্ট হতাহত হচ্ছিল প্রতিদিনই, কিন্তু তারাও দৃঢ়প্রতিজ্ঞ আমাদের এ অবস্থানটি দখল করা জন্য। তাদের কামানের গোলায় আমাদের পজিশনটির ব্যাপক ক্ষয়ক্ষতি হচ্ছিল কিন্তু তবুও আমাদের সৈনিকরা আত্মবিশ্বাস হারায়নি। আমাদের অবস্থানটি আমাদের পার্শ্ববর্তী রাষ্ট্রের আগরতলা বিমান বন্দরের বেশ নিকটেই ছিল। এর ফলে পাক বাহিনীর কামানের গোলার স্প্লিন্টার মাঝে মাঝে বিমান বন্দরে গিয়ে পড়ছিল। পার্শ্ববর্তী রাষ্ট্র আমাদের এ অবস্থানটি থেকে যুদ্ধ আরো চালিয়ে যাওয়ার আপত্তি করে। তাদের বিমান বন্দরের ক্ষতি হওয়ার আশঙ্কায় এ আপত্তি করে। আমরা নিরূপায় হয়ে দেড় মাস যুদ্ধ চালানোর পর আজমপুর অবস্থান পরিত্যাগ করে সিঙ্গারবিলে নতুন অবস্থান গড়ে তুলি।

পাকবাহিনী এরপর মাধবপুর থেকে অগ্রসর হয়ে কলাচাড়া চা বাগান দখল করে নেয়। এই চা বাগানে তারা মিলিশিয়ার এক কোম্পানি এবং নিয়মিত বাহিনীর প্লাটুনসহ একটা শক্রিশালী ঘাঁটি গড়ে তোলে। লে. হার্মন বুঝতে পারে যে, পাক সেনারা আখাউড়া থেকে (দক্ষিণ থেকে) এবং মাধবপুর থেকে (উত্তর থেকে) কলাচাড়া হয়ে তার

সিঙ্গারবিল পজিশনকে ঘিরে ফেলার পরিকল্পনা করেছে। লে. হারুন পাকবাহিনীকে পৃথকভাবে উত্তর এবং দক্ষিণে আঘাত হানার পরিকল্পনা নেয়। এ পরিকল্পনা অনুযায়ী কলাছড়া চা বাগান প্রথম আক্রমণ করার সিদ্ধান্ত নেয়। জুলাই মাসে কলাছড়া চা বাগান এবং চা বাগানে পাকবাহিনীর ঘাঁটি সম্বন্ধে সে বিস্তারিত খবরাখবর যোগাড় করে। একদিন রাত ৩ টার সময় ৪ৰ্থ ইন্ট বেঙ্গলের একটা প্লাটুন এবং ইপিআর-এর একটা কোম্পানি নিয়ে গোপন পথে ছোট ছোট দলে বিভক্ত হয়ে কলাছড়া পাকবাহিনীর অবস্থানের ভিতরে সাহসের সাথে ঢুকে পড়ে। এ অকস্মাৎ গোপন আক্রমণ পাকসেনাদলকে হতভম্ব করে দেয়। তাদের কিছু বুঝাবার বা বাধা দেবার আগেই লে. হারুনের দল পাকবাহিনীর অন্তত ছয়টা বাংকার প্রেনেডের সাহায্যে ধ্বংস করে দেয়। এরপর সমস্ত রাত ধরে পাকবাহিনীর সঙ্গে হাতাহাতি লড়াই চলতে থাকে। পাকিস্তানি সৈন্যরা অকস্মাৎ আক্রমণের প্রথম পর্যায়ে হতচকিত হয়ে গিয়েছিল এবং তাদের মনোবল ভেঙ্গে গিয়েছিল। সে জন্য পরবর্তী পর্যায়ে যখন লে. হারুনের ছোট ছোট দলগুলো চা বাগানের সরু এবং গোপন রাস্তায় অগ্রসর হয়ে একটার পর একটা বাংকার ধ্বংস করে যাচ্ছিল তখন উপায়ান্তর না দেখে পাকবাহিনীর সৈন্যরা মনোবল হারিয়ে পালিয়ে যেতে শুরু করে এবং এতে তাদের বেশ লোক গুলিতে নিহত হয়। সকাল সাড়ে ৫ টা পর্যন্ত কলাছড়া চা বাগানটি সম্পূর্ণ লে. হারুনের দখলে এসে যায়। এ যুদ্ধের ফলে পাকিস্তানিদের ৫০ জন নিহত হয় এবং আমাদের হাতে চারটি মেশিনগান ও ছয়টি হালকা মেশিনগান, বেশ কিছু রাইফেল এবং অজস্র গোলাগুলি ও প্রচুর রসদ এবং কাপড়-চোপড় হস্তগত হয়।

ক্যাপ্টেন গফ্ফার এবং ক্যাপ্টেন সালেকের নেতৃত্বে মুক্তিসেনারা মন্দভাগ এবং শালদানদীতে শক্রসেনাদের উপর অনবরত আঘাত চালিয়ে যাচ্ছিল। ২৬ মে রাত ৯ টায় সুবেদার ভুঁইয়ার নেতৃত্বে দুটি সেকশন রাকেট লঞ্চার নিয়ে শক্র শালদানদীর পজিশনের ভেতর ঢুকে যায়। এরপর শক্রদের দুইটা বাংকার তারা রাকেট লঞ্চারের সাহায্যে ধ্বংস করে দেয়। শক্ররা তাদের উপর পাল্টা আক্রমণ চালালে পেট্রোল পার্টি হালকা মেশিনগানের সাহায্যে শক্রসেনাদের বেশ কিছু লোক নিহত করে এবং তারা পিছু হটে আসে। পরে জানতে পারা যায় যে, এ আকৰ্ষিক হামলায় শক্রদের ১ জন জেসিও এবং ৯ জন সৈন্য মারা যায়। ২৮ মে রাতে মুক্তিবাহিনীর কমান্ডোরা কুমিল্লার নিকট কালিকাপুর রেলওয়ে ব্রীজ উড়িয়ে দেয়। ঐদিনই সকালে পাকিস্তানি সেনারা কুমিল্লা-ব্রাক্ষণবাড়িয়া সড়কের কাছে রঘুরামপুরে একটি কোম্পানি নিয়ে আসে। এ কোম্পানিকে আমাদের সেনাদল সকাল সাড়ে ৬ টার সময় অতর্কিতে এ্যামবুশ করে এবং এ্যামবুশে পাকসেনাদের অন্তত একজন অফিসারসহ ৩৫ জন লোক হতাহত হয়। পাকসেনারা আঘাতে মরিয়া হয়ে ভুবনগর, শালুকমুড়া, খাড়েরা, ফকিরবাজার প্রভৃতি গ্রামগুলো জুলিয়ে দেয়। এছাড়াও শক্রসেনারা তিন ইঞ্জিন মর্টার এবং ১২০ মি.মি. ভারি মর্টারের সাহায্যে পার্শ্ববর্তী গ্রামগুলোর উপর প্রচুর গোলা ছুঁড়তে থাকে।

২৮ মে আর একটি পেট্রোল পার্টি নায়েক গিয়াসুদ্দিন আহমদের নেতৃত্বে ঘনোহরপুর নামক গ্রামে শক্রদের জন্য একটি এ্যামবুশ পেতে থাকে। পাকসেনাদের একটি কোম্পানি কুমিল্লা ব্রাক্ষণবাড়িয়া রাস্তা দিয়ে জঙ্গলবাড়ির দিকে যাচ্ছিল। সকাল

সাড়ে ৮ টায় পাসেনাদের কোম্পানিটি নায়েক গিয়াসুদ্দিনের এ্যামবুশ-এ পড়ে যায় এবং তাদের ২৫ জনের মত লোক হতাহত হয়। শক্রসেনারা পিছু হটে এসে পুনরায় কামানের গোলার সাহায্যে আক্রমণের চেষ্টা করে। তখন আমাদের এ্যামবুশ পার্টি তাদের অবস্থান পরিত্যাগ করে। শক্ররা পার্শ্ববর্তী মাওরা, মনোহরপুর ইত্যাদি গ্রাম জালিয়ে দেয় এবং সাথে সাথে কামানের সাহায্যে গোলা ছুঁড়তে থাকে।

শালদা নদীর শক্র-অবস্থানটির উপর আমাদের চাপ আরো বাড়াতে থাকি। ২৫ মে আমাদের আর একটি ছোট দল অতর্কিত হামলা করে পাকসেনাদের ১ জন জেসিও এবং ৫ জন সৈন্যকে নিহত করে। তাদের দুইটি মর্টারও ধ্বংস করে দেয়া হয়। ২৭ মে শক্রসেনারা কুটি থেকে সিএন্ডবি রাস্তায় শালদানদীতে আরো সৈন্য আনার চেষ্টা করে। সকাল ৭ টায় মুক্তিবাহিনী পাকসেনাদের এ দলটিকে এ্যামবুশ করে। এ্যামবুশ-এর ফলে একটা জীপ, একটা ডজ ধ্বংস ও শক্রদের ৯ জন লোক নিহত হয়। শক্ররা সামনে অগ্রসর হতে না পেরে পশ্চাদপসরণ করতে বাধ্য হয়।

২৮ মে সকাল ৬ টায় কুমিল্লার দক্ষিণে রাজারমার দিঘীর শক্রদের একটা বাস্কারে আমাদের ২ জন সৈনিক গোপনে গিয়ে গ্রেনেড ছুঁড়ে ৪ জন লোককে নিহত করে এবং তাদের রাইফেলগুলো দখল করে নিয়ে আসে। ঐদিনই সকাল ৯ টায় লাকসাম-কুমিল্লা রেল লাইনের উপর আলীক্ষণের নিকট মাইন পুঁতে একটা রেলওয়ে ইঞ্জিন ও দুটি বাগি লাইনচুত করে। ২৬ মে জগন্নাথদিঘী শক্র অবস্থানের উপর লে. ইমামুজ্জামানের প্লাটুন রাত ১১ টার সময় অকশ্বাং আক্রমণ চালায়। এ আক্রমণে একটি প্লাটুন দুইটি তিন ইঞ্জিন মর্টার ও দুইটি মিডিয়াম মেশিনগান ব্যবহার করে। আক্রমণের ফলে শক্রদের ১৯ জন লোক হতাহত হয়। আমাদের একটি পেন্ট্রোল পার্টি ২৬শে মে ব্রাক্ষণবাড়িয়া-কুমিল্লা রোডের উপর উজানিরশা সেতুর নিকট পাকবাহিনীর পাহারারত সৈনিকদের ক্যাম্প আক্রমণের জন্য পাঠানো হয়। আমাদের দলটির সঙ্গে কমান্ডো শিক্ষাপ্রাপ্তি কিছু লোকও ছিল। কুমিল্লা এবং ব্রাক্ষণবাড়িয়া এ দুই জায়গাতেই পাকবাহিনীর শক্রিয়ালী ঘাঁটি ছিল। ব্রাক্ষণবাড়িয়া রাস্তা তাদের গতিবিধির জন্য বিশেষ জরুরী ছিল। উজানিরশা ত্রীজকে ধ্বংস করে পাকসেনাদের গতিবিধিকে ব্যাহত করা ছিল আমাদের লক্ষ্য। আমার দলটি রাত ১১ টায় উজানিরশা ত্রীজটি অকশ্বাং হামলা করে এবং সফলতার সাথে বিস্ফোরক লাগিয়ে একটা স্প্যান ধ্বংস করে দেয়। এ অকশ্বাং হামলায় শক্রদের ১৩ জন নিহত এবং ৬ জন আহত হয়।

ক্যাপ্টেন গাফ্ফারের নেতৃত্বে ৪৪ ইট বেঙ্গলের 'সি' কোম্পানি ২৯ মে শালদানদীর পিছনে পশ্চিমে শিবপুর, বাজরা ও সাগরতলাতে শক্রদের অবস্থানের পিছনে সকাল ৪ টায় মেশিনগান এবং ৭৫ মি.মি. আরআরসহ ঢুকে পড়ে। শক্ররা তাদের পিছনে হঠাতে মুক্তিবাহিনীর অনুপ্রবেশে বেশ হকচকিয়ে যায়। সকাল ৫ টা পর্যন্ত আমাদের দলটি শক্র অবস্থানের উপর তীব্র আক্রমণ চালায়। এ আক্রমণে শক্রদের বেশ কয়েকটা বাংকার ধ্বংস হয়ে যায় এবং সঙ্গে সঙ্গে তাদের তাদের প্রায় ২৭ জন লোক হতাহত হয়। পরে আমরা জানতে পারি যে, এ আক্রমণে ৩১ বালুচ রেজিমেন্ট-এর মেজর দুররানিও নিহত হয়।

৩১ মে আমাদের একটা পেট্রোল পার্টি কুটির নিকট শক্রসেনাদের অবস্থান সম্পর্কে তথ্যানুসন্ধানে যায়। কুটির নিকটে তারা দেখতে পায় যে পাকসেনাদের একটি জীপ ৬ জন সৈনিকসহ কুটি গ্রামে প্রবেশ করছে। জীপটি গ্রামের পাশে এসে দাঁড়ায়। তাদের মধ্য থেকে ৬ জন পাকসেনা জীপ থেকে বের হয়ে গ্রামের ভিতরে যায়। আমাদের ছোট দলটি ঘোড়ে ঝুঁড়ে ড্রাইভারসহ জীপটি ধ্রংস করে।

৩১ মে'তেই আমাদের ৬ জন সৈন্যের একটি দল সুবেদার আবদুল হক ভুইয়ার নেতৃত্বে শালদানদী রেলওয়ে স্টেশনের নিকট অনুপ্রবেশ করে। তারা যখন তথ্যানুসন্ধান করছিল, সে সময় পাকসেনাদের দু'জন ওপি, যারা গাছের উপর বসে দূরবীন লাগিয়ে আমাদের অবস্থান খুঁজছিল, তাদের দেখে ফেলে এবং গুলি করে মেরে ফেলে।

৪৬ ইষ্ট বেঙ্গলের 'এ' কোম্পানি মেজর সালেকের নেতৃত্বে এবং 'সি' কোম্পানি ক্যাপ্টেন গাফ্ফারের নেতৃত্বে শালদানদী এবং মন্দভাগে পাকসেনাদের উপর বারবার আঘাত হেনে যাচ্ছিল। শক্ররা প্রতিদিন কিছু না কিছু হতাহত হচ্ছিল। আমাদের এই দুই কোম্পানির সেনাদল ৩ ইঞ্জি মর্টারের সহায়তায় শিবপুর, বাগরা, গৌরঙ্গলা প্রভৃতি জায়গা হয়ে শক্র অবস্থানটি প্রায় তিনি দিক থেকে ঘিরে রেখেছিল এবং প্রতিদিন আক্রমণ চালিয়ে যাচ্ছিল। অবস্থা এরূপ সঙ্গীন হয়ে গিয়েছিল যে পাকসেনাদের পক্ষে তাদের বাংকার থেকে মাথা তোলারও সুযোগ ছিল না। গুলি এবং মর্টারের গোলার সাহায্যে আমাদের সৈনিকরা তাদের সে অবস্থানে থাকাকে সম্পূর্ণ বিপজ্জনক করে তুলেছিল। এছাড়া কুটি এবং শালদানদীর রাস্তায় আমাদের এ্যামবুশ পার্টি ২৪ ঘণ্টা এ্যামবুশ পেতে থাকতো। এর ফলে রসদ এবং অন্ত সরবরাহ করা তাদের পক্ষে মুশকিল হয়ে দাঁড়িয়েছিল। তারা রেলওয়ে লাইন ব্যবহারের বারবার চেষ্টা করেও বিফল হয়েছে। এরপর শালদানদী দিয়ে রসদ সরবরাহ করার চেষ্টা করে। সেখানেও তারা আমাদের দ্বারা আক্রান্ত হয় এবং যথেষ্ট ক্ষয়ক্ষতির সম্মুখীন হয়। এমতাবস্থায় তাদের মনোবল সত্যিই ভেঙ্গে গিয়েছিল।

জুন মাসের ১ তারিখে আমাদের চাপের মুখে টিকতে না পেরে তারা মন্দভাগ এবং শালদানদী অবস্থানগুলো পরিত্যাগ করে নয়নপুর রেলওয়ে স্টেশনের নিকট তাদের নতুন ঘাঁটি স্থাপন করে। সম্মুখসমরে শালদানদী থেকে শক্রসেনাদের জুন মাসের প্রথম দিকে পর্যন্ত করে পিছু হচ্ছিয়ে দেওয়া আমাদের সৈনিকদের জন্য ছিল একটা বিরাট সাফল্য ও কৃতিত্ব। এতে আমার সেষ্টেরের সব সৈনিকের মনোবল পুনরুদ্ধার হয়। মার্চ মাস এবং মে মাসের প্রথম দিকে যখন পাকবাহিনী অতর্কিতে বিপুল সৈন্য, কামান, বিমান বাহিনীর সহায়তায় আমাদের উপর আক্রমণ চালায় তখন আমাদের সৈনিকরা অতি সাহসিকতা ও বীরত্বের সাথে যুদ্ধ করে পাকসেনাদের অনেক ক্ষয়ক্ষতি করে কিন্তু অবশেষে বেশির ভাগ সময়ে পাকবাহিনীর বিপুল শক্তি ও সরঞ্জামের সামনে বাধ্য হয়ে পিছু-হটতে হয় এবং সর্বক্ষেত্রেই আমরা প্রতিরক্ষা অবস্থানে থেকে যুদ্ধ করেছি এবং পাকবাহিনী বারবার আমাদের উপর আক্রমণ চালিয়েছে। শালদানদী এবং মন্দভাগে প্রথম এক মাস পর আমরা পাকবাহিনীর উপর প্রতি-আক্রমণ চালিয়ে তাদের শক্তিশালী অবস্থান থেকে বিভাগিত করি। শক্রসেনা চলে যাবার পর ক্যাপ্টেন গাফ্ফারকে

মন্দভাগে প্রধান অবস্থান গড়ে তোলার এবং শালদানদীতে তার অগ্রবর্তী ঘাঁটি করার নির্দেশ দিই।

যখন আমি যুদ্ধ চালাচ্ছিলাম এবং যুদ্ধ আস্তে আস্তে যখন তীব্রতর হচ্ছিল, তখন আমার সেনাদলে আহত এবং নিহতের সংখ্যা বেড়ে চলছিল। সে সময়ে আমার সৈনিক এবং গণবাহিনীর জন্য চিকিৎসার বন্দোবস্ত ছিল না, শুধু আমার সঙ্গে সেনাবাহিনীর একজন ডাক্তার ক্যাপ্টেন আখতার ছিলেন। অফিসারের স্বল্পতায় তাকেও আমি একটা কোম্পানি কমান্ডার বানিয়ে যুদ্ধক্ষেত্রে নিয়োগ করেছিলাম এবং যুদ্ধ ক্ষেত্রে ক্যাপ্টেন আখতার ডাক্তার হয়েও একজন যোদ্ধা হিসেবে বিশেষ কৃতিত্বের পরিচয় দিয়েছিলেন। আমার আহতের সংখ্যা যখন বেশ বেড়ে যায় এবং অনেক সময় দ্রুত চিকিৎসার অভাবে অনেক সৈনিক বা গণবাহিনীর ছেলেরা রক্তক্ষয় হয়ে মারা যেতে থাকে, তখন আমি বুঝতে পারলাম যে আমার সেন্টেরেই চিকিৎসার ব্যবস্থা করতে হবে। এ জন্য ক্যাপ্টেন আখতারকে যুদ্ধক্ষেত্র থেকে ডেকে পাঠাই এবং অতি সত্ত্বর আমার হেডকোয়ার্টারের নিকট একটি চিকিৎসালয় স্থাপন করার নির্দেশ দিই। ঢাকা থেকে কিছু সংখ্যক ছেলেমেয়ে আমার সেন্টের এসে আশ্রয় নেয়। এদের মধ্যে দু-একজন চিকিৎসা শিক্ষানবিসও ছিল। তারাও আমাকে একটি হাসপাতাল গড়ার জন্য অনুরোধ জানায়। এসব ছেলেমেয়ে নিয়ে ক্যাপ্টেন আখতার কয়েকটি তাঁবুতে মতিনগরে আমার হেডকোয়ার্টারের নিকট মুক্তিযোদ্ধাদের জন্য প্রথম বাংলাদেশ হাসপাতালের ভিত্তি স্থাপন করেন। একটা সুন্দর বাগানের ভেতর উঁচু এবং শান্ত পরিবেশে এ হাসপাতালটি অবস্থিত ছিল। প্রথমে হাসপাতালে ব্যবহারের জন্য আমাদের কাছে ঔষধপত্র বা অঙ্গোপচারের সরঞ্জাম কিছুই ছিল না। কিন্তু তবুও আমাদের এই নবীন দলটি ক্যাপ্টেন আখতারের নেতৃত্বে সমস্ত বাধাবিপত্তি সন্ত্রুপ ধীরে ধীরে হাসপাতালটি গড়ে তুলতে থাকে। এদের মধ্যে উল্লেখযোগ্য বেগম সুফিয়া কামালের দুই মেয়ে টুলু এবং লুলু, মেডিকেল ছাত্রী ডালিয়া, আসমা, রেশমা, ক্যাপ্টেন সিতারা বেগম, সবিতা, শামসুন্দিন প্রমুখ। এসব ছেলেমেয়ের দল নিজেদের সুখ ও আরাম ত্যাগ করে দিনরাত কঠোর পরিশ্রম করে যুদ্ধ ক্ষেত্রে আহত সৈনিকদের এবং গণবাহিনীর ছেলেদের সেবাশুরূ ও চিকিৎসা করে যাচ্ছিল। এরা রেডক্রস ও বন্দুরাষ্ট্রের স্বাস্থ্য বিভাগের সঙ্গে যোগাযোগ করে অনেক কষ্টে ঔষধপত্র যোগাড় করতো। মাঝে মাঝে আমি যতটুকু টাকা-পয়সা সেন্টের ফান্ড থেকে দিতে পারতাম, তা দিয়ে ঔষধপত্র যোগাড় করতো। জুন মাসের দিকে লভন থেকে ডাঃ মবিন (প্রবাসী বাঙালি) আমাদের এই হাসপাতালের কথা শুনে এখানে এসে যোগ দেন। এর কিছুদিন পর ডাঃ মবিনের আর এক বন্ধু ডাঃ জাফরুল্লাহ সংবাদ পেয়ে লভন থেকে এসে যোগ দেন। এরা দু'জনেই লভনে এফআরসিএস পড়ছিলেন। দেশে মুক্তিযুদ্ধের সংবাদ শুনে তারাও এতে অংশ নেয়ার জন্য আগ্রহী ছিলেন। তারা তাদের লভনের সব সুখ ও আরাম ত্যাগ করে আমাদের এ হাসপাতালের নাম শুনে ছুটে এসেছিলেন মাত্তুমিকে শক্রদের হাত থেকে মুক্ত করা জন্য। তাদের সঙ্গে আমার বিস্তারিত আলাপ হয় এবং আমরা এ হাসপাতালটি গড়ে তোলার জন্য একটি পরিকল্পনা নিই। ডাঃ মবিন ও ডাঃ জাফরুল্লাহ আমাকে আশ্বাস দেন লভনে

অবস্থিত প্রবাসী বাঙালিরা তাদের মাতৃভূমির জন্য সবকিছু ত্যাগ করতে প্রস্তুত আছে এবং আমরা যদি বাংলাদেশ মেডিক্যাল এসোসিয়েশনের কাছে আহ্বান জানাই তবে এ হাসপাতালে সরঞ্জামের ব্যবস্থা তারা করতে পারবে। এ পরিপ্রেক্ষিত আমি ডাঃ মবিন ও ডাঃ জাফরুল্লাহকে বিস্তারিত সরঞ্জামের তালিকা বানানোর নির্দেশ দিই। আর সেই সঙ্গে ক্যাপ্টেন আখতারকে যুদ্ধক্ষেত্রের আর একটু পিছনে বিশ্রামগঞ্জে সুন্দর জায়গায় পাহাড়ের উপর অস্থায়ী হাসপাতাল নির্মাণের জন্য পরিকল্পনা নিতে নির্দেশ দিই। আমার সঙ্গে এ ব্যাপারে আমাদের প্রধান সেনাপতি কর্নেল এমএজি ওসমানীর সঙ্গে বিস্তারিত আলোচনা হয়। তাকে আমি আমার সেনাদল ও ছেলেদের চিকিৎসার শোচনীয় অবস্থার কথা জানাই। তিনি আমাকে আমার হাসপাতাল তৈরির পরিকল্পনায় উৎসাহ দেন এবং সঙ্গে ৩০ হাজার টাকা মঞ্জুরী দেন। এক মাসের মধ্যে বাঁশ, কাঠ ও ছন দিয়ে আমরা বিশ্রামগঞ্জে ২০০ বেডের হাসপাতাল তৈরি করে ফেলি। ডাঃ জাফরুল্লায় লড়নে চলে যান হাসপাতালের জন্য ঔষধপত্র ও অঙ্গোপচারের সরঞ্জামাদির ব্যবস্থা করতে। আমাদের হাসপাতাল যখন তৈরি হচ্ছিল তখন আহতের সংখ্যাও দিন দিন বেড়েই যাচ্ছিল। ডাক্তারের যথেষ্ট অভাব ছিল। এছাড়াও ঔষধের অভাব ছিল আমাদের প্রকট। কিন্তু তবুও এসব অসুবিধার মধ্যেও আমাদের ছোট হাসপাতালটি আস্তে আস্তে বেশ পূর্ণাঙ্গ হয়ে উঠছিল। যদিও এগুলো বাঁশ এবং ছনের ঘর ছিল তবুও উৎসর্গিত ছেলেমেয়েদের প্রচেষ্টায় সমস্ত এলাকাটা শান্তিদায়ক হয়ে উঠেছিল। সকালে উঠেই সমস্ত হাসপাতালের বিভিন্ন কাঁচা ওয়ার্ডগুলো তারা নিজ হাতে লেপতো এবং পরিষ্কার করতো। হাসপাতালের রোগীদের কাপড় ধোয়া থেকে শুরু করে তাদের রান্নাবান্না, সেবা-গুৰুষা সবকিছু এরাই করতো। এদের সঙ্গে আরো ২০ জনের মতো ছেলেমেয়ে এসে যোগ দেয়। কিছুদিন পর ডাঃ জাফরুল্লাহ ও ডাঃ মবিনের প্রচেষ্টায় এবং লড়ন প্রবাসী বাঙালি ডাক্তারদের সহায়তায় আমরা এ হাসপাতালটির জন্য অঙ্গোপচারের সরঞ্জামাদিসহ ঔষধপত্র প্রভৃতি পেয়ে যাই। ৯ মাসের যুদ্ধে এ হাসপাতালটি কয়েক হাজার আহতকে চিকিৎসা ও অঙ্গোপচার করতে সক্ষম হয়। এ হাসপাতালটির আর একটি অবদান ছিল যে এটি স্থাপনের পর আমার সেনাবাহিনীর ছেলেদের ও গণবাহিনীর মনোবল আরো বেড়ে যায়। তারা বুঝতে পারে যদি তারা যুদ্ধক্ষেত্রে আহত হয় তবে চিকিৎসার অভাবে মারা যাবে না। যুদ্ধকালীন সময়ে প্রধান সেনাপতি কর্নেল ওসমানী হাসপাতালটি পরিদর্শন করেন এবং এটাকে আরো উন্নত করার জন্য উৎসাহ দেন। সেপ্টেম্বর মাসে গণপ্রজাতন্ত্রী বাংলাদেশ সরকারের অস্থায়ী প্রেসিডেন্ট সৈয়দ নজরুল্ল ইসলাম এবং প্রধানমন্ত্রী জনাব তাজউদ্দিন আহমেদ হাসপাতালটি পরিদর্শন করেন এবং এর ভূয়সী প্রশংসা করেন।

২৯ মে রাতে আমাদের একটা পেট্রোল পার্টি কুমিল্লার বাটপাড়ায় এ্যামবুশ পেতে বসে থাকে। শক্রদের দুইটা গাড়ি রাত ২ টার সময় এ্যামবুশ-এর ফাঁদে পড়ে। এ্যামবুশ পার্টি সাফল্যের সাথে দুইটা গাড়ি ধ্বংস করে দেয় এবং সেই সঙ্গে ৪ জনকে নিহত করে। শক্রদের পিছনের গাড়িটি ফাঁদে পড়ার আগেই পালিয়ে যায়। ২৯ মে রাত ৯ টায় ক্যাপ্টেন আইনউদ্দিনের নেতৃত্বে দুইটি সেকশন কসবার পঢ়িমে টি. আলীর বাড়িতে

শক্রদের অবস্থানের উপর অকস্মাত অনুপ্রবেশ করে এবং আক্রমণ চালায়। সঙ্গে সঙ্গে মর্টারের সাহায্যে আড়াইবাড়ি শক্র অবস্থানের উপর গোলা চালায়। এ আক্রমণে শক্রদের একটা বাংকার ধ্বংস হয়ে যায় এবং ৩ জন লোক নিহত ও ২ জন শক্রসেনা আহত হয়। এরপর আমাদের সৈন্যরা আক্রমণ শেষ করে নিজ অবস্থানে চলে আসে।

৩১ মে রাত ৩ টায় একটা প্লাটুন লে. মাইবুবের নেতৃত্বে কুমিল্লার দক্ষিণে জগমোহনপুর নামক স্থানে শক্রঘাটির উপর অকস্মাত আক্রমণ চালায় এবং শক্রসেনাদের ১২ জন হতাহত হয়। পাকসেনারা যখন কসবার দিকে তাদের চাপ বাড়াতে থাকে, আমি ক্যাডেট হুমায়ুন কবিরকে একটা কোম্পানিসহ কসবার উত্তরে লাটুমুরায় অবস্থান নেওয়ার নির্দেশ দিই।

৩০ মে সন্ধ্যা ৭ টায় আমাদের একটি ছোট গেরিলা দল ইকবালের (বাচু) নেতৃত্বে বিবিরবাজারে শক্রসেনাদের অবস্থানে আঘাত হানার জন্য পাঠানো হয়। পাকসেনারা তখন তাদের অবস্থানের উপর বসে তাদের সান্ধ্যভোজনে ব্যস্ত ছিল এবং এ সময়টি সম্পৰ্কে আমাদের স্থানীয় লোকের মাধ্যমে খবর আগে থেকে সংগ্রহ করা ছিল। পাকসেনারা যখন খাওয়ায় ব্যস্ত ছিল, সে সময় আমাদের গেরিলা দলটি তাদের উপর হঠাৎ গোমতী বাঁধের উপর থেকে গোলাবর্ষণ করে। এতে শক্রদের ১০ জন হতাহত হয়। ঐদিনে সাড়ে ৬ টার সময় আমাদের মর্টার প্লাটুন সিঙ্গারবিল শক্র-অবস্থানের উপর গোলাবর্ষণ করে। এর ফলে শক্রদের ৬ জন নিহত এবং ৭ জন আহত হয়। ২৯ মে চৌক্ষিক বাবুর্চি রোডে হরিসর্দার বাজারের নিকট রাস্তার ত্রীজি সম্পূর্ণভাবে উড়িয়ে দেয়।

২৯ মে বিকাল ৪ টায় ৪৬ ইন্ট বেঙ্গলের পার্টিকে লাকসাম-চাঁদপুর রেলওয়ে লাইনে মাইন পুঁতে রেলগাড়ি লাইনচূর্ণ করার জন্য পাঠানো হয়। এ দলটি মাইন পুঁতে লাকসাম এবং নোয়াখালীর মাঝে তিনটি রেলওয়ে বর্গী সম্পূর্ণভাবে বিধ্বস্ত করে দেয়। ফেরার পথে পাইওনিয়ার পার্টির ছোট দলটি চৌক্ষিক-চট্টগ্রাম সড়কের উপর একটি সদ্য মেরামত করা ত্রীজের উপর মাইন পুঁতে দেয়। রাত ৮ টায় একটি জীপ ৫ জন পাকসেনাসহ ফেনীর দিক থেকে আসে। জীপটি যখন ত্রীজের উপর পৌছে, তখন মাইন বিস্ফোরিত হওয়াতে ত্রীজটি সম্পূর্ণরূপে বিধ্বস্ত হয়ে যায়। এর ফলে ১ জন অফিসারসহ ৩ জন পাকসেনা নিহত এবং অন্য ২ জন গুরুতরভাবে আহত হয়। ঐদিনই সন্ধ্যায় ৩ জন গেরিলাকে হ্যান্ড গ্রেনেডসহ চৌক্ষিক থানায় পাঠানো হয়। থানার সন্নিকটে দিঘীর নিকট শক্রদের একটি বাংকার ছিল। গেরিলা দলটি গ্রেনেড ছুঁড়ে বাংকারটি ধ্বংস করে দেয়। ফলে ৩ জন শক্রসেনা নিহত হয় এবং কিছু স্থানীয় লোকও আহত হয়। ৩০ মে চৌক্ষিকের আধা মাইল উত্তরে চৌক্ষিক মিয়াবাজার রোডের উপর ৪৬ ইন্ট বেঙ্গলের 'বি' কোম্পানির একটি প্লাটুন হঠাৎ শক্রদের ২৭ জনের একটি দলকে দূরে থেকে আসতে দেখতে পেয়ে তাড়াতাড়ি এ্যামবুশ পাতে। শক্ররা যদিও এ অতর্কিত আক্রমণে হতচকিত হয়ে যায় কিন্তু তারা ত্বরিত গতিতে রাস্তার পশ্চিম পাশে সরে পড়ে। এ্যামবুশের ফলে শুধু তিনজন শক্রসেনা নিহত হয়। আমাদের গেরিলারা লাকসাম-বাংগোড়া কাঁচা রাস্তার উপর ফেলনা ঘামের নিকট সাইন পুঁতে রাখে। শক্রদের একটি ৩ টন গাড়ি এ মাইনের সাথে সংঘর্ষে সম্পূর্ণ বিধ্বস্ত হয়ে যায়।

২৯ মে ৪ৰ্থ ইন্ট বেঙ্গলের 'বি' কোম্পানিৰ একটা প্লাটুন দুইটি ৩ ইঞ্জিন মটৰসহ সঞ্চয়ায় চৌদ্দগ্রাম থানার উপৰ মটৰেৰ সাহায্যে অতৰ্কিত আক্ৰমণ চালায়। অতৰ্কিত মটৰেৰ গোলাৰ আঘাতে এবং হালকা মেশিনগানেৰ আঘাতে তাদেৱ যথেষ্ট হতাহত হয়।

জুন মাসেৱ ৪ তাৰ সময় ৪ৰ্থ ইন্ট বেঙ্গলেৰ 'এ' কোম্পানিৰ দুইটি ৬০ মি.মি. মটৰ নিয়ে শক্রদেৱ অবস্থানে গোপন পথে প্ৰবেশ কৱে শালদানদীৰ দক্ষিণে বাগড়াবাজাৰ নামক স্থানে অবস্থান নেয়। ভোৱেলায় পাকসেনারা যখন তাদেৱ বাংকাৱেৰ উপৰ অস্তৰভাৱে ঘোৱাফেলা কৱছিল ঠিক সেসময় আমাদেৱ সৈনিকৱা তাদেৱ উপৰ অতৰ্কিত মটৰ এবং মেশিনগানেৰ সাহায্যে আক্ৰমণ চালায়। পাকসেনারা এ অতৰ্কিত আক্ৰমণে সম্পূৰ্ণ হতচকিত হয়ে যায়। আধ ঘণ্টা পৰ্যন্ত তাদেৱ পক্ষ থেকে কোন পাল্টা জবাৰ আসে না। এ আক্ৰমণেৰ ফলে শক্রদেৱ প্ৰায় ১৭ জন নিহত ও ৫ জন আহত হয়। আমাদেৱ একজন সৈন্য বুকে গুলি লেগে গুরুতৰভাৱে আহত হয়। এ আক্ৰমণেৰ তিন ঘণ্টা পৰে শক্রৰা যখন ভোৱেলায় আমাদেৱ সৈন্যৱা অবস্থান পৱিত্র্যাগ কৱেছে এবং তাদেৱ আহতদেৱ পিছনে নিয়ে যাবাৰ যখন ব্যবস্থা কৱছিল, ঠিক সে সময় আমাদেৱ সৈন্যৱা আবাৰ তাদেৱ উপৰ দ্বিতীয় দফা আক্ৰমণ চালায়। এতে শক্রদেৱ আবাৰও ৫ জন নিহত হয়। এৱপৰ আমাদেৱ পার্টি অবস্থান ত্যাগ কৱে চলে আসে। ঐ দিনই সকাল ৭ টাৰ সময় আমাৰ আৱ একটা পার্টি শক্রদেৱ রাজাপুৰ অবস্থানেৰ উপৰ অতৰ্কিত আক্ৰমণ চালিয়ে ৬ জন শক্রকে নিহত কৱে এবং তিনজনকে আহত কৱে। আমাদেৱ আৱেকটি দল রাত ১ টাৰ সময় কুমিল্লাৰ দক্ষিণে সুয়াগাজীতে চট্টগ্রাম-ঢাকা মহাসড়কেৰ একটি সেতু উড়িয়ে দেয় এবং বাগমারার রেলওয়ে সেতু উড়িয়ে দেয়।

৬ জুন একটি ডেমোলিশন পার্টিকে লাকসামেৱ দক্ষিণে পাঠানো হয়। এই দলটি 'খিলা' এলাকায় লাকসাম-নোয়াখালী মহাসড়কেৰ উপৰ ট্যাকবিধ্বংসী মাইন পুঁতে রাখে। সকাল ৫ টায় কুমিল্লা থেকে শক্র দুইটি জীপ ও একটি ট্রাক নোয়াখালী যাবাৰ পথে মাইনেৰ আঘাতে ধৰ্স হয়ে যায় এবং সে সঙ্গে ৪ জন পাক অফিসার এবং ৭ জন সৈন্য নিহত হয়। পাকসেনাদেৱ দুটি কোম্পানি কুমিল্লা থেকে শালদানদীৰ উভৰে আসে এবং রেলওয়ে লাইনেৰ সাথে সাথে নয়নপুৰ রেলওয়ে স্টেশনেৰ দিকে অগ্রসৱ হবাৰ চেষ্টা কৱে। ৪ৰ্থ ইন্ট বেঙ্গলেৰ 'এ' কোম্পানি সকাল ৬ টাৰ সময় শালদানদীৰ পূৰ্বদিক থেকে শক্রদেৱ এ অগ্রগতিকে বাধা দেয়। শক্রৰা বাধা পাবাৰ ফলে পিছু হটতে বাধা হয়। আমাদেৱ গুলিৰ মুখে পাকসেনাদেৱ ২৫ জন লোক হতাহত হয়। সকাল ৬ টায় পাকসেনাদেৱ আৱ একটি দল কুমিল্লা থেকে একটি ট্ৰেনে কৱে নয়নপুৰ এবং শালদা নদীৰ দিকে আসছিল। এ ট্ৰেনটি নয়নপুৰ ও শিবপুৱেৰ দক্ষিণে আমাদেৱ অবস্থানৱত সৈন্যদেৱ দ্বাৰা বাধাপ্রাপ্ত হয়। আমাদেৱ গোলাগুলিৰ সামনে শক্রৰা টিকতে না পেৱে যথেষ্ট ক্ষয়ক্ষতিৰ পৱ রাজাপুৱে পশ্চাদপসৱণ কৱে। এৱ ৪/৫ ঘণ্টা পৰে শক্রৰা কামানেৰ গোলাৰ সহায়তাৰ আবাৰ নয়নপুৰ পৰ্যন্ত অগ্রসৱ হতে সক্ষম হয়। কিন্তু নয়নপুৰ স্টেশনে যখন তাৰা বাংকাৰ তৈৱিতে ব্যস্ত, সে সময় আমাদেৱ মটৰ তাদেৱ উপৰ ভীষণ গোলাবৰ্ষণ কৱে এবং শক্রদেৱ যথেষ্ট ক্ষতি কৱে। শক্রৰা কিন্তু পিছু হটে

ন্যানপুর গ্রামের ভেতর অবস্থান নিয়ে তাদের বাংকার তৈরি করতে শুরু করে। ঐদিনই শক্রদের একটি পেট্রোল পার্টি কসবার দিকে অগ্রসর হয়, আমাদের ৪৬ ইষ্ট বেঙ্গলের 'ডি' কোম্পানির একটা প্লাটুন তাদেরকে অতর্কিত এ্যামবুশ করে। পাকসেনারা এ এ্যামবুশ-এর ফলে ছ্রান্ত হয়ে যায় এবং তাদের অন্ততপক্ষে ২০ জন লোক হতাহত হয়। শক্রদের দলটি আমাদের এ্যামবুশ পার্টির তাড়া খেয়ে তাদের অবস্থান আড়াইবাড়ির দিকে পালিয়ে যায়। আমাদের একটি দল কুমিল্লার দক্ষিণে ধনপুর বিওপির নিকট পাকসেনাদের জন্য এ্যামবুশ পেতে থাকে। সকাল ৯ টায় পাকসেনারা দালালদের মারফতে এ খবর পায়। কুমিল্লা থেকে পাকসেনাদের একজন অফিসারসহ একটি প্লাটুন গ্রামের ভেতর দিয়ে এসে আমাদের এ্যামবুশ পার্টিকে ঘিরে ফেলার চেষ্টা করে। এ্যামবুশ পার্টি তৎক্ষণাত কিছু পিছু হটে গিয়ে শক্রদের সঙ্গে যুদ্ধে লিপ্ত হয়। এ যুদ্ধ ঘট্টাখানেক স্থায়ী হয়। ইতোমধ্যে আমাদের ধনপুরের কোম্পানি খবর পেয়ে লে. মাহবুব ও লে. কবিরের নেতৃত্বে তৎক্ষণাত এ্যামবুশ পার্টিটিকে সাহায্য করার জন্য এগিয়ে আসে এবং তারা পাকসেনাদের দলটিকে ঘিরে ফেলে। পাকসেনারা দু'দিক থেকে আক্রমণ হয়ে গ্রামের ভেতর লুকিয়ে পড়ে এবং দালালদের সাহায্যে এ ঘেরাও থেকে বেরিয়ে আসতে সমর্থ হয়। এ সংঘর্ষে পাকসেনাদের ৫ জন সৈন্য নিহত হয়।

ঐদিনই বিকেল ৩ টার কচুয়াতে আমাদের আর একটা এ্যামবুশ পার্টির ফাঁদে শক্রদের একটি দলের ১০ জন হতাহত হয়। ৪ ও ৫ জুন রাতে লাকসাম-চাঁদপুর রেল লাইনের মাঝে মধু রোডস স্টেশনের নিকটে জমজমা রেলওয়ে সেতুটি সুবেদার পাটোয়ারীর একটি দল উড়িয়ে দেয়। ঐদিনই রাতে আর একটি দল চাঁদপুর-কুমিল্লা সড়কের মহামায়া বাজারের নিকটে একটি পুল ধ্বংস করে দেয়। এর দুইদিন পরে চাঁদপুরের বৈদ্যুতিক ট্রাঙ্কফর্মারটি ধ্বংস করে দেয়া হয়। এর ফলে সমস্ত চাঁদপুরের বিদ্যুৎ সরবরাহ বন্ধ হয়ে যায়। কলকারখানাগুলোও বন্ধ হয়ে যায়। পরে শক্ররা এসে পাশের গ্রামগুলো জুলিয়ে দেয় এবং লুটতরাজ ও মেয়েদের উপর পাশবিক অত্যাচার করে।

আমাদের ৪৬ ইষ্ট বেঙ্গলের 'ডি' কোম্পানির একটা প্লাটুন ১১ জুন সকালে ৬ টায় কসবার উত্তরে চার্নল নামক জায়গায় এ্যামবুশ পেতে রাখে। শক্রদের একটি কোম্পানি দুপুর ১২ টার সময় আমাদের এ্যামবুশ-এর মধ্যে পড়ে যায়। আমাদের শুলিতে তাদের ১২ জন সৈন্য নিহত হয়। এতে আমাদের একজন আহত হয় এবং পরে মারা যায়। পাকসেনারা পর্যন্ত হয়ে ঐ জায়গা থেকে ইয়াকুবপুরের দিকে পলায়ন করে। পলায়নের পর শক্রদেরকে আমাদের আর একটি এ্যামবুশ পার্টি দেখে ফেলে এবং তারাও ইয়াকুবপুরের নিকট তাড়াতাড়ি শক্রদের আক্রমণ করার জন্য এ্যামবুশ পাতে। শক্ররা এ এ্যামবুশ-এর ফাঁদেও পড়ে যায় এবং সম্পূর্ণরূপে পরাম্পরা হয়। এ এ্যামবুশে শক্রদের ৮ জন লোক নিহত এবং ১৩ জন আহত হয়। এ দুটি এ্যামবুশের ফলে অনেক অস্ত্রশস্ত্র ও গোলাবারণ আমাদের হস্তগত হয় এবং শক্ররা এ এলাকা থেকে চলে যায়।

এ সময়ে শালদানদীর দক্ষিণে রেলওয়ে ব্রীজ, কুটির রাস্তায় বাসারা গ্রামের সেতু, মন্দভাগ গ্রামের সেতু সম্পূর্ণভাবে উড়িয়ে দেয়া হয়।

আমাদের হেডকোয়ার্টারে খবর আসে যে, পাকসেনারা তলুয়াপাড়া ফেরীঘাট তাদের যাতায়াতের জন্য সাধারণত ব্যবহার করে থাকে। এ সংবাদ পেয়ে আমাদের একটি প্লাটুনকে ৯ জুন রাত্রে তলুয়াপাড়াতে পাঠানো হয়। এ প্লাটুনটি তলুয়াপাড়া ফেরীঘাটের নিকট শক্রদের জন্য এ্যামবুশ পাতে। ১০ জুন রাত ১১ টার সময় শক্রদের একটি দল সেই ফেরীঘাটে আসে এবং নৌকায়েগে পার হতে থাকে। শক্ররা যখন নদীর মাঝপথে, এ্যামবুশ দলটি সে সময় তাদের উপর গুলি চালাতে শুরু করে। এর ফলে নৌকাটি সম্পূর্ণরূপে ধ্বংস হয়ে যায়। পাকসেনাদের ২০ জন লোক হতাহত হয়।

আমাদের একটি প্লাটুন লে. মাহবুবুর রহমানের নেতৃত্বে ১০ জুন রাত্রে মিয়ার বাজারের দক্ষিণে রাজারমার দিঘী ও জগমোহনপুর কাচারীর শক্র অবস্থানের উপর অতর্কিত আক্রমণ চালায়। পাকসেনারা এই সাহসী আক্রমণে সম্পূর্ণরূপে হকচকিয়ে যায়। আমাদের সৈন্যরা পাকসেনাদের বাংকারে ছেনেড ছাঁড়ে ৮ জন পাকসেনাকে নিহত ও ৫ জনকে আহত করে। পাকসেনারা বাধ্য হয়ে তাদের অবস্থান পরিত্যাগ করে। এরপর আমাদের সৈন্যরা অবস্থানটি দখল করে বাংকারগুলো ধ্বংস করে দেয় এবং শক্রদের পরিত্যক্ত অন্তর্শন্ত্র হস্তগত করে।

আমাদের তিনটি গেরিলা দল কুমিল্লা ও লাকসামে পাঠানো হয়। ১১ জুন কুমিল্লাতে গেরিলা দলটি শক্রদের বিভিন্ন অবস্থানের উপর দশটি ছেনেড ছাঁড়ে। এতে পাকসেনাদের যথেষ্ট ক্ষয়ক্ষতি হয় এবং সমস্ত কুমিল্লা শহর ভীত-সন্ত্রস্ত হয়ে পড়ে। ঐদিনই ৪ জন গেরিলার ডেমোলিশন প্রুটি জাঙালিয়ার নিকট মাইন পুঁতে একটি ডিজেল ইঞ্জিন লাইনচুত করে।

লাকসামে যে গেরিলা দলটি পাঠানো হয়েছিল, তার নেতৃত্বে ছিল আবদুল মান্নান। পাকসেনাদের একটি গাড়ির উপর ছেনেড ছাঁড়ে এবং এতে ৫ জন নিহত হয়। এ দলটি লালমাই-এর নিকট পাকসেনারা যে ঘরে থাকতো, তার ডেতের দুটি ছেনেড নিষ্কেপ করে। এতেও পাকসেনাদের যথেষ্ট হতাহত হয়। এর ফলে পাকসেনারা লাকসামে ৭২ ঘন্টার জন্য সান্ধ্য আইন জারী করে এবং অনেক নির্দোষ লোকের উপর অত্যাচার চালায়। আর একটি দল লাকসামে পাকসেনাদের উপর ছেনেড ছাঁড়ে। এর ফলে কিছু লোক আহত হয়। আমাদের দুটি এ্যামবুশ পার্টি ফুলতলি এবং মিয়ারবাজারের নিকট ঐদিনই এ্যামবুশ পেতে রাখে। পাকসেনাদের দুটি গাড়ি রাত সাড়ে ৪ টার সময় ফুলতলিতে এ্যামবুশ-এর মধ্যে পড়ে যায়। এ্যামবুশ পার্টি একটা গাড়িকে ধ্বংস করে দেয় এবং একটা গাড়ির ক্ষতিসাধন করে। শেষের গাড়িটির ডেতের এ্যামবুশ পার্টি ২টি ছেনেড নিষ্কেপ করে। এতে শক্রদের ৬ জন লোক নিহত হয়। মিয়ারবাজারের এ্যামবুশেও পাকসেনাদের ৫ জন লোক নিহত হয় এবং আমাদের এ্যামবুশ পার্টি একটি মর্টার দখল করে নেয়।

আমাদের কাছে সংবাদ আসে যে, ওয়ার্ন্ট ব্যাংক টিম জুন মাসে ঢাকাতে আসছে বাংলাদেশের বর্তমান পরিস্থিতি সম্বন্ধে সরেজমিনে ঘটনাবলী অবগত হওয়ার জন্য। ইতোমধ্যে পাকিস্তানের প্রচারযন্ত্র সমস্ত আন্তর্জাতিক ক্ষেত্রে বুকাতে চেষ্টা করছিল যে, বাংলাদেশের বর্তমান পরিস্থিতি স্বাভাবিক। এ খবর পাওয়া মাত্র আমি ওয়ার্ন্ট ব্যাংক

টিমটির যথাযথ অভ্যর্থনার ব্যবস্থা করি। আমি বুঝতে পেরেছিলাম যে, ওয়ার্ল্ড ব্যাংক যদি পাকিস্তানকে আর্থিক সাহায্য দেয়, তাহলে সেই আর্থিক সাহায্যে পাকিস্তানের সমরাত্মক কেনার ও যুক্ত পরিচালনার পক্ষে যথেষ্ট সুবিধে হবে। যে করেই হোক ওয়ার্ল্ড ব্যাংক টিমকে বুঝিয়ে দিতে হবে যে, বাংলাদেশের বর্তমান পরিস্থিতি মোটেই স্বাভাবিক নয়। বরঞ্চ বাংলাদেশের অধিকাংশ স্থানই পাকবাহিনীর আয়তাধীনে নেই।

এ পরিপ্রেক্ষিতে আমি একটি গেরিলা দলকে ঢাকা শহরে বিভিন্ন জায়গায় বিস্ফোরণ ঘটানো এবং পাকিস্তানিদের নিহত করার জন্য পাঠিয়ে দিই। এই দলটি ৪ জুন ঢাকার গোপন পথে রওয়ানা হয়ে যায় এবং পরদিন সকালে পৌঁছে যায়। এই দলেরই ২ জুন ছেলে ৮ জুন সন্ধ্যা সাড়ে ৭ টার সময় জিন্নাহ এভিনিউ'র কলেজ সু টোরের সামনে গ্রেনেড বিস্ফোরণ ঘটায়। আর একটি গ্রেনেড ছাঁড়ে পুরানা পল্টনে সন্ধ্যা ৮টায়। ঐদিনই আর একটি ছোট দল ঢাকা ক্যান্টনমেন্টের ভেতর একজন পাকিস্তানি অফিসারের বাড়ির ভিতরে দুপুর ২টার সময় গ্রেনেড ছাঁড়ে। এতে অফিসারের গাড়িটির ক্ষতিসাধিত হয় এবং একজন লোক আহত হয়। পরের দিন সন্ধ্যায় মর্নিং নিউজ অফিসের ভেতর গ্রেনেড ছোঁড়া হয়। এতে কয়েকজন পাকিস্তানি দালাল নিহত হয়। ইতোমধ্যে দলটি খবরাখবর নেয় যে, ওয়ার্ল্ড ব্যাংক টিম হোটেল ইন্টারকন্টিনেন্টালে অবস্থান করছে। এ খবর পাবার পর ২ জুন গেরিলা ৯ জুন সন্ধ্যা ৮-১৫ মিনিটে হোটেল ইন্টারকন্টিনেন্টালে প্রবেশ করে এবং ওয়ার্ল্ড ব্যাংক টিম-এর হোটেলে ফেরার প্রতিক্ষায় থাকে। তারা যখন তাদের গাড়িতে করে আসেন এবং গাড়ি নিচে রেখে হোটেলের ভিতরে প্রবেশ করেন, সে সময় গেরিলা দলটি গাড়ি লক্ষ্য করে তৃটি গ্রেনেড ছাঁড়ে। এর ফলে গাড়িটি সম্পূর্ণরূপে ঝুংস হয়ে যায় এবং নিকটবর্তী একজন পাঞ্জাবী সেনাও নিহত হয়।

এ সমস্ত ঘটনাবলীতে বিশ্ব ব্যাংক কর্মকর্তাগণ অতি সহজেই বাংলাদেশের পরিস্থিতি সম্পর্কে ওয়াকিবহাল হন। ইন্টারকন্টিনেন্টালের বিস্ফোরণের তারা ছিলেন প্রত্যক্ষদর্শী। তারা ঠিকই বুঝতে পেরেছিলেন পূর্ব পাকিস্তানের (বাংলাদেশের) বর্তমান অবস্থা স্বাভাবিক নয়। এই ঘটনার পর ওয়ার্ল্ড ব্যাংক টিম দেশে ফিরে গিয়ে তাদের রিপোর্টে বাংলাদেশের পরিস্থিতি সম্বন্ধে সঠিক ঘটনাবলি তুলে ধরেন। তারা তাদের রিপোর্টে পাকিস্তানকে আর্থিক সাহায্য না দেওয়ার সুপারিশ করেন। আন্তর্জাতিক ক্ষেত্রে এটা ছিল পাকিস্তানের পক্ষে এক বিরাট পরাজয়।

রাজাপুর রেলওয়ে স্টেশনের নিকট পাঁচড়া গ্রামে শক্রদের একটি অবস্থান ছিল। এই অবস্থানটি শক্রদের নয়নপুর এবং রাজাপুর রেলওয়ে স্টেশনের পিছন থেকে সরবরাহের জন্য ব্যবহৃত হত। মতিনগর থেকে একটি রেইডিং পার্টিকে পাঁচড়া গ্রামে শক্র অবস্থানের উপর অনুপ্রবেশ করে আক্রমণ করার নির্দেশ দেয়া হয়। ১৩ জুন রাত ৯ টার সময় এ দলটি গ্রামের গোপন পথে শক্র অবস্থানের ভেতর অনুপ্রবেশ করে এবং অতর্কিত আক্রমণ চালায়। এ অতর্কিত আক্রমণে শক্রদের মধ্যে সম্পূর্ণ বিশৃঙ্খলা দেখা দেয়। আমাদের দলটি বেশ কিছু পাকসেনাকে হতাহত করে শক্র অবস্থান থেকে সরে পড়ে। কিন্তু এর পরেও শক্রদের মধ্যে রাতের অন্ধকারে প্রায় ২ ঘণ্টা গোলাগুলি চলতে

থাকে। পাকসেনাদের অয়ারলেস ম্যাসেজ আমাদের অয়ারলেসে ধরা পড়ে। এতে শোনা যায় পাকসেনারা তাদের উর্ধ্বতন হেডকোয়ার্টারকে জানাচ্ছে “মুক্তিবাহিনী আমাদের উপর ভয়ঙ্কর আক্রমণ চালাচ্ছে। আমাদের নির্দেশ দিন আমরা এখন কী করব।” এ ছাড়াও শক্ত অবস্থান থেকে বারবার শ্রোগান শোনা যায় ‘পাকিস্তান জিন্দাবাদ, আজীজ ভাষ্টি জিন্দাবাদ, ১৭ পাঞ্জাব জিন্দাবাদ’ ইত্যাদি। গোলাগুলির প্রচণ্ড আওয়াজ তখনও চলতে থাকে। আমরা বুঝতে পারি যে, আমাদের দলটি সরে আসার পরও পাকবাহিনী নিজেদের মধ্যে কয়েক ঘন্টা গোলাগুলি করে বীরত্বের পরিচয় দিচ্ছে। এ সংঘর্ষে পাকসেনাদের ১১ জন নিহত ও ১২ জন আহত হয়। বেশ কিছুসংখ্যক সৈন্য তাদের নিজেদের শুলিতেই হতাহত হয়।

পাকিস্তানিরা সীমান্তের নিকটবর্তী থানাগুলোতে পশ্চিম পাকিস্তানি পুলিশ এবং মিলিশিয়া নিয়োগ করতে শুরু করে। এসব থানাগুলোতে তারা বাংকার তৈরি করে অবস্থানকে শক্তিশালী করতে থাকে। কুমিল্লার উত্তরে সবগুলো থানাকেই তারা এভাবে শক্তিশালী করে। আমি এসব থানাগুলোকে আক্রমণ করে পাকিস্তানিদের শাসনযন্ত্রকে অচল করে দেয়ার একটা পরিকল্পনা করি।

আমাদের অবস্থানের নিকটবর্তী বুড়িচং থানা আমার জন্যে একটা বাধার কারণ হয়ে দাঁড়িয়েছিল। কেননা বুড়িচং-এর ভেতর দিয়েই আমার গেরিলারা গোপন পথে ঢাকা, কুমিল্লা এবং ফরিদপুরে যাতায়াত করত। এই থানাটির অবস্থানের গোপন পথগুলো মোটেই নিরাপদ ছিল না। পশ্চিম পাকিস্তানি পুলিশরা পাকসেনাদের খবরাখবর পাঠাত। আমি বুড়িচং থানা আক্রমণ করার জন্য ১৬ জনের একটি দলকে পাঠাই। ১৪ জুন রাত ১ টায় এ দলটি অতর্কিত বুড়িচং থানার উপর আক্রমণ চালায়। থানায় প্রহরারত ইপকাফ (EPCAF—ইন্ট পাকিস্তান সিভিল আমর্ড ফোর্সেস) এবং পুলিশ যথেষ্ট বাধা দেয়, কিন্তু অবশেষে আমদের রেইডিং পার্টির হাতে তারা পরামুক্ত হয়। এই সংঘর্ষে শক্রদের ৮ জন নিহত হয়। আমাদের ১ জন লোক গুরুতরভাবে আহত এবং একজন নির্ধেঁজ হয়। এর ফলে বুড়িচং থানা শক্রমুক্ত হয় এবং ঢাকা, কুমিল্লা যাবার গোপন পথ নিরাপদ হয়।

ঢাকাতে ৪ঠা জুন যে দলটিকে পাঠানো হয়েছিল, সেই দলটি তাদের কার্যকলাপ চালিয়ে যেতে থাকে যাতে স্বাভাবিক পরিবেশ পাকিস্তানিরা ফিরিয়ে আনতে না পারে। ঢাকার প্রশাসন ব্যবস্থা যাতে পাকিস্তানিদের সম্পূর্ণভাবে নিয়ন্ত্রণে না আসে তার জন্য এই গেরিলা দল তৎপর ছিল। দলটি ১০ জুন দুপুর ২ টার সময় নিউ মার্কেটের প্রধান চতুরে তিনটি গ্রেনেড বিক্ষেপণ ঘটায়। এর ফলে সমস্ত লোকজন নিউ মার্কেট থেকে পালিয়ে যায় এবং দোকানপাট বক্ষ হয়ে যায়। এর পরদিন বিকেল ৪ টায় যখন অফিস শেষ হচ্ছিল, ঠিক সে সময় ওয়াপদা বিল্ডিং-এর সামনে ২টি গ্রেনেড বিক্ষেপণ ঘটায়। এর ফলে ওয়াপদা ভবনের কাজকর্ম বক্ষ হয়ে যায়।

এদিকে নয়নপুর রেল স্টেশনের নিকট একটি গোড়াউনের ভেতর শক্রদের কিছুসংখ্যক সৈন্য তাদের ঘাঁটি গড়ে তুলেছিল। এই সংবাদ ৪ৰ্থ ইন্ট বেঙ্গলের ‘এ’ কোম্পানি জানতে পারে। মেজর সালেক একটি প্লাটুনের সঙ্গে আরআর ও মর্টার দিয়ে এ

ঁাটিটি আক্রমণের জন্য পাঠায়। সন্ধ্যা সাড়ে ৬ টায় এ দলটি শক্রদের অবস্থানে দক্ষিণ দিক দিয়ে পিছনে অনুপ্রবেশ করে এবং অতর্কিতে ঐ গোড়াউনটির উপর আক্রমণ চালায়। আরআর এবং মর্টারের গোলা গোড়াউনটির যথেষ্ট ক্ষতিসাধন করে এবং কয়েকটি আরআর-এর গোলা গোড়াউনের ভিতরে পড়ে বিক্ষেপণ ঘটায়। এদিন রাতেই হাবিলদার সালামের নেতৃত্বে নয়নপুরের রেলওয়ে স্টেশনের দক্ষিণে আশাবাড়ি থেকে রাত দেড়টার সময় শক্র অবস্থানের উপর আরআর ও মর্টারের সাহায্যে আবার আক্রমণ চালানো হয়। শক্ররা এ আক্রমণের জন্য মোটেই প্রস্তুত ছিল না। তারা দ্বিতীয়বার আক্রমণ আশা করেনি। এ আক্রমণের ফলেও শক্রদের যথেষ্ট ক্ষয়ক্ষতি হয়।

এ সময় শক্রদের অবস্থান যেখানে যেখানে ছিলা, সেসব অবস্থানের কাছাকাছি এবং পাকসেনাদের চলাচলের রাস্তার উপর মাইন পুঁতে রাখা হয়েছিল। ১৪ জুন রাতে ফকিরহাট রেলওয়ে স্টেশন থেকে ৭০০/৮০০ গজ উত্তরে শক্র একটি দল দুপুরে বখশিমাইল গ্রামে পেট্রোলিং-এর জন্য গিয়েছিল। আর একটি দল গাজীপুরের নিকট আমরা যে কাঠের পুল জালিয়ে দিয়েছিলাম, সেটি মেরামত করছিল। বখশিমাইল গ্রাম থেকে সন্ধ্যার সময় পাকসেনাদের দলটি ফকিরাহাটে নিজেদের অবস্থানে ফেরার পথে আমাদের পুঁতে রাখা মাইনের মধ্যে পড়ে যায় এবং মাইনগুলো তাদের পায়ের চাপে ফাটতে থাকে। এতে তাদের অনেক লোক হতাহত হয় এবং তাদের মধ্যে ভয়ঙ্কর বিশৃঙ্খলা শুরু হয়। এ মাইনগুলোর ফাটার শব্দ নিকটবর্তী অবস্থান থেকে পাকসেনারা শুনতে পায়। রাতের অন্ধকারে তারা ঠিক বুঝতে পারছিল না এ বিক্ষেপণের সঠিক কারণ কী। মুক্তিবাহিনীর দ্বারা আক্রান্ত হয়েছে ভেবে পাকসেনারা প্রচণ্ডভাবে গোলাগুলি ছুঁড়তে থাকে। এই গোলাগুলি রাত ৮ টা থেকে রাত ৩ টা পর্যন্ত চলতে থাকে। শক্ররা নিজেদের লোকের উপর শত শত মর্টার এবং কামানের গোলা ছুঁড়তে থাকে। আমাদের দূরে অবস্থিত পেট্রোল পার্টি 'ইয়া আলী, ইয়া আলী, বাঁচাও বাঁচাও', প্রত্বতি ধ্বনি শুনতে পায়। পরে আমরা পার্শ্ববর্তী গ্রামের লোকমুখে শুনতে পাই যে আমাদের মাইনে এবং পাকসেনাদের নিজেদের গোলাগুলিতে অন্ততঃপক্ষে ৪০/৫০ জন পাকসেনা হতাহত হয়েছে। পরদিন সকালে পাকসেনাদের একজন বিশ্বেতিয়ার ঐ অবস্থানটি পরিদর্শন করতে কুমিল্লা থেকে আসেন।

পাকসেনারা এই দুর্ঘটনার পর রাজাপুর রেলওয়ে স্টেশনের চতুর্দিকে এবং ফকিরাহাট পর্যন্ত তাদের পেট্রোলিং আরো জোরদার করে। মতিনগরে অবস্থিত আমাদের কোম্পানি শক্রদের এই কার্যকলাপ পর্যবেক্ষণ করতে থাকে। ১৬ জুন সকালে আমাদের একটি প্লাটুন পাকসেনাদের পেট্রোলিং পথের উপর এ্যামবুশ পাতে। সকালে ৯ টায় পাকসেনাদের একটি দল রাজাপুর রেলওয়ে স্টেশন থেকে রওয়ানা হয়। এই দলটি আমাদের এ্যামবুশ-এর মধ্যে পড়ে যায়। অতর্কিতে আমাদের লোকেরা পাকসেনাদের উপর হালকা মেশিনগান ও অন্যান্য অস্ত্রের সাহায্যে গোলাগুলি চালায়। এই গোলাগুলিতে শক্রদের ৮ জন নিহত ও ১ জন আহত হয়। এছাড়া আমাদের লোকেরা প্রচুর অন্তর্শস্ত্র, টেলিফোন সেট, ড্রাইসেল ব্যাটারি ও আরও অন্যান্য জিনিস হস্তগত করে।

জুন মাসের দ্বিতীয় সপ্তাহে আমার কাছে খবর আসে যে, শক্রদের গোলন্দাজ বাহিনীর একটি ব্যাটারি (৬টি কামানের একটি দল) কুমিল্লা-ব্রাক্ষণবাড়িয়ার সিএভিভি রোড তাদের কামানের অবস্থান হিসেবে ব্যবহার করছে। পাকবাহিনীর নয়নপুর, শালদানদী, টি. আলীর বাড়ি (কসবায়) প্রভৃতি শক্র অবস্থানের জন্য এই কামানগুলো থেকে সাহায্যকারী গোলা নিষ্কেপ হচ্ছে। এই কামানগুলোর জন্য পাকবাহিনীর উপরোক্ত অবস্থানগুলোর উপর আমাদের আক্রমণ অনেক সময় কার্যকরী করা যেতো না। আমার কাছে আরও খবর আসে যে, প্রায় ১৫০ জন পাকসেনা এই কামানগুলোকে ব্যবহারও রক্ষণাবেক্ষণ করে। এই সংবাদ পাওয়া মাত্র আমি লে. হ্রায়ুন কবিরকে এই কামানের অবস্থানটি আক্রমণ করে ধ্বংস করার জন্য নির্দেশ দিই। ৪০ জনের একটি দল (৪ৰ্থ ইষ্ট বেঙ্গলের 'ডি' কোম্পানি) লে. হ্রায়ুন কবিরের নেতৃত্বে ১৬ জুন রাত সাড়ে ১০ টায় শক্র অবস্থানের দিকে অগ্রসর হয়। সমস্ত রাত চলার পর দলটি কুমিল্লা-ব্রাক্ষণবাড়িয়ার রাস্তার পশ্চিমে সাইদাবাদের চার মাইল উত্তরে ভোরে পৌঁছে এবং তাদের একটি গোপন অবস্থান তৈরি করে। ১৭ জুন সমস্ত দিন এবং রাত লে. হ্রায়ুন কবির তার সঙ্গে শুধু কয়েকজনকে নিয়ে পাকসেনাদের সাইদাবাদ অবস্থানটি সম্পূর্ণরূপে অনুসন্ধান করে। এই অবস্থানটি পাহারার কী কী ব্যবস্থা আছে, কারা পাহারাদার এবং কী কী অন্ত্রের সাহায্যে পাহারা দেয়, অবস্থানটিতে পৌঁছার জন্য গোপন পথ কী, কামানগুলো রাতে কোনস্থানে রাখে, কোনসময়ে পাকসেনারা বেশি সজাগ এবং তাদের বাংকারগুলো অবস্থান কোথায় প্রভৃতি খবরাখবর সে সংগ্রহ করে। এরপর লে. হ্রায়ুন কবির সকাল হবার আগেই তার গোপন ঘাঁটিতে ফেরত আসে। ১৮ জুন সমস্ত দিন সে তার দলটিকে পাকসেনাদের সম্বন্ধে বিস্তারিত খবর বলে এবং পাক ঘাঁটিতে আক্রমণের পরিকল্পনা এবং কার্যাবলি সম্বন্ধে প্রত্যেককে বুঝিয়ে দেয়। সমস্ত দিন দলটি আক্রমণের জন্য প্রস্তুতি নেয়।

১৮ জুন ভোর ৪ টায় লে. হ্রায়ুনের নেতৃত্বে আমাদের দলটি পাকসেনাদের কামান ঘাঁটির উপর পিছন দিক থেকে অনুপ্রবেশ কর অতর্কিতে আক্রমণ চালায়। পাকসেনারা তাঁবুর মধ্যে শুয়ে ছিল। তারা এ আক্রমণের জন্য মোটেই প্রস্তুত ছিল না। সেদিনই কুমিল্লা থেকে পাকসেনাদের দুটি কোম্পানি যেগুলো সামনে শক্রদের ঘাঁটিকে শক্তিশালী করার জন্য যাচ্ছিল, তারাও রাতের বিশ্রামের জন্য অস্তর্কভাবে এ অবস্থানটিতে শুয়েছি। আমাদের দলের অতর্কিত আক্রমণে পাকসেনাদের ঘাঁটিতে ভীষণ বিশৃঙ্খলার সৃষ্টি হয় এবং অনেক শক্রসেনা আমাদের গুলিতে প্রাণ হারাতে থাকে। আমাদের লোকেরা কয়েকটি জীপ ও ৩ টন ট্রাকে যেনেড ছুঁড়ে আগুন লাগিয়ে দেয়। পাকসেনারা এত বেশি ভীত হয়ে পড়ে যে তারা তাদের হেডকোয়ার্টারের জঙ্গী বিমানের সাহায্যের প্রার্থনা জানায়। যুদ্ধ বেশি কিছুক্ষণ ভয়ঙ্করভাবে চলে এবং আমাদের সৈন্যরা কামান, গাড়ি ইত্যাদি ধ্বংস করে। কিন্তু ইতোমধ্যে সকাল হয়ে যায় এবং শক্রদের প্রতিরোধ শক্তি বাড়াতে থাকে ও তাদের আবেদনে তিনটি জঙ্গী বিমান ঘটনাস্থলে পৌঁছে আমাদের রেইডিং পার্টির উপর আক্রমণ চালায়। লে. হ্রায়ুনের দলটি তখন আটকা পড়ে যাবার ভয়ে আক্রমণ শেষ করে গ্রামের গোপন পথে মেঘনার দিকে পশ্চাদপসরণ

করে। এই পশ্চাদপসরণের সময় তারা বারবার পাকিস্তানি জঙ্গী বিমান দ্বারা আক্রান্ত হয়। তবুও সমস্ত বাধাবিপত্তি উপেক্ষা করে তারা সাফল্যের সাথে শক্তদের আওতার বাইরে চলে আসে। একদিন পর তারা অন্য পথে আবার কুমিল্লা-ব্রাক্ষণবাড়িয়া প্রধান সড়কের উপর আসে এবং সতোরা সড়কের সেতুটি উড়িয়ে দিয়ে নিজ ঘাঁটিতে নিরাপদে ঘাঁটিতে নিরাপদে ফিরে আসে।

এ আক্রমণের ফলে যদিও লে. হুমায়ুনের দলটি পাকসেনাদের কামান দখল করে আনতে পারেনি কিন্তু তবুও এ আক্রমণের হতাহত হয় এবং তারা জন্য ছিল ভয়াবহ। অন্ততঃপক্ষে ৫০/৬০ জন পাকসেনা এ আক্রমণে ফলাফল পাকসেনাদের ২টি বিসামরিক বাসে লাল ঝাণ্ডা তুলে হতাহতদের কুমিল্লার দিকে নিয়ে যায়। এ খবর স্থানীয় লোকেরা জানায়। তাছাড়া, গাড়ি, যুদ্ধ সরঞ্জাম ও এই অবস্থানে রাখা কামানের গোলা যেগুলো ধ্বংস করা হয়েছিল, তা ছিল তাদের পক্ষে অত্যন্ত মারাত্মক ক্ষতিকর। আসার পথে দলটি যে সেতু উড়িয়ে দিয়ে আসে, এতেও তাদের গতিবিধির উপর যথেষ্ট বাধার সৃষ্টি করে। এ হামলার পর শক্রসেনারা প্রায় ২/৩ সঙ্গাহ সমস্ত সেষ্টরে তাদের কার্যকলাপ সম্পূর্ণরূপে বন্ধ করে দেয়। পাকসেনারা এরপর নিরীহ গ্রামবাসীদের উপর অত্যাচার চালায় এবং বাড়িবর পুড়িয়ে দেয়।

১৬ জুন আমাদের কসবা অবস্থান থেকে ছোট দল বাগাবাড়ি নামক জায়গায় এ্যামবুশ পাতে। সকাল ৬টায় পাকসেনাদের একটি পেট্রোল পার্টি কসবার দিকে টাইলে আসে। পাকসেনাদের এই দলটি অসতর্কভাবে হঠাতে আমাদের এ্যামবুশ পার্টির বাংকারের নিকটে চলে আসে। আমাদের এ্যামবুশ দলটি এ সুযোগের অপেক্ষায় ছিল। অতি নিকট থেকে তাদের সমস্ত অস্ত্র গুলি চালাতে থাকে। অতর্কিং গুলির আঘাতে প্রায় ১০ জন পাকসেনা নিহত ও ৫ জন আহত হয়। শুধু ২ জন পালিয়ে যেতে সক্ষম হয়।

পাকসেনারা ১৮ জুন আমাদের অবস্থান কৈখোলার উপর গোলম্বাজ বাহিনীর সাহায্যে প্রচণ্ড আক্রমণ চালায়। এ আক্রমণের মুখে টিকতে না পেরে অবস্থানকারী প্লাটুনটি কৈখোলা ত্যাগ করে এবং সঙ্গে সঙ্গে পাকসেনাদের একটি দল কৈখোলা দখল করে নেয়। ঐদিন রাতে মেজর সালেক চৌধুরীর নেতৃত্বে আমাদের ‘এ’ কোম্পানি ভোর রাতে কৈখোলায় অবস্থানরত শক্রদের উপর প্রচণ্ড পাল্টা আক্রমণ চালায়। হাবিলদার সালামের প্লাটুন শিবপুরের দিক থেকে এবং সুবেদার আবদুল হক ভুঁইয়ার প্লাটুন দক্ষিণ দিক থেকে শক্রসেনাদের অবস্থানের ভেতর অনুপ্রবেশ করে যায়। হাবিলদার সালামের প্লাটুনের আক্রমণে পাকসেনাদের ভীষণ ক্ষয়ক্ষতি হয় এবং পাকসেনারা হাবিলদার সালামের সামনের অবস্থানটি পরিত্যাগ করে পিছনে পালিয়ে যায়। সঙ্গে সঙ্গে পাকসেনাদের ভেতর বিশৃঙ্খলার সৃষ্টি হয় এবং শক্ররা সমগ্র কৈখোলা এলাকা থেকে পালিয়ে যেতে শুরু করে। ২ ঘন্টার মধ্যে প্রচণ্ড আক্রমণের সামনে টিকতে না পেরে পাকসেনারা অবস্থানটি সম্পূর্ণভাবে পরিত্যাগ করে। এ যুদ্ধের ফলে পাকসেনাদের একজন জেসিওসহ ৩১ জন সিপাহী হতাহত হয় এবং অবস্থানটি থেকে অনেক অন্তর্শন্ত্র ও যুদ্ধসরঞ্জাম দখল করা হয়।

২৯ জুন ক্যাডেট হুমায়ুন কবিরের হেডকোয়ার্টারের খবর আসে যে, পাকসেনাদের একটি প্লাটুনের সাগরতলার ভেতর পেট্রোলিং করার জন্য যেতে দেখা গেছে। ক্যাডেট

হুমায়ুন তৎক্ষণাৎ একটি প্লাটুন নিয়ে মন্দভাগের নিকট দ্রুত এ্যামবুশ পাতে। সন্ধ্যা ৭টায় পাকসেনারা ফেরার পথে তাদের দলটির শেষ অংশটিকে ক্যাডেট হুমায়ুন এ্যামবুশ করে। এ্যামবুশে পাকসেনাদের ৯ জন সৈন্য নিহত হয় এবং বাকি পাকসেনারা মন্দভাগ গ্রামের দিকে পালিয়ে তাদের জীবন বাঁচায়।

জুন মাসের মাঝামাঝি লে, মাহবুব ৪৬ ইষ্ট বেঙ্গলের 'বি' কোম্পানি থেকে একটি প্লাটুনকে পাকসেনাদের যাতায়াতের রাস্তা ধ্রংস করার জন্য কুমিল্লার দক্ষিণে প্রেরণ করে। এ দলটি ১৮ জুন সন্ধ্যা ৬ টায় কুমিল্লা-লাকসামের বিজয়পুর রেলওয়ে ট্রীজ, কুমিল্লা-বাগমারা রোডের সেতু উড়িয়ে দেয়। এই সেতুগুলোর ধ্রংসের ফলে কুমিল্লার দক্ষিণে সড়ক এবং রেলওয়ে যাতায়াত বন্ধ হয়ে যায়। ঐদিনই দলটি বিজয়পুর এবং মিয়াবজারের নিকট কয়েকটি ইলেক্ট্রিক পাইলন উড়িয়ে কাঞ্চাই থেকে ঢাকায় বিদ্যুৎ সরবরাহ বন্ধ করে দেয়। পাকসেনাদের একটি প্লাটুন সন্ধ্যার সময় চৌরাস্তার নিকট পেট্রোলিং-এ আসে। এই পাকসেনারা দলটিকে এ্যামবুশ করলে ২ জন পাকসেনা নিহত হয়। পাকসেনারা পরে পার্শ্ববর্তী গ্রামগুলো জুলিয়ে দেয় এবং অত্যাচার চালায়। আমাদের পেট্রোল পার্টি খবর আনে যে, পাকিস্তানিদের প্রায় এক কোম্পানি সৈন্য মিয়াবজারের উত্তরে একটি গোড়াউনের মধ্যে অবস্থান করছে। পেট্রোলটি এই গোড়াউনটিতে পৌঁছাবার গোপন রাস্তা, পাকসেনাদের প্রতিরক্ষা ব্যবস্থা ও অন্যান্য বিস্তারিত খবর নিয়ে আসে। এ সংবাদ পেয়ে লে, মাহবুব ৩৩ জনের একটি কমান্ডো প্লাটুন রেন্ডেসাইড ও মর্টারসহ রাত ৯ টায় গুদামটি আক্রমণ করার জন্য পাঠিয়ে দেয়। এই কমান্ডো দলটি রাত ১২ টার সময় শক্ত অবস্থানের নিকট পৌঁছে যায়। তারা একটি ছোট দল পাঠিয়ে অবস্থানটির সর্বশেষ খবর নেয় এবং জানতে পারে পাকসেনারা অবস্থানটিতে বেশি সতর্কতামূলক ব্যবস্থা নেয়নি। রাত ১ টায় আমাদের কমান্ডো প্লাটুনটি অতর্কিতে পাকসেনাদের প্রতিরক্ষা অবস্থানের ভেতর অনুপ্রবেশ করে এবং সঙ্গে সঙ্গে পাকসেনাদের উপর হালকা অন্তরের সাহায্যে গুলি চালাতে থাকে। পাকসেনারা অনেকেই গুলিতে হতাহত হয়। তারা আমাদের কমান্ডো প্লাটুনের উপর পাল্টা আক্রমণের চেষ্টা করে, কিন্তু তা ব্যর্থ হয়ে যায়।

১৮ জুন রাত ৯ টায় মিয়াবজারের দক্ষিণে আমাদের আরেকটি প্লাটুন পাকসেনাদের ২টি বাংকারের উপর আক্রমণ চালায়। এই আক্রমণে ৭ জন পাকসেনা নিহত হয়। পাকসেনারা এরপর সমস্ত রাত অবিরাম মর্টারের গোলা ছুঁড়তে থাকে। আমাদের এই দলটি খিলা রেলওয়ে স্টেশনের নিকট কয়েকটি ট্যাংকবিধ্বংসী মাইনের রাস্তায় পুঁতে রাখে। পাকসেনাদের একটি জীপ রাতে ঐ রাস্তায় যাওয়ার পথে মাইনের উপর পড়ে যায় এবং সম্পূর্ণভাবে ধ্রংস হয় এবং ৫ জন পাকসেনা নিহত হয়।

জুন মাসেই পাকসেনারা কুমিল্লা শহরে শাসনকার্য পুনরায় স্বাভাবিক করার জন্য সমস্ত রকমের ব্যবস্থা নেয়। সরকারি অফিস ভালভাবে চলার জন্য তারা সরকারি কর্মচারীদের বাধ্য করে। শহরের দোকান ও যানবাহন চালু করার বন্দোবস্ত করে। পাকিস্তানিদের এ প্রচেষ্টা ব্যর্থ করার জন্য ৪ জন গেরিলার একটি দলকে ৬ই জুন কুমিল্লার উত্তরে দিয়ে গোমতী পার করে কুমিল্লা শহরে পাঠান হয়। এ দলটি গ্রেনেড ও

স্টেনগান সঙ্গে নিয়ে যায়। তিনদিন পর্যন্ত শহরের ভেতর একটি গুপ্ত অবস্থানে দলটি নিজেদের ঘাঁটি গড়ে। কুমিল্লা শহরের বিভিন্ন জায়গায় পাকসেনাদের টহলদার দলগুলো সম্মতে তারা বিস্তারিত খবরাখবর যোগাড় করে। ১০ জুন সন্ধ্যায় কমার্স ব্যাংক, ন্যাশনাল ব্যাংক, জজকোর্ট প্রভৃতি স্থানে পর পর পাকসেনাদের উপর গ্রেনেড নিক্ষেপ করে। এর ফলে একজন পাকসেনা নিহত ও ৫ জন আহত হয়। ঐ দিনই ৭ জন রেঞ্জারের একটি দলকে তারা আক্রমণ করে। এতে ২ জন মিলিশিয়া নিহত হয় এবং তাদের একটি গাড়ি ক্ষতিগ্রস্ত হয়। এর কয়েকদিন পর ২১ জুন সকালে একটি আরআর আমাদের সৈন্যরা কুমিল্লা শহরের নিকটে বয়ে নিয়ে যায়। এবং কুমিল্লা বিমান বন্দরের ও শহরের উপকর্ত্ত্বের উপর গোলাগুলি করে এবং পাকিস্তানিরা এতে পাগলের মতো ছোটাছুটি করতে থাকে। এসব কার্যকলাপের ফলে কুমিল্লা শহর ও তার নিকটবর্তী এলাকার লোকেরা আবার তাদের সাহস ফিরে পায়। অনেকেই শহর থেকে বাইরে চলে যায়। এসব আক্রমণের ফলে পাকিস্তানিদের শাসন ব্যবস্থা চালু করার প্রচেষ্টা বহুলাংশে ব্যর্থ হয়।

শালদানন্দীতে পাকসেনারা জুন মাসে তাদের প্রতিরক্ষা ব্যবস্থা আরো শক্তিশালী করার চেষ্টা করছিল। পাকসেনাদের কার্যকলাপে বিঘ্ন সৃষ্টি করার জন্য এবং তাদেরকে ব্যস্ত রাখার জন্য মেজর সালেক ৪ৰ্থ ইন্ট বেঙ্গলের ‘এ’ কোম্পানির ১টি প্লাটুন মর্টারসহ শালদানন্দীর পশ্চিম দিকে পাঠিয়ে দেয়। এই প্লাটুনটি রাত ঢ টায় পাকসেনাদের অবস্থানটি ঘূরে পিছনে যেতে সক্ষম হয়। সকাল সাড়ে ৫টার সময় পূর্ব নির্ধারিত স্থানে তারা নিজেদের ঘাঁটি স্থাপন করে। এরপর প্রত্যুষের সঙ্গে সঙ্গেই পিছনে থেকে মেশিনগান ও অন্যান্য হালকা অস্ত্রশস্ত্র এবং মর্টারের সাহায্যে শক্ত অবস্থানের ওপর অতি নিকট থেকে হামলা চালায়। পাকসেনারা দিনের বেলায় তাদের অবস্থানের পিছনে এত নিকট থেকে আক্রমণের জন্য প্রস্তুত ছিল না এবং এর ফলে তাদের অন্ততঃপক্ষে ১ জন জেসিওসহ ৩২ জন হতাহত হয়। পাকসেনাদের একটি শক্তিশালী দল রাতে শালদা নন্দী অবস্থান হতে কসবাতে টহলের জন্য গিয়েছিল। এই সংবাদটি আমাদের লোকের জানা ছিল না। পাকসেনাদের সঙ্গে আমাদের প্লাটুনটি যখন ভয়ংকর সংঘর্ষ করছিল, সে সময় পাকসেনাদের টহলদার দলটি কসবা থেকে ফেরার পথে আমাদের প্লাটুনটির পিছনে অবস্থান নিয়ে আমাদেরকে ঘিরে ফেলার চেষ্টা করে। আমাদের প্লাটুনটি সঙ্গে সঙ্গে অতিকষ্টে পাকসেনাদের ঘেরাও থেকে বেরিয়ে আসতে সক্ষম হয়। আসার সময় আমাদের একজন লোক আহত হয়। পাকসেনারা এরপর শালদানন্দী অবস্থান আরো শক্তিশালী করে তোলে।

আমরা খবর পাই যে, পাকবাহিনী প্রায়ই হোমনা থানার নিকট কাঁঠালিয়া নন্দী এবং গোমতী নন্দীতে লঞ্চের দ্বারা পেট্রোলিং করে। এ খবর শুনে আমি হেডকোয়ার্টার থেকে ১টি প্লাটুন হাবিলদার গিয়াসুন্দিনের নেতৃত্বে হোমনা থানাতে প্রেরণ করি। এই দলটি অনেক বাধাবিঘ্ন অতিক্রম করে দাউদকান্দির ৮ মাইল উত্তরে ও গৌরীপুর হতে সাত মাইল উত্তরে-পশ্চিমে চড়কমারী গ্রামের নিকট তাদের গুপ্ত ঘাঁটি গড়ে তোলে। হাবিলদার গিয়াসুন্দিন চড়কমারী গ্রামের নিকট পাকসেনাদের লঞ্চকে গ্র্যামবুশ করার

জন্য তার দলটিকে নিয়ে নদীর পাড়ে একটি অবস্থান গড়ে তোলে। পাকসেনারা নিত্যনৈমিত্তিক টহলে সকালে পশ্চিম হতে কাঁঠালিয়া নদী দিয়ে লঞ্চে অগ্রসর হয়। লঞ্চটি যখন ৫০ গজের ভেতর চলে আসে, তখন হাবিলদার গিয়াসুন্দীনের পাটি মেশিনগান, হালকা মেশিনগান ও অন্যান্য অস্ত্র হতে অতর্কিতে গোলাগুলি চালাতে থাকে। পাকসেনারা অনেকেই হতাহত হয়। লঞ্চটির সারেং লঞ্চটিকে একটা চরের দিকে নিয়ে ভিড়াবার চেষ্টা করে কিন্তু ব্যর্থ হয়। এরপর অনেক পাকসেনা লঞ্চ থেকে পানিতে ঝাপ দিয়ে পড়ে কিন্তু তাতেও তারা পানিতে শুলির আঘাতে মারা যায়। লঞ্চটি ও আমাদের মেশিনগানের শুলিতে ক্ষতিগ্রস্ত হয়ে ডুবে যায় এবং বেশিরভাগ পাকসেনা পানিতে পড়ে যায়। শুধু কয়েকজন সাঁতরিয়ে অন্য পাড়ে উঠে পালাতে সক্ষম হয়। এই লঞ্চে পাকসেনাদের অস্তুত ৭০/৮০ জন লোক ছিল এবং সঙ্গে ৩ জন বেসামরিক লোকও ছিল। হাবিলদার গিয়াসুন্দীনের লোকেরা লঞ্চ থেকে অনেক অন্তর্শন্ত্র, গোলাবরুদ্ধ উদ্ধার করে। সেদিনই বিকেল ৫ টার সময় পাকবাহিনীর একটি হেলিকপ্টার তাদের এই লঞ্চটি এবং লোকজনের খবরাখবর নেয়ার জন্য ঐ এলাকায় অনেক ঘোরাফ্রিমা করে কিন্তু কোনো খৌজ খবর না পেয়ে হেলিকপ্টারটি ফেরত চলে যায়। এ এ্যাকশন সকালে প্রায় এক থেকে দেড় ঘণ্টা চলে এবং পার্শ্ববর্তী সমস্ত এলাকায় স্থানীয় লোকেরা দূর থেকে তা প্রত্যক্ষ করে। পাকবাহিনীকে শোচনীয়ভাবে পর্যুদ্ধ হতে দেখে স্থানীয় লোকের মনোবল অনেক বেড়ে যায়। তারা মুক্তিবাহিনীর উপর আরো আস্তাশীল হয়। হাবিলদার গিয়াসুন্দিন এখনও এই এলাকার লোকের কাছে কিংবদন্তীর নায়ক হয়ে বিরাজ করছেন।

সুবেদার আলী আকবর পাটোয়ারীর অধীনে যে কোম্পানিটি লাকসামের দক্ষিণে নোয়াখালীর উত্তর-পশ্চিম অঞ্চলে পাঠানো হয়েছিল, সে কোম্পানিটি ও এ অঞ্চলে পাকবাহিনীর বিরুদ্ধে তাদের কার্যকলাপ চালায়। চাঁদপুর থেকে পাকবাহিনী যে রাস্তা নোয়াখালী যাবার জন্য ব্যবহার করত, সে রাস্তায় লক্ষ্মীপুরের নিকট ৯০ ফুটের একটি সড়কসেতু বিধ্বস্ত করে দেয়। এর কিছুদিন পর পাকবাহিনী পশ্চাদপসরণ করলে সুবেদার আলী আকবরের নেতৃত্বে মুক্তিবাহিনী রায়পুর থানা আক্রমণ করে। এ আক্রমণের ফলে দালাল পুলিশের থানা থেকে পালিয়ে যায়। পাকবাহিনীর মাঝে মাঝে এ থানাতে এসে অস্থায়ী ক্যাম্প স্থাপন করত এবং দালাল পুলিশের সাহায্যে স্থানীয় লোকদের উপর যথেষ্ট অত্যাচার করত। এ থানা দখল করে নেয়ার ফলে সমস্ত এলাকা মুক্তিবাহিনীর নিয়ন্ত্রণে চলে আসে।

১৬ জুন আমাদের ২টি গেরিলা পার্টি হেডকোয়ার্টার থেকে পাঠানো হয়। ৬ জনের একটি পার্টিকে কুমিল্লার দক্ষিণে ইলেকট্রিক পাইলন উড়ানোর জন্য এবং আরও ৬ জনের একটি পার্টিকে ব্রাক্ষণবাড়িয়ার উত্তরে তিতাস গ্যাস লাইন কাটার জন্য পাঠানো হয়। ২১ জুন প্রথম পার্টিটি দুইটি ইলেকট্রিক পাইলন ধ্বংস করে দেয়। এর ফলে তিতাস গ্যাস ঢাকা-নারায়ণগঞ্জ, আশুগঞ্জ এবং সিঁদুরগঞ্জ পাওয়ার স্টেশনগুলোতে সরবরাহ বন্ধ হয়ে যায়। এর ফলে এসব পাওয়ার স্টেশনগুলো হতে বিদ্যুৎ সরবরাহ সাময়িকভাবে বন্ধ হয়ে যায়। এতে শিল্প এলাকাগুলোর যথেষ্ট ক্ষতি হয়।

মতিনগর থেকে একটি প্লাটুন রাজাপুরের পাক অবস্থানের উপর হামলা করার জন্য পাঠানো হয়। এই প্লাটুনটি ২২ জুন আমাদের ঘাঁটি থেকে রাজাপুরের দিকে অগ্রসর হয়। সন্ধ্যায় রাজাপুর শক্তি অবস্থানটি তারা পুর্জানুপূর্জেরপে রেকি করে। তারা জানতে পারে যে, পাকসেনারা বেশ অসর্কভাবেই তাদের অবস্থানে আছে। ২২ জুন ভোর ৪ টায় আমাদের দলটি অতর্কিতে গোপনপথে শক্তি অস্থানের ভেতর প্রবেশ করে আক্রমণ চালায়। এ আক্রমণে পাকসেনারা সম্পূর্ণ হতচকিত হয়ে যায়। এই আঘাতে আমাদের লোকদের হাতে তাদের প্রায় ১৫ জন লোক হাতহত হয়। আমদের একজন আহত হয়। আক্রমণ প্রায় একঘণ্টা চলার পর আমাদের লোকেরা পিছু হটে আসে।

আমাদের রেকি পার্টি খবর আনে যে পাকসেনারা কসবার উত্তরে চন্দ্রপুর এবং লাটুমুড়ার দিকে অগ্রসর হচ্ছে। এ সংবাদ পাবার পর লে. হ্রমায়ুন কবির পাকসেনাদের চতুর্দিক থেকে এ্যামবুশ করার জন্য ৪র্থ ইন্ট বেঙ্গলের 'ডি' কোম্পানির তিনটি প্লাটুন ইয়াকুবপুর, কুয়াপাইনা এবং বৈনলে পাঠিয়ে দেয়। এই তিনটি প্লাটুন নিজ নিজ জায়গায় ২৩শে জুন সকাল ৬টার মধ্যে অবস্থান নেয়। পাকসেনারা সমস্ত রাত অগ্রসর হওয়ার পর সকালে আমাদের অবস্থানের সামনে উপস্থিত হয়।

পাকসেনারা আমাদের উপরোক্তিত অবস্থানের ৫০ থেকে ১০০ গজের মধ্যে এসে পড়লে তিনদিক থেকে আমাদের সৈন্যরা পাকসেনাদের উপর আক্রমণ চালায়। এ আক্রমণে পাকসেনাদের ৮ জন নিহত এবং তিনজন আহত হয়। পাকসেনারা একটু পিছু হটে গিয়ে আবার আক্রমণের চেষ্টা চালায় কিন্তু সে চেষ্টাও ব্যর্থ হয়ে যায়। এরপর সমস্ত দিন উভয়পক্ষে গোলাগুলি চলতে থাকে এবং সন্ধ্যার সময় পাকসেনারা পিছু হটে যায়। পাকসেনাদের পশ্চাদপসরণের সময়ও আমাদের ইয়াকুবপুরের প্লাটুন তাদেরকে দক্ষিণ দিক থেকে আক্রমণ করে বেশ ক্ষতিসাধন করে। পিছু হটে গিয়ে লাটুমুড়ার উত্তরে অবস্থান নেয় এবং প্রতিরক্ষাবৃহৎ তৈরি করতে থাকে। ২৪শে জুন পাকসেনারা যখন লাটুমুড়াতে তাদের প্রতিরক্ষাবৃহৎ তৈরিতে ব্যস্ত ছিল, সকাল ৫ টায় আমাদের কুয়াপাইনা ও বৈনল এলাকা থেকে শক্তদের বামে এবং দক্ষিণে আমাদের ৩টি প্লাটুন আবার অতর্কিত আক্রমণ চালায়। এ আক্রমণের ফলে পাকসেনাদের ৯ জন লোক নিহত হয়। আমাদের ১ জন আহত হয়।

নোয়াখালীর উত্তরে পাকবাহিনী ফেনী থেকে নোয়াখালী পর্যন্ত ট্রাকে টহল দিত। এ খবর আমাদের নোয়াখালীর গেরিলা হেডকোয়ার্টার-এ পৌঁছে। সেখান থেকে আমাদের ২টি এ্যামবুশ পার্টি বোগাদিয়া এবং বজরাতে পাঠানো হয়। ২১ জুন এই দুই পার্টি সন্ধ্যায় উপরিউক্ত দুটি স্থানে এ্যামবুশ পাতে। তারা রাস্তাতে একটি এ্যান্টি-ট্যাংক ও এ্যান্টি-পার্সোনেল মাইন পুঁতে রাখে। সন্ধ্যায় পাকসেনাদের দুটি ট্রাক ফেনীমুখে যাচ্ছিল। এই ট্রাক দুটি এ্যামবুশ স্থানে পৌঁছালে প্রথম ট্রাকটি এন্টি-ট্যাংক মাইনে পড়ে যায় এবং সঙ্গে সঙ্গেই ধ্বংস হয়ে যায়। পরের ট্রাকটি পিছু হটে যাওয়ার চেষ্টা করে কিন্তু এ্যামবুশ পার্টি তাদের উপর শুলি চালাতে থাকে। পাকসেনারা উপায়ন্তর না দেখে ট্রাক থেকে বেরিয়ে পালাবার চেষ্টা করে। পলায়নপর শক্তদের কিছুসংখ্যক শুলিতে মারা যায়, আর কিছু প্রাণ নিয়ে পালিয়ে যেতে সক্ষম হয়। এ এ্যামবুশ-এ পাকসেনাদের দুটি

ট্রাক সম্পূর্ণরূপে ধ্বংস হয়ে যায় এবং ১২ জন নিহত হয়। আমাদের পার্টি অনেক অন্তর্শন্ত্র হস্তগত করে এবং বজরার এ্যামবুশ পার্টি ও শক্রদের একটি টহলদার দলকে আক্রমণ করে ২ জনকে নিহত এবং ২ জনকে আহত করে। আর একটি পার্টি ২৩শে জুন পাকসেনাদের যোগাযোগ ব্যবস্থা নষ্ট করে দেয়ার জন্য নোয়াখালীর শাহেবজাদা ত্রীজ, চন্দ্রগঞ্জ এবং রামগঞ্জ জেলা কাউন্সিল ত্রীজ সম্পূর্ণরূপে ধ্বংস করে দেয়।

পাকসেনারা লাটুমুড়াতে তাদের প্রতিরক্ষা ব্যবস্থা অব্যাহত রাখে কিন্তু ৪৬ ইট বেঙ্গলের 'ডি' কোম্পানি লে. হমায়ুন কবিরের নেতৃত্বে তাদেরকে সবসময় ব্যতিব্যন্ত রাখে।

পাকসেনারা তাদের শালদানদী অবস্থান থেকে সবসময় মন্দভাগ দখল করে নেয়ার চেষ্টা চালাতো। আমাদের ৪৬ ইট বেঙ্গলের 'সি' কোম্পানি মন্দভাগ রেলওয়ে টেশন এবং জেলা বোর্ডের কাঁচা রাস্তা পর্যন্ত নিজেদের দখলে রেখে শক্তিশালী প্রতিরক্ষাব্যুহ গড়েছিল। এ অবস্থানটির জন্য পাকবাহিনীর চট্টগ্রাম-ঢাকা রেলওয়ে লাইন চালু করতে পারছিল না। সেজন্য সবসময় তাদের চেষ্টা ছিল মন্দভাগ থেকে আমাদের বিভাড়িত করা। এছাড়া এ অবস্থানটির জন্য তার শালদানদী ছিটমহল যেখানে আমাদের মূল ঘাঁটি ছিল, তা তাদের দখলে আনতে পারছিল না। অনেকবার চেষ্টা করেও তাদের প্রচেষ্টা ব্যর্থ হয়। ২৪শে জুন বিকেল ৩ টায় তাদের শালদানদী অবস্থান থেকে পাকসেনাদের একটা কোম্পানি, কসবায় টি. আলীর বাড়ি থেকে আর একটা কোম্পানি—এই দুই কোম্পানি দু'দিক থেকে এসে কাসেমপুরের নিকট মিলিত হয়। তারপর মট্টার, মেশিনগান এবং কামানের সাহায্যে আমাদের মন্দভাগ অবস্থানে আক্রমণ চালায়। প্রচণ্ড গোলার সহায়তায় পাকসেনাদের এই শক্তিশালী দলটি মন্দভাগ রেলওয়ে টেশনে ৩০০ গজ পশ্চিমে জেলা বোর্ড সড়কের নিকট পর্যন্ত পৌঁছতে সক্ষম হয়। আমাদের সৈনিকরাও তাদের বাংকার থেকে মেশিনগান এবং হালকা মেশিনগানের শুলিতে পাকসেনাদের প্রচুর ক্ষয়ক্ষতি করতে থাকে। দু'ঘণ্টা চেষ্টার পর পাকসেনারা যখন অগ্রসর হতে পারছিল না তখন তাদের আক্রমণ বন্ধ করে দেয় এবং পিছু হটে চলে যায়। এ আক্রমণের সময় পাকসেনাদের ২৪ জন হতাহত হয়। পাকসেনারা তাদের কায়েমপুরের অবস্থানও তুলে নিয়ে শালদানদীর মূল ঘাঁটিতে চলে যায়।

ঢাকায় আমাদের গেরিলারা তাদের কাজ চালিয়ে যেতে থাকে। বিদ্যুৎ সরবরাহ যাতে স্বাভাবিকভাবে না চলে সেজন্য তারা ২৯শে জুন বিকেল পাঁচটায় সিন্ধিরগঞ্জ এবং খিলগাঁও পাওয়ার লাইনের একটি পাইলন ধ্বংস করে দেয়। এই বিধ্বন্তি পাইলনটি অন্য দুটি পাইলনের তার নিয়ে ছিঁড়ে পড়ে যায়। এরফলে কমলাপুর ও তেজগাঁওয়ে বিদ্যুৎ সরবরাহ অনেকাংশে কমে যায়। বিক্ষেপণের ঠিক পর পরই পাকসেনাদের একটি হেলিকপ্টার তৎক্ষণাৎ উক্ত এলাকায় গেরিলাদের অনেক ঝোঁজাখুজি করে। আমাদের গেরিলারা নিরাপদে ফিরে আসে। আর একটি গেরিলা দল সিন্ধিরগঞ্জের মাটির তলার পাওয়ার লাইন মাতৃয়াইলে উড়িয়ে দেয়। পাকসেনারা নিকটবর্তী ঘাঁটি হতে জীপে করে এসে দলটিকে ধরার চেষ্টা করে এবং এদের উপর গোলাগুলি করে, কিন্তু গেরিলা দলটি নিরাপদে ফিরে আসে।

স্থানীয় লোকমুখে আমরা সংবাদ পাই যে, পাকসেনাদের একটি জীপ ও টহলদার দল প্রায়ই সাইদাবাদ থেকে কর্নেলবাজার পর্যন্ত আসে। এ সংবাদ পেয়ে ক্যাপ্টেন আইনউদ্দিন খোলাপাড়ায় এবং তুলাইশমলে একটি করে প্লাটুনের সাহায্যে এ্যামবুশ লাগায়। ২৭শে জুন সন্ধ্যার সময় পাকসেনাদের টহলদার দল খোলাপাড়ায় আমাদের এ্যামবুশে পড়ে যায়। এতে পাকসেনাদের ৮ জন লোক নিহত হয় এবং তারা ছত্রভঙ্গ হয়ে পালিয়ে যায়। এর পরদিন ২৮ জুন সন্ধ্যা ৭ টায় পাকসেনাদের একটি জীপ তুলাইশমলে আমাদের এ্যামবুশে পড়ে। এ্যামবুশ পার্টির শুলিতে জীপটি ক্ষতিগ্রস্ত হয়ে হয়ে রাস্তা থেকে পড়ে যায়। জীপে ৫জন পাকসেনা ছিল, তারাও সঙ্গে সঙ্গে নিহত হয়। আমাদের পার্টি অস্ত্রশস্ত্র দখল করে নেয়।

পাকসেনারা কুমিল্লা শহরের পূর্বে বিবিরবাজার এলাকায় যে ঘাঁটি গড়েছিল, আমরা প্রায়ই আক্রমণ করে তাদের ব্যতিব্যন্ত রাখতাম। লে. মাহবুব খবর পায় যে, পাকসেনারা সন্ধ্যার পর আর তাদের বাংকার থেকে বাইরে আসে না। রাতে যেসব পাহারাদার থাকে তারাও বাংকারের মধ্যে বসে থাকে। এ সংবাদ পেয়ে লে. মাহবুব দুটি প্লাটুনকে ২৪ জুন রাতে শক্রদের ঘাঁটির কয়েকটি বাংকার ধ্বংস করার নির্দেশ দিয়ে কুমিল্লার দক্ষিণ থেকে পাঠিয়ে দেয়। এ দলটি অরণ্যপুর হয়ে শক্রদের বিবিরবাজার অবস্থানের পিছনে পৌঁছে এবং রাত ৩টায় অবস্থানের ভেতর অনুপ্রবেশ করে অতর্কিতে আক্রমণ চালায়। প্রথমেই তারা তাদের সামনের একটি বাংকারে ঘেনেড় ছেঁড়ে এবং সম্পূর্ণরূপে ধ্বংস করে দেয়। এরপর আরও কয়েকটি বাংকার ধ্বংস করে তারা সকাল হবার আগেই শক্র-অবস্থান ত্যাগ করে। এই অতর্কিত আক্রমণে পাকসেনাদের ২১ জন নিহত ও ৭ জন আহত হয়।

পাকসেনারা বিজয়পুরের যে রাস্তার সেতুটি আমাদের কমাত্তো পার্টি উড়িয়ে দিয়েছিল, সেটি সাময়িকভাবে মেরামত করে ফেলে এসং সে রাস্তায় আবার তাদের চলাফেরা শুরু করে। লে. মাহবুব আবার একটি কমাত্তো প্লাটুন পাঠায় এবং এই প্লাটুনটি ২১ জুন বিজয়পুর ত্রীজের নিকট এ্যামবুশ পেতে পাকসেনাদের অপেক্ষায় থাকে। রাত ২ টার সময় পাকসেনাদের দুটি গাড়ি কুমিল্লা থেকে ঐ রাস্তায় আসে। গাড়িগুলো যখন ত্রীজের উপর দিয়ে চলা শুরু করে ঠিক তখনই আমাদের পার্টি তাদের উপর শুলি চালায়। সঙ্গে সঙ্গেই গাড়িগুলো নিয়ন্ত্রণ হারিয়ে ত্রীজ থেকে নদীতে পড়ে যায়। এতে দুটি গাড়িই বিনষ্ট হয়ে যায় এবং ৮ জন পাকসেনা নিহত হয়।

জুন মাসে প্রথম সপ্তাহে আমার হেডকোয়ার্টার থেকে গেরিলাদের ৬০ জনের একটি দলকে আমি ফরিদপুরে পাঠাই। মাদারীপুর, পালং, রাজৈর, নড়িয়া প্রত্তি থানায় গেরিলাদের বিভিন্নভাগে বিভক্ত করে দেয়া হয়েছিল। এই দলগুলো তাদের নিজ নিজ এলাকায় গিয়ে ঘাঁটি গড়ে তোলে। এরপর তারা কিছুসংখ্যক পাকিস্তানি দালালকে হত্যা করে। এরপর তারা নিজ নিজ এলাকার থানাগুলো যেখান থেকে দালাল পুলিশরা পাকিস্তানিদের খবরাখবর মোগাড়ো, সেই থানাগুলো ভালভাবে রেকি করে। প্রথমে তারা শিবচর অয়ারলেস স্টেশনটি ধ্বংস করে দেয়। এরপর গেরিলা কমাত্তার খলিলের নেতৃত্বে পালং থানার উপর ২৭ জুন রাত ১১ টার সময় আক্রমণ চালান হয়। এ আক্রমণে একজন দালাল সাবইসপেষ্টের ও দু'জন পুলিশ নিহত হয়। গেরিলারা ৯টা

রাইফেল দখল করে নেয়। তারা থানার অয়ারলেস স্টেশনটিও ধ্বংস করে দেয়। নড়িয়ার গেরিলাদল খবর পায় যে, মাদারীপুরের ডিআইবি ইস্পেক্টর ও দালাল সি,আই, পুলিশ একটি স্থানীয় দালালের বাড়িতে গুপ্ত আলোচনায় ব্যস্ত। এ সংবাদ পেয়ে তারা সেখানে উপস্থিত হয়ে তাদের উপর আক্রমণ চালায়। তারপরে নড়িয়ার অয়ারলেস স্টেশনটিও ধ্বংস করে দেয়।

শক্রদের একটা ছোট দল রাজৌর থানার টাহেরহাটে এসে অবস্থান নেয়। রাজৌরের গেরিলা দলটি তাদের অবস্থানটি সম্বন্ধে পুঁজুনুপুঁজুরূপে খবর নেয়। ২৮শে জুন রাত ১১ টার সময় ২০ জনের একটি গেরিলাদল টাহেরহাটে পাকসেনাদের অবস্থানের উপর অতর্কিত আক্রমণ করে। এ আক্রমণের ফলে পাকসেনাদের ১০ জন নিহত হয় এবং পাকসেনারা টাহেরহাট অবস্থান থেকে পালিয়ে যায়।

পাকিস্তান রেডিও থেকে ঘোষণা করা হয় যে, ২০ জুন সন্ধ্যায় জেনারেল ইয়াহিয়া খান জাতির উদ্দেশ্যে একটি গুরুত্বপূর্ণ ভাষণ দেবেন। এ সংবাদ জানতে পেরে আমি ইয়াহিয়া খানের ভাষণকে উপস্থিত সম্বর্ধনা জানানোর জন্য একটি পরিকল্পনা গ্রহণ করি। এ সম্বন্ধে আমি আমার সাব-সেক্টর কমান্ডারদের আমার হেডকোয়ার্টার-এ ডেকে পাঠাই এবং তাদের সঙ্গে আলোচনা করি। আলোচনার পর এ সিদ্ধান্তে পৌছি যে ভাষণের সময় পাকিস্তানিরা সর্বক্ষেত্রেই রেডিও শোনার জন্য তাদের নিজ নিজ প্রতিরক্ষা অবস্থানে একত্রিত হবে এবং সতর্কতামূলক ব্যবস্থা কিছুটা শিথিল হবে। এ সময় তাদের এ সতর্কতা আমাদের জন্য আনবে এক সুবর্ণ সুযোগ। তাহাড়া আমাদের এ্যাকশনও হবে ইয়াহিয়া খানের ভাষণের সমুচিত জবাব। এ জন্য আমি সব সাব-সেক্টর কমান্ডারকে নির্দেশ দিলাম, তারা সন্ধ্যা সাড়ে ৬ টার পর থেকে, যখন ইয়াহিয়ার ভাষণ আরম্ভ হবে, ঠিক সে সময়ে আমার সেক্টরের সব এলাকায় একযোগে পাকসেনাদের ওপর তীব্র আক্রমণ চালাবে। এ নির্দেশ অনুযায়ী ৪৪ ইন্ট বেঙ্গলের 'এ' কোম্পানি নয়নপুরের পাকসেনাদের অবস্থানের দিকে তিন দিক থেকে অগ্রসর হয় এবং ভাষণ আরম্ভ হবার কিছুক্ষণ পরেই পাকসেনাদের উপর আক্রমণ চালায়। পাকসেনারা এ অতর্কিত আক্রমণে হতচকিত হয়ে যায়। এর সাথে সাথে আমাদের মর্টারের গোলা তাদের উপর পড়তে থাকে। পাকসেনারা তাদের অবস্থানের চতুর্দিকে দৌড়াদৌড়ি এবং চিৎকার করে বাংকারের দিকে যাবার চেষ্টা করে। সঙ্গে সঙ্গে আমাদের মেশিনগানের শুলিতে তাদের অনেকেই মারা যায়। আধ ঘন্টা এভাবে শুলি চালানোর পর আমাদের সৈন্যরা শক্র অবস্থান পরিত্যাগ করে নিজেদের ঘাঁটিতে ফিরে আসে। এ যুদ্ধে ১৮ জন নিহত এবং বহু আহত হয়।

ঐ দিনই আমাদের একটি কোম্পানি মর্টারসহ ক্যাডেট হুমায়ুন কবিরের নেতৃত্বে ঠিক ঐ সময় লাটুমুড়াতে শক্র অবস্থানের উপর অতর্কিতে আক্রমণ চালায়। এ আক্রমণের ফলে শক্রদের মধ্যে বেশ বিশৃঙ্খলার সৃষ্টি হয়, তখন তারা ইয়াহিয়ার ভাষণ শুনছিল। এ আক্রমণের ফলে পাকসেনাদের ৫ জন নিহত ও ১০ জন আহত হয়। আমাদের কোম্পানি শক্রদের উপর আড়াই ঘন্টা আক্রমণ চালিয়ে নিরাপদে পিছু হটে যায়।

ঢাকাতে ঐ সময়টিকে উদয়াপন করার জন্য আমি ৫০ জন গেরিলার একটি দলকে পাঠিয়ে দিই। এই দলটি ২৭শে জুন ঢাকায় পৌছে। তারপর ছোট ছোট দলে বিভক্ত হয়ে ঢাকা শহরের প্রধান স্থানগুলোতে যেমন জিন্নাহ এভিনিউ, মতিঝিল, শাহবাগ, পুরানা পল্টন, সদরঘাট, চকবাজার প্রভৃতি স্থানে একযোগে সঙ্ক্ষয় ইয়াহিয়া খানের ভাষণের সময় প্রেনেড বিস্ফোরণ এবং মোটরগাড়িতে এক্সপ্লোসিভ লাগিয়ে বিস্ফোরণ ঘটায়। এতে পাকসেনারা চতুর্দিকে ছোটাছুটি করে এবং সমস্ত ঢাকায় একটা আতঙ্কের সৃষ্টি হয়। এ বিস্ফোরণগুলোর ফলে ঢাকায় আমাদের বাঙালিরা তাদের মনোবল আরো ফিরে পায় এবং তারা ইয়াহিয়া ভাষণের সমুচ্চিত জবাবে আনন্দিত হয়।

মতিনগর থেকে ২টি মর্টার দিয়ে একটি ছোট দলকে গোমতীর উত্তর পাড় দিয়ে কুমিল্লা শহরের দিকে পাঠানো হয়। এ দলটি কুমিল্লা শহরের নিকট গিয়ে ভাষণের ঠিক সময়ে কুমিল্লা সার্কিট হাউসের উপর মর্টার দ্বারা গোলাবর্ষণ করে। কুমিল্লা সার্কিট হাউসে পাকসেনাদের 'মার্শাল ল'র প্রধান অফিস ছিল। মর্টারের গোলা এসে অফিসে পড়ার পর, সেখানেও পাকসেনারা ছোটাছুটি করতে থাকে। কুমিল্লা শহরেও কয়েক মিনিটের মধ্যে নীরবতা নেমে আসে।

কুমিল্লা থেকে পাকিস্তানিদের একটি জীপ ও একটি ৩ টন গাড়ি দক্ষিণে যাচ্ছিল। লে. মাহবুবের একটি এ্যামবুশ পার্টি এই দলটিকে সঙ্ক্ষ্যার সময় ফুলতলীর নিকটে আক্রমণ করে। এতে জীপটি সম্পূর্ণরূপে ধ্বংস হয়ে যায়। এ এ্যামবুশে পাকিস্তানিদের ২৪ জন সৈন্য ও জন অফিসার নিহত হয় এবং ১ জন অফিসারসহ ৪ জন আহত হয়। অফিসারটি লে. কর্নেল ছিল।

লে. মাহবুবের আর একটি প্লাটুন ঠিক ঐ সময়ে বিবিরবাজার শক্র অবস্থানের ভেতর অতর্কিতে অনুপ্রবেশ করে ১টি মেশিনগানসহ কয়েকটি বাংকার ধ্বংস করে দেয়। পাকসেনাদের ১১ জন এতে নিহত হয়।

এছাড়া মিয়াবাজার, ফেনী, বিলোনিয়া, লাকসাম, শালদানদী, চাঁদপুর ইত্যাদি স্থানেও মর্টারও প্রেনেডের সাহায্যে পাক অবস্থানের উপর একযোগে একইরূপ আক্রমণ চালান হয়।

ইয়াহিয়া খান মনে করেছিল যে, তার ভাষণ দিয়ে তিনি বাঙালিদের শাস্তি করবেন এবং আবার তার মিথ্যা আশ্বাসে বাঙালিরা তাদের অত্যাচারকে ভুলে যাবে, কিন্তু আমাদের সমস্ত এলাকা জুড়ে সবগুলো এ্যাকশনে তিনি নিশ্চয়ই বুঝে গিয়েছি঱েন যে, বাঙালিরা তার জবাব কী দিয়েছে।

## সশন্ত্র প্রতিরোধ : কুমিল্লা-নোয়াখালী-ঢাকা

### দ্বিতীয় খণ্ড

সামগ্রিকভাবে যুদ্ধ পরিচালনার জন্য আমি আমার যুদ্ধের এলাকাকে কয়েকটি সাব-সেক্টরে বিভক্ত করে নেই। আমার সাব-সেক্টরগুলো নিম্নলিখিত জায়গায় তাদের অবস্থান গড়ে তোলে।

- ক. গঙ্গাসাগর, আখাউড়া এবং কসবা সাব-সেক্টর : উপ-অধিনায়ক ছিলেন ক্যাপ্টেন আইনউদ্দিন। তার সঙ্গে ছিল লে. ফারুক, ক্যাপ্টেন মাহবুব এবং ক্যাপ্টেন হমায়ুন কবির। এখানে ৪৩ ইষ্ট বেঙ্গলের 'ডি' কোম্পানি এবং ইপিআর-এর দুটি কোম্পানি ছিল। এদের সঙ্গে মর্টারের একটা দল ছিল। এই সাব-সেক্টর কসবা, আখাউড়া, সাইদাবাদ, মুরাদনগর, নবীনগর, ব্রাক্ষণবাড়িয়া পর্যন্ত তাদের অপারেশন চালাতো।
- খ. দ্বিতীয় সাব-সেক্টর ছিল মন্দভাগে : উপ-অধিনায়ক ছিলেন ক্যাপ্টেন গাফফার। তার অধীনে 'সি' কোম্পানি এবং একটা মর্টারের দল। এ দলটি মন্দভাগ রেলওয়ে স্টেশন হতে কুটি পর্যন্ত তাদের অপারেশন চালাতো।
- গ. তৃতীয় সাব-সেক্টর ছিল শালদী নদী : উপ-অধিনায়ক ছিলেন মেজর আব্দুস সালেক চৌধুরী। এর অধীনে 'এ' কোম্পানি এবং ইপিআর-এর একটা কোম্পানি ছিল। এ দলটি শালদানদী, নয়নপুর এবং বুড়িং এলাকা পর্যন্ত তাদের অপারেশন চালাতো।
- ঘ. চতুর্থ সাব-সেক্টর ছিল মতিনগরে : উপ-অধিনায়ক ছিল লে. দিদারুল আলম। হেডকোয়ার্টার কোম্পানির কিছুসংখ্যক সৈন্য এবং ইপিআর-এর একটা কোম্পানি গোমতীর উত্তর বাঁধ থেকে কোম্পানিগঞ্জ পর্যন্ত এই সাব-সেক্টর অপারেশন চালাতো।
- ঙ. গোমতীর দক্ষিণে ছিল নির্তয়পুর সাব-সেক্টর : উপ-অধিনায়ক ছিলেন ক্যাপ্টেন আকবর এবং লে. মাহবুব। এ দলটির অপারেশন কুমিল্লা থেকে চাঁদপুর এবং লাকসাম পর্যন্ত ছিল।
- চ. রাজনগর সাব-সেক্টর ছিল সর্বদক্ষিণে : উপ-অধিনায়ক ছিলেন ক্যাপ্টেন জাফর ইয়াম, ক্যাপ্টেন শহীদ এবং লে. ইয়ামজ্জামান। এ সাব-সেক্টর বিলোনিয়া, লাকসামের দক্ষিণ এলাকা এবং নোয়াখালীতে অপারেশন

চালাতো । এই সাব-সেক্টরে ৪ৰ্থ ইন্ট বেঙ্গলের ‘বি’ কোম্পানি, ইপিআর-এর একটি কোম্পানি ও গণবাহিনীর লোক নিয়ে তৈরি এক সদ্যগঠিত কোম্পানি ।

জুলাই মাসে পাকিস্তানি সেনারা কসবা এবং মন্দভাগের পুনঃবিন্দুলের প্রস্তুতি নেয় এবং কুটিতে ৩৩ বেলুচ রেজিমেন্টের বাহিনী এবং গোলন্দাজ বাহিনী সমাবেশ করে । ক্যাপ্টেন গাফফারের অধীনে মন্দভাগ সাব-সেক্টরের মুক্তিযোদ্ধারা শক্রসেনাদের মোকাবেলার জন্য তৈরি ছিল । জুলাই মাসের ১৯ তারিখে শক্রসেনারা একটা কোম্পানি নিয়ে শালদানন্দীতে নৌকায়েগে অগ্রসর হয় । সুবেদার ওহাবের নেতৃত্বে মন্দভাগ সাব-সেক্টরের একটা প্লাটুন মন্দভাগ বাজারের নিকট শক্রদের এই অগ্রবর্তী দলটির উপর প্রচণ্ড আঘাত হানে । এ সংঘর্ষে শক্রসেনারা সম্পূর্ণ হতবুদ্ধি হয়ে যায় । শালদানন্দীর তীর থেকে সুবেদার ওহাবের প্লাটুনটি শক্রসেনার উপর অতর্কিত আক্রমণ চালায় । এই আক্রমণে অন্ততঃপক্ষে ৬০/৭০ জন লোক হতাহত হয় এবং অনেকেই নদীতে ঝাঁপ দিয়ে প্রাণ হারায় । এই আক্রমণে ৪ৰ্থ ইন্ট বেঙ্গল রেজিমেন্টের সৈন্যরা ৩৩ বেলুচ রেজিমেন্টের অধিনায়ক লে. কর্নেল মাজহারুল কাইয়ুম, ৫৩ গোলন্দাজ বাহিনীর কুখ্যাত অফিসার ক্যাপ্টেন বোখারী, আরো ৩/৪ জন অফিসার এবং ৮/১০ জন জুনিয়র অফিসার প্রাণ হারায় । ক্যাপ্টেন বোখারী ২৫ মার্চের পর থেকে কুমিল্লা শহরে অনেক হত্যাকাণ্ডের জন্য দায়ী ছিল । তার মৃত্যুতে কুমিল্লাবাসীরা অত্যন্ত আনন্দিত হয় । শক্রসেনারা শালদানন্দীতে এই বিরাট পর্যন্দন্তের পর তাদের বাহিনীকে পিছু হটিয়ে কুটিতে নিয়ে যায় । এবং আমি আমার ঘাঁটি মন্দভাগ ও শালদানন্দীতে আরো শক্ত করে তুলি ।

পাকিস্তানের ঢাকা-চট্টগ্রাম রেলওয়ে লাইন সম্পর্কে জেনারেল টিক্কা খান দষ্ট করে ঘোষণা করেছিল যে ওটা জুলাই মাসের মধ্যে খুলবে । তার সেই আশা চিরতরে ধূলিসাং হয়ে যায় । পাকিস্তান আমলে এই রেললাইনে ট্রেন চলেনি । ইতোমধ্যে জুলাই মাসে আমি খবর পাই যে, পাকবাহিনী বিলোনিয়াতে ঢোকার চেষ্টা করছে । আমি ক্যাপ্টেন জাফর ইমামকে নির্দেশ দেই যেন তাদেরকে চুকতে বাধা দেওয়া হয় । এ সময় ক্যাপ্টেন জাফর ইমাম ছাগলনাইয়াতে পাকবাহিনীর সঙ্গে যুদ্ধে লিঙ্গ ছিল । পাকবাহিনী ছাগলনাইয়ার উপরে ফেনীর দিক থেকে চট্টগ্রাম সড়কের উপর আক্রমণ চালায় । এ আক্রমণে তাদের ২০/২৫ জন লোক হতাহত হয় । শক্রসেনারা পিছু হটে যায় । কিন্তু তার কয়েকদিন পরে পাকসেনারা ছাগলনাইয়ার দক্ষিণ থেকে ফেনী-চট্টগ্রাম পুরনো রাস্তায় অগ্রসর হয় । এবং ক্যাপ্টেন জাফর ইমামের সৈনিকদের উপর অতর্কিত আক্রমণ চালায় । আমাদের কিছুসংখ্যক হতাহত হওয়ায় এবং শক্রদের গোলার মুখে টিকতে না পেরে ক্যাপ্টেন জাফর ইমাম আমার কাছে পরবর্তী কর্মপদ্ধার নির্দেশ চেয়ে পাঠান । আমি ক্যাপ্টেন জাফর ইমামকে বলি ছাগলনাইয়া থেকে তার সৈন্যদের সরিয়ে বিলোনিয়ার সাব-সেক্টর রাজনগরে আনার জন্য । আমাদের এই যাতায়াতে বিলোনিয়াতে অবস্থিত শক্রসেনারা ঘিরে যাওয়ার আতঙ্কে বিলোনিয়া থেকে ফেনীতে পশ্চাদপসরণ করে এবং ফেনীতে তাদের প্রধান ঘাঁটি গড়ে তোলে । বিলোনিয়া শক্রমুক্ত হওয়ায় আমি বিলোনিয়াকে শক্রকবল থেকে মুক্ত রাখার দৃঢ় সংকল্প করি । ক্যাপ্টেন জাফর ইমামকে বান্দুয়াতে (ফেনী থেকে ২ মাইল উত্তরে) এবং লে. ইমামুজ্জামানকে

তাদের নিজ নিজ কোম্পানি নিয়ে প্রতিরক্ষা বৃহৎ তৈরি করার নির্দেশ দেই। বান্দুয়াতে সম্মুখবর্তী অবস্থান গড়ার পথ মুপ্সিরহাটে ক্যাপ্টেন জাফর ইমামের অধীনে আমার সেনাদল বেশ মজবুত প্রতিরক্ষা বৃহৎ গড়ে তোলে। বিলোনিয়া একটি ১৭ মাইল লম্বা এবং ১৬ মাইল চওড়া বান্ধ। এই বিলোনিয়াতে আমরা যে প্রতিরক্ষা ঘাঁটি গড়ে তুলি সে প্রতিরক্ষা বৃহকে ধ্বংস করার জন্য পাকসেনারা এর পর থেকে যথেষ্ট চেষ্টা চালিয়ে যায়। পরবর্তীকালে অনেক যুক্তি তাদের বিপুল ক্ষয়ক্ষতি এবং সৈন্য হতাহত হয়। বিলোনিয়া সাব-সেন্টার পাকসেনাদের জন্য ভয়ংকর বিভীষিকা রূপ ধারণ করে। এর সঙ্গে সঙ্গে এই স্থানের জনসাধারণও যথেষ্ট ক্ষয়ক্ষতি এবং কষ্ট স্বীকার করে। এখানকার জনসাধারণের কষ্টকে ভাষায় বর্ণনা করা যায় না। পাকবাহিনীর গোলার আঘাতে প্রতিটি বাড়ি প্রায় নিশ্চিহ্ন হয়ে যায় ও অনেক নিরীহ লোক মারা যায়। কিন্তু স্থানীয় জনসাধারণ কোনোদিনও তাদের মনোবল হারায়নি। যুদ্ধ যতদিন চলে ততদিনই তারা মুক্তিবাহিনীর অসামরিক ব্যবস্থাপনায় হাসিমুখে সাহায্য করে। অনেকক্ষেত্রে তারা সেনাবাহিনীর সাথে সাথে রক্ষাবৃহকে শক্তিশালী করার জন্য পরিষ্কা খননে ও অন্যান্য কাজে স্বতঃস্ফূর্তভাবে সাহায্য করে। যে মাসে আমাদের মুপ্সিরহাট ডিফেন্স এবং বান্দুয়ার অবস্থানটি বেশ শক্তিশালী হয়ে ওঠে। এ জায়গাটি আমরা এজন্যে প্রতিরক্ষা ঘাঁটির জন্য মনোনীত করেছিলাম। জায়গাটার সামনে কতগুলো প্রাকৃতিক বাধাবিঘ্ন ছিল যেগুলো শক্রসেনার অগ্রসরের পথে বিরাট বাধাবন্ধন। এতে শক্রসেনাদের নাজেহাল করার যথেষ্ট সুযোগ ছিল। আমাদের অবস্থানটি মুহূর্তী নদীর পাশ ঘেঁষে পশ্চিমদিক থেকে ছিলোনিয়া নদীকে ছাড়িয়ে পশ্চিম সীমান্ত পর্যন্ত বিস্তৃত ছিল। বৃহটি কমপক্ষে ৪ মাইল চওড়া ছিল। আমরা এই অবস্থানটি এইভাবে পরিকল্পনা করেছিলাম যে, শক্রসেনাদের বাধ্য হয়ে আমাদের ঘাঁটি আক্রমণ করার সময় প্রতিরক্ষার শুধু সামনে ছাড়া আর কোনো উপায়ে আসার রাস্তা ছিল না। এ পরিকল্পনা অনুযায়ী শক্রসেনাদের আসার মনোনীত জায়গাগুলোতে এলে সবচেয়ে বেশি ধ্বংস করা যায়। পরবর্তীকালে আমাদের এই পরিকল্পনা ঠিকই কাজে লেগেছিল। যেসব জায়গা দিয়েই শক্ররা আসার চেষ্টা করেছে যথেষ্ট হতাহত হয়েছে। এই সাব-সেন্টারে প্রথমে আমাদের সৈন্যসংখ্যা ছিল দু'কোম্পানি (৩০০ জনের মত) এবং কিছু সংখ্যক গণবাহিনী। শক্রসংখ্যা আমাদের চেয়ে সব সময় বেশি ছিল এবং এছাড়া শক্রদের ছিল শক্তিশালী অস্ত্র, গোলাবান্ধন, বিমান বাহিনী ও ট্যাংক। আমাদের মুপ্সিরহাটে প্রধান ঘাঁটি সম্পর্কে শক্রদের ধোকা দেওয়ার জন্য বন্দুয়া রেলওয়ে স্টেশনের কাছে ছিলোনিয়া নদীর উপর একটি অগ্রবর্তী ঘাঁটি স্থাপনের নির্দেশ দেই। এটা ছিল একটি ডিলেয়িং পজিশন। এ পজিশনের সামনে রাস্তা ও রেলের সেতুগুলো ধ্বংস করে দেয়া হয় যাতে শক্রদের অগ্রসরে আরো বাধার সৃষ্টি হয়। শক্রসেনারা সম্ভবত অগ্রসরের রাস্তার পশ্চিম এবং পূর্ব পার্শ্বে রাস্তার দিকে মুখ করে আমরা বেশ কতগুলো উঁচু জায়গায় এবং পুরুরের উঁচু বাঁধে শক্ত এবং মজবুত বাংকার তৈরি করি এবং তাতে হালকা মেশিনগান এবং ভারি মেশিনগান লাগিয়ে দেই। এ ছিল একরকমের ফাঁদ যাতে একবার অবস্থানের ভিতরে অগ্রসর হলে দু'পাশের শুলিতে শক্রসেনারা ফিরে যেতে না পারে। এসব বাংকার এমনভাবে লুকানো ছিল যে সম্মুখ থেকে বোঝার কোনো উপায় ছিল না।

৭ জুনের সকাল। আমরা জানতে পারলাম শক্রসেনারা ফেনী থেকে বিলোনিয়ার দিকে অগ্রসর হচ্ছে। ১০ টার দিকে বান্দুয়ার আশেপাশে শক্রসেনারা এসে জমা হতে লাগলো এবং প্রথমবারের মতো আমাদের পজিশনের উপর গোলাগুলি চালাতে লাগলো। আমার নির্দেশ ছিল যে শক্রদের এই গোলাগুলির কোন জবাব যেন না দেয়া হয়। শক্রসেনারা বন্দুয়া সেতুর উপর একটা বাঁশের পুল নির্মাণ করে যেমনি পার হওয়ার চেষ্টা করছিল, ঠিক সে সময় আমাদের অগ্রবর্তী ডিলেয়িং পজিশনের বীর সৈনিকরা তাদের উপর গুলি চালায়। এতে প্রথম সারিতে যেসব শক্রসেনা সেতু অতিক্রম করার চেষ্টা করে তারা সবাই গুলি খেয়ে পানিতে পড়ে যায়। এ পর্যায়ে শক্রসেনাদের অন্তত ৪০/৫০ জন লোক হতাহত হয়। এরপর শক্রসেনারা পিছু হটে যায়। কিছুক্ষণ পর আবার প্রবল গোলন্দাজ বাহিনীর সহায়তায় তীব্র আক্রমণ চালায়। আমাদের ডিলেয়িং পজিশনের সৈনিকরা শক্রদের আরো বহুসংখ্যক লোক হতাহত করে বীরত্বের সাথে আক্রমণ প্রতিহত করতে থাকে কিন্তু আক্রমণ যখন আরও তীব্রুপ ধারণ করে ডিলেয়িং পজিশনকে তারা পরিত্যাগ করে প্রধান ঘাঁটি মুসিরহাটে পিছু হটে আসে। শক্ররা কিছুটা সফলতা লাভ করায় আরো প্রবল বেগে সামনের দিকে অগ্রসর হতে থাকে এবং ছিলোনিয়া নদী পর্যন্ত অগ্রসর হয়। এখানে এসে তারা নদী পার হওয়ার সকল প্রস্তুতি নেয়। আমাদের প্রধান ঘাঁটি থেকে ৮০০ গজ সামনে আনন্দপুর নামক গ্রামে শক্রসেনারা তাদের সমাবেশ ঘটাতে থাকে। নদী পার হয়ে আমাদের আক্রমণ করার জন্য শক্ররা সকল প্রস্তুতি নিতে থাকে। নদী পার হবার পূর্ব মুহূর্তে কামানের সাহায্যে আমাদের ঘাঁটির উপর তারা প্রবল আক্রমণ আরম্ভ করে। তারা বৃষ্টির মতো গোলা আমাদের অবস্থানের উপর ছুড়ছিল। এ আকস্মিক আক্রমণ চালানোর উদ্দেশ্য আমরা ভালভাবেই বুঝতে পারছিলাম। এই সুযোগে পাকসেনারা নদী পার হবার জন্য নৌকা এবং বাঁশের পুলের সাহায্যে এগিয়ে আসতে থাকে। যদিও আমরা শক্রদের কামানের গোলায় যথেষ্ট বিপর্যস্ত ছিলাম তবুও মানসিক দিক দিয়ে আমাদের সেন্যদের মনোবল ছিল বিপুল। ওদের বেশ সংখ্যক সৈন্য নদী পার হয়ে আমাদের অবস্থানের ২০০/৩০০ গজ তিতরে চলে আসে এবং কিছু সংখ্যক তখনও নদী পার হচ্ছিলো। ঠিক সেই সময়ে আমাদের মর্টার এবং মেশিনগান গর্জে উঠে। আমাদের এ আকস্মাত পাল্টা উত্তরে শক্রসেনারা অনেক হতাহত হতে থাকে। তবুও তারা বাধাবিপত্তি ডিঙিয়ে প্রবল বেগে অগ্রসর হতে থাকে। আর আমাদের সৈনিকরাও তাদের ব্যাপক ক্ষয়ক্ষতি করতে থাকে। তবুও তারা নিঃসহায় অবস্থাতে ও দক্ষতার সাথে অগ্রসর হতে থাকে কিন্তু আল্লাহ হয়ত ওদের সহায় ছিলেন না। এ সময়ে তারা আমাদের সামনের মাইন ফিল্ডের মুখে এসে পড়ল। তাদের পায়ের চাপে একটার পর একটা মাইন ফাটতে আরম্ভ করল। আমাদের চোখের সামনে অনেক শক্রসেনা তুলোর মতো উড়ে যেতে থাকে। আমাদের গোপনে অবস্থিত পাশে মেশিনগানগুলোর বৃষ্টির মতো গুলি ও মাইনের আঘাত তাদের মধ্যে একটা ভয়াবহ বিশৃঙ্খলার সৃষ্টি করে। গুরু কয়েকজন শক্র এসব বাধাবিপত্তির মধ্য দিয়ে অগ্রসর হয়ে আমাদের কয়েকটি অগ্রবর্তী বাংকারের সামনে পর্যন্ত পৌঁছায়, কিন্তু আমাদের সৈনিকরা ছেনেড হাতে তাদের জন্য প্রস্তুত ছিল এবং তারা সেখানেই

আমাদের ছেনেডের মুখে ধ্বংস হয়। এই বিপর্যয়ের সম্মুখীন হয়ে শক্রসেনারা আর সামনে এগোতে সাহস পায়নি। যারা পিছনে ছিল তারাও এই সংকটজনক অবস্থা এবং ভয়াবহতা বুঝতে পেরে পিছন দিকে পলায়ন করতে শুরু করে। শক্রসেনাদের পালাতে দেখে আমাদের সৈনিকরাও উল্লাসে চেঁচিয়ে ওঠে এবং আরো প্রবল গতিতে তাদের গুলি করে মারতে থাকে। আমাদের মর্টারও পশ্চাদপসরণরত শক্রদের ওপর অনবরত আক্রমণ চালিয়ে তাদের হতাহত করতে থাকে। আমাদের আক্রমণ থেকে রক্ষা পেয়ে ওদের খুব কম সৈন্য ছিলোনিয়া নদীর অপর পারে পিছু হটে যেতে সক্ষম হয়। এ সময়ে আমাদের উপর শক্রসেনারা অনবরত কামানের গোলা চালিয়ে যাচ্ছিল যাতে তাদের বিপর্যস্ত ও পর্যুদস্ত যে সমস্ত অবশিষ্ট সৈনিক ছিল তারা নিরাপদে আরো পশ্চাত্যাটি আনন্দপুর পর্যস্ত পৌছতে পারে। এর কিছু পরে দুটোর সময় তাদের গোলন্দাজ বাহিনীর গোলাগুলি বঙ্গ হয়ে যায়। সমস্ত যুদ্ধক্ষেত্রে একটা নীরবতা নেমে আসে। আমরা কিছুক্ষণ আবার তাদের পুনঃআক্রমণের জন্য অপেক্ষা করতে থাকি, কিন্তু পরে জানতে পাই যে তাদের অবস্থা সত্যি বিপর্যস্ত এবং তাদের মনোবল একেবারে ভেঙ্গে গেছে। পুনঃআক্রমণের শক্তি আর তাদের নেই। সমস্ত যুদ্ধক্ষেত্রে তাদের অন্ততঃপক্ষে ৩০০ জনের মৃতদেহ পাওয়া যায় এবং ছিলোনিয়া নদীতে কত ভেসে গেছে সেটারও হিসাব আমরা পাই না। পরে জানতে পারি যে পাকিস্তানিরা একটি ব্যাটালিয়নের চেয়েও বেশি সৈন্যদল নিয়ে এ আক্রমণ চালিয়েছিল এবং এ ব্যাটালিয়নের ৬০ ভাগের মতো লোক নিহত বা আহত হয়েছে। এদের অনেকের কবর এখনও ফেনীতে আছে।

এরপর থেকে শক্রসেনারা আনন্দপুরে স্থায়ী ঘাঁটি করার জন্য বাংকার খৌড়ার কাজ শুরু করে দেয়। আস্তে আস্তে ওদের সৈন্য সংখ্যাও অনেক বেড়ে যেতে লাগলো। আমরা খবর পেলাম ওরা প্রচুর অস্ত্র এবং নতুন সৈন্য চট্টগ্রাম এবং ঢাকা থেকে এনে সমাবেশ করছে। সঙ্গে সঙ্গে প্রচুর কামান ও ট্যাংক তারা নিয়ে এসেছে। ৭ জুনের বিলোনিয়া যুদ্ধের পর তাদের ক্ষয়-ক্ষতির পরিমাণ এবং হতাহতের সংখ্যা দেখে পাকিস্তানিরা বুঝতে পেরেছিল যে আমি এই জায়গাতে তাদের সঙ্গে আবার সম্মুখ সমরে যুদ্ধের জন্য দৃঢ়প্রতিজ্ঞ এবং সেজন্য আমার পরিকল্পনা অনুযায়ী তাদেরকে আমি ফাঁদে ফেলার জন্য তৈরি ছিলাম। পাকসেনারা আমার পরিকল্পনা অনুযায়ী অগ্রসর হয়ে সে ফাঁদে পা দিয়ে যথেষ্ট ক্ষতির সম্মুখীন হয়েছিল। সে কারণে ভবিষ্যতে তারা যাই করুক খুব সতর্কতার সাথে কাজ করার প্রস্তুতি নিতে থাকে। বিলোনিয়ার বিপর্যয় পাকিস্তানি সেনাদের সবাইকে বিচলিত করে তোলে। তারা এই সিদ্ধান্ত নেয়, যেকোনো উপায়ে বিলোনিয়া পুনর্দখল করতেই হবে। তাই তাদের সৈন্য সমাবেশ চলতে থাকে। জেনারেল আবদুল হামিদ খান, পাকিস্তান সেনাবাহিনীর চীফ অফ স্টাফ স্বয়ং জুলাই মাসে ফেনীতে আসেন বিলোনিয়া যুদ্ধের প্রস্তুতি এবং পরিচালনার জন্য। আমি আমার প্রতিরক্ষার অবস্থান আরও শক্তিশালী করার চেষ্টা করি। মন্দভাগ থেকে ক্যাপ্টেন গাফফারকে ৪ৰ্থ ইন্ট বেঙ্গল রেজিমেন্টের 'সি' কোম্পানি নিয়ে এবং আর কিছু মর্টার নিয়ে বিলোনিয়া সেট্টরে গিয়ে প্রতিরক্ষা বৃহৎ আরো শক্তিশালী করে তোলার নির্দেশ দেই। যেহেতু আমার কাছে আর কোনো সৈন্য ছিল না, তাই আমি এ তিনটি কোম্পানি দিয়ে ক্যাপ্টেন জাফর ইমামকে

শক্রদের সঙ্গে যুদ্ধ করার জন্য তৈরি থাকার নির্দেশ দেই। শক্ররা আমাদের প্রতিরক্ষা থেকে মাত্র ৮০০ গজ দূরে গতিয়া নালার অপর পাড়ে তাদের প্রস্তুতি চালিয়ে যাচ্ছিল। উভয়পক্ষে অনবরত গোলাগুলি বিনিময় হতো, আর তাছাড়া শক্রদের গোলন্দাজ বাহিনী আমাদের ঘাঁটির উপর অবিরাম শেলিং চালিয়ে যেত। আমাদের সৈনিকদের বাংকার ছেড়ে বাইরে চলাফেরার উপায় ছিল না। কিন্তু শক্রর এই গোলাগুলির এবং আর্টিলারী ফায়ারিং-এর মধ্যেও আমাদের বীর বঙশার্দুলরা তাদের মনোবল হারায়নি এবং এতে অভ্যন্ত হয়ে গিয়েছিল। তারা এ গোলাগুলিকে যুদ্ধক্ষেত্রেও বাজনার মতো মনে করত। মাঝে মাঝে আমাদের সৈনিকরা পরিত্যক্ত গ্রামের মধ্য দিয়ে অগ্রসর হয়ে শক্রদের অনেক হতাহতও করতো এবং অনেক সময় ১০৬ মি.মি. আরআর-এর সাহায্যে তাদের বাংকার উড়িয়ে দিয়ে আসতো। এসব আকস্মিক আক্রমণাত্মক কার্যে শক্ররা যথেষ্ট ব্যতিব্যন্ত হয়ে পড়তো এবং তাদের যথেষ্ট হতাহত হতো। তার পরই তারা শুরু করত গোলন্দাজ বাহিনীর সাহায্যে অবিরাম বৃষ্টির মতো গোলাগুলি। এভাবে জুলাই মাসের ১৭ তারিখ পর্যন্ত চললো। পাকিস্তানিদের যুদ্ধের প্রস্তুতি দেখে ঐ এলাকার জনমনে যথেষ্ট আসের সৃষ্টি হয়। প্রথমবারের আক্রমণে যদিও জনসাধারণের বেশি ক্ষতি হয়নি, সেহেতু সেবার শক্রসেনারা ছিল আমাদের হাতে পর্যন্ত। যুদ্ধের বিভীষিকা তারা সেবার প্রত্যক্ষভাবে দেখেছিল, কিন্তু এবারের পাকিস্তানীর প্রস্তুতির খবরে সত্য তারা চিন্তিত হয়ে পড়েছিল। এ সময় ছিল ভরা বর্ষা। সব জায়গাতে ছিল পানি। পানি ভেঙে ছেলেমেয়ে নিয়ে শক্রদের অক্ষ্যাং আক্রমণের মুখে নিরাপদ জায়গায় সরে যাওয়া অসম্ভব হতে পারে। এজন্য আমরা স্থানীয় লোকদের নির্দেশ দেই যাতে তারা যুদ্ধক্ষেত্র থেকে আগেই দূরে সরে যায় বা সরে যেতে পারে। কেউবা স্বেচ্ছায় আর কেউবা নিরূপায় হয়ে বিপদের ঝুঁকি নিয়ে স্ব-স্ব স্থানে রয়ে যায়। আমাদের সৈনিকরা প্রতিরক্ষা ব্যহৈর উন্নতি চালিয়ে যেতে থাকে। যেসব জায়গা নিয়ে শক্রদের আমাদের অবস্থানের ভিতরে অগ্রসর হওয়ায় সম্ভাবনা ছিল আমারা সেসব জায়গাতে মাইন লাগাতে থাকি। ১৭ জুলাই রাত ৮ টায় আমাদের উপর শক্ররা অক্ষ্যাং আক্রমণ শুরু করে দেয়। প্রায় আধঘণ্টা পর তিনটি হেলিকপ্টার আমাদের অবস্থানের পাশ দিয়ে পিছনের দিকে চলে যায়। চারিদিকে অঙ্কুরার ছিল এবং সঙ্গে সঙ্গে গুঁড়ি গুঁড়ি বৃষ্টি পড়ছিল। হেলিকপ্টারগুলো অবস্থানের পিছনে অবতরণ করার সঙ্গে সঙ্গে আমাদের সৈনিকরা বুঝতে পেরেছিল যে শক্রসেনারা প্রতিরক্ষা ব্যহৈর পিছনে ছাঁচীবাহিনী নামিয়েছে। আমাদের অগ্রবর্তী অবস্থানগুলো থেকেও খবর আসতে লাগল যে শক্ররা মুহূর্ত ও ছিলেনিয়া নদীর পাড় দিয়ে এগিয়ে আসছে। ওদের সঙ্গে ট্যাংকও আছে। অবস্থানের সামনে বিপুল সৈন্য নিয়ে শক্র আক্রমণের প্রতিরক্ষা আর পিছনে তাদের ছাঁচীবাহিনী আমাদের সৈনিকদের পিছন থেকে ঘিরে ফেলার জন্যও প্রস্তুত। এ রকম একটা সংকটযৈ অবস্থাতেও ক্যাপ্টেন জাফর ইমাম এবং ক্যাপ্টেন গাফফার এবং লে. ইমামুজ্জামান ও ক্যাপ্টেন শহীদের নেতৃত্বে সামান্য শক্তি নিয়েও যুদ্ধের জন্য আমাদের সৈনিকদের মনোবল ছিল অটুট। আমার সব অফিসার ঐ চরম মুহূর্তে তাদের সাহস এবং দৃঢ়প্রত্যয়ের পরিচয় দিয়েছিল। রাত তখন সাড়ে ৯ টা। বৃষ্টি বেশ একটু জোরালো

হয়ে উঠেছে। শক্ররা তাদের অগ্সর অব্যাহত রেখেছে। এ সময়ে ক্যাপ্টেন গাফফারের অবস্থানের পিছন থেকে শক্ররা হামলা চালায়। ক্যাপ্টেন গাফফার এবং তার সৈনিকরা বীরত্বের সাথে শক্রসেনাদের হামলার মোকাবেলা করে। প্রায় ১ ঘণ্টা যুদ্ধের পর শক্রসেনারা বেশ কিছু হতাহত সৈনিক ফেলে ক্যাপ্টেন গাফফারের অবস্থান থেকে বিতাড়িত হয়ে যায়। এ সময় ক্যাপ্টেন জাফর ইমামের কোম্পানির সামনেও শক্ররা আক্রমণ চালায়। শক্রদের ট্যাংকগুলোও আস্তে আস্তে যুদ্ধেক্ষেত্রের দিকে এগিয়ে আসছিল। শক্রদের কামানের গুলি সমস্ত অবস্থানের উপর এসে পড়ছিল। লে. ইমামুজ্জামান, যার কোম্পানি সবচেয়ে বামে ছিল, সেখানেও শক্ররা আস্তে আস্তে চাপ দিতে থাকে। ক্যাপ্টেন জাফর ইমাম আমাকে এ পরিস্থিতির কথা জানায়। আমি বুঝতে পারলাম যে শক্রসেনারা ডানে, বামে এবং হেলিকপ্টারের সাহায্যে আমার প্রতিরক্ষা ব্যাহের পিছনে পজিশন নিয়েছে এবং আস্তে আস্তে আমার সমস্ত ট্রুপসদের ঘিরে ফেলার মতলব এঠেছে। শক্রদের চাপ আস্তে আস্তে বেড়েই চলছিল। উভয়পক্ষেরই হতাহত ক্রমেই বেড়ে চললো। তাদের অনেকেই আমাদের মাইন ফিল্ডের ভিতর পড়ে গিয়ে প্রাণ হারাচ্ছিল, কিন্তু তবুও তারা অগ্সর হচ্ছিল। ইতোমধ্যে আমার ৫ জন লোক নিহত ও ৩৫ জন আহত হয়। এই অঙ্ককারে সমস্ত অবস্থান জুড়ে চলছিল সম্মুখ সমরে হাতাহাতি যুদ্ধ। যদিও শক্রদের ক্ষয়ক্ষতির সংখ্যা আমাদের চেয়ে অনেক বেশি হচ্ছিল, তবুও আমার পক্ষে ৩০/৪০ জন হতাহতের পরিমাণ খুবই মারাত্মক ছিল। তাছাড়া আমার সৈন্যসংখ্যা ছিল অনেক কম আর অস্ত্রশস্ত্রেও ছিলাম আমি তাদের চেয়ে অনেক দুর্বল। আমি বুঝতে পারলাম সকাল পর্যন্ত তারা যদি আমাকে এভাবে ঘিরে রাখতে পারে, তাহলে তাদের বিপুল শক্তিতে দিনের আলোতে এবং ট্যাংক ও কামানের গোলায় আমার সৈন্যদের সম্পূর্ণরূপে ধ্বংস করে দেবে।

রাতের অঙ্ককারে তাদের ট্যাংক এবং কামানের গোলা আমাদের উপর কার্যকরী হয়নি। কিন্তু দিনের আলোতে এসব অস্ত্র আমার অবস্থানের জন্য মারাত্মক হয়ে দাঁড়াবে। আমি ক্যাপ্টেন জাফর ইমামকে বর্তমান অবস্থান থেকে ডাইনে বা বামে সরে গিয়ে শক্রদের এগিয়ে পিছনে এসে চিথলিয়াতে নতুন প্রতিরক্ষা ব্যৃহ তৈরি করার নির্দেশ দেই। এ নির্দেশ অনুযায়ী রাত ১ টায় ক্যাপ্টেন জাফর, ক্যাপ্টেন শহীদ এবং ক্যাপ্টেন গাফফার তাদের স্ব-স্ব দল নিয়ে শক্রদের এগিয়ে চিতুলিয়াতে নতুন প্রতিরক্ষা অবস্থানে পৌঁছে। পৌঁছার সঙ্গে সঙ্গে নতুন অবস্থানের জন্য তৈরি শুরু হয়ে যায়। তখন সকাল ৯ টা কী ১০ টা। আমি নিজেও যথেষ্ট উদ্বিগ্ন ছিলাম লে। ইমামুজ্জামান এবং তার দলটির না পৌঁছানোর জন্য। যখন প্রতিরক্ষা ব্যৃহ তৈরি চলছিল আমি তিন-চারজন সিপাই সঙ্গে নিয়ে আগে অগ্সর হয়ে যাই শক্রদের সম্বন্ধে জানবার জন্য। চিথলিয়া থেকে বেশ কিছু দূর আগে মুসিরহাটের নিকট যেয়ে দেখতে পাই যে শক্ররা সকাল পর্যন্ত মুসিরহাট রেলওয়ে স্টেশন পর্যন্ত দখল করে নিয়েছে এবং এর আগে আর অগ্সর হওয়ার সাহস করেনি। তারা ভাবছিল যে আমাদের পিছনের পজিশনগুলো হয়ত এখনও আছে। আমরা যে রাত্রে এসব ঘাঁটি ত্যাগ করে চিথলিয়াতে নতুন ব্যৃহ রচনা করেছি এ সম্বন্ধে তারা সকাল ১০ টা পর্যন্ত জানতে পারেনি এবং তারা খুব সতর্কতার

সাথে অগ্রসর হচ্ছিল। আমি প্রায় ১ টা পর্যন্ত আমার রেকি বা অনুসঙ্গান শেষ করে চিথলিয়াতে ফেরত আসি, ঠিক এই মুহূর্তে শক্রদের আরো তিন-চারখানা হেলিকপ্টার আসে এবং আমাদের অবস্থানের ৭০০/৮০০ গজ ডাইনের রেলওয়ে লাইনের উঁচু বাঁধের পিছনে অবতরণ করে। এছাড়া আরো দুটি হেলিকপ্টার আসে যেগুলো আমাদের বামে আধা মাইল দূরে একটা পুকুরের বাঁধের পিছনে অবতরণ করে এবং সঙ্গে সঙ্গে সেদিক থেকে ভয়ংকর গোলাগুলির আওয়াজ শুনতে পাই। আমি বুঝতে পারলাম শক্ররা আমার ট্রুপস্দের চতুর্দিক থেকে ঘিরে ফেলেছে এবং আমাদের প্রতিরক্ষা অবস্থান তখনও কিছুই তৈরি হয়নি। এ সময় ছিল আমার পক্ষে চরম মুহূর্ত। বাম থেকে গোলাগুলোর আওয়াজ আরো প্রচণ্ডতর হচ্ছিল। আমি তৎক্ষণাত্মে সিদ্ধান্ত নেই এবং ক্যাপ্টেন জাফর ও ক্যাপ্টেন গাফফারকে নির্দেশ দেই এখনই এই মুহূর্তে তাদের নিজ নিজ কোম্পানি নিয়ে বর্তমান অবস্থান পরিত্যাগ করার জন্য। আমি এবং আমার সমস্ত সৈন্যকে অবস্থানটি পরিত্যাগ করার আধা ঘন্টার মধ্যে শক্ররা আক্রমণ চালায়।

এবারও শক্রসেনারা আমাকে এবং আমার সেনাদলকে সামান্য মুহূর্তের জন্য ধরার সুবর্ণ সুযোগ আবার হারিয়ে ফেলে। হয়তো এ ছিল পরম করুণাময় আল্লাহর আশীর্বাদ। আমি পরে জানতে পারি আমার অবস্থানের বাম থেকে যে গোলাগুলির আওয়াজ শুনতে পেয়েছিলাম তা ছিল লে। ইমামুজ্জামানের সৈনিকদের সঙ্গে পাকসেনাদের সংঘর্ষ। পাকসেনারা যখন হেলিক্ট্রারযোগে বামে অবতরণ করছিল সে সময় লে। ইমামুজ্জামানের সৈন্যদলের সামনে তারা পড়ে যায়। এতে শক্র যথেষ্ট ক্ষয়ক্ষতি হয়। লে। ইমামুজ্জামান শক্রদের প্রচণ্ড আঘাত হেনে পরে বামদিক দিয়ে পিছনে হটে আসে এবং আমার সঙ্গে মিলিত হয়। যদিও আমাকে অবস্থান পরিত্যাগ করতে হয়েছিল এবং পাকবাহিনী আবার বিলোনিয়া পুনর্দখল করে নেয় তবুও শক্রদের যা হতাহত হয় তা ছিল অপূরণীয়। আমাদের পশ্চাদপসরণ একটা রণকৌশল ছিল। সৈন্য, অস্ত্র, গোলাবারুণ্ড সবকিছুই ছিল নগণ্য। সে তুলনায় শক্রদের শক্তি ছিল বিরাট। আমার তখনকার যুক্তের নীতি এবং কৌশলই ছিল শক্রদেরকে অকস্মাত আঘাত হানা বা তাদেরকে প্রলোভন দেখিয়ে আমার মনোনীত জায়গায় অগ্রসর হতে দেওয়া এবং তাদেরকে পর্যন্ত এবং ধ্রংস করা—শক্রদের এভাবে ব্যতিব্যস্ত রেখে আস্তে আস্তে নিজের শক্তি আরো গড়ে তোলা এবং সংগঠনকে শক্তিশালী করা। অঙ্কুরেই ধ্রংস হয়ে যাওয়াটা আমার উদ্দেশ্য ছিল না। এ পরিপ্রেক্ষিতে সব সংঘর্ষেই আমি পাকবাহিনীকে আঘাত হানতাম অতর্কিতে। আমার যখন যথেষ্ট ক্ষতিসাধন হতো তখন অকস্মাত্বাবেই সংঘর্ষ এড়িয়ে অন্য জায়গায় চলে যেতাম। এতে শক্ররা আরো মরিয়া হয়ে উঠত এবং পাগলের মতো আমার নতুন অবস্থানে এসে আঘাত হানতো। বারবারই এ রণকৌশলের পুনরাবৃত্তি হতো। যে সময় বিলোনিয়ায় সমুখসমর চলছিল, ঠিক সে সময় আমি শক্রের পিছনের এলাকায় আঘাত হানার জন্য তৈরি হচ্ছিলাম। আমার হেডকোয়ার্টার অন্তঃপক্ষে চার হাজার গেরিলা সে সময় প্রশিক্ষণরত ছিল। এদেরকে আমি বিভিন্ন দলে বিভক্ত করে বিশেষ বিশেষ ধরনের গেরিলা যুক্তি প্রদত্ত শিক্ষা দিচ্ছিলাম। একটি দলকে শিক্ষা দিচ্ছিলাম ডেমোলিশন (বিক্ষেপণ) ব্যবহার যাদের প্রথম উদ্দেশ্য ছিল দেশের

অভ্যন্তরে যত রান্তা ও রেলওয়ে সেতু আছে সেগুলো ধ্বংস করে দেওয়া; যাতে শক্ররা অন্যায়ে যাতায়াত করতে না পারে এবং বিভিন্ন যুদ্ধক্ষেত্রে পাক সেনাদল তাদের রেশন ঠিকমতো পৌছাতে না পারে। এছাড়া এ দলটির আরো কাজ ছিল শিল্পক্ষেত্রে কিছু মনোনীত শিল্পকে সাময়িকভাবে অকেজো করে দেওয়া। বিশেষ করে ঐসব শিল্প যাদের তৈরি মাল পাকবাহিনী বিদেশে রপ্তানি করে বৈদেশিক মুদ্রা অর্জন করতে সক্ষম হবে। এসব শিল্প অকেজো করার সময় আমাকে অনেক সতর্কতার সাথে পরিকল্পনা করতে হয়েছে, যেহেতু সব শিল্পই আমাদের দেশের সম্পদ এবং এগুলো সম্পূর্ণ ধ্বংস করে দিলে পরবর্তীকালে স্বাধীনতার পর আমাদের নিজেদেরই আবার সংকটের সম্মুখীন হতে হবে, সে কারণে প্রতিটি টার্গেট সম্পর্কে সিদ্ধান্ত নেওয়ার পর পরিকল্পনাগুলোকে যথেষ্ট বিবেচনার সাথে পুর্খান্তুর্জ্জ্বলভাবে বিশ্লেষণ করতে হতো এবং তারপরই সিদ্ধান্ত গ্রহণ করতাম। শিল্পগুলোকে ধ্বংস না করে এগুলোকে সাময়িক অকেজো করার এক অভিনব পদ্ধতি আমি খুঁজে পাই। আমার সেক্টর-এর বেশিরভাগ শিল্প ঢাকার চারপাশে-ঘোড়াশাল এবং নরসিংহিতে অবিস্থিত ছিল। আমি জানতে পেরেছি যে, এসব শিল্পের জন্য বৈদ্যুতিক শক্তি সাধারণত শাহজিবাজার পাওয়ার হাউস ও কাঙাই থেকে পাওয়ার লাইনের মাধ্যমে আসে। আমি আমার গেরিলাদের প্রথম টার্গেট দেই ওই সব পাওয়ার লাইন উড়িয়ে দেয়ার জন্য। প্রতি সপ্তাহে ২০টি টিম বিভিন্ন এলাকায় পাওয়ার লাইনের পাইলন ধ্বংস করতে থাকে। এর ফলে প্রায় ৭৫ শতাংশ বিদ্যুৎ সরবরাহ শিল্প এলাকাগুলোতে বন্ধ হয়ে যায়। পাকবাহিনী নিরূপায় হয়ে প্রত্যেক পাইলনের নিচে এন্টি-পার্সোনাল মাইন পুঁতে রাখত যাতে আমার লোকজন পাইলনের কাছে না যেতে পারে। তারা সিদ্ধিরগঞ্জে পাওয়ার হাউস থেকে বিদ্যুৎ সরবরাহ করতে শুরু করে। আমি যখন এ খবর জানতে পারি, তখন সিদ্ধিরগঞ্জের সরবরাহ কেন্দ্র থেকে বিদ্যুৎ যাতে না যেতে পারে তার পরিকল্পনা করতে থাকি। আমার হেডকোয়ার্টারস থেকে তিনটি দলকে ঢাকার বিদ্যুৎ সরবরাহ পদ্ধতি সম্বন্ধে সমস্ত তথ্য আনার জন্য প্রেরণ করি। এক সপ্তাহের মধ্যে তারা পুর্খান্তুর্জ্জ্বলভাবে অনুসন্ধান চালিয়ে যায় এবং আমাকে সমস্ত খবর পৌছায়। তারা আরো জানায়, পাকবাহিনী একটি শক্তিশালী দল ট্যাংকসহ সিদ্ধিরগঞ্জ বিদ্যুৎ সরবরাহ কেন্দ্রে তাদের আস্তানা গেড়েছে। চতুর্দিকে বাংকার প্রস্তুর করে সে জায়গাটিকে পাহারা দিচ্ছে। সে কেন্দ্রটিকে অকেজো করতে হলে একটা বিরাট যুদ্ধের পর সেটিকে দখল করতে হবে। শক্রঘাটি যেরূপ শক্তিশালী ছিল তাতে সফল হওয়া সম্ভব হতেও পারে, নাও হতে পারে। আর তাছাড়া আমিও প্রকৃতপক্ষে কেন্দ্রটি সম্পূর্ণরূপে উড়িয়ে দেয়ার পক্ষপাতি ছিলাম না। আমি এসব ভেবে অন্য পক্ষ অবলম্বন করার জন্য চিন্তা করতে থাকি। এ সময়ে ওয়াপদার একজন ইঞ্জিনিয়ার আমার ক্যাম্পে আসেন। তার সঙ্গে এ ব্যাপারে আমার বিস্তারিত আলোচনা হয়। আমার যে অনুসন্ধান দলটি খবরাখবর এনেছিল, তারা আসার সময় বিদ্যুৎ সরবরাহ কেন্দ্রের একটা নীলনকশা ওয়াপদার প্রধান দণ্ডের থেকে চুরি করে এনেছিল। আমি ইঞ্জিনিয়ার জনাব মোমিনুল হক তুঁইয়াকে এ নীলনকশা অনুযায়ী বিদ্যুৎ সরবরাহের একটা সম্পূর্ণ ছবহ মডেল আমার হেডকোয়ার্টার-এ তৈরির নির্দেশ দিই। ইঞ্জিনিয়ার জনাব তুঁইয়া আমার নির্দেশ অনুযায়ী

ঢাকা, টঙ্গি, ঘোড়াশাল, নারায়ণগঞ্জের বিদ্যুৎ সরবরাহ লাইনের একটা পূর্ণাঙ্গ মডেল তৈরি করেন। সে মডেলের উপর ইঞ্জিনিয়ার সাহেবের সঙ্গে আলোচনাকালে আমি বুঝতে পারি যে, ঢাকাতে মোট ন'টি জায়গাতে (পোস্তগোলা, ডেমরা, হাটখোলা, জংসন, খিলগাঁও, মতিঝিল, ধানমণি, শাহবাগ, কমলাপুর, উলন) গ্রীড সাবষ্টেশন আছে এবং এ সাবষ্টেশনগুলো যদি আমরা ধ্রংস করে দিতে পারি তবে বিদ্যুৎ সরবরাহ বন্ধ হয়ে যাবে। এও বুঝতে পারি যে, বিদ্যুৎ সরবরাহ সিন্ডীরগঞ্জ থেকে মোটামুটি তিনটা লাইনে আসে এবং যদি সবগুলো সাবষ্টেশন একসঙ্গে উড়িয়ে না দেয়া যায়, তাহলে বিদ্যুৎ সরবরাহ অন্য পথ দিয়ে চলবে। ঢাকার এবং শিল্প এলাকার বিদ্যুৎ সরবরাহ অকেজো করে দেয়ার জন্য আমি জুলাই মাস থেকে ১৬টি টিম ট্রেইন করতে থাকি। এসব টিমে ৮ থেকে ১০ জন গেরিলাকে এভাবে ট্রেনিং দেই যাতে তারা সাবষ্টেশনগুলোর সবচেয়ে গুরুত্বপূর্ণ যন্ত্রপাতি খুব কম সময়ের মধ্যে চিনে নিতে পারে এবং সেগুলো অনায়াসে ধ্রংস বা অকেজো করে দিতে পারে। ট্রেনিং-এর ব্যবস্থা এমনভাবে করা হয় যাতে তারা এ কাজে সম্পূর্ণ পারদর্শিতা অর্জন করে। দু'মাস ট্রেনিং-এর পর এসব টিমগুলোকে আমার হেডকোয়ার্টারে মডেলের উপর একটা পূর্ণাঙ্গ রিহার্সালের বন্দোবস্ত করি যাতে প্রত্যেকটা টিমের প্রতিটি ব্যক্তি তার কার্য সম্বন্ধে কোন সন্দেহ না থাকে। নিজ নিজ কার্য যাতে তৎপরতার সাথে সম্পূর্ণ করতে পারে সেজন্য এ ব্যবস্থা করা হয়। এ টিমগুলোকে আমি কসবার উত্তরে আমাদের যে গোপন প্রবেশপথ ছিল, সে পথে ঢাকাতে প্রেরণ করি। টিমগুলো নবীনগর এবং রূপগঞ্জ হয়ে নদীপথে ঢাকার উপকর্ত্তে পৌঁছে এরা প্রথম তাদের রেকি সম্পূর্ণ করে। অনুসন্ধানের পর জানতে পারে যে কতগুলো সাবষ্টেশনে পাকিস্তানিরা ছোট ছোট আর্মি পাহারা দলের বন্দোবস্ত করেছে। আবার কোনো কোনোটিতে পশ্চিম পাকিস্তানি পুলিশ কিংবা রাজাকার দ্বারা পাহারার বন্দোবস্ত করেছে। দলগুলো তাদের সমস্ত সরঞ্জাম এবং অস্ত্র ঢাকায় বিভিন্ন জায়গাতে লুকিয়ে রেখে বর্তমান অবস্থা সম্বন্ধে আমাকে খবর পাঠায় এবং নির্দেশের অপেক্ষায় থাকে। আমি বুঝতে পারলাম যদিও কোনো কোনো জায়গায় ছোট ছোট পাহারার ব্যবস্থা করা হয়েছে তবুও এগুলো ধ্রংস করার সুযোগ এখনই। এরপর হয়ত পাহারা আরও সুড়ত হওয়ার আশঙ্কা আছে। সেজন্য আর কালবিলম্ব না করে সবগুলো পাওয়ার সাবষ্টেশন একযোগে অতিসত্ত্ব ধ্রংস করার বা অকেজো করার নির্দেশ পাঠাই। আমার নির্দেশ পাওয়ার পর সব টিমই নিজ নিজে কমান্ডারদের নেতৃত্বে একযোগে জুন মাসের ২৭ তারিখের রাতে অক্ষম্বাত্ম তাদের আক্রমণ চালায়। তারা এসব আক্রমণে ধানমণি, শাহবাগ, পোস্তগোলা, উলন, মতিঝিল, ডেমরা প্রভৃতি সাবষ্টেশনগুলো ধ্রংস বা সাময়িক অকেজো করে দিতে সক্ষম হয়েছিল। আক্রমণের সময় আমার লোকদের সঙ্গে অনেক জায়গায় পাকসেনাদের সংঘর্ষ হয় বিশেষ করে ধানমণি সাবষ্টেশনে। এই দলটির নেতৃত্ব দিচ্ছিল রূমি। সে একাই স্টেনগান হাতে পাকসেনাদের উপর হামলা চালায় এবং সকলকে শুলি করে মেরে ফেলে। তার অসীম সাহসিকতার ফলে দলের অন্যান্য লোকরাও উজ্জীবিত হয়ে ওঠে এবং পাকসেনাদের উপর ঝাঁপিয়ে পড়ে এবং সাবষ্টেশনটি ধ্রংস করে দেয়। এরপ সংঘর্ষ শাহবাগ ও

ডেমরাতে ঘটে। বাকি জায়গাগুলোয় আমার লোকেরা এমন অক্ষমাং ভাবে সাবস্টেশনগুলোর ভেতর চুকে পড়ে যে পাকসেনারা বা পাকিস্তানি পুলিশরা কিছু বোঝার আগেই তাদের হাতে বন্দি বা নিহত হয়। এ অপারেশন-এ অন্তত ৭৫ শতাংশ সফলতা লাভ করি। ঢাকায় বিদ্যুৎ সরবরাহ ২৪ ঘণ্টার জন্য সম্পূর্ণ অচল হয়ে যায়। যদি পাকিস্তানিরা বিমানযোগে সাবস্টেশনের যন্ত্রপাতি পশ্চিম পাকিস্তান থেকে নিয়ে আসে এবং কিছুটা সরবরাহ পুনরুদ্ধার করে তবুও শিল্প এলাকার বিদ্যুৎ সরবরাহ চিরতরে কমে যায়। এতে পাটকলগুলো চালাবার প্রচেষ্টা অনেকাংশে কমে যায়।

এ সময়ে আমি আরো জানতে পারি যে, প্রিস সদরুন্দিন আগা খান ঢাকায় আসছেন সরজমিনে অবস্থা পর্যবেক্ষণের জন্য। জেনারেল টিক্কা খান সে সময় প্রস্তুতি নিচ্ছিল প্রিস সদরুন্দিনকে বাংলাদেশে সবকিছু স্বাভাবিক অবস্থা দেখাবার জন্য। আমি তার এ প্রচেষ্টাকে বানচাল করার জন্য আরো পাঁচটি দল তৈরি করি। তাদের কাজ ছিল ঢাকার বিভিন্ন জায়গায় প্রেনেড বিস্ফোরণ ঘটানো এবং অবস্থা যে স্বাভাবিক নয় সে সম্বন্ধে প্রিস সদরুন্দিনকে বুঝিয়ে দেওয়া। পরিকল্পনা অনুযায়ী দলগুলো প্রিস সদরুন্দিনের অবস্থানকালে ঢাকার বিভিন্ন জায়গায় বিস্ফোরণ ঘটায়। সবচেয়ে বড় বিস্ফোরণ ঘটায় মতিঝিলে। আলম এবং সাদেক এ দু'জন গেরিলা একটা গাড়ির ভিতরে ৬০ পাউন্ড বিস্ফোরক রেখে মতিঝিলে হাবিব ব্যাংক বিল্ডিং-এর সামনে বিলম্বিত ফিউজের মাধ্যমে ভয়ংকর বিস্ফোরণ ঘটায়। এ বিস্ফোরেন ফলে হাবিব ব্যাংকের ব্যাপক ক্ষয়ক্ষতি হয়। এই ঘটনায় সমস্ত ঢাকা শহর আতঙ্কিত হয়ে পড়ে। জনসাধারণ সঙ্গে সঙ্গে সব কাজকর্ম বন্ধ করে দেয়। সেদিন রাতেই প্রিস সদরুন্দিন যখন হোটেল ইন্টারকন্টিনেন্টালে বিশ্রাম করছিলেন, এ দলটি হোটেল ইন্টারকন্টিনেন্টালের বারান্দায় আরেকটা বিস্ফোরক ভর্তি গাড়ি বিস্ফোরণ ঘটায়। চতুর্দিকে এসব বিস্ফোরণে জাতিসংঘের মহামান্য পর্যবেক্ষক বেশ ভাল করে বুঝতে পেরেছিলেন যে টিক্কা খান যাকে স্বাভাবিকভাবে দেখানোর চেষ্টা করছে, তা স্বাভাবিক নয়। ঢাকায় অপারেশন যখন চলছিল তখন আমি আমার বেঙ্গল রেজিমেন্টের সেনাদের এবং প্রশিক্ষণপ্রাপ্ত গেরিলাদের মিলিত দল বিভিন্ন থানায় পাঠাচ্ছিলাম থানাগুলো দখল করে নেয়ার জন্য। এই দিনগুলো ছিল বিশেষ অসুবিধার—কারণ আমার ট্রেনিংপ্রাপ্ত ছেলেরা ও সেনারা সবাই ছিল যুদ্ধের জন্য প্রস্তুত। কিন্তু ছিল না শুধু অস্ত্র আর গোলাবারুদ। অনেক চেষ্টা করেও গোলাবারুদ এবং অস্ত্রের কোন ব্যবস্থা করতে পারছিলাম না।

আমাদের বন্ধুরা সব সময় আমাদের আশ্বাস দিত ‘এই অস্ত্র এসে পড়ছে’। কোনো সময় বলত ‘ট্রেনে মাল ভর্তি হয়ে গেছে, বন্যার জন্য আসতে পারছে না, কেননা রেলাইন বন্ধ’। আবার কোনো সময় বলত ‘ফ্যাট্টরিতে তৈরি হচ্ছে’। এমনও সময় গেছে যে অনেক শুরুত্তপূর্ণ অপারেশন পরিকল্পনা তৈরির পর আমাদেরকে সে পরিকল্পনা পরিত্যাগ করতে হতো অস্ত্রের অভাবে। নিজেদের কাছে যেসব অস্ত্র ছিল সে-সবেরও গোলাবারুদ অত্যন্ত রেশনিং-এর পরেও প্রায় শেষ হওয়ার পথে ছিল। এ সময় সমস্ত মুক্তিবাহিনীতে হতাশার ভাব পরিলক্ষিত হয়। অনেক সময় বহু অনুরোধের পর হয়ত ৩০৩ রাইফেলের ৫ রাউন্ড করে শুলি সাহায্য পেতাম। এ ধরনের যুদ্ধের জন্য যা ছিল

অতি নগণ্য। এসব অসুবিধা এবং সংকটের মধ্যেও আমরা ভেঙে পড়িনি। আমি আমার সেনাদলকে নির্দেশ দিই, যে উপায়ে হোক আর যেখানেই হোক পাক বাহিনীকে গ্রামবুশ করে বা অতর্কিতে আক্রমণ করে তাদের অস্ত্রশস্ত্র গোলাবারুদ ছিনিয়ে নিয়ে নিজেদেরকে সজ্জিত করে তুলতে হবে। এ যুদ্ধ চালিয়ে যেতে হবে। সকলকে আত্মনির্ভরশীলতা এবং আত্মবিশ্বাস আরো বাঢ়াতে হবে। আমার এ নির্দেশ বেশ কাজে লাগে। সকলেই আরো পূর্ণ উদ্যমে যুদ্ধ চালিয়ে যেতে থাকে।

জুলাই মাসে টিক্কা খান আবার মন্দভাগ এবং শালদানদী পুনর্দখল করার প্রচেষ্টা চালায়। পাকিস্তানিরা কুটি নামক জায়গায় সৈন্য সমাবেশ করে। আমাকে এ খবর আমাদের লোকেরা পৌছায়। আমি ক্যাপ্টেন গাফফারকে মন্দভাগের অবস্থান আরো এগিয়ে বাজারের নিকট অবস্থান শক্তিশালী করার নির্দেশ দেই শক্ত সেনারা সকালে বেলুচ রেজিমেন্টের দুটি কোম্পানিকে সামনে রেখে অগ্রসর হয়। সকাল সাড়ে দশটায় শক্রসেনারা অবস্থানের অগ্রবর্তী স্থান পর্যন্ত অগ্রসর হয় এবং আমাদের মাইনফিল্ডের ভিতর আটকা পড়ে যায়। তবুও তারা অগ্রসর হতে থাকে। তারা যখন আমাদের অবস্থান থেকে ৫০ গজের মধ্যে এসে পড়ে, ক্যাপ্টেন গাফফারের সেনাদল তাদের উপর অকস্থান শুলিবৰ্ষণ শুরু করে। শক্ররা আমাদের অবস্থান এত সামনে আছে তা জানত না। চতুর্দিকের শুলিতে তাদের দুটি কোম্পানি সম্পূর্ণ ছত্রঙ্গ হয়ে যায় এবং শক্রসেনারা চারিদিকে ছুটাছুটি করতে থাকে। এতে তাদের নিহতের সংখ্যা আরও বেড়ে যায়। ৩৩ বেলুচ কিছুক্ষণ পর তাদের আক্রমণ পরিত্যাগ করে। কিন্তু একঘণ্টা পরে পাকসেনারা শালদানদীর দক্ষিণ তীরের সাথে আমাদের অবস্থানের ডান পাশ দিয়ে পিছনে আসার চেষ্টা করে। তারা যে একপ একটা কিছু করতে পারে ক্যাপ্টেন গাফফার তা পূর্বেই অনুমান করেছিল। এজন্য ক্যাপ্টেন গাফফার তৈরিও ছিল। সুবেদার ওহাবের অধীনে। একটি কোম্পানিকে সে আগে থেকেই শালদা নদীর দক্ষিণ তীরে গ্রামবুশ পজিশনে রেখেছিল। শক্ররা অজ্ঞাতে এ গ্রামবুশ পজিশনটির ফাঁদে পড়ে যায়। নিরুপায় হয়ে তারা অবস্থানটির উপর প্রবল আক্রমণ চালায় কিন্তু আমাদের শুলির মুখে এ আক্রমণ ছত্রঙ্গ হয়ে যায়। আর উপায় না দেখে পরবর্তী আক্রমণ স্থগিত রেখে পাকসেনারা পিছু হটে যায়। ক্যাপ্টেন গাফফারের সেনাদল ও সুবেদার ওহাবের সেনাদল পশ্চাংগামী শক্রদের পিছনে ধাওয়া করে। এ সময় চতুর্দিকে ধানক্ষেতে এবং অন্যান্য জায়গায় বেশ পানি ছিল। শক্ররা এসব পানি ভেঙে পশ্চাদপসরণ করার সময় অনেক আহত ও নিহত হয়। যুদ্ধের শেষে সমস্ত যুদ্ধক্ষেত্রে আমরা অন্তত ১২০ টা মৃতদেহ খুঁজে পাই এবং আরো অনেক মৃতদেহ যেগুলো পানিতে ছিল, খুঁজে পাওয়া যায়নি। এ যুদ্ধের ফলাফল আমার পক্ষে অনেক লাভজনক ছিল। আমরা ৮ টা মেশিনগান, ১৮ টা হালকা মেশিনগান, প্রায় ১৫০টি রাইফেল, ২ টা রকেট লঞ্চার, ২ টা মর্টার ও অজন্তু গোলবারুদ হস্তগত করি। আরো অনেক অস্ত্রশস্ত্র যেগুলো পানিতে ছিল, সেগুলো খুঁজে পাওয়া যায়নি। মৃতদেহগুলোর মধ্যে ১ জন ক্যাপ্টেন, ১ জন লেফটেন্যান্ট এবং আরো কয়েকজন জুনিয়র কমিশনড অফিসারকে সনাক্ত করা হয়। শক্ররা এ সময় বৃষ্টি এবং বন্যার জন্য আমাদের হাতে বেশ নাজেহাল হচ্ছিল এবং তাদেরকে বাধ্য হয়ে গতিবিধি

শুধু রাস্তায় সীমিত রাখতে হচ্ছিল। কিন্তু আমরা শক্রদের এ দুর্বলতা সম্পূর্ণভাবে কাজে লাগাতে পারছিলাম না, যেহেতু তখনও আমরা অন্তর্শস্ত্রের দিকে দুর্বল ছিলাম—যদিও ইতোমধ্যে আমাদের বেশ সংখ্যক লোক ট্রেনিং পেয়ে প্রস্তুত ছিল। অন্তরের অভাবে এসব ট্রেনিংগ্রাম লোকদের আমরা ভেতরে পাঠাতে পারছিলাম না। শক্ররা আমাদের দুর্বলতা বুঝতে পেরে তাদের গতিবিধি আরো বাড়াবার জন্য জলযানের যোগাড় করতে লাগলো—বাংলাদেশের যত লঞ্চ, স্টিমার, স্পীডবোট ছিল, সেগুলো দখল করে মেশিনগান ফিট করে এগুলোকে গানবোট হিসেবে ব্যবহার করতে লাগলো।

আমার কাছে খবর আসে যে, শক্র নারায়ণগঞ্জের ‘পাক বে’, কোম্পানিতে তিনশত ফাইবার গ্লাস স্পীডবোট তৈরির নির্দেশ দিয়েছে। ‘পাক বে’ ডকইয়ার্ডে এসব স্পীডবোট তৈরির কাজ দ্রুতগতিতে এগিয়ে চলেছে। এই কোম্পানির একজন অফিসারের ভাই গিয়াসউদ্দিন আমার মুক্তিবাহিনীতে ছিল। সে এসে খবর দেয় যে স্পীডবোটে লাগাবার জন্য ‘তিনশ’ ইঞ্জিন সদ্য আনা হয়েছে এবং সেগুলো ‘পাক বে’র শুধামে মজুদ রাখা আছে। আমি তৎক্ষণাৎ সেই ছেলেটিকে আরো দশজন গেরিলা মনোনয়ন করার নির্দেশ দিই এবং এই সিদ্ধান্তে পৌছি যে, ফাইবার গ্লাস স্পীডবোট প্রস্তুত হয়ে গেলে শক্রদের গতিবিধি অনেক শুণে বেড়ে যাবে, এই বর্ষার মওসুমে শক্রসেনারা বাংলাদেশের আনাচে-কানাচে পৌছতে পারবে। তখন আমাদের মুক্তিবাহিনীর পক্ষে সুদূর গ্রামের গোপন অবস্থানগুলো অত্যন্ত বিপজ্জনক হয়ে পড়বে। সেজন্য এই মেশিনগুলোকে এখনই ধ্বংস করে দিতে হবে। নির্দেশমতো মনোনীত দলটিকে প্রশিক্ষণের পর নারায়ণগঞ্জে পাঠিয়ে দেই। নারায়ণগঞ্জে এসে তারা প্রথম ‘পাক বে’র শুধামটি রেকি করে এবং জানতে পারে যে, দু’জন পুলিশ এবং দু’জন চৌকিদার যে শুধামটিতে মেশিনগুলো রাখা আছে সেখানে পাহারা দিচ্ছে। সেদিন সক্ষ্যায় আমার দলটি অতর্কিতে পুলিশদের নিরস্ত্র করে ফেলে এবং পুলিশ ও চৌকিদারদের একটি কামরায় বক্স করে শুধামের তালা ভেঙে শুধামে প্রবেশ করে। শুধামের ভিতর ডিজেল এবং পেট্রোল ছিল। সেগুলো সব মেশিনের উপর ঢেলে দেয় এবং যেসব ফাইবার গ্লাস নৌকা প্রস্তুত ছিল তাতেও ঢেলে দেয়। এরপর অগ্নিসংযোগ করে বেরিয়ে আসে। কয়েক সেকেন্ডের ভিতর সমস্ত মেশিনে এবং ফাইবার গ্লাস নৌকাগুলোতে আগুন লেগে যায় এবং বিস্ফোরণ ঘটে। এই বিস্ফোরণে শক্রদের সমস্ত মেশিন এবং ৩০০ নৌকা ধ্বংস হয়ে যায়।

এ অপারেশনের ফলে পাক বাহিনী তাদের গতিবিধি অনেকাংশে সীমিত করতে বাধ্য হয়। অপরদিকে এই অপারেশনের ফলে মুক্তিবাহিনীর পক্ষে সুদূর গ্রামাঞ্চলে তাদের গোপন অবস্থান বিপদমুক্ত রাখা সম্ভব হয় এবং তারা সুযোগের সম্ভবহার করে পাকসেনাদের উপর আক্রমণ চালাতে থাকে।

২ জুলাই সকাল সাড়ে ৫ টার সময় একটা দল ক্যাডেট হ্রাস্যন কবিরের নেতৃত্বে শক্রদের লাটুমুড়া অবস্থানের উপর অতর্কিতে আক্রমণ চালায়। এ আক্রমণে মটারের সাহায্যও নেয়া হয়। আক্রমণের ফলে ১২ জন পাকসেনা নিহত ও ৪ জন আহত হয়।

কুমিল্লাতে আমাদের গ্র্যাকশন তীব্রতর হওয়ার জন্য পাকসেনারা কুমিল্লার উত্তরে গোমতী বাঁধের উপর তাদের অবস্থান তৈরি করে এবং এর পরে তারা তাদের কর্তৃত্ব

আরও উভয়ের বাড়িনোর জন্য টহল দিতে শুরু করে। পাকসেনারা যাতে শহরের বাইরে তাদের কর্তৃত পুনর্স্থাপন করতে না পারে সেজন্য আমি 'বি' কোম্পানির দুটি প্লাটানসহ কোটেশ্বর নামক স্থানে শক্তিশালী ঘাঁটি গড়ে তুলতে নির্দেশ দেই। পাকসেনারা ২/৩ দিন এই এলাকায় সম্মুখবর্তী জায়গায় তাদের টহল বজায় রাখে। এরপর ৪ জুলাই পাকসেনাদের একটি ভারি দল সকাল ৪ টার সময় আমাদের অবস্থানের আধামাইল পশ্চিমে কোটেশ্বর থামের ভিতর পর্যন্ত অগ্রসর হয়। সকাল ৪ টা ১৫ মিনিটে তারা আরো অগ্রসর হয়ে আমাদের ২০০/৩০০ গজের মধ্যে পৌঁছে। এ সময় আমাদের সৈন্যরা তাদের উপর শুলি চালায়। পাকসেনারা ২/৩ ঘণ্টা প্রবল চাপ চালিয়ে যায় অগ্রসর হবার জন্য কিন্তু আমাদের শুলির মুখে বারবারই পিছু হটে যেতে বাধ্য হয়। এরপর তারা ৫০০/৬০০ গজ পিছু হটে গিয়ে আমাদের বামে সারিপুরের দিক থেকে আবার অগ্রসর হবার চেষ্টা করে। এবারও পাকসেনারা আমাদের গোলাশুলির সামনে টিকতে না পেরে সম্পূর্ণ পর্যন্ত হয়ে পিছু হটে যেতে বাধ্য হয়। এ সংঘর্ষে পাকসেনাদের কমপক্ষে ৩০ জন হতাহত হয়। আমাদের ১ জন প্রাণ হারায়।

হোমনা থানা পাকসেনারেদের জন্য সামরিক দিক দিয়ে শুরুপূর্ণ স্থান ছিল। ঢাকাতে যেসব গেরিলাকে পাঠাতাম অপারেশনের জন্য, তারাও এই হোমনা দিয়ে যাতায়াত করতো। সেজন্য পাকসেনারা লঞ্চ করে সব সময় দাউদকানি থেকে হোমনায় টহল দিতে আসতো। আর হোমনায় দালাল পুলিশেরা পাকসেনাদের মুক্তিবাহিনী সম্পর্কে ব্ববরাখবর দিতো। এ পুলিশ স্টেশনটি আমার জন্য একটা বিরাট বাধা হয়ে দাঁড়িয়েছিল। সেজন্য এ থানাটিকে দখল করে নেয়ার জন্য আমি হাবিলদার গিয়াসকে নির্দেশ দেই। হাবিলদার গিয়াস তার সেনাদল ও স্থানীয় গেরিলাদের নিয়ে থানাটি আক্রমণ করার প্রস্তুতি নেয়। তারা খবর নিয়ে জানতে পায় যে, থানাতে বাঙালি দালাল পুলিশ ছাড়া পশ্চিম পাকিস্তানি পুলিশও যথেষ্ট আছে। থানা রক্ষার্থে পুলিশ থানার চতুর্দিকে বাংকার তৈরি করেছে এবং কয়েকটা হালকা মেশিনগানও তাদের কাছে আছে। সম্পূর্ণ খবরাখবর নিয়ে হাবিলদার গিয়াস থানা আক্রমণের একটি পরিকল্পনা নেয়। ১ জুলাই রাত ১১ টার সময় হাবিলদার গিয়াস তার গণবাহিনী ও নিয়মিত বাহিনীকে নিয়ে থানাটি অতর্কিতে আক্রমণ করে। এ আক্রমণে পশ্চিম পাকিস্তানি পুলিশেরা হালকা মেশিনগানের সাহায্যে বাধা দেয়ার চেষ্টা করে। কিন্তু কিছুক্ষণের মধ্যে আক্রমণের মুখে তারা সবাই নিহত হয়। হাবিলদার গিয়াস থানাটি দখল করে নেয়। এর ফলে থানার সমস্ত অন্তর্শস্ত্র তার হস্তগত হয় এবং আমাদের ঢাকা যাবার রাস্তা ও শক্রমুক্ত হয়।

আমাদের ১টি প্লাটুন মিয়াবাজার থেকে ফুলতলীতে টহল দিতে যায়। রাত ৩ টার সময় তারা দেখতে পায় পাকসেনাদের ১টি জীপ এবং ২টি ট্রাক কুমিল্লা থেকে দক্ষিণের দিকে টহল দিতে যাচ্ছে। সঙ্গে সঙ্গে আমাদের প্লাটুনটি কুমিল্লা-চট্টগ্রাম রাস্তার উপর এ্যামবুশ লাগিয়ে এই গাড়িগুলোর কনভয়টি ফিরে আসার অপেক্ষায় থাকে। এ্যামবুশ-এর জায়গায় তারা ১টি মেশিনগান ও ৩টি হালকা মেশিনগান রাস্তার দুর্দিক থেকে লাগিয়ে পাকসেনাদের জন্য অপেক্ষা করে। রাত সাড়ে ৪ টায় পাকসেনাদের গাড়িগুলো

মিয়াবাজার অবস্থানে ফেরত আসে। আসার পথে গাড়িগুলো আমাদের এ্যামবুশ-এ পড়ে যায়। এ্যামবুশ পার্টি খুব নিকটবর্তী স্থান থেকে মেশিনগান এবং হালকা মেশিনগানের গুলি চালিয়ে গাড়িগুলো ক্ষতিগ্রস্ত করে দেয়। পাকসেনাদের গাড়ি থেকে লাফিয়ে নিচে নামার চেষ্টা করে কিন্তু এতেও তাদের অনেক লোক মেশিনগানের গুলিতে হতাহত হয়। পাকসেনাদের কমপক্ষে ৩ জন অফিসারসহ ২১ জন নিহত এবং ১৫ জন আহত হয়। পরে ঝবর পাওয়া যায় যে নিহতদের মধ্যে ১ জন লে. কর্নেলও ছিলেন। এ এ্যামবুশের সময় পাকসেনারা কুমিল্লা বিমান বন্দর হতে তাদের সাথীদের সাহায্যার্থে কামানের সাহায্যে আমাদের এ্যামবুশ অবস্থানের উপর প্রচণ্ড গোলা ছুঁড়তে থাকে। গোলার মুখে বেশিক্ষণ টিকতে না পেরে আমাদের এ্যামবুশ পার্টি স্থানটি পরিত্যাগ করে পিছু হটে আসে।

জুলাই মাসের ১ তারিখে পাকসেনারা আবার তাদের শালদানদী ও কসবা অবস্থানের ভিতরে যোগাযোগ স্থাপনের চেষ্টা চালায়। সকাল ১০ টার সময় শালদানদী থেকে পাকসেনাদের একটি দল কসবার দিকে অগ্রসর হয়। এই দলটি কিছুদূর অগ্রসর হবার পর মন্দভাগের নিকট ক্যাপ্টেন গাফফারের 'সি' কোম্পানির সামনে উপস্থিত হয়। দুপুর ১২ টার সময় ক্যাপ্টেন গাফফারের নেতৃত্বে ৪ৰ্থ ইন্ট বেঙ্গলের 'সি' কোম্পানি, পাকসেনারা যখন তাদের অবস্থানের সামনে দিয়ে কসবার দিকে অগ্রসর হচ্ছিল, ঠিক সে সময়ে তাদের উপর অতক্রিত হামলা চালায়। পাকসেনারা আর অগ্রসর হতে পারে না এবং ছত্রভঙ্গ হয়ে তাদের মৃতদেহগুলো ফেলেই শালদানদীর অবস্থানে পালিয়ে যায়। পালানোর সাথে আমাদের মর্টারের গোলাও তাদের যথেষ্ট ক্ষতিসাধন করে। এ সংঘর্ষে পাকসেনাদের ৮ জন আহত ও ৩ জন নিহত হয়।

পাকসেনারা জুলাই মাসের ৪ তারিখে ফেনী থেকে দুটি কোম্পানি নিয়ে বিলোনিয়ার দিকে অগ্রসর হয়। রাস্তায় তারা শালদাৰ বাজার নামক স্থানে সাময়িক অবস্থান নেয়। এ সংবাদ পেয়ে ক্যাপ্টেন জাফর ইমামের ১টি প্লাটুন ও ইঞ্জি মর্টার সহ দুপুর দুটির সময় শক্রদের এ দলটির উপর অতক্রিত আক্রমণ চালায়। পাকসেনারা এ আক্রমণের জন্য প্রস্তুত ছিল না। তাদের মনোবল বিলোনিয়াতে আগে থেকেই যথেষ্ট কমে গিয়েছিল। এ ছাড়া সে সময়ে বৃষ্টি হচ্ছিল। বৃষ্টির মধ্যে সাময়িকভাবে বানানো ট্রেঞ্চগুলোতে ধাকাও বেশ অসুবিধাজনক হয়ে পড়েছিল। অতক্রিত আক্রমণের ফলে মেশিনগান এবং মর্টারের গোলাগুলিতে তাদের অসংখ্য লোক হতাহত হয়। পরে জানা যায় যে, তাদের অস্ততঃপক্ষে ৩০ জন নিহত ও ২০ জন আহত হয়েছে। পাকসেনারা এরপর শালদা বাজারের পার্শ্ববর্তী সাহেবনগর ও অন্যান্য আমগুলো থেকে স্থানীয় লোকদের অন্য স্থানে চলে যেতে বলে। মতলববাজার এলাকাতে মুক্তিবাহিনীর একটি প্লাটুনকে লে. মাহবুব পাঠিয়ে দেয়। এই প্লাটুনটি মতলব এলাকায় গিয়ে তাদের ঘাঁটি স্থাপন করে। সেখানে তারা জানতে পারে মতলব থানাতে পাকিস্তানি পুলিশ এবং রেঞ্জার মোতায়েন করা হয়েছে। এসব পুলিশের অত্যাচারে স্থানীয় লোকেরা অতিষ্ঠ হয়ে উঠেছে। পাকিস্তানি পুলিশেরা স্থানীয় দলালদের সহায়তায় শাসনকার্য আয়ত্তাধীনে আনার চেষ্টা করছে। আমাদের দলটি মুক্তিযোদ্ধা জাহাঙ্গীরের নেতৃত্বে এই থানাকে

আক্রমণ করার সিদ্ধান্ত নেয়। তারা থানা সহকে সকল খবর যোগাড় করে। জুলাই মাসের ২ তারিখের রাতে গেরিলা দলটি থানার উপর আক্রমণ করে। পাকিস্তানি পুলিশ এবং রেঞ্জারস এই আক্রমণকে প্রতিহত করার চেষ্টা করে কিন্তু তীব্র আক্রমণের মুখে ৫ জন পুলিশ নিহত এবং ৭ জন আহত হয়। ঠিক এ সময়ে গেরিলাদের নিকট যে হালকা মেশিনগানটি ছিল সেটা খারাপ হয়ে যায়। নিরূপায় হয়ে গেরিলারা আক্রমণ পরিত্যাগ করতে বাধ্য হয়। গেরিলাদেরও ১ জন নিহত হয়। কিন্তু এ আক্রমণের পর থেকে পাকিস্তানি পুলিশের আর থানার বাইরে আসার সাহস পায়নি এবং সমস্ত মতলব থানা এলাকা মুক্তিবাহিনীর আয়ত্তাধীনে এসে যায়।

শালদা নদীতে আমাদের কার্যকলাপ সব সময় চালানো হচ্ছিল। মেজর সালেকের এক পেট্রোল পার্টি খবর আনে যে রেলওয়ে সড়কের পূর্ব দিকে একটি ছোট রাস্তা পাকসেনারা তাদের শালদা নদী এবং নয়নপুর অবস্থানের মধ্যে যোগাযোগ করার জন্য ব্যবহার করে। মেজর সালেক ৫ জনের একটি ডিমোলিশন পার্টি পাঠিয়ে সেই রাস্তার উপর মাইন পুঁতে দেয়। ৯ জুলাই সকাল সাড়ে ৫ টার সময় পাকিস্তানিদের একটি প্লাটুন শালদা নদী থেকে নয়নপুর যাবার পথে এসব এন্টি-পার্সোনাল মাইনের উপর পড়ে যায়। মাইন বিস্ফোরণে ১০ জন পাকসেনা নিহত এবং আরো অনেকে আহত হয়। পাকসেনারা বিপর্যস্ত হয়ে শালদা নদীতে ফিরে আসে।

৬ জুলাই পাকসেনারা প্রায় ১টি ব্যাটালিয়ন নিয়ে মন্দভাগ বাজার পর্যন্ত অগ্রসর হয়। সেখান থেকে তারা সামনে অগ্রসর হওয়ার চেষ্টা করে। আমাদের ‘এ’ কোম্পানির এবং ‘সি’ কোম্পানি মেজর সালেক এবং ক্যাটেন গাফফারের নেতৃত্বে পাকসেনাদের শালদা নদী এনক্লেভ-এর ভিতর অগ্রসর হতে প্রচণ্ড বাধা দেয়। পাক-সেনারা তাদের ফিল্ড আর্টিলারি মন্দভাগ বাজার পর্যন্ত নিয়ে আসে এবং কামানের সাহায্যে আমাদের অবস্থানের উপর এবং পার্শ্ববর্তী প্রামণ্ডলোতে তীব্র গোলাবর্ষণ করতে থাকে। এই গোলাবর্ষণে আমাদের ১১ জন আহত হয় এবং অন্তত ৩২ জন বেসামরিক ব্যক্তি হতাহত হয়। পাকসেনারা তাদের আক্রমণ চালিয়ে যেতে থাকে এবং শালদা নদী এনক্লেভ দখল করার চেষ্টা চালিয়ে যেতে থাকে। আমাদের মুক্তিসেনারাও তাদের এ আক্রমণে তীব্র বাধা দিতে থাকে। যদিও আমাদের মর্টারের গোলা তাদের কামানের অবস্থান পর্যন্ত পৌঁছতে পারেনি তবুও মর্টারের গোলা এবং মেশিনগানগুলোতে তাদের আক্রমণ প্রতিহত হয়ে যায়। তারা পিছু হটে মন্দভাগ বাজারে অবস্থান নিতে বাধ্য হয়। মেজর সালেক পাকসেনাদের শালদা নদীর অবস্থানের বিরুদ্ধে তার কার্যকলাপ আরও তীব্রতর করার জন্য ৯ জুলাই পাক অবস্থানের প্রতিরক্ষা ব্যবস্থার সম্পূর্ণ খবর রেকি পেট্রোল পাঠিয়ে আনিয়ে নেয় এবং অবস্থানগুলোর উপর আমাদের নিজস্ব প্রথম গোলন্দাজ বাহিনীর সহায়তায় গোলাবর্ষণের পরিকল্পনা নেয়। সেই সঙ্গে একটি এ্যামবুশ পার্টি শালদা নদীর পিছনে পাঠিয়ে দেয়। এবং তাদেরকে পাকসেনাদের নদীপথে যাতায়াতে বাধা সৃষ্টির নির্দেশ দেয়। ৯ জুলাই সন্ধ্যা ৬ টার সময় পাকসেনারা যখন তাদের অবস্থানের উপর ঘোরাফিরা করছিল, ঠিক সে সময় আমাদের কামানগুলো এবং মর্টার পাকসেনাদের অবস্থানের উপর প্রচণ্ড গোলাবর্ষণ করতে থাকে। এই

গোলাবর্ণ প্রায় আধুনিক ধরে চলে। এই অক্ষয় প্রচণ্ড মটর এবং কামানের গোলাবর্ণণে শক্তি হতভম হয়ে পড়ে। এতে তাদের অনেক হতাহত হয়। পরে জানতে পারা যায় যে এই গোলাগুলিতে ১৯ জন পাকসেনা নিহত এবং ১১ জন আহত হয়। একটি মেশিনগান বাংকারসহ তিনটি বাংকার ধ্বনি হয়। কামানের গোলার আঘাতে তাদের একটি এ্যামুনিশন ডাল্প বিক্ষেপিত হয়ে ধ্বনি হয়ে যায়। এর পরদিন একটি স্পীডবোট পাকসেনাদের নিয়ে শালদা নদী হয়ে পশ্চিম দিকে যাচ্ছিল। আমাদের পেট্রোল পার্টিটি, যেটি আগে থেকেই শালদা নদীর পিছনে অবস্থান নিয়েছিল, তারা পাক-বাহিনীর স্পীডবোট এ্যামবুশ করে। এ্যামবুশ-এর সময় আমাদের গুলির আঘাতে স্পীডবোটটি ভুবে যায়। ১২ জন পাকসেনা হয় গুলিতে, না হয় পানিতে ভুবে মারা যায়। মৃতদের মধ্যে ১ জন মেজর ও ১ জন ক্যাপ্টেন ছিল এবং তাদের পদব্যাদার ব্যাজ এ্যামবুশ পার্টি নিয়ে আসে। এ্যামবুশ পার্টি পানি থেকে ১টি মেশিনগান, একটি অয়ারলেস সেট এবং ১টি ম্যাপ (যাতে শক্ত অবস্থানগুলো চিহ্নিত ছিল) উদ্ধার করতে সমর্থ হয়। এরপরই পাক-সেনাদের কামানের গোলা আমাদের দলের উপর পড়তে থাকে। আমাদের দল তখন বাধ্য হয়ে এ্যামবুশ স্থান পরিত্যাগ করে।

১০ জুলাই পাকসেনারা একটি ফোক্সানি নিয়ে বিকেল ৪ টার সময় পাল্টা আক্রমণ শুরু করে। পাকসেনারা শালদা নদীর উচু স্থান সাগরতলা স্থানটি দখল করার জন্য অগ্রসর হয়। তাদের সঙ্গে তাদের গোলন্দাজ বাহিনীও সাহায্য করে। কিন্তু সাগরতলা উচু অবস্থানের উপর আমাদের যে প্লাটুনটি ছিল সেটি এবং রেললাইনের পশ্চিমে আমাদের আর ১ টা প্লাটুন তাদেরকে প্রচণ্ডভাবে বাধা দেয়। আমাদের ৩ ইঞ্জিন মটর এবং মেশিনগানের গোলাগুলিতে পাকসেনাদের আক্রমণ পর্যন্ত হয়। তাদের প্রায় ৩০/৪০ জন হতাহত হয়। এরপর তারা ছত্রভূম হয়ে শালদা নদীতে তাদের নিজ অবস্থানে পালিয়ে যায়।

পাকিস্তানিদের একটি দল নবীনগরে তাদের ঘাঁটি স্থাপন করে। পাকসেনাদের নবীনগরে অবস্থানের পর আমাদের পক্ষে নরসিংহী, ভৈরববাজার এবং কালিগঞ্জে যাতায়াতের রাস্তায় বাধার সৃষ্টি হয়। পাকসেনারা কয়েকজন স্থানীয় দালালের সহায়তায় মুক্তিবাহিনীর জন্য সমস্ত এলাকায় আসের সৃষ্টি করে। ক্যাপ্টেন আইনউদ্দিন এ এলাকাকে পুনরায় বিপদযুক্ত করার জন্য ১৬ জনের ১টি দলকে হাবিলদার আওয়ালের নেতৃত্বে নবীনগর পাঠায়। হাবিলদার আওয়াল কসবার উত্তর দিয়ে অনুপ্রবেশ করে নবীনগরের ৩ মাইল পশ্চিমে তার গোপন ঘাঁটি স্থাপন করে। এরপর স্থানীয় মুক্তিযোক্তাদের সহায়তায় পাকসেনাদের অবস্থান সম্পর্কে সম্পূর্ণ খবর যোগাড় করে। এরপর ৮ জুলাই সকাল ৬ টায় পাকসেনাদের নবীনগরের অবস্থানটির উপর অতর্কিত আক্রমণ করে। এ অতর্কিত আক্রমণের জন্য পাকসেনারা মোটেই প্রস্তুত ছিল না। তারা হতচকিয়ে যায় এবং আমাদের মুক্তিযোক্তাদের দলটি পাকসেনাদের ৭ জন ও ৫ জন দালালকে নিহত করতে সক্ষম হয়। সংঘর্ষে আমাদের ১ জন আহত হয়।

আমি এ সময়ে ঢাকাতে আরো কয়েকটি গেরিলা পার্টি পাঠাই। এই দলগুলোও আগের প্রেরিত দলগুলোর সাথে যোগ দেয় এবং ঢাকা-নারায়ণগঞ্জ এবং পার্শ্ববর্তী

এলাকায় তাদের গেরিলা কার্যকলাপ চালিয়ে যায়। একটি দল জুলাই মাসের প্রথমেই পাকসেনাদের ছোট একটি Ammunition Point আক্রমণ করে আংশিক ক্ষতিগ্রস্ত করে। এর ফলে পাকবাহিনী সমস্ত ঢাকাতে সান্ধ্য আইন জারি করে এবং ঢাকা শহরে প্রহরার ব্যবস্থা করে। ঐ দিনই দু'জন গেরিলা নিউমার্কেটের নিকট পাকসেনাদের ১টি জীপের ভিতর গ্রেনেড নিষ্কেপ করে। ফলে ১ জন অফিসার ও ৩ জন পাকসেনা নিহত হয়। ৫ জুলাই নারায়ণগঞ্জে দু'জন গেরিলার আর একটি দল গুলশান সিনেমা হলের পর্দার ভিতর একটি গ্রেনেড নিষ্কেপ করে। ফলে পর্দা সম্পূর্ণ পুড়ে যায় এবং নিকটবর্তী ৫ জন দালালও আহত হয়। সমস্ত নারায়ণগঞ্জে এবং ঢাকায় আতঙ্কের সৃষ্টি হয়। ৪ জুলাই দুপুর ১২ টার সময় ৫ জন গেরিলার একটি দল পাগলাতে বিদ্যুৎ সরবরাহ পাইলন উড়িয়ে দেয়। ১০ জনের গেরিলার একটি দল নিউমার্কেটের নিকট পশ্চিম পাকিস্তানি পুলিশ এবং পাকসেনাদের একটি মিলিত দলের উপর গ্রেনেড নিষ্কেপ করে। ফলে ৮ জন পশ্চিম পাকিস্তানি পুলিশ ও ৪ জন পাকসেনা নিহত হয়।

এদিকে ১১ জুলাই সকাল ৮ টা থেকে অকস্মাৎ পাকসেনারা ভারি কামান এবং মর্টারের সাহায্যে আমাদের শালদা নদী অবস্থানের উপর প্রচণ্ড গোলাগুলি চালাতে থাকে। এই গোলাগুলির ফলে আমাদের শালদা নদী অবস্থানে বেশ ক্ষয়ক্ষতি হয়। পাকসেনাদের গোলাগুলি সমস্ত দিন ধরে চলতে থাকে। মর্টার স্প্লিন্টারের আঘাতে ৪ৰ্থ বেঙ্গলের হাবিলিদার তাজুল মিয়া এবং সিপাই আব্দুর রাজ্জাক মারাত্মকভাবে আহত হয়। এছাড়াও দু'জন বেসামরিক লোক নিহত ও ৮ জন বেসামরিক লোক আহত হয়। আমদের অবস্থানের সব সৈন্যরা এই প্রচণ্ড গোলাগুলির ফলে স্বাভাবিকভাবে পাকসেনাদের আক্রমণের আশঙ্কায় ছিল, কিন্তু বিকেলের দিকে গোলাগুলি বন্ধ হয়ে যায় এবং আক্রমণও হয়নি।

৯ জুলাই পাকসেনারা আমাদের কোটেশ্বর অবস্থানের উপর সকাল ৬ টায় আবার তাদের আক্রমণ শুরু করে। আমাদের কোটেশ্বর অবস্থানের সৈন্যরা মর্টার এবং কামানের সহায়তায় পাকসেনাদের এই আক্রমণের মোকাবিলা করে। পাকসেনারা প্রথমে দুটি কোম্পানি নিয়ে আক্রমণ চালায়। পরে আরও দুটি কোম্পানিকে শক্তি বৃদ্ধির জন্য নিয়ে আসে। ৩/৪ ঘণ্টা যুদ্ধের পর আমাদের কামানের গোলায় এবং মেশিনগানের গুলিতে পাকিস্তানিদের আক্রমণ ব্যাহত হয়। এ যুদ্ধে পাকসেনাদের অন্তত ২৪/২৫ জন নিহত হয়। তারা আক্রমণ বন্ধ করে পিছু হটে যায়।

আমাদের পেট্রোল পার্টি ৯ জুলাই পাকসেনাদের কোম্পানি হেডকোয়ার্টার রেকি করে এবং অবস্থান স্বরূপে জানতে পারে। আমাদের কামানগুলো এই কোম্পানি হেডকোর্টারের উপর অতর্কিতে প্রচণ্ড গোলা নিষ্কেপ করতে থাকে। ফলে দু'জন পাকসেনা নিহত এবং ছ'জন আহত হয়। এর মধ্যে একজন অফিসার ও তার Signaller ও ছিল। স্থানীয় লোকেরা অফিসারটির কাঁধে ব্যাজ দেখে শনাক্ত করতে পেরেছিল। শক্রদের মনোবল ভেঙে গিয়েছিল।

১০ জুলাই রাতে ক্যান্টেন গাফকার ৪ৰ্থ ইন্ট বেঙ্গলের 'সি' কোম্পানি থেকে দুটি সেকশন শালদা নদীর পশ্চিমে কামালপুর এবং মাইঝাইরের ভিতর এ্যামবুশ নেয়ার

জন্য পাঠায়। এই দলটি সকাল হবার আগেই গ্যামবুশ নিয়ে শক্তির অপেক্ষায় বসে থাকে। দুপুর আড়াইটায় পাকসেনাদের একটি ভারি দল শালদা নদী অবস্থান থেকে বেরিয়ে পশ্চিম দিকে অগ্রসর হয়। এই দলটি যখন আমাদের গ্যামবুশ অবস্থানের ভিতর এসে পড়ে ঠিক সে সময় পাকসেনাদলের সম্মুখবর্তী অংশের উপর আমাদের সৈন্যরা গুলি চালাতে শুরু করে। অতর্কিত আক্রমণে পাকসেনারা হতভস্ত হয়ে যায় এবং কিছু বোঝার আগেই তাদের অনেক লোক হতাহত হয়। ছত্রভঙ্গ হয়ে তারা পিছনের দিকে পালাতে শুরু করে। এ অবস্থাতেও তাদের অনেক হতাহত হয়। ছত্রভঙ্গ হয়ে তারা পিছনের দিকে পালাতে শুরু করে। আমাদের গ্যামবুশ পার্টি একটি MG1A3 মেশিনগান এবং তার ২২৫ রাউন্ড গুলি, একটি SMG, একটি G-III রাইফেল, একটি ANPRC-10 Wireless set হস্তগত করে।

হোমনাতে হাবিলদার গিয়াসের অধীনে যে মুক্তিবাহিনীর দলটি হোমনা থানায় আক্রমণ চালিয়ে অন্তশ্বস্ত দখল করে নেয়, সেই দলটি এ এলাকাতেই তাদের ঘাঁটি গড়ে তোলে। এ দলটির কার্যকলাপে পাকবাহিনী নিকটবর্তী সমস্ত থানাগুলোকে আরো শক্তিশালী করে তোলে। পাকসেনারা রাজ্ঞার প্রত্যেকটি সেতুর উপর তাদের কড়া পাহারা বন্দোবস্ত করে। প্রতিটি হাট-বাজার এলাকাতেও তারা ক্যাম্প তৈরি করে। এছাড়া নিকটবর্তী সমস্ত এলাকার চেয়ারম্যান ও মেঘারদের ডেকে ‘শান্তি কমিটি’ গড়ার কড়া নির্দেশ দেয়। প্রতিটি এলাকার চেয়ারম্যানকে স্থানীয় লোক নিয়োগ করে পাকসেনাদের অধীনে সামরিক প্রশিক্ষণ নিতে বাধ্য করে এবং তাদের কাজ করতে বাধ্য করে। কোন স্থানীয় লোক যদি তাদের নির্দেশমতো কাজ করতে অস্বীকার করত, পাকসেনারা তাদের পিতামাতা-বাড়িঘরের ক্ষতি করে বা ভয় দেখিয়ে তাদের নির্দেশমতো কাজ করতে বাধ্য করত। পাকসেনারা স্থানীয় দালালদের সহযোগিতায় হাবিলদার গিয়াসের দলটির সঠিক সঙ্কান পায় এবং তাদের অবস্থিতি সম্বন্ধে পাকবাহিনীর মন্তব্য আমরা নির্ভরযোগ্য সূত্রে জানতে পাই। তাদের ধারণা ছিল যে হোমনা এবং দাউদকান্দি এলাকাতে কমপক্ষে আমাদের ৬ হাজারেরও বেশি লোক কাজ চালিয়ে যাচ্ছে। এ জন্য পাকসেনারা কখনও রাতে তাদের ক্যাম্পগুলোর বাইরে আসতে সাহস করতো না। এছাড়া কোনো সময়েই দলে ভারি না হলে ক্যাম্পের বাইরে টহলে বের হতো না। পাকসেনাদের এ ভীতসন্ত্বন্ত মানসিক অবস্থার জন্য আমাদের দলটির নির্বিঘ্নে কাজ চালিয়ে যেতে সুবিধা হয়। সংজ্ঞাহে একদিন কী দু'দিন লঞ্চের সাহায্যে পাকসেনাদের এসব ক্যাম্পে রসদ যোগান হতো। এ সংবাদ আমাদের দলটি জানতে পারে। ৬ জুলাই দাউদকান্দি থানার অন্তর্গত মাসিমপুর বাজারের অর্ধমাইল পশ্চিমে জয়পুর গ্রামে গোমতীর শাখানদীর পাড়ে হাবিলদার গিয়াস তার দলটি নিয়ে পাকসেনাদের জন্য একটি গ্যামবুশ পাতে। সকাল ১০ টার সময় পাকসেনাদের দুটি লঞ্চ দাউদকান্দির দিক থেকে গোমতী হয়ে এই শাখানদীতে আসে। লঞ্চগুলো গ্যামবুশের সামনে এসে পড়তেই আমাদের দলটি অতর্কিতে গোলাগুলি ছুঁড়তে থাকে। পাকসেনারা নদীর ভিতর থেকে গ্যামবুশ দলটির উপর হামলা না করতে পারায় এবং তীব্রে অবস্থিত গ্যামবুশ পার্টির তীব্র গোলাগুলিতে লঞ্চগুলোর যথেষ্ট ক্ষয়ক্ষতি হওয়ায়

অনেক পাকসেনা হতাহত হয়। উপযাত্তর না দেখে লঞ্চগুলো পিছু হটে যায় এবং দাউদকান্দির দিকে পালিয়ে যায়। পরে বিভিন্ন সূত্র থেকে আমরা খবর পেয়েছি যে অন্তত ২০/২৫ জন পাকসেনা আহত বা নিহত হয়েছে। লঞ্চগুলো এ্যামবুশের ভিতর পড়ে যাওয়া সন্ত্রেণ সম্পূর্ণরূপে ধ্বংস করে দেয়া সম্ভব হয়নি, কারণ এ্যামবুশ পার্টির নিকট রাইফেল এবং হালকা মেশিনগান ছাড়া বড় অস্ত্র, যেমন রাকেট কিংবা ট্যাংক বিধ্বংসী অস্ত্র ছিল না, তবুও এ এ্যামবুশের ফলাফল ছিল আমাদের জন্য বিরাট সাফল্য। ফলে পাকসেনারা এ এলাকায় চলাফেরা আরও কমিয়ে দেয়। এতে আমাদের কর্তৃত এবং স্থানীয় লোকের মনোবল আরো বেড়ে যায়। এরপর হোমনা ও দাউদকান্দি থানার জনসাধারণ স্বতঃস্ফূর্তভাবে আমাদের সাহায্যে এগিয়ে আসে।

৪৪ ইষ্ট বেঙ্গলের 'বি' কোম্পানির একটি প্লাটুন চৌদ্ঘাম এলাকায় পাকসেনাদের বিরুদ্ধে তাদের আক্রমণ চালিয়ে যাচ্ছিল। পাকসেনারা কুমিল্লা-চট্টগ্রাম মহাসড়ক খোলার জন্য তাদের প্রচেষ্টা দিন দিন বাড়িয়ে যাচ্ছিল। যেসব সড়কসেতু আমরা ধ্বংস করে দিয়েছিলাম সেগুলো পুনর্নির্মাণ করার চেষ্টা নিচ্ছিল। ৯ জুলাই সকাল ৮ টায় আমাদের প্লাটুনটি চৌদ্ঘামের উত্তরে সড়কের উপর বালুজুরি ভাঙাপুলের নিকট এ্যামবুশ পাতে। ১১ টার সময় পাকসেনারা একটি ট্রাকে করে এবং দুটি জীপে রাস্তা দিয়ে আসে এবং ভাঙাপুলের নিকট থামে। পুলটি মেরামত করার কাজের প্রস্তুতি চলতে থাকে। ঠিক সেই সময় আমাদের এ্যামবুশ পার্টি তাদের উপর গোলাগুলি চালাতে থাকে। এর ফলে পাকসেনাদের মধ্যে বিশ্বাসার সৃষ্টি হয়। এ্যামবুশ পার্টির শুলিতে তাদের অনেক লোক হতাহত হয়। পাকসেনারা পুলের নিকট থেকে পিছু হটে অবস্থান নেয় এবং পরে চৌদ্ঘাম থেকে আরো পাকসেনারা এসে তাদের সঙ্গে যোগ দেয়। এরপর পাকসেনারা আমাদের এ্যামবুশ অবস্থানের উপর আক্রমণের প্রস্তুতি নেয়। আমাদের দলটিও একটু পিছু হটে উচু জায়গায় আরো শক্ত অবস্থান গড়ে তোলে। পাকসেনারা ৩ টার সময় মর্টার ও মেশিনগানের সহায়তায় আমাদের অবস্থানের উপর আক্রমণ করে। আমাদের দলটি সাহসিকতার সাথে এ আক্রমণের মোকাবিলা করে। আমাদের শুলিতে পাকসেনারা পর্যুদ্ধ হয়ে ৩/৪ ঘণ্টা প্রচণ্ড যুদ্ধের পর বিকেল ৫ টায় আক্রমণ পরিত্যাগ করে পিছু হটে যায়। যুদ্ধে পাকসেনাদের ৩০ জন নিহত ও ৬ জন আহত হয়। যুদ্ধক্ষেত্রের চারিদিকে মৃতদেহগুলো বিছিন্ন অবস্থায় ফেলে রেখে তারা পালিয়ে যায়। পাকসেনারা পিছু হটার পর আমাদের দলটি অনেক অস্ত্রশস্ত্র দখল করে নেয় এবং শক্তদের ক্ষতিগ্রস্ত ট্রাকটিও নিয়ে আসার চেষ্টা করা হয় কিন্তু ট্রাকটির এত বেশি ক্ষতি হয়েছিল যে এটা আনা সম্ভব হয়নি এবং ট্রাকটি সম্পূর্ণরূপে ধ্বংস করে দেয়া হয়। পাকসেনাদের যে দু'জন দালাল যুদ্ধের সময় পথ দেখিয়ে নিয়ে এসেছিল, তারাও শুলিবিন্ধ হয়। পাকসেনারা পিছু হটে যাবার পর আমাদের দলটি তাদের ২/৩টি পেট্রোল ও পর্যবেক্ষণ ঘাঁটিতে অবস্থিত পাকসেনাদের তাড়িয়ে দেয়। বিকেল সাড়ে চারটার সময় পাকসেনাদের একটি জঙ্গী বিমান যুদ্ধক্ষেত্র পর্যবেক্ষণ করে এবং আমাদের দলটিকে খুঁজে বের করার চেষ্টা করে। কিন্তু আমাদের দলটি সেখান থেকে একটু দূরে সরে যাওয়াতে জঙ্গী বিমানটি কিছুক্ষণ ঘোরাফেরা করে ফেরত চলে যায়। এ সংঘর্ষের পর

১০ জুলাই সন্ধিয়ায় একটি এ্যামবুশ পার্টি উক্ত অবস্থানের ১ মাইল দক্ষিণে লে. ইমামুজ্জামানের নেতৃত্বে আবার অ্যামবুশ পাতে। আমাদের ধারণা ছিল যে, পাকসেনারা আবার উক্ত সেতুর নিকট আসবে। ১০ জুলাই সারাদিন পাকসেনাদের জন্য তারা অপেক্ষা করে থাকে কিন্তু আমাদের ধারণামতো সেদিন না এসে ১১ জুলাই ১১ টার সময় পাকসেনাদের ১ টা কোম্পানি দুটি গাড়িসহ আস্তে আস্তে ভাঙ্গা সেতুর দিকে মিয়াবাজারের দিক থেকে অগ্রসর হয়। পাকসেনারা ঘন্থন এ্যামবুশ অবস্থানের তিতার পৌঁছে, ঠিক সে সময় এ্যামবুশ পার্টি তাদের উপর প্রচণ্ড গোলাগুলি চালাতে থাকে। এতে শক্রদের বেশ হতাহত হয়। তারা পিছু হটে গিয়ে সেনাদের আক্রমণ চালায় এবং উভয়পক্ষে যুদ্ধ সারাদিন ধরে চলতে থাকে। এ যুদ্ধে পাক সেনাদের ১০/১৫ জন হতাহত হয়। বিকেল ৩ টায় পাকসেনারা যুক্তক্ষেত্র পরিত্যাগ করে আবার পিছু হটে যায়। আমাদের দলটি রাত ২ টা পর্যন্ত পুনরায় আক্রমণের অপেক্ষায় থাকে। এরপর বালুজুরির ভগ্নাবশেষ সেতুটি সম্পূর্ণরূপে বিধ্বস্ত করে লে। ইমামুজ্জামান তার দলটি নিয়ে নিজ ঘাঁটিতে চলে আসে। আসার পথে চৌক্ষণ্য-লাকসাম রোডের উপর বাংগোড়ার পশ্চিমে এবং চৌক্ষণ্যামের উত্তরে আর একটি ভাঙ্গা ব্রীজের নিকট এন্টি-ট্যাংক এবং এন্টি-পার্সোনাল মাইন পেতে রাখে। মাইন পাতার সময় আমাদের কমান্ডো প্লাটনের দু'জন লোক দুর্ঘটনায় সামান্য আহত হয়।

এ সময়ে পাকিস্তানিরা চাঁদুপুর থেকে ফেনী দিয়ে চট্টগ্রাম রেললাইন পুনরুদ্ধার করার চেষ্টা করে। আমার রাজনগর সাব-সেক্টর থেকে ক্যাপ্টেন জাফর ইমাম একটি প্লাটন ও Engineer-এর একটি দলকে explosive-সহ মিয়াবাজারের দক্ষিণে পাঠিয়ে দেয়। এ দলটি স্বরিসদি রেলওয়ে ব্রীজ সংস্কৃতে খবরাখবর নেয় এবং গোমতীর নিকট স্বরিসদি রেলওয়ে ব্রীজটি আক্রমণ করার জন্য বেছে নেয়। কিছুসংখ্যক স্থানীয় দালাল পাকবাহিনীর অন্ত দিয়ে এই ব্রীজটি পাহারা দিত। ১৩ জুলাই রাত ১১ টার সময় আমাদের দলটি স্বরিসদি ব্রীজটি আক্রমণ করে। পাহারার সশস্ত্র দালালদের কিছু নিহত এবং বাকিদের তাড়িয়ে দিয়ে তারা demolition নাগিয়ে ব্রীজটিকে সম্পূর্ণ ধ্বংস করে দেয়। এর ফলে পাকিস্তানিরা শুধু ফেনী এবং গোমতীর মধ্যে ট্রেন মাঝে মাঝে চলাচল চালু রাখতো। অবশ্য এর আগে ট্রেন চলাচল করতে পারতো না। এ দলটি পাকিস্তানিদের নয়াপুর বিওপি-র উপর ৩ ইঞ্চি মর্টারের সাহায্যে আক্রমণ চালায়। এর ফলে দু'জন পাকসেনা নিহত এবং ৭ জন আহত হয়।

১৩ জুলাই রাত ১০ টায় পাকসেনাদের দণ্ডসার দিঘী এবং আমতলা অবস্থানগুলোর উপর ক্যাপ্টেন জাফর ইমামের নেতৃত্বে দুটি দল আক্রমণ চালায়। এ আক্রমণের পাকসেনাদের ১৫ জন আহত ও কিছু নিহত হয়। শালদা নদীতে পাকসেনারা আবার নতুন করে তাদের শক্তি বৃদ্ধি করতে থাকে। ১১ জুলাই পাকসেনারা আমাদের শালদা নদী অবস্থানের দিকে মারমুখী পেট্রোলিং চালাতে থাকে। আমাদের সৈন্যরাও মেজর সালেকের নেতৃত্বে তাদের অবস্থানে সঙ্গে পাকসেনাদের উপর লক্ষ্য রাখে। ১২ জুলাই রাত ৮ টায় পাকসেনারা প্রচণ্ডভাবে আমাদের শালদা নদী অবস্থানের উপর আক্রমণ চালায়। আমাদের ৪৮ ইঞ্চি বেঙ্গলের ‘এ’ কোম্পানি মেজর সালেকের নেতৃত্বে এ

আক্রমণের মোকাবিলা করে। আমাদের সৈন্যদের গুলির আঘাতে পাকসেনাদের প্রচুর হতাহত হয়। তারা পর্যন্ত হয়ে আক্রমণ পরিত্যাগ করে রাত ১১ টায় পিছু হটে যেতে বাধ্য হয়। সমস্ত রাত উভয়পক্ষে গোলাগুলি চলতে থাকে। তোর ৫ টায় পাকসেনারা এক ব্যাটালিয়ান সৈন্য নিয়ে আবার শালদা নদীর দক্ষিণে গোরঙলা অবস্থানের উপর নতুনভাবে আক্রমণ শুরু করে। সেই সঙ্গে তারা আমাদের আশাবাড়ি অবস্থানেও হামলা চালায়। এই দুই আক্রমণ ও আমাদের মেশিনগানের গুলি ও মর্টারের গোলার সামনে তারা পর্যন্ত হয়। পাকসেনাদের অসংখ্য হতাহত হয়। দিনের আলোতে আমাদের সৈন্যরা বাংকার থেকে অঞ্চলসরমান শক্রদেরকে হতাহত করে। পাকসেনারা তাদের আক্রমণ ভঙ্গ করে দিতে বাধ্য হয় এবং পিছু হটে যায়। আমাদের সৈন্যরা পল্লাইনপর শক্রদেরকে তাড়া করে। যুক্তের সময় আমাদের মর্টারের গোলাতে পাকসেনাদের চাপাইতে অবস্থিত একটি অ্যামুনিশন এবং রেশন স্টোর-এ বিক্ষেপণ ঘটে, ফলে ২১ জন আহত ও কিছু সংখ্যক নিহত হয়। ঐ দিনই ক্যাডেট হৃষায়ুন কবিরের একটি দল পাকসেনাদের লাটুমুড়াতে যে অবস্থান ছিল তার পিছনে আক্রমণ চালায় এবং বেশ কয়েকজনকে আহত ও নিহত করে। পাকসেনাদের গোসাইহুল বিওপি'র একটি টহলদার পার্টি এন্টি-পার্সোনাল মাইন বিক্ষেপণে ১১ জন হতাহত হয়। ১৩ জুলাই ক্যাপ্টেন গাফফারের একটি দল সক্ষ্য খুলে আক্রমণ করে। পাকসেনাদের শক্র অবস্থানের উপর এবং নাক্তেরবাজার শক্র অবস্থানের উপর মর্টারের সাহায্যে অতর্কিত আক্রমণ চালায়। এ আক্রমণে পাকসেনাদের ১২ জন নিহত এবং বেশ কয়েকটি বাংকারও ধ্বংস হয়। পাকিস্তানিরা আমাদের মন্দভাগ অবস্থানের উপর কামানের সাহায্যে পাল্টা আক্রমণ চালায়। এতে আমাদের ১ জন নায়েক এবং ৩ জন সিপাহি আহত হয়।

আমাদের স্পেশাল কম্যান্ডোরা জুলাই মাসে ৯, ১০, ১১ তারিখে ঢাকা শহরে তাদের কার্যকলাপ আরো তীব্র করে। গেরিলা কমান্ডার হাবিবুল আলম এবং কাজী কামালউদ্দিনের নেতৃত্বে একটি ইমপ্রভাইসড টাইম বোমা ফার্মগেটের নিকট পাঞ্জাবীদের 'মাহলক রেস্টুরেন্ট' স্থাপন করা হয়। এই রেস্টুরেন্টে পাকসেনারা এবং দালালেরা সব সময় আসতো। নির্ধারিত সময় অনুযায়ী বোমাটি বিক্ষেপণ করা হয় এবং এতে ১৬ জন পাকসেনা কয়েকজন দালালসহ হতাহত হয়। এর মধ্যে ৮ জন মারা যায় এবং ১২ জন আহত হয়। হলিক্রস কলেজ ভবনেরও কিছু ক্ষতি হয়।

৪ জনের আর একটি গেরিলা দল ডিআইটি ভবনের নিকট ২ জন প্রহরারও পাকসেনাকে নিহত করে। এই পার্টি এরপর সিদ্ধিকবাজারের নিকট একটি টহলদার পাকসেনাদলকে এ্যামবুশ করে এবং ২/৩ জন পাকসেনা এতে নিহত হয়। মুসলিম কর্মশিল্যাল ব্যাংক, স্টেট ব্যাংক, নাজ সিনেমা হল, ওয়াপদা ভবন ইত্যাদি স্থানে ঘেনেড বিক্ষেপণ ঘটানো হয়। এসব ঘটনার ফলে সমস্ত ঢাকায় আতঙ্কের সৃষ্টি হয়। পাকসেনারা ব্যতিব্যস্ত ও সন্ত্রস্ত হয়ে ওঠে। ঢাকার স্বাভাবিক অবস্থাও সম্পূর্ণ নষ্ট হয়ে যায়। এবং এলাকাবাসীদের মনোবল আরো বেড়ে যায়।

জুন মাসে আমি যখন পাক সেনাবাহিনীর সঙ্গে সব ফ্রন্টে যুদ্ধ চালিয়ে যাচ্ছিলাম, সে সময় আমি বুঝতে পারলাম যদিও আমাদের যৌন্দাদের আঘাতে পাকসেনাদের প্রচুর

ক্ষয়ক্ষতি হচ্ছিল এবং যতই আমাদের সংখ্যা দিন দিন বেড়েই চলছিল তবুও আমাদের চেয়ে তাদের শক্তি অনেকাংশে বেশি ছিল। বিশেষ করে যেখানে পাকসেনারা শক্তিশালী ঘাঁটি গেড়ে বাংকারে অবস্থান নেয় সেখান থেকে তাদেরকে বিতাড়িত করা আমাদের পক্ষে বিশেষ করে সব সম্ভব হতো না। আমি সবসময়ে সংগঠিত গোলন্দাজ বাহিনীর অভাব অনুভব করতাম। বাংলাদেশে অবস্থিত পাকসেনাদের বেশ কয়েকটি গোলন্দাজ রেজিমেন্ট ছিল। এসব রেজিমেন্টে যেসব বাঙালি নিযুক্ত ছিল, ২৫ মার্চের পরে অনেকেকে পাকিস্তানিরা হত্যা ও বন্দি করে। আবার অনেকে প্রাণ বাঁচায় এবং পরে সেসব গোলন্দাজ বাহিনীর সৈন্যরা আমাদের সেষ্টের যোগ দেয়। তাদের আমি বিভিন্ন বেঙ্গল রেজিমেন্টের সঙ্গে যুদ্ধে নিয়োগ করি। যুদ্ধে এসব সৈন্যরা যথেষ্ট সাহসরও পরিচয় দেয়। এসব সৈন্যদের নিয়ে আমি একটা গোলন্দাজ বাহিনী গড়ে তোলার সিদ্ধান্ত নিই। এই পরিপ্রেক্ষিতে গোলন্দাজ বাহিনীর সব সৈন্যকে কোনাবনে একত্রিত করা হয়। একটি নতুন রেজিমেন্ট গড়ে তোলার জন্য যথেষ্ট কষ্টের সম্মুখীন হতে হয় এবং সেই কষ্ট নতুন রেজিমেন্টটিকেও বহন করতে হয়। এদের কোনো থাকার জায়গা ছিল না, খাওয়া এবং রান্নার কোনো ব্যবস্থাও ছিল না। রেজিমেন্টের জন্য বিভিন্ন রকমের টেকনিক্যাল লোকের দরকার হয়, কিন্তু সব রকমের সৈন্য আমাদের ছিল না। তাছাড়া সবচেয়ে বড় জিনিস কামান এবং অন্যান্য সরঞ্জামাদি, যা একটি গোলন্দাজ বাহিনীর জন্য নিতান্ত প্রয়োজন ছিল। আমি পার্শ্ববর্তী বঙ্গরাষ্ট্র ভারতের মিলিটারী অধিনায়কদের সঙ্গে গোলন্দাজ বাহিনির প্রয়োজনীয় জিনিসপত্র এবং অস্ত্রের জন্য অনুরোধ জানাই। অনেক ছোটাছুটির পর তারা কয়েকটি ৩.৭ ইঞ্চি ছোট কামান আমাদের দেয়। এই কামানগুলো দ্বিতীয় মহাযুদ্ধের সময়কার ছিল এবং সম্ভবত সেকেলে হিসেবে পরিচ্ছিল ছিল কিন্তু তবুও এগুলো পাবার পর আমার গোলন্দাজ বাহিনীর লোকদের মধ্যে একটি নতুন সাড়া জাগে। তারা তৎক্ষণাত এই কামানগুলোর প্রশিক্ষণ নিতে শুরু করে দেয়। প্রকৌশলী লোকের অভাব থাকায় বেঙ্গল রেজিমেন্ট এবং গণবাহিনী থেকে লোক ভর্তি করে তাদেকে ট্রেনিং দিয়ে নেয়া হয়। এ সময় ক্যাপ্টেন আবদুল আজিজ পাশা পাকিস্তান থেকে কোনোরকমে সীমান্ত অতিক্রম করে পালিয়ে এসে আমাদের সঙ্গে যোগ দেয়। তিনি গোলন্দাজ বাহিনীর লোক ছিলেন। ক্যাপ্টেন পাশা রাতদিন থেকে আমাদের এই গোলন্দাজ বাহিনীকে ট্রেনিং করিয়ে শত বাধা-বিপত্তি ডিক্ষিয়ে মোটামুটি যুদ্ধের জন্য উপযুক্ত করে তোলেন। এভাবে বাংলাদেশের প্রথম গোলন্দাজ বাহিনীর (ফার্স্ট ফিল্ড ব্যাটারী) জন্ম হয়। জন্মের পর থেকে ফার্স্ট ফিল্ড ব্যাটারী বিভিন্ন যুদ্ধক্ষেত্রে জুলাই মাস থেকে আমার কয়েকটি সাব-সেষ্টের কমান্ডারের অপারেশনকে ফলপ্রসূ করে তোলে। বিশেষ করে শালদা নদী, কোনাবনে প্রথম এই ফিল্ড ব্যাটারীর সহায়তার জন্যই পাকবাহিনীর বারবার আক্রমণ ক্যাপ্টেন গাফফার এবং মেজর সালেক প্রতিহত এবং পর্যন্ত করতে সক্ষম হয়। ক্যাপ্টেন পাশার নেতৃত্বে আমাদের এই সদ্য ট্রেনিংপ্রাণ্ড গোলন্দাজ বাহিনীর সৈন্যরা অনেক সময় এমনভাবে পাকসেনাদের উপর আক্রমণ চালিয়েছে যে, গোলন্দাজ বাহিনীর ইতিহাসে তা বিরল। পাকসেনাদের নিকট ছিল অত্যাধুনিক কামান, আর সেসব কামানের গোলা নিষ্কেপের

ক্ষমতা ছিল বেশি। সব সময় পাকসেনাদের চেষ্টা ছিল তাদের কামানের গোলাতে আমাদের এই ছোট পুরাতন কামানগুলোকে বিনষ্ট করে দেয়া। সেজন্য দিনরাত আমাদের প্রথম ফিল্ড ব্যাটারী কোন জায়গাতেই বেশিক্ষণ একস্থানে থাকতে পারতো না। সঙ্গে সঙ্গে পাকিস্তানিদের গোলা তাদের উপর পড়ে। তাহাড়া আমাদের পুরাতন কামানগুলোর গোলা ক্ষেপণের দূরত্ব ছিল পাকিস্তানিদের অর্ধেকের কম। সে কারণে অধিকাংশ সময় আমাদের প্রথম ফিল্ড ব্যাটারীর লোকেরা তাদের কামানগুলো মাথায় করে নিকটে বা পচাতে দুর্ঘম রাস্তায় নিয়ে যেত এবং শক্রদের উপর আক্রমণ করতো। এসব আক্রমণের ফলে পাকসেনারা ব্যতিব্যস্ত হয়ে পড়তো। ফার্স্ট ফিল্ড ব্যাটারীর কৌশল কতকটা কমাত্তো ধরনের। পরবর্তী পর্যায়ে প্রথম ফিল্ড ব্যাটারী আমাদের মুক্তি বাহিনী যখন ডিসেম্বর মাসে ফেনী, নোয়াখালী এবং চট্টগ্রামের দিকে অগ্রসর হয়, তখন 'কে' ফোর্সের ৪৩ ইন্ট বেঙ্গল, ১০ম ইন্ট বেঙ্গল এবং ৯ম ইন্ট বেঙ্গলকে পাক বাহিনীর বিরুদ্ধে প্রত্যক্ষ সাহায্য করে। বাংলাদেশের মুক্তিযুদ্ধের ইতিহাসে ফার্স্ট ফিল্ড ব্যাটারীর অবদান সুবর্ণ অক্ষরে লেখা থাকবে এবং ভবিষ্যতে গোলন্দাজ বাহিনীর জন্য হবে এটা গৌরবের দৃষ্টান্ত।

জুলাই মাসের ১২ তারিখে ক্যাডেট হ্যাম্মুন কবির সিএভিবি রাস্তার উপর একটি প্লাটুনের পেট্রোল পাঠায়। এই পেট্রোলটি শক্রের গতিবিধি সম্বন্ধে খবরাখবর নেবার জন্য কুটি পর্যন্ত অগ্রসর হয়। দুপুর ২ টার সময় এই পেট্রোল পার্টি যখন কুটির নিকট দিয়ে টহল দিচ্ছিল তখন তারা দেখতে পায় অনেক গাড়িতে কুমিল্লা থেকে এসে পাকিস্তানিরা সৈন্য সমাবেশ করছে। কুটিতে গাড়ি থেকে নেমে ওদের একটি ব্যাটালিয়নের মতো দল মন্দভাগ বাজারের দিকে অগ্রসর হচ্ছে। বাকি দুটি দলের একটি নয়নপুরের দিকে, অন্যটি লাটুমুড়ার দিকে অগ্রসর হচ্ছে। আমাদের পেট্রোলটি বুঝতে পারে যে, এই পাকসেনারা নয়নপুর, মন্দভাগ বাজার এবং লাটুমুড়া টি। আলীর বাড়ির নিজ অবস্থানগুলো শক্তিশালী করার জন্য যাচ্ছে। মন্দভাগ বাজারের দলটি বাজারে এসে অবস্থান নেয় এবং দোকানের ভিতর বাংকার তৈরি করতে থাকে। এছাড়া তাদের অবস্থানের চতুর্দিকে পাট এবং ধান কেটে পরিষ্কার করে ফেলে যাতে তাদের শুলি আমাদের অবস্থানে এসে পড়ে। এসব সংবাদ পেট্রোল হেডকোয়ার্টারে পৌঁছে। সংবাদ পাবার পর আমি পাকসেনাদের ঘাঁটিগুলো শক্তিশালী হয়ে ওঠার আগেই তাদের উপর আঘাত হানার সিদ্ধান্ত নিই। ক্যাপ্টেন গাফফারকে ৪৩ ইন্ট বেঙ্গলের 'সি' কোম্পানি দিয়ে ফার্স্ট ফিল্ড ব্যাটারীর সহায়তায় প্রথমে মন্দভাগ বাজার আক্রমণ করার নির্দেশ দেই। ক্যাপ্টেন গাফফার তার কোম্পানি নিয়ে ১২ জুলাই বিকেলে প্রথম ফিল্ড ব্যাটারীর কামানগুলোসহ মন্দভাগ বাজারের নিকট পর্যন্ত অগ্রসর হয়। সক্ষ্য হবার আগেই ছোট ছোট কয়েকটি দল পাঠিয়ে বাজারটি এবং শক্র অবস্থান সম্বন্ধে সম্পূর্ণ খবরা-খবর নেয়। সন্ধ্যায় ক্যাপ্টেন গাফফার তার কোম্পানি এবং ফার্স্ট ফিল্ড ব্যাটারীর সহায়তায় গোপন পথে নৌকাযোগে বাজারের পার্শ্ববর্তী গ্রামে গিয়ে অবস্থান নেয়। ক্যাপ্টেন গাফফারের আক্রমণের ঠিক পূর্ব মুহূর্তে কামানগুলো থেকে অতি নিকটবর্তী শক্র অবস্থানের বাংকারগুলো এবং বাজারের ঘরগুলোতে প্রচণ্ডভাবে গোলাবর্ষণ করতে থাকে, ফলে

অনেক বাংকার এবং ঘর ধ্বংস হয়ে যায় এবং বাজারে অবস্থিত পাকসেনারা আহত ও নিহত হয়। এত নিকট থেকে অতর্কিত কামানের গোলার আক্রমণ পাকসেনারা আশা করতে পারেনি। কিছুক্ষণের মধ্যেই পাকসেনাদের অন্তত ৬০/৭০ জন লোক হতাহত হয়। পাকসেনাদের আর্টনাদ এবং চিৎকার আমাদের লোকেরাও শুনতে পায়। কিছুক্ষণের মধ্যে তাদের প্রতিরোধশক্তি ক্ষীণ হয়ে আসে এবং তারা অবস্থান ছেড়ে পালিয়ে যায়। দুঃঘটা যুদ্ধের পর মন্দভাগ বাজার এবং অনেক অন্তর্শন্ত্র ক্যাপ্টেন পাফফারের দখলে আসে। এরপর মন্দভাগ দেশ স্বাধীন হওয়া পর্যন্ত আমাদের দখলে থাকে। এর পরদিন আমাদের একটি পার্টি শালদা নদীতে অ্যামবুশ পেতে বসে থাকে। পাকসেনাদের একটি স্পীডবোট দুপুর ১ টায় এ্যামবুশে পড়ে যায়। এ্যামবুশ পার্টির শুলিতে স্পীডবোটটি ধ্বংস হয়ে যায় এবং ২০ জন পাকসেনা হতাহত হয়। কেউ কেউ নদীতে পড়ে ভেসে যায়। এ্যামবুশ পার্টি পরে নিরাপদে মন্দভাগ অবস্থানে ফিরে আসে। আমাদের হেডকোয়ার্টারে খবর পাই যে, দাউদকান্দিতে পাকসেনারা ফেরীঘাটের নিকটে ঘাঁটি স্থাপন করেছে। এখানে প্রায় দুই কোম্পানির মতো পাকসেনা বাংকার নির্মাণ করে ঘাঁটিটি বেশ শক্তিশালী করে তোলে। এখানে পাকসেনারা ঢাকা-কুমিল্লাগামী প্রতিটি গাড়ি দাঁড় করিয়ে অনুসন্ধান চালায়। তাছাড়াও নিকটবর্তী এলাকায় স্পীডবোট-এ টহল দেয়। আমরা একটি প্লাটুন দাউদকান্দিতে পাঠিয়ে দিই। এদের সঙ্গে আর একটি দল পাঠানো হয় শহীদনগর অয়্যারলেস স্টেশন এবং ইলিয়টগঞ্জের রাস্তার সেতু ধ্বংস করার জন্য। আমাদের দলগুলো দাউদকান্দিতে গিয়ে গৌরীপুর নামক স্থানে তাদের ঘাঁটি তৈরি করে। এরপর শক্রদের গতিবিধি সম্বন্ধে খবর নেয়। ১৩ জুলাই সন্ধ্যা ৮ টার সময় প্লাটুনটি দাউদকান্দির উত্তরে গোমতী নদীতে পাকসেনাদের একটি টহলদারী স্পীডবোটকে এ্যামবুশ করে। এই এ্যামবুশে একজন লেফটেন্যান্ট এবং ২০ জন পাকসেনা নিহত হয়। অফিসারটির র্যাঙ্কের ব্যাজ এবং অন্যান্য অন্তর্শন্ত্র নিয়ে আসা হয়। এরপর এই দলটি পরদিন রাতে শহীদনগর অয়্যারলেস স্টেশনটি ধ্বংস করে। দলের অপর অংশ ইলিয়টগঞ্জের নতুন সেতুটিতে ডেমোলিশন লাগিয়ে দুটি স্প্যান উড়িয়ে দেয়। তাদের কাজ সম্পূর্ণ করে দলগুলো নিরাপদে হেডকোয়ার্টারে ফেরত আসেন।

কুমিল্লা—চাঁদপুর রাস্তায় হাজিগঞ্জের নিকট রামচন্দ্রপুরের ব্রীজ উড়িয়ে দেয়ার পর পাকসেনাদের যোগাযোগ ব্যবস্থার বেশ অসুবিধা হয়। পাকসেনারা ঐ জায়গাতে ফেরীর বন্দোবস্ত করে। এই ফেরী যোগাযোগকে বিনষ্ট করার জন্য লে. মাহবুব একটি কোম্পানি রামচন্দ্রপুরে পাঠায়। ৬ জুলাই ভোরে এই দলটি রামচন্দ্রপুর ফেরীঘাটের নিকট এ্যামবুশ পাতে। এই দলের অন্য অংশ ফেরীঘাট থেকে আরও দক্ষিণে আর একটি এ্যামবুশ পাতে। ঐ দিনই সকালে ৭ টার সময় পাকসেনাদের ১টি দল রামচন্দ্রপুর ফেরীঘাটে আসে। তাদের জিনিসপত্র যখন ফেরীতে উঠাছিল ঠিক সেই সময় এ্যামবুশ পার্টি তাদের উপর শুলি চালায়। এতে পাকসেনাদের ৪ জন নিহত হয়। উভয়পক্ষে প্রায় ষষ্ঠোখানেক গোলাশুলি চলে। গোলাশুলির সংবাদ পেয়ে চাঁদপুর থেকে পাকসেনাদের প্রায় দুই কোম্পানি সৈন্য সাহায্যের জন্য আসে। পাকসেনারা ফেরীঘাটের

কিছু দূরে এসে গাড়ি থেকে নামে এবং এ্যামবুশ অবস্থানে অগ্সর হবার জন্য প্রস্তুত হয়। ঠিক সেই সময়ে আমাদের অন্য এ্যামবুশ পার্টিটি তাদের উপর অতর্কিত আক্রমণ চালায়। এই আক্রমণে পাকসেনারা সম্পূর্ণ ছত্রভঙ্গ হয়ে যায় এবং তাদের ৩১ জন নিহত এবং ৫৪ জন আহত হয়। আমাদের একজন এনসিও এবং একজন সিপাই গুরুতরভাবে আহত হয়। এরপর আমাদের দলটি এ্যামবুশ অবস্থান পরিত্যাগ করে। আসার পথে ৮ জুলাই মুদ্দাফরগঞ্জ সড়কসেতুটি উড়িয়ে দিয়ে আসে। এরপর পাকসেনারা সেতুটির নিকটবর্তী কয়েকটি গ্রামে মর্টারের সাহায্যে গোলাগুলি করে। সে সময় পাকসেনাদের অভ্যর্থনার জন্য অনেক স্থানীয় দালাল শান্তি কমিটির সভার আয়োজন এবং মিছিল করে পাকসেনাদের অভ্যর্থনার জন্য এগিয়ে যায়। কিন্তু দুর্ভাগ্যবশত পাকসেনারা এই মিছিলের উপর গুলি চালিয়ে তাদের অনেককে হত্যা করে।

আমাদের চাঁদপুর কোম্পানি যোগাযোগ ব্যবস্থা বিচ্ছিন্ন করার কার্যকলাপ আরও বৃদ্ধি করে। স্থানীয় লোকদের সহায়তায় হাজীগঞ্জ এবং লাকসাম, চাঁদপুর ও কুমিল্লার সিএভিবি রাস্তা ও রেলওয়ে সড়কের ২০০ গজ কেটে ধ্বংস করে দেয়া হয়। এ সময়ে পাকিস্তানিরা পশ্চিম পাকিস্তান থেকে ইঞ্জিনিয়ার, ইঞ্জিন ড্রাইভার এবং শ্রমিক এনে রাস্তা মেরামত করার চেষ্টা চালায়। আমাদের গেরিলারা এইসব পাকিস্তানি রেলওয়ে কর্মচারীদের পিটিয়ে সেখান থেকে তাড়িয়ে দেয়। এর ফলে রেল এবং সড়ক যোগাযোগ সম্পূর্ণ বন্ধ হয়ে যায়। নিরুপায় হয়ে ২৬ জুলাই পাকবাহিনী একটি কোম্পানিকে চাঁদপুর থেকে এই এলাকায় পাঠায়। পাকসেনাদের এই কোম্পানিটি রেলওয়ে লাইনের সঙ্গে সঙ্গে লাকসামের দিকে অগ্সর হয়। ঠাকুরবাজারের নিকট আমাদের একটি এ্যামবুশ পার্টি আগে থেকেই অবস্থান নিয়েছিল। দুপুর ২ টার সময় পাকসেনাদের এই কোম্পানিটি যখন এ্যামবুশ অবস্থানের মাঝে আসে তখন আমাদের দলটি তাদের উপর আক্রমণ চালায়। ফলে পাকসেনাদের একজন জেসিও সহ ২২ জন পাকসেনা আহত হয়। পাকসেনারা ছত্রভঙ্গ হয়ে চাঁদপুরে পলায়ন করে। এর পরদিন আমাদের গেরিলারা মধ্য রেলওয়ে স্টেশনের নিকট রেলওয়ে এবং সড়কসেতু ধ্বংস করে দেয় এবং যে পাকিস্তানি ইঞ্জিনিয়ার পরিদর্শনের জন্য আসে, তাকেও আহত করে।

আমাদের ঢাকার গেরিলা দল তাদের কার্যকলাপ চালিয়ে যাচ্ছিল। ব্রিটিশ সরকারের একটি পার্লামেন্টারী দল বাংলাদেশের সে সময়ের পরিস্থিতি সরেজমিনে জানার জন্য ঢাকায় আসে। এই দলটি ঢাকা ইন্টারকন্টিনেন্টার হোটেলে অবস্থান করছিল। ২৪ জুন সকাল সাড়ে সাতটায় হোটেলের ভিতরে লবীতে বসে বিমানবন্দরে যাবার জন্য অপেক্ষা করছিল। ঠিক সে সময় আমাদের ৩ জন গেরিলা হোটেলের সামনে বারান্দায় দুটি গ্রেনেড বিক্ষেপণ ঘটায় এবং সেই পরিষদীয় দলটিকে ঢাকার পরিস্থিতি সম্পর্কে অবহিত করায়। এর কাদিন পর আমাদের গেরিলারা জানতে পারে যে নারিন্দার গৌরিমা মন্দিরে পাকিস্তানিদের অনেক দালাল সমবেত হয়ে আলোচনার আয়োজন করেছে। দালালেরা যখন আলোচনায় ব্যস্ত, ঠিক সেই সময় আমাদের গেরিলারা আলোচনা সভায় একটি গ্রেনেড বিক্ষেপণ ঘটায়। এতে প্রায় ২০/২৫ জন পাক দালাল হতাহত হয়। ঢাকার গেরিলা দল টিএভিটি বিভাগের একজন পাকিস্তানি উর্ধ্বতন

কর্মচারীর গাড়িতে এম-১৪ মাইন দিয়ে বুবিট্টাপ লাগিয়ে রাখে। ফলে পাকিস্তানি অফিসারটি গাড়িসুন্দৰ শেষ হয়ে যায়। পাকিস্তানি অফিসাররা মাঝে মাঝে ধানমণির সাংহাই চাইনিজ রেস্টুরেন্টে সান্ধ্যভোজে আসতো। এ সংবাদ পাবার পর আমাদের ১টি গেরিলা দল ৮ জুলাই রাত ৯ টায় পাকিস্তানি অফিসাররা সেখানে আসলে তাদের উপর ছেনেড ছোঁড়ে। ফলে ২/৩ জন পাকিস্তানি অফিসার নিহত হয়। পাকিস্তানি পুলিশরা এ সময়ে রাতে ট্যাঙ্কিতে কিংবা জীপে ঢাকার বিভিন্ন রাস্তায় পেট্রোলিং করত। এসব টহলদার পাকিস্তানি পুলিশদের গ্যামবুশ করার জন্য ঢাকার গেরিলাদল একটি পরিকল্পনা নেয়। তাদের গতিবিধি সম্বন্ধে সম্পূর্ণ খবরাখবর নেয়া হয়। ১০ জুলাই একটি পাকিস্তানি টহলদার পুলিশ পার্টি ধানমণি রাস্তা নং ২-এর দিকে যাচ্ছিল। গেরিলা দল একটি পার্টি তাদের পিছু নেয়। পুলিশদের পেট্রোলটি ২ নং রাস্তার মোড়ে যখন তাদের গতি কমিয়ে দেয়, ঠিক সে সময় গেরিলারা পুলিশের গাড়িতে একটি ছেনেড নিষ্কেপ করে। সঙ্গে সঙ্গে গাড়িটি ধ্বংস হয়ে যায়। এতে একজন অফিসারসহ ৫ জন পাকিস্তানি পুলিশ নিহত হয়। আমাদের গেরিলা দলটি নিরাপদে সে স্থান ত্যাগ করে। এর কাঁদিন পর আমাদের আর একটি গেরিলা দল নিউ বেইলী রোডে পাক বাহিনীর একটি জীপের উপর আক্রমণ চালায়। এই আক্রমণে ৩/৪ জন পাকিস্তানি সেনা নিহত হয় এবং জীপটি ক্ষতিগ্রস্ত হয়।

নারায়ণগঞ্জে অবস্থিত আমাদের গেরিলা দলটি পোষ্ট অফিসের ভিতর বিস্ফোরণ। ঘটায় এবং মণ্ডলপাড়া ও চৌধুরীবাড়ি ইলেক্ট্রিক সাবস্টেশনটি ১২ জুলাই রাত সাড়ে ১০ টার সময় ধ্বংস করে দেয়। এছাড়া সিন্ধিরনগর ও আগুগঞ্জের সাথে একটি বৈদ্যুতিক পাইলন উড়িয়ে দেয়। সিন্ধিরনগ্জ এবং নরসিংহের মাঝে দুটি বৈদ্যুতিক পাইলন ধ্বংস করে দেয়। এর ফলে কাষ্ঠন এবং কালীগঞ্জের বেশ কয়েকটি শিল্প কারখানা বিদ্যুতের অভাবে বন্ধ হয়ে যায়। এর কিছুদিন পর ফতুল্লা এবং ঢাকার মাঝে পাগলা রেলওয়ে সেতুটি উড়িয়ে দেয়। ফলে নারায়ণগঞ্জ এবং ঢাকার মাঝে ট্রেন যোগাযোগ বন্ধ হয়ে যায়। এ সময়ে আমাদের হেডকোয়ার্টারে খবর আসে যে, পাক সরকার পাকবাহিনীর তত্ত্বাবধানে উচ্চমাধ্যমিক পরীক্ষা নেয়ার প্রস্তুতি নিষ্কেপ। এই পরীক্ষাকে বানচাল করে দেয়ার জন্য আমরাও একটা পরিকল্পনা নেই। এই পরিকল্পনানুযায়ী আমার হেডকোয়ার্টার থেকে ঢাকার গেরিলা দলগুলোকে নির্দেশ দেয়া হয়। এই নির্দেশ অনুযায়ী পরীক্ষার দিন সিন্ধেশ্বরী স্কুল এবং আরো অন্যান্য স্কুলে পরীক্ষার ঠিক পূর্ব মুহূর্তে ছেনেড বিস্ফোরণ করানো হয়। ফলে খুব কমসংখ্যক ছেলেমেয়ে পরীক্ষা দেয়ার জন্য পরীক্ষা হলে আসে। ১৫ জুলাই রাতে একটি গেরিলা দল বক্ষীবাজারে অবস্থিত বোর্ড অফিস আক্রমণ করে। ডিমোলিশন দিয়ে বোর্ড ভবনের বেশ কিছু অংশ ধ্বংস করে দেয়া হয়। তার ফলে বোর্ডের বেশ কিছু দলিল এবং কাগজপত্র ধ্বংস হয়ে যায়। এর ফলে এই পরীক্ষা প্রহসনে পরিণত হয় এবং অনেক ছাত্রাত্মী ইচ্ছাকৃতভাবেই পরীক্ষা বর্জন করে।

হাবিলদার গিয়াসের নেতৃত্বে আমাদের মুরাদনগের দলটি ১৬ জুলাই রাত ১১ টার সময় ইলিয়টগঞ্জের দেড় মাইল পশ্চিমে পুটিয়া গ্রামের সামনে কুমিল্লা-দাউদকান্দি সড়কের উপর কয়েকটি এন্টি-ট্যাংক মাইন পুঁতে রাখে। পরদিন সকালে পাকবাহিনীর

নিয়ন্ত্রণাধীনে একটি ওয়াপদা ট্রাক মাইনের উপর বিস্ফোরিত হয়। ফলে ট্রাকটি ধ্রংস হয়ে যায়। ট্রাকে অবস্থানরত একজন পাকসেনা, দু'জন রাজাকার ও ড্রাইভারসহ সবাই নিহত হয়। পরে পাকসেনাদের আর একটি জীপ ও ট্রাক এন্টি-ট্যাংক মাইনে বিস্ফোরিত হয়ে ধ্রংস হয়। ফলে ৫ জন পাকসেনা, ১ জন পাক মেজর ও ৬ জন রাজাকার নিহত হয়। এই সংবাদ পেয়ে কুমিল্লা থেকে পাকসেনারা ৩০টি গাড়িতে ঘটনাস্থলে উপস্থিত হয়। পাকসেনাদের গাড়িগুলো ঘটনাস্থল থেকে অনেক দূরে এসে দাঁড়ায়। সামনের গাড়ি থেকে বেশ কিছু সংখ্যক পাকসেনা নেমে আস্তে আস্তে ঘটনাস্থলের দিকে অগ্রসর হয়। তারা রাস্তার পাশ দিয়ে অগ্রসর হচ্ছিল। অগ্রসর হবার সময় আমাদের পুঁতে রাখা এন্টি-পার্সোনাল মাইনের বিস্ফোরণে তাদের ৬/৭ জন লোক নিহত হয় এবং আরও অনেক আহত হয়। এরপর পাকসেনারা আর সম্মুখে অগ্রসর হয়নি। সমস্ত দিন পাকসেনারা মাইন ডিকেট্টরের সাহায্যে ঘটনাস্থলের চতুর্দিকে তন্ন-তন্ন করে তল্লাশী চালায়। সমস্ত বেসামরিক যাতায়াতও বন্ধ হয়ে যায়। এরপর পাকসেনারা পার্সুবর্তী গ্রামগুলোতে মুক্তিবাহিনীর সঙ্গানে যথেষ্ট তল্লাশী শুরু করে। হাবিলদার গিয়াসের দলের একজন নায়েক মোস্তফা কামাল স্থানীয় লোকদের সাথে মিশে পাক সেনাদের দুরবস্থা দেখে। দাউদকান্দি থেকে পশ্চিমে নারায়ণগঞ্জ এবং দাউদকান্দি সড়কের উপর বাউসিয়ায় একটি গুরুত্বপূর্ণ সেতু ছিল। এই সেতুটি সম্পূর্ণ কংক্রীটের তৈরি এবং বেশ মজবুত। এই সেতুটি ধ্রংস করার জন্য জুলাই মাসের প্রথমে আমি রফিকুল ইসলাম নামে একজন বিশেষ ট্রেনিংপ্রাণ্ড গেরিলাকে মনোনীত করি। তার সঙ্গে আরেকটি গেরিলাকে দিয়ে এই সেতুটি রেকি করার জন্য পাঠাই। রফিক সেতুটি পুরুণপুরুষরাপে রেকি করে এবং সেতুটির একটি নকশা বানিয়ে নিয়ে আসে। এরপর অধ্যাপক মুনীর চৌধুরীর ছেলে ভাষণের নেতৃত্বে ১০ জনের একটি ডিমোলিশন পার্টিকে রফিককে সঙ্গে দিয়ে বাউসিয়া সেতুটি ধ্রংস করার জন্য পাঠিয়ে দিই। এই দলটি প্রথম মুরাদনগরে গিয়ে তাদের স্থানীয় ঘাঁটি করে। এর পর তারা গোমতী নদী পার হয়ে বাউসিয়াতে পৌঁছে। সেখানে একদিন থাকার পর স্থানীয় গেরিলাদের সাহায্য নিয়ে ১২ জুলাই রাতে বাউসিয়া সেতুতে ডেমোলিশন লাগায় কিন্তু ডেমোলিশন বিস্ফোরণের সময় 'ইগনিশন' ঠিকমতো কাজ করে না। ইত্যবসরে স্থানীয় দালাল চেয়ারম্যান এবং রাজাকার পাক বাহিনীদের খবর দেয়। পাক বাহিনী এবং রাজাকার অক্ষমাত্মক ভাষণের ডিমোলিশন পার্টির উপর আক্রমণ চালায়। আক্রমণে ভাষণের দলের ৩ জন গেরিলা গুরুতরভাবে আহত হয়। এই ৩ জনের মধ্যে ১ জন স্থানীয় বিশিষ্ট মুক্তিযোদ্ধা আবদুর রাজাক কোরাইশীও ছিল। গেরিলা দলটি ইগনিশন কাজ না করার দরুন সেতু উড়িয়ে দিতে ব্যর্থ হয়ে পাক বাহিনীর আক্রমণের চাপে অবস্থান পরিত্যাগ করতে বাধ্য হয়। এর ফলে আমাদের যথেষ্ট ক্ষতি হয়। যদিও আহত গেরিলাদের সঙ্গে আনতে সক্ষম হয় কিন্তু যেসব বিস্ফোরক সেতুটিতে লাগনো হয়েছিল সেগুলো উঠিয়ে আনা তাদের পক্ষে সম্ভব হয় না এবং তারা ২৬০ পাউড টিভটি স্ল্যাব সেখানেই ফেলে রেখে হেডকোয়ার্টারে ফেরত আসে। এত বিরাট পরিমাণ টিএভটি স্ল্যাব শক্তির হাতে পড়া ও নষ্ট হয়ে যাওয়া আমার পক্ষে একটা বিরাট ক্ষতির কারণ। এই সময়ে বিস্ফোরক দ্রব্যাদি আমাদের শুরু

কম ছিল। অনেক চেষ্টার পর হয়ত কিছু কিছু আমরা যোগাড় করতে সক্ষম হতাম। ঢাকা-কুমিল্লা রাস্তা বক্স করে দেয়া আমার লক্ষ্য ছিল। সেই লক্ষ্য এইভাবে ব্যর্থতায় পর্যবসিত হওয়ায় আমি যথেষ্ট চিন্তিত হয়ে পড়ি এবং এর পরই আবার বিস্ফোরক যোগাড়ের চেষ্টায় থাকি। ২/৩ সপ্তাহ পরে অনেক কষ্টে আবার কিছু পরিমাণ টিএন্ডটি স্ল্যাব সংগ্রহ করতে সক্ষম হই। টিএন্ডটি স্ল্যাব যোগাড়ের পর আমি রফিককে ডেকে পাঠাই। শেষ পর্যন্ত আমরা বাউসিয়ার যোগাযোগ বিচ্ছিন্ন করতে সমর্থ হয়েছিলাম।

লাটুমুড়াতে ক্যাডেট হ্রমায়নের নেতৃত্বে যে কোম্পানি অবস্থান নিয়েছিল, সেই অবস্থানের উপর পাকবাহিনী তাদের চাপ অব্যাহত রাখে। লাটুমুড়ার উত্তরে চন্দ্রপুরে এবং ইয়াকুবপুরে পাকসেনারা তাদের অবস্থানগুলো আরও জোরদার করে তোলে এবং লাটুমুড়া অবস্থান থেকে আমাদেরকে বিতাড়িত করার চেষ্টা করে। ক্যাডেট হ্রমায়নের কোম্পানিটি পাকবাহিনীর প্রচণ্ড চাপের মুখে তাদের অবস্থানটি সাহসের সঙ্গে ধরে রাখে। মুক্তিযোদ্ধারা এই অবস্থান থেকে প্রায় পাকসেনাদের উপর অতর্কিত আক্রমণ চালাতে থাকে। ১৭ জুলাই বিকেল ৪ টায় আমাদের ওপি দেখতে পায় যে, লাটুমুড়া থেকে একটি শক্রদল চন্দ্রপুর শক্র অবস্থানের দিকে অগ্রসর হচ্ছে। লে. হ্রমায়ন কবির তৎক্ষণাৎ একটি প্লাটুন চন্দ্রপুরের রাস্তায় পাকসেনাদের এ্যামবুশ করার জন্য পাঠিয়ে দেয়। প্লাটুনটি চন্দ্রপুর থেকে একটু দূরে অবস্থান নিয়ে পাকসেনাদের জন্য অপেক্ষা করতে থাকে। পাকসেনারা যখন সেই অবস্থানে পৌঁছে, ঠিক তখনই তাদের ওপর অতর্কিত আক্রমণ চালানো হয়। ফলে ৪ জন পাকসেনা নিহত এবং একজন আহত হয়। পাকসেনারা এ্যামবুশ থেকে বাঁচার জন্য লাটুমুড়ায় পলায়ন করে।

২০ জুলাই সকাল ৯ টার সময় একটি প্লাটুন পাকসেনাদের ইয়াকুবপুর, চন্দ্রপুর এবং বাগাবাড়ি অবস্থানের উপর অতর্কিত আক্রমণ করার জন্য পাঠানো হয়। এই প্লাটুনটি গোপন পথে আমের ভিতর দিয়ে পাকসেনাদের অবস্থানের অতি নিকটে যেতে সমর্থ হয়। রেকি করার পর তারা দেখতে পায় যে, পাকসেনাদের কিছু লোক বিভিন্ন বাংকারের উপর বসে চা পানে ব্যস্ত এবং তাদের প্রহরার ব্যবস্থা বেশ শিথিল। এছাড়াও আরও ৩/৪ দল বাংকারের উপর দাঁড়িয়ে ছিল। তাদের একজন ওপি গাছের উপর বসা ছিল। আমাদের প্লাটুনটি জঙ্গলের ভিতর দিয়ে অগ্রসর হয়ে তাদের বাংকারগুলোর অতি নিকটে পৌঁছে প্রথমে তারা ওপি'কে শুলি করে গাছ থেকে ফেলে দেয় এবং অতর্কিতে পাকসেনাদের উপর আক্রমণ চালায়। গোলাগুলিতে যেসব পাকসেনা বাংকারের উপর বসে চা পানে ব্যস্ত ছিল এবং দাঁড়িয়েছিল, তারা সঙ্গে সঙ্গে আহত ও নিহত হয়। নিকটবর্তী একটি ঘর থেকে কিছু পাকসেনা বেরিয়ে আসে এবং বাংকারের দিকে যাওয়ার চেষ্টা করে তারাও আহত ও নিহত হয়। এরপর পাকসেনাদের প্রতি আক্রমণ করার আগেই আমাদের প্লাটুনটি অবস্থান পরিত্যাগ করে নিজেদের এলাকায় নিরাপদে ফিরে আসে। এই সংঘর্ষের ফলে ১৩ জন পাকসেনা নিহত ও ১০ জন আহত হয়। আমাদের একজন গুরুতররূপে আহত হয়।

শালদা নদীতে পাকসেনাদের বিরুদ্ধে ৪৬ ইষ্ট বেঙ্গলের 'এ' কোম্পানি এবং 'সি' কোম্পানি তাদের তৎপরতা চালিয়ে যাচ্ছিল। পাকসেনারা শালদা নদী রেলওয়ে স্টেশন থেকে নয়নপুরের দিকে অগ্রসর হবার চেষ্টা করছিল। ১৭ জুলাই তাদের একটি দল

রেলওয়ে টেশনের প্রায় এক হাজার গজ দক্ষিণে মনোরা রেলওয়ে ব্রীজ পর্যন্ত অগ্রসর হয়। ব্রীজের কাছে এসে পাকসেনাদের দলটি ব্রীজের চতুর্দিকে বাংকার তৈরির প্রস্তুতি নেয়। বেলা সাড়ে ১২ টার সময় ‘এ’ কোম্পানির একটা প্লাটুন মর্টারসহ পাকসেনাদের এই দলটির উপর অতর্কিত আক্রমণ চালায়। এ আক্রমণের ফলে পাকসেনারা সম্পূর্ণভাবে ছত্রভঙ্গ হয়ে যায় এবং তাদের বেশকিছু লোক আহত ও নিহত হয়। পাকসেনারা উপায়ান্তর না দেখে আবার শালদা নদীতে পিছু হটে যায়। পরদিন সকাল ৯ টার সময় শালদা নদী থেকে পাকসেনারা আবার মনোরা ব্রীজের দিকে অগ্রসর হয়। সকাল ৯ টায় আমাদের সৈনিকরা আবার তাদের বাধা দেয় এবং পাকসেনাদের উপর মর্টার এবং কামানের গোলা নিষ্কেপ করে। ফলে পাকসেনাদের ৪ জন লোক নিহত এবং ১০ জন আহত হয়। পাকসেনারা আর অগ্রসর না হয়ে পিছু হটে মনোরা ব্রীজের উত্তরে অবস্থান নেয়। ১৯ জুলাই পাকসেনারা ব্রীজের দক্ষিণে আবার অবস্থান নিয়ে বাংকার খৌড়ার চেষ্টা করে। এবারও পাকিস্তানিরা আমাদের মর্টার, কামান এবং মেশিনগানের গোলাগুলিতে অনেক হতাহত হয়ে পিছু হটতে বাধ্য হয়। পরে স্থানীয় লোকের কাছে জানা যায় যে, পাকসেনারা তাদের আহত ও নিহত সঙ্গীদের নৌকায় করে পিছনে নিয়ে যায়। এদের সঠিক সংখ্যা সম্বন্ধে তাৎক্ষণিক সংবাদ জানা না গেলেও পরে জানা যায় ৮ জন নিহত এবং ১৪ জন আহত হয়। ২১ জুলাই সন্ধ্যায় ৪৩ ইন্ট বেঙ্গলের ‘এ’ কোম্পানির একটা প্লাটুন শালদা নদীর অবস্থানের ভেতর অতর্কিত আক্রমণ চালায়। আক্রমণের ফলে ৮ জন পাকসেনা নিহত ও ৭ জন আহত হয়। দেড়ঘণ্টা যুদ্ধের পর আমাদের দলটি শক্ত অবস্থান পরিত্যাগ করে নিরাপদে ঘাঁটিতে ফিরে আসে। এই আক্রমণের সাথে আমাদের ফার্স্ট ফিল্ড ব্যাটারী পাকসেনাদের উপর আক্রমণ চালিয়ে বহু পাকসেনাকে হতাহত করে। জুলাই মাসে কুমিল্লায় পাকসেনারা স্বাভাবিক অবস্থা ফিরিয়ে আনার জন্য যথেষ্ট চেষ্টা চালিয়ে যাচ্ছিল এবং কিছুটা সফলও হয়েছিল। এ সময় কুমিল্লা শহরের বিভিন্ন স্থানে পাকসেনারা তাদের ক্যাম্প গড়ে তুলেছিল। এসব ক্যাম্প থেকে তারা শহরে ঘন ঘন টহল চালাত। কুমিল্লায় পাকসেনাদের এই তৎপরতা খৰ্ব করার জন্য আমাদের গেরিলাদের ২০ জনের একটি দল একটি ৩ ইঞ্জিন মর্টারসহ কুমিল্লার উত্তরে অনুপ্রবেশ করে। ২০ জুলাই সকাল সাড়ে ১০ টার সময় গেরিলাদের এই দলটি কুমিল্লা শহরে পাকসেনাদের বিভিন্ন অবস্থানের উপর মর্টারের সাহায্যে গোলা নিষ্কেপ করে। একটি গোলা আজাদ স্কুলে, একটি গোলা সাধনা ঔষধালয়ের নিকটে, একটি গোলা গোয়ালপট্টিতে, একটি গোলা কালিবাড়ির নিকটে এবং একটি গোলা এসডিও-র অফিসের নিকটে বিস্ফোরিত হয়। গোলাগুলো বিস্ফোরণের ফলে পাকসেনাদের মনোবল ভেঙ্গে যায় এবং ভীতসন্ত্রস্ত হয়ে কুমিল্লা সেনানিবাসের দিকে ছুটাছুটি করতে থাকে। বিশেষ করে পশ্চিম পাকিস্তান থেকে সদ্য আগত সেনারা মনোবল হারিয়ে ফেলে। অনেক পাকসেনা স্থানীয় লোকদের নিকট সেনানিবাসের রাস্তা জানতে চায়। আবার অনেকে ভয়ে ব্রীজের তলায় লুকিয়ে পড়ে। আবার কুমিল্লাতে যখন গেরিলারা তাদের তৎপরতা চালাচ্ছিল ঠিক সে সময়ে গেরিলাদের আর একটি দল চাঁদপুরেও তাদের তৎপরতা বাড়িয়ে দেয়। ১৭ জুলাই রাত ১০ টায় বাবুরহাটের পূর্বে

কুমিল্লা-চাঁদপুর রাস্তায় আশীকাটি থামের নিকট পাকসেনাদের একটি কনভয় যখন যাছিলো তখন আমাদের গেরিলারা গাড়িতে ঘেনেড নিষ্কেপ করে। ফলে ৮ জন পাকসেনা নিহত এবং আরও অনেক আহত হয়। ১৯ জুলাই দুপুর ১ টার সময় বাবুরহাটে পাকসেনাদের একটি গাড়ির উপর গেরিলারা ঘেনেড নিষ্কেপ করে। এর ফলে ৫ জন পাকসেনা নিহত ও ৭ জন আহত হয়।

১১ জুলাই বিকেল সাড়ে ৬ টায় ২ জন গেরিলা চাঁদপুর পাওয়ার স্টেশনের সামনে পাহারারত ২ জন পাকসেনা ও ২ জন পাকিস্তানি পুলিশের উপর ঘেনেড নিষ্কেপ করে তাদের নিহত করে।

চাঁদপুরে শান্তি কমিটির দালালদের একটি আলোচনা সভায় ঘেনেড নিষ্কেপ করার পর ৭ জন দালাল আহত হয়। এছাড়াও ইলিয়টগঞ্জ পাকসেনাদের স্থানীয় এক দালালের লক্ষ্যে আগুন দিয়ে জ্বালিয়ে দেয়া হয়। এ সমস্ত কার্যকলাপের ফলে স্থানীয় লোকদের মনোবল আবার বেড়ে যায়। তারা মুক্তিবাহিনীর উপর আবার আস্তা ফিরে পায়।

কসবার উত্তরে কাসিমনগর রেলওয়ে সেতুর নিকট পাকিস্তানিদের দুটি প্লাটুন অবস্থান নিয়ে সেতুটি প্রতিরোধ কাজে নিযুক্ত ছিল। এই সেতুটিকে ধ্বংস করার জন্য আমি ক্যাপ্টেন আইনউদ্দিনকে নির্দেশ দেই। নির্দেশ পাওয়ার পর ক্যাপ্টেন আইনউদ্দিন সেতুটি রেকি করার জন্য ডিমোলিশন এক্সপার্টসহ একটি রেকি পার্টি পাঠায়। এই রেকি পার্টি শক্তির অবস্থান সম্বন্ধে এবং সেতুটি সম্বন্ধে বিস্তারিত খবরাখবর নিয়ে আসে। এরপর ১৮ জুলাই রাত ২ টায় একটি রেইডিং প্লাটুন ক্যাপ্টেন আইনউদ্দিনের নেতৃত্বে কাশিমপুর সেতুর উদ্দেশ্যে রওনা হয়। রাত ৮ টার সময় সেতুটির নিকটবর্তী পাক অবস্থানের উপর প্লাটুনটি আক্রমণ চালায়। আক্রমণের ফলে ১৭ জন পাকসেনা নিহত এবং যারা বেঁচেছিল তারা অবস্থানটি পরিত্যাগ করে খাইরাতুল্লাতে পালিয়ে যায়। আমাদের রেইডিং পার্টি সেতুটিকে বিস্ফোরণ লাগিয়ে ধ্বংস করে দেয়। মুক্তিযোদ্ধারা পাকসেনাদের অবস্থান থেকে অনেক অন্তর্শন্ত্র উদ্ধার করে। আমি যখন কুমিল্লা ও নোয়াখালী এলাকায় যুদ্ধে ব্যস্ত ছিলাম, সে সময় শক্তদের খবরাখবর নেবার জন্য একটি ইন্টেলিজেন্স নেট স্থাপন করি। এদের দায়িত্ব ছিল শক্তদের সম্বন্ধে বিস্তারিত খবর আমাদের নিকট প্রেরণ করা। বিশেষ করে এইসব ইন্টেলিজেন্স-এ এমন কতকগুলো লোক কাজ করত যাদের সম্বন্ধে কিছু কথা বলা দরকার। যেমন লাতু মিয়া। সে কুমিল্লা সেনানিবাস হাসপাতালে মালীর কাজ করতো। সে আমাদের খবর পাঠায় সেনানিবাসে পাকসেনাদের দুটি ব্রিগেড আছে এবং সেখানে একটা ডিভিশন হেডকোয়ার্টার স্থাপন করা হয়েছে। এছাড়াও ৫০০/৬০০ রাজাকার এবং ৫০০ রেজার মোতায়েন করা হয়েছে। সে আরও খবর পাঠায় কুমিল্লা সেনানিবাসের প্রতিরক্ষা ব্যবস্থা খুবই মজবুত করা হয়েছে এবং প্রতিরক্ষা ব্যবস্থা সেনানিবাসের বাইরে উত্তরে গোরা কবরস্থান পর্যন্ত তৈরি করা হয়েছে। কুমিল্লা বিমানবন্দরেও একটি ব্যাটালিয়ন শক্তিশালী প্রতিরক্ষা অবস্থান তৈরি করেছে।

কুমিল্লা এবং নোয়াখালী এলাকায় পাকসেনাদের শক্তি এক ডিভিশনেরও বেশি। কিন্তু পাকসেনাদের এত শক্তি থাকা সত্ত্বেও তাদের মনোবল বেশ কমে গেছে। সাধারণ

সিপাইরা এই যুদ্ধে নৈরাশ্যজনক ফলাফল সম্বন্ধে মন্তব্য করত। তাদেরকে জোর করে যুদ্ধে ব্যবহার করা হচ্ছে। সেজন্য তারা যথেষ্ট অসম্ভোষ প্রকাশ করতো। তাদের মধ্যে পলায়নপর মনোভাব খুবই প্রবল। তারা যুদ্ধ এলাকা ছেড়ে নিরাপদ স্থানে পালিয়ে যেতে খুবই ইচ্ছুক। আমাদেরকে আরও খবর পাঠায় যে পাকসেনাদের হতাহতের সংখ্যা খুবই বেশি। শুধু সেনানিবাস হাসপাতালেই প্রায় ৫০০/৬০০ জন আহত সৈনিক চিকিৎসাধীন আছে। হাসপাতালে স্থানের অভাবে তাঁবুর ভিতরে অনেক আহত সৈনিককে রাখা হয়েছে এবং গুরুতর আহত সৈনিকদের পশ্চিম পাকিস্তানে পাঠিয়ে দেয়া হচ্ছে। আহতের সংখ্যা এত বেশি হওয়ার জন্যেও সাধারণ সৈনিকদের মনোবল ভেঙে পড়েছিল। কুমিল্লা শহরে আমাদের এবং পাকিস্তানিদের তৎপরতার ফলে লোকজন শহর ছেড়ে গ্রামের দিকে পালিয়ে যাচ্ছে। প্রত্যেক শহরবাসী পরিচয়পত্র ছাড়া শহরে বের হতে পারছে না। কুমিল্লার উত্তরে পাকসেনারা আমাদের কোটেশ্বর অবস্থান পুনর্দখলের জন্য চেষ্টা চালায়। ২৪ জুলাই পাকসেনাদের একটি কোম্পানি গোঙজপার হয়ে কোটেশ্বরের দিকে অগ্রসর হতে থাকে। সকাল ১০ টায় পাকসেনাদের কোম্পানি থখন আমাদের অগ্রবর্তী অবস্থানের সামনে পৌঁছে যায়, তখন আমাদের মুক্তিবাহিনীর সৈনিকরা তাদের উপর ঝর্টার এবং হালকা মেশিনগানের সাহায্যে তাদের অগ্রসরে বাধা দেয়। আমাদের গোলাগুলিতে পাকসেনাদের প্রচুর ক্ষয়ক্ষতি হয়। তবুও পাকসেনারা তাদের আক্রমণের চাপ অব্যাহত রাখে। আমাদের মুক্তিযোৢ্জনাও সাহসের সঙ্গে তাদের আক্রমণ প্রতিহত করে। পাকসেনাদের হতাহতের সংখ্যা বেড়ে যাওয়ার ফলে পাকসেনারা আক্রমণ পরিত্যাগ করে দুঃঘট্টা পরে পিছু হটে যেতে বাধ্য হয়। এই সংঘর্ষের ফলে পাকসেনাদের ১৫ জন হতাহত হয়। পাকসেনারা সমস্ত দিন আমাদের অবস্থানের উপর কামানের গোলা নিষ্কেপ করে।

ঐ দিনই কোটেশ্বর এবং কসবা অবস্থান থেকে দুই দল গেরিলা বুড়িচং থানার নিকট একটি সড়কসেতু, তিনটি বিদ্যুৎ পাইলন এবং কসবার নিকট একটি রেলসেতু উড়িয়ে দেয়। বিলোনিয়াতে আমাদের সৈন্যরা যখন পাকিস্তানিদের সঙ্গে সম্মুখসমরে লিঙ্গ এবং পাকিস্তানিরা ফেনীর দিক থেকে বিলোনিয়া ব্রীজে প্রবেশ করার চেষ্টা করছিল ঠিক সেই সময় পাকসেনারাও আমাদের পিছনে ধ্বংসাত্মক প্রচেষ্টা চালায়। তারা কিছুসংখ্যাক দালালকে এই কাজে নিয়োগ করে। এইসব দালালকে মাইনসহ আমাদের অবস্থানের পিছনে পাঠায়। দালালরা আমাদের লাইনের পিছনে রাস্তায় ৬ টা এন্টি-পার্সোনাল এবং ৯ টা এন্টি-ট্যাংক মাইন লাগায়। কিন্তু স্থানীয় জনসাধারণের সতর্কতার জন্য এই এন্টি-ট্যাংক মাইনগুলোতে আমাদের কোনো ক্ষতি হয়নি। মাইন পোতার খবরটি একজন স্থানীয় লোক আমাদের বিলোনিয়া হেডকোয়ার্টারে পাঠিয়ে দেয়। খবর পাওয়া মাত্র হেডকোয়ার্টার থেকে আমাদের একটি ডিমোলিশন বিশেষজ্ঞ দল গাইডের সঙ্গে ঘটনাস্থলে উপস্থিত হয়ে তৎক্ষণাত্মে মাইনগুলো নিষ্ক্রিয় করে দেয়। আমরা স্থানীয় লোকদের পাকিস্তানি ধ্বংসাত্মক তৎপরতা সম্বন্ধে সজাগ থাকতে বলি। এরপর যখনই পাকিস্তানি দালালরা এ রকম ধ্বংসাত্মক কাজের জন্য আমাদের অবস্থানের পিছনে আসার চেষ্টা করেছে, স্থানীয় জনগণ তাদের সে প্রচেষ্টাকে ব্যর্থ করে দিয়েছে। জুলাই

মাসের শেষের দিকে লে. মাহবুব তার সাব-সেন্ট্রেল মিয়ারবাজার, চাঁদপুর, হাজীগঞ্জ ইত্যাদি এলাকাতে পাকবাহিনীর বিরুদ্ধে তৎপরতা জোরদার করে। পাকসেনারা মিয়ারবাজারে যে ক্যাম্প করেছিল সেখান থেকে চট্টগ্রাম-কুমিল্লা রাস্তা আবার খোলার চেষ্টা করে। লে. মাহবুব মিয়ারবাজার শক্র ক্যাম্পটি রেইড করার সিদ্ধান্ত নেয়। ২৩ জুলাই লে. মাহবুব ১৫ জনের একটি কমান্ডো প্লাটুনকে মিয়ারবাজারে পাকসেনাদের ক্যাম্প রেইড করার জন্য পাঠিয়ে দেয়। এই দলটি সন্ধ্যায় মিয়ারবাজারের নিকট পৌঁছে যায়। সেখান থেকে তাদের একটি ছোট রেকি দল পাকসেনাদের অবস্থান সম্পর্কে পুজ্যানুপূজ্য খবর সংগ্রহ করে। রাত ১২ টায় কমান্ডো দলটি গোপন পথে অগ্রসর হয়ে শক্রের অবস্থানের উপর অতর্কিত হামলা চালায়। এই অতর্কিত হামলার জন্য পাকসেনারা মোটেই প্রস্তুত ছিল না। তারা দিকবিদিক জ্ঞানশূন্য হয়ে যায়। আমাদের কমান্ডো দলটি এই অবস্থার সুযোগ নিয়ে পাকসেনাদের বেশ কয়েকটি বাংকার ঘেনেড ছুঁড়ে উড়িয়ে দেয়। পাকসেনারা আক্রমণ হয়ে ছোটাছুটি করতে থাকে এবং আমাদের সৈনিকদের গুলিতে প্রায় ২০ জন নিহত হয় এবং ১০ জন আহত হয়। একঘণ্টা যুদ্ধ চলার পর আমাদের কমান্ডো দলটি পাকসেনাদের প্রচুর ক্ষতিসাধন করে। শক্রসেনাদের অবস্থান পরিত্যাগ করে মুক্তিযোৱাদের নিরাপদে চলে আসে। চাঁদপুরে পাকিস্তানিরা তাদের ঘাঁটি আরও শক্তিশালী করে তোলে। চাঁদপুরের এই ঘাঁটি থেকে তারা বিভিন্ন জায়গায় গাড়িতে পেট্রোলিং করত। পেট্রোলিংয়ের জন্য ২/৩টি জীপ এবং ২/৩টি ৩ টন ট্রাক কনভয়-এর আকারে ব্যবহার করতো। এইসব পেট্রোলিং ভোরে, দুপুরে, সন্ধ্যায় এবং রাত ১২ টার পর পাকসেনারা চালাতো এবং প্রত্যেক গাড়ির ব্যবধান ৫০ থেকে ১০০ গজের মধ্যে। এই সংবাদ স্থানীয় গেরিলা লে. মাহবুবের কাছে পৌঁছায়। খবর পেয়ে লে. মাহবুব দুটি প্লাটুন ২০ জুলাই চাঁদপুরের পূর্বে পাঠিয়ে দেয়। প্লাটুন দুটি চাঁদপুর থানার আশীকাটির নিকট এ্যামবুশ পাতে। পরদিন ভোর ৫ টায় চাঁদপুর থেকে একটি পেট্রোল কনভয় আশিকাটির দিকে অগ্রসর হয়। কনভয়টি যখন এ্যামবুশ অবস্থানের মাঝে পৌঁছে যায় ঠিক তখনই আমাদের এ্যামবুশ পার্টি মেশিনগান এবং হালকা মেশিনগানের সাহায্যে গুলি চালায়। এর ফলে কনভয়-এর প্রথম তিনটি জীপ ক্ষতিগ্রস্ত হয়ে রাস্তা থেকে পড়ে যায় এবং অবশিষ্ট গাড়িগুলোরও যথেষ্ট ক্ষতিসাধন করা হয়। পাকসেনারা গাড়ি থেকে নেমে পাল্টা আক্রমণের চেষ্টা করে। কিন্তু আমাদের এ্যামবুশ পার্টির গুলিতে তাদের অন্তত ১০ জন নিহত এবং ২৫ জন আহত হয়। পাকসেনারা গুলির মুখে টিকতে না পেরে পালিয়ে যায়। ঐদিন আশিকাটির ৩ মাইল পশ্চিমে সন্ধ্যায় আমাদের আর একটি এ্যামবুশ পার্টি পাকসেনাদের আর একটি কনভয়কে এ্যামবুশ করে। ফলে পাকসেনাদের ৩ জন নিহত এবং ৫ জন আহত ও একটি ট্রাক ক্ষতিগ্রস্ত হয়। প্রচুর অন্ত ও গোলাবারুদ আমাদের এ্যামবুশ পার্টির হস্তগত হয়। এছাড়া একটি মটর সাইকেলও দখল করে নেয়। এ্যামবুশের খবর পেয়ে পাকসেনারা তাদের হাজীগঞ্জ ক্যাম্প থেকে একটি শক্তিশালী কোম্পানি আমাদের এ্যামবুশ পার্টিকে আক্রমণ করার জন্য পাঠিয়ে দেয়। এই কোম্পানিটি একঘণ্টা পর ঘটনাস্থলে উপস্থিত হয়। ততক্ষণে আমাদের এ্যামবুশ পার্টি সংঘর্ষ শেষে মোটামুটি

প্রস্তুত হয়েই অপেক্ষা করছিল। পাকসেনারা ঘটনাস্থলে উপস্থিত হবার সঙ্গে সঙ্গে আমাদের গ্রামবুশ পার্টি আবার তাদের উপর অতর্কিত আক্রমণ চালায়। এর ফলে পাকসেনাদের ১২ জন নিহত ও ১০ জন আহত হয়। এরপর আমাদের দলটি অবস্থান পরিত্যাগ করে নিরাপদে নিজ ঘাঁটিতে ফিরে আসে। পাকসেনাদের একটি শক্তিশালী দল হাজীগঞ্জের নিকট নরসিংপুরে তাদের ঘাঁটি স্থাপন করে। এই ঘাঁটি থেকে পাকসেনারা ঐ এলাকার চতুর্দিকে ত্রাসের সৃষ্টি করে। এই ঘাঁটিকে আক্রমণ করার জন্য লে। মাহবুব নিয়মিত ও গণবাহিনীর একটি সশ্বিলিত কোম্পানি পাঠিয়ে দেয়। এই কোম্পানিটি ১৭ জুলাই তারিখে হাজীগঞ্জের দক্ষিণে তাদের অস্ত্রায়ী গোপন অবস্থান তৈরি করে। এরপর পেট্রোল পাঠিয়ে পাকসেনাদের অবস্থান সংস্কারে তথ্য যোগাড় করে। ১৭ জুলাই সক্ষ্যায় আমাদের কোম্পানিটি অতর্কিতে পাকসেনাদের ঘাঁটির উপর আক্রমণ চালায়। আক্রমণের ফলে পাকসেনাদের ১৩ জন নিহত ও অনেকে আহত হয়। এরপর আমাদের কোম্পানিটি নিরাপদে নিজ অবস্থানে ফিরে আসে।

ফরিদপুরে আমাদের গেরিলা দল তাদের কার্যকলাপ জুন মাস থেকে চালিয়ে যাচ্ছিল। তাদেরকে নির্দেশ দেয়া হয়েছিল যে, তারা যেন বেসামরিক শাসনব্যবস্থাকে সম্পূর্ণ অচল করে দেয়। এই পরিপ্রেক্ষিতে ১২ জুন গেরিলারা চিকানদী তহশীল এবং মুসেক অফিস ধ্বংস করে সমস্ত অফিসিয়াল কাজগপ্ত্র জ্বালিয়ে দেয়। ১৮ জুলাই একটি গেরিলা দল গোসাইরহাট থানার দামুদিয়া পুলিশ ফাঁড়ির উপর আক্রমণ চালিয়ে ফাঁড়িটি ধ্বংস করে দেয়। ফাঁড়ি থেকে ৫টি রাইফেল, প্রচুর গুলি এবং একটি অয়্যারলেস সেট দখল করে নেয়। গেরিলা দল দামুদিয়া তহশীল অফিস ও সার্কেল অফিস জ্বালিয়ে দেয়। এই ঘটনার দুইদিন পর আর একটি গেরিলা দল ভেদেরগঞ্জ থানা আক্রমণ করে দুইজন পশ্চিম পাকিস্তানি পুলিশকে আহত করে এবং একটি অয়্যারলেস সেট হস্তগত করে। সঙ্গে সঙ্গেই তহশীল অফিস ও পালং থানার আঙ্গারিয়া বাজারে জুট গোড়াউনে আগুন লাগিয়ে ২৫ হাজার মণ পাট জ্বালিয়ে দেয়। গেরিলারা আঙ্গারিয়া তহশীল অফিসও জ্বালিয়ে দেয়। এসব কার্যকলাপের ফলে মাদারিপুরের শাসনব্যবস্থা অচল হয়ে যায়।

শালদা নদীতে এবং মন্দভাগে ক্যাপ্টেন গাফফার এবং মেজর সালেক পাকবাহিনীকে বারবার আঘাত করতে থাকে। আমাদের রেকি পার্টি খবর নিয়ে আসে যে, ২৪ জুলাই বিকেল ৩ টার সময় পাকসেনারা নওগাঁও স্কুলে স্থানীয় দালালদের নিয়ে একটি আলোচনা সভার আয়োজন করেছে। এই সংবাদ পেয়ে ক্যাপ্টেন গাফফার একটি প্লাটুন মর্টারসহ নওগাঁ নিকট পাঠিয়ে দেয়। বিকেল ৫ টায় পাকসেনাদের ৫০/৬০ জন লোক ও স্থানীয় দালালরা স্কুল প্রাঙ্গণে সমবেত হয়ে তাদের আলোচনা সভা শুরু করে। সভা শুরু হওয়ার কিছুক্ষণ পরই আমাদের প্লাটুনটি মর্টারের সাহায্যে পাকসেনাদের এই সমাবেশের উপর অতর্কিত আক্রমণ চালায়। ফলে আলোচনা সভা ভেঙ্গে যায় এবং পাকসেনারা ছত্রভঙ্গ হয়ে যায়। পাকসেনাদের ৩০ জন লোক ৭ জন দালালসহ নিহত হয়। আমাদের প্লাটুনটি নিরাপদে ফিরে আসে। পাকসেনারা শালদা নদীর দক্ষিণে মনোরা ভঙ্গা রেলওয়ে সেতুটি মেরামত করার জন্যে আবার চেষ্টা চালায়। ২৬ জুলাই সকাল ১০ টায় পাকসেনাদের একটি শক্তিশালী দল তাদের শালদা নদী অবস্থান থেকে

মনোরা সেতুর নিকট সমবেত হয়। এরপর সেতুর চতুর্দিকে তারা বাংকার তৈরির প্রস্তুতি নেয়। সংবাদ পেয়ে মেজর সালেক মর্টারসহ একটি প্লাটুন পাকসেনাদের মনোরা সেতু থেকে তাড়িয়ে দেওয়ার জন্যে পাঠিয়ে দেয়। বিকেল ৪ টায় আমাদের দলটি অবস্থান নেয় এবং পাকসেনাদের উপর মর্টার এবং মেশিনগানের সাহায্যে অতর্কিত আক্রমণ চালায়। আমাদের গোলাগুলিতে পাকসেনারা ভীতসন্ত্রিত হয়ে পড়ে এবং তাদের অনেক হতাহত হয়। মনোরা সেতু থেকে তারা পালিয়ে যায়। পরে বিশ্বস্তসৃতে আমরা জানতে পারলাম যে, পাকসেনাদের কমপক্ষে ৪ জন নিহত এবং অনেক আহত হয়েছে।

২৬ জুলাই ক্যাপ্টন আইনউদ্দিন একটা এ্যামবুশ পার্টি নওগাঁও এবং আকসিনার মাঝামাঝি রাস্তায় এ্যামবুশ পাতে। পাকসেনাদের একটি দল নওগাঁর পথে সেই এ্যামবুশ-এ পড়ে যায়। ফলে ৭ জন পাকসেনা নিহত ও ৪ জন আহত হয়। আমাদের একজন শুরুতরভাবে আহত হয়। প্লাটুনটি ফেরার পথে কল্যাণসাগরে আবার একটি এ্যামবুশ পেতে বসে থাকে। পাকসেনাদের একটি কোম্পানি সাইদাবাদ থেকে কসবার পথে সেই এ্যামবুশে পড়ে যায়। ফলে ২১ জন পাকসেনা ও ১ জন দালাল নিহত হয় এবং ৯ জন আহত হয়। পাক পেট্রোল পার্টির একটি ট্রাকও ধ্বংস হয় ঐ দিনই। ক্যাপ্টন আইনউদ্দিনের একটি কমান্ডো দল বগাবাড়িতে একটি রেলওয়ে ব্রীজ ও ২/৩টি টেলিফোন পাইলন উড়িয়ে দেয়। আমরা যেসব গেরিলাদের ঢাকা এবং কুমিল্লার পশ্চিম ও বৈরববাজার এলাকায় পাঠাতাম তারা কসবার উন্নত দিক দিয়ে ছতোরা ও নবীনগর হয়ে বাংলাদেশের বিভিন্ন জায়গায় অনুপ্রবেশ করতো। এসব গেরিলাদের সম্বন্ধে এবং আমাদের নিয়মিত বাহিনীর কার্যকলাপ সম্বন্ধে খবরাখবর নেয়ার জন্য পাকসেনারা দালালদের নিযুক্ত করে এবং আমাদের অনুপ্রবেশের রাস্তাকে বন্ধ করার জন্য রাজাকারদের রাস্তায় এবং নদীপথে পাহারায় মোতায়েন করে। এই সব দালাল এবং রাজাকাররা আমার অপারেশনের জন্য অসুবিধার সৃষ্টি করে। দালালদের ধরার জন্য এবং রাজাকারদের সমুচিত শাস্তি দেবার জন্য ক্যাপ্টেন আইনউদ্দিন ও লে. হারুনকে আমি নির্দেশ দিই। নির্দেশ অনুযায়ী ক্যাপ্টেন আইনউদ্দিন এবং লে. হারুন বিভিন্ন স্থানে তাদের লোকজনকে দালালদের বিরুদ্ধে সতর্ক করে দেয় এবং এ্যামবুশ পেতে রাখে। ২৫ জুলাই সন্ধ্যায় নরসিংহের নিকট লে. হারুনের লোক পাকসেনাদের ৬ জন দালালকে এ্যামবুশ করে বন্দি করে। এদের নিকট ১৪ পাউন্ড বিক্ষোরক, তিনটি ঘেনেড পাওয়া যায়। এর পরদিন আরও ৭ জন দালাল আমাদের এ্যামবুশে ধরা পড়ে এবং তাদের কাছ থেকে দুইটি রাইফেল, ৪টি হ্যান্ড ঘেনেড, ১টি অয়্যারলেস সেট এবং ১২০ রাউন্ড শুলি পাওয়া যায়। এরপর থেকে দালালরা আমাদের এলাকাতে আর আসার সাহস পায়নি। বন্দি দালালদের কাছ থেকে জানা যায় যে তাদেরকে পাকিস্তানি অফিসাররা প্রশিক্ষণ দিয়েছে এবং সঙ্গে করে এনে মুক্তিবাহিনী অবস্থানের নিকট ছেড়ে দেয়। তাদের উপর নির্দেশ ছিল মুক্তিবাহিনীর বিরুদ্ধে ধ্বংসাত্মক কার্যকলাপ চালিয়ে যাওয়ার জন্য, অন্যথায় তাদের পরিবারবর্গের উপর কঠোর ব্যবস্থা গ্রহণ করা হবে। এরপর রাজাকারদের শায়েস্তা করার জন্য ক্যাপ্টেন আইনউদ্দিন একটি কোম্পানি পাঠিয়ে দেয়। এই কমান্ডো কোম্পানিটি ছতোরার নিকট রাজাকার ক্যাম্পের উপর ২৫ জুলাই অতর্কিত হামলা

চালায়। হামলার ফলে ১৬ জন রাজাকার নিহত এবং ৬ জন আহত হয়। এই এলাকার রাজাকাররা ভীত হয়ে সম্পূর্ণভাবে আমাদের নিকট আত্মসমর্পণ করে। তারা পরদিন তাদের নেতাকে আমাদের ক্যাম্পে পাঠিয়ে দেয় এবং মুক্তিবাহিনীর সাথে সহায়তা করার অঙ্গীকার করে। এছাড়া অনেক রাজাকার মুক্তিবাহিনীর পক্ষে যুদ্ধ করার ইচ্ছা প্রকাশ করে। এরপর থেকে যুদ্ধ শেষ হওয়া পর্যন্ত এই এলাকার রাজাকারদের সক্রিয় সহায়তা মুক্তিবাহিনী সব সময় পেয়েছে। অনেক সময় রাজাকাররাই আমাদের গেরিলাদেরকে নিরাপদ রাস্তায় তাদের গত্ব্যস্থলে পৌছিয়েছে। সিএন্ডবি রাস্তায় যে সেতুর নিচ দিয়ে আমাদের গেরিলারা নৌকায় যাতায়াত করতো রাজাকাররা সেই সেতুর উপর পাকবাহিনীর গতিবিধি সম্বন্ধে সংকেত দিত। কোনো সময় যদি পাকসেনারা ঐ জায়গায় টহলে আসত তবে আগে থেকে হারিকেনের লাল আলো বা টর্চের সাহায্যে সংকেত দিয়ে আমাদের জানাতো। এর ফলে এই রাস্তাটি আমাদের জন্য সম্পূর্ণ নিরাপদ হয়ে যায়।

মেজর সালেক একটি ডিমোলিশন পার্টি ও একটি কমান্ডো প্লাটুনকে ২৮ জুলাই রাত ২ টার সময় হরিমঙ্গলে পাঠিয়ে দেয়। এই দলটি হরিমঙ্গলের নিকটে রেলওয়ে সেতুটির রেকি করে এবং সকাল সাড়ে ৬ টা পর্যন্ত ডিমোলিশন বানিয়ে সেতুটিকে উড়িয়ে দেয়। বিক্ষেপণের ফলে সেতুটির মাঝখানে ৪০ ফুটের একটি গ্যাপ সৃষ্টি হয়। এছাড়া সেতুটির দক্ষিণ পাশে ২৭০ ফুট রেলওয়ে লাইন বারংব লাগিয়ে নষ্ট করে দেয়া হয়। এর পরদিন এই ডিমোলিশন পার্টি বিজনা রেলওয়ে সেতুটি বিক্ষেপণ করে দেয়। এরপর ২৮ জুলাই সকাল ৮ টায় পাকসেনাদের একটি শক্তিশালী দল বিজনা ব্রীজের নিকটে পরিদর্শনে আসে। ঠিক সেই সময় আমাদের কামান তাদের উপর গোলাগুলি করে। ফলে পাকসেনাদের ৩ জন নিহত ও ৭ জন আহত হয়। পাকসেনারা সেই অবস্থান পরিত্যাগ করে ধ্বামের দিকে পলায়ন করে। এরপর ১ আগস্ট পাকসেনাদের একটি শক্তিশালী কোম্পানি হরিমঙ্গল সেতুর নিকট অগ্রসর হয় এবং সেখানে তাদের ঘাঁটি করার চেষ্টা করে। এবারও আমাদের সৈন্যরা তাদের অগ্রসরে বাধা দেয়। আমাদের সৈন্যদের গোলাগুলিতে পাকসেনাদের ৩০ জন হতাহত হয়। ফলে পাকসেনারা পিছু হটতে বাধ্য হয়।

কসবার টি. আলীর বাড়িতে পাকসেনাদের যে অবস্থান ছিল, সে অবস্থান থেকে পাকসেনারা চাউল পর্যন্ত প্রায়ই যাতায়াত করতো। এই সংবাদ লাটুমুড়ার নিকট লে. হুমায়ুন কবির সংগ্রহ করে। সে আরও জানতে পারে যে কাঁচা রাস্তায় পাকসেনাদের কমপক্ষে একটি কোম্পানি যাতায়াত করে। পাকসেনাদের এই দলকে আক্রমণ করার জন্য লে. কবির একটি প্লাটুন পাঠিয়ে দেয়। এই প্লাটুনটি কল্যাণসাগরের নিকট ২৩ জুলাই ভোর সোয়া ৪ টায় এ্যামবুশ নিয়ে পাকসেনাদের অপেক্ষায় থাকে। দুঁঘটা অপেক্ষার পর পাকসেনাদের একটি বিরাট দল এই এ্যামবুশে পড়ে যায়। আমাদের যোদ্ধাদের অতর্কিত গুলির আঘাতে পাকসেনাদের ২০ জন নিহত ও ৮ জন আহত হয়। ১ জন স্থানীয় দালাল, যে পাকসেনাদের পথনির্দেশক ছিল, সেও মারা যায়। ২/৩ ঘণ্টা যুদ্ধের পর পাকসেনারা ছত্রভঙ্গ হয়ে যায় এবং আমাদের লোকেরা অবস্থান তুলে নিজ ঘাঁটিতে ফেরত আসে।

কসবার উত্তরে পাকসেনাদের গোসাইস্থানে একটি শক্ত ঘাঁটি ছিল। এই ঘাঁটিতে অন্তত ৪০/৫০ জন পাকসেনা অবস্থান করছিলো। আমাদের যেসব গেরিলা ঢাকার পথে যাতায়াত করতো, এই অবস্থান থাকাতে তাদের যাতায়াতের গোপন পথ বিপজ্জনক হয়ে দাঁড়ায়। এই ঘাঁটিটি ধ্রংস করে দিয়ে যাতায়াতের গোপন পথ নিরাপদ করার জন্য আইনডিন ৪৮ ইন্সট বেঙ্গলের 'ডি' কোম্পানিকে পাঠায়। 'ডি' কোম্পানি ৩১ জুলাই রাত ১০ টার সময় দক্ষিণ থেকে অগ্রসর হয়ে গোসাইস্থান অবস্থানের নিকটে পৌঁছে। এই অবস্থানটি রেকি পূর্বেই করা ছিল। পাকসেনাদের অবস্থানটির দক্ষিণ হতে 'ডি' কোম্পানি অতর্কিত আক্রমণ চালায়। আক্রমণের ফলে পাকসেনারা ভীতসন্ত্রস্ত হয়ে যায়। আক্রমণ ২/৩ ঘণ্টা চলে। 'ডি' কোম্পানির সৈন্যরা বেশ কয়েকটি বাংকার ধ্রংস করে দেয় এবং অন্তত ২০ জন পাকসেনাকে হতাহত করে। আক্রমণের প্রবল চাপে টিকতে না পেরে পাকসেনারা গোসাইস্থান পরিত্যাগ করে পিছনে পালায়ন করে।

শালদা নদীতে আমাদের সঙ্গে পাকসেনাদের সংঘর্ষ পুরো জুলাই মাস চলতে থাকে। ক্যাপ্টেন গাফফারের নেতৃত্বে শালদা নদীর শক্ত অবস্থানটির উত্তর দিকে ৪৮ ইন্সট বেঙ্গলের 'সি' কোম্পানি মোটামুটি ঘিরে ফেলেছিল। এদিকে দক্ষিণ দিকে আগরতলা ও কাটামোড়ায় মেজর সালেক ৪৮ ইন্সট বেঙ্গলের 'এ' কোম্পানি দিয়ে পাকসেনাদের শালদা নদী অবস্থানের উপর চাপ দিয়ে যাচ্ছিল। পাকসেনাদের পিছনে থেকে সরবরাহের রাস্তা একমাত্র নদী ছাড়া সবই প্রায় বন্ধ হয়ে গিয়েছিল। নদীপথেই লুকিয়েই মাঝে মাঝে পাকসেনাদের অবস্থানে রসদপত্র সরবরাহ করা হতো। এই সরবরাহ পথে পাক সেনাদের এ্যামবুশ করার জন্য মেজর সালেক একটি প্লাটুন গোপন পথে শক্তসেনাদের অবস্থানের পিছনে পাঠিয়ে দেয়। এই প্লাটুনটি ১ আগস্ট রাতে শালদা নদীর পশ্চিমে নদীর উপর এ্যামবুশ পেতে বসে থাকে। রাত ১ টার সময় ৭/৮টি নৌকায় প্রায় ১৫০ জন সৈন্য ও অন্যান্য সরবরাহসহ পাকসেনারা তাদের শালদা নদী অবস্থানের দিকে অগ্রসর হয়। নৌকাগুলো যখন এ্যামবুশ অবস্থানের ভিতরে আসে আমাদের প্লাটুনটি মেশিনগান এবং হালকা মেশিনগানের সাহায্যে শুলি চালাতে থাকে। সঙ্গে সঙ্গে চার-পাঁচটি নৌকা ডুবে যায়। পাকসেনারাও পিছন হতে পাটা গোলাগুলি শুরু করে। সংঘর্ষ প্রায় আধা ঘণ্টা স্থায়ী থাকে। এরপর পাকসেনাদের পিছনের নৌকাগুলো ফেরত চলে যায়। এই সংঘর্ষে পাকসেনাদের প্রায় ৬০/৭০ জন হতাহত হয়, ৪/৫ নৌকা ডুবে যায় এবং অনেক রসদ নষ্ট হয়। নৌকার আরোহী পাকসেনারা ডুবে যায়। পাকসেনাদের শুলিতে আমাদের ৪ জন নিহত ও একজন আহত হয়।

কুমিল্লার উত্তরে কলাহড়া চা বাগানের নিকট পাকসেনাদের একটি ঘাঁটি ছিল। এখানে মাসাধিককাল ধরে পাকসেনা ও মুক্তিবাহিনীর মধ্যে সংঘর্ষ চলে আসছিল। মুক্তিবাহিনীর আক্রমণে অতিষ্ঠ হয়ে পাকসেনারা কলাহড়া চা বাগান অবস্থানে বাংকার তৈরি করে। ২ আগস্ট রাত ১২ টার সময় লে, হারফনের নেতৃত্বে মুক্তিবাহিনীর একটি ক্ষুদ্র দল শক্ত অবস্থানের উপর হামলা চালায়। পাকসেনাদের এক কোম্পানি সৈন্য কামান এবং মর্টারের সহায়তায় শক্তিশালী অবস্থান গড়ে তুলেছিল। ২ আগস্ট মুক্তিবাহিনীর অসম সাহসী ক্ষুদ্র দলটি হ্যান্ড গ্রেনেড ও ৩০৩ রাইফেলের সাহায্যে

আক্রমণ চালায়। প্রেনেড বিক্ষেপণ ঘটিয়ে শক্রদের ১০টি বাংকার ধ্বংস করে দেয়। পাকসেনারা ভীতসন্ত্রস্ত হয়ে ৫০ জন নিহত সঙ্গীকে ফেলে পিছনে গ্রামের দিকে পালিয়ে যায়। সেখানেও গ্রামের লোক দ্বারা আক্রান্ত হয়ে অনেক পাকসেনা নিহত হয়। দুইজন পাকসেনা আমাদের হাতে বলি হৱ। MG1A3 মেশিনগানসহ অনেক অস্ত্রশস্ত্র এবং ২০/২৫ হাজার শুলি আমাদের হস্তগত হয়। এছাড়া অনেক খাদ্যসামগ্ৰী ও কাপড় আমাদের হস্তগত হয়। আমাদের পক্ষে দুইজন মুক্তিসেনা নিহত হয়। জুলাই মাসে নোয়াখালীতে অপারেশনের জন্য ১৪ জন গণবাহিনীর গেরিলা গোপন পথে চৌদ্দগ্রামের আলকরা বাজার হয়ে দক্ষিণ দিকে যাচ্ছিল। রাত ১ টার সময় বাজারের নিকটে শক্রদের একটি দল অতর্কিতে গেরিলাদের উপর আক্রমণ চালায়। আমাদের গেরিলারা সাহসের সঙ্গে আক্রমণের মোকাবিলা করে কিন্তু শক্রদের আক্রমণের মুখে টিকতে না পেরে ছত্রভঙ্গ হয়ে পিছু হটতে বাধ্য হয়। সংঘর্ষে আমাদের একজন গেরিলা নিহত ও কয়েকজন আহত হয় এবং বেশকিছু অস্ত্রশস্ত্র ফেলে তারা পালিয়ে আসে। হাবিলদার গিয়াসের নেতৃত্বে যে দলটি হোমনা থানায় অবস্থান করছিল, সেই দলটি ২৮ জুলাই রাতে হোমনা থানার সাথুটিয়া (হোমনা, বাঙ্গারামপুর, রামচন্দ্রপুরের সঙ্গমস্থল) লঞ্চঘাটে পাকবাহিনীর টহলদার একটি লঞ্চের উপর এ্যামবুশ করার জন্য অবস্থান নেয়। ১৩ ঘণ্টা অবস্থানের পর উক্ত টহলদারী লঞ্চটি হাবিলদার গিয়াসের এ্যামবুশের ফাঁদে আটকা পড়ে। পূর্ব পরিকল্পনা অনুযায়ী হাবিলদার গিয়াসের দল আকস্মিকভাবে শক্রদের উপর হামলা চালায়। ঘটনার আকস্মিকতায় প্রায় ১৫/২০ মিনিট পর্যন্ত পাকসেনারা কোনো জ্বাব দেয় না। দুর্ভাগ্যবশত রকেট লঞ্চার কাজ না করায় সুবেদার গিয়াসের দল লঞ্চটাকে ডুবাতে সক্ষম হয়নি। ১ ঘণ্টা ধরে উভয়পক্ষে প্রচণ্ড সংঘর্ষ চলে। পাকসেনারা বিক্ষিণ্ডভাবে মর্টারের গোলা ছুঁড়তে থাকে। হাবিলদার গিয়াসের দলের এতে কোনো ক্ষতি হয়নি। ১ ঘণ্টা সংঘর্ষের পর পাকসেনাদের লঞ্চটি পালিয়ে যায়। আমাদের মুক্তিযোদ্ধারা তাদের পিছে ধাওয়া করে। পাকসেনাদের হতাহতের সংবাদ সম্পর্কে সঠিক তথ্য জানা না গেলেও প্রত্যক্ষদর্শীর বিবরণে প্রকাশ, ক্ষতিবিহুত লঞ্চটি দেড়ঘণ্টা হোমনা থানার ঘাটে নোঙ্গ করে থাকে। সেখানে বেশকিছু আহতকে প্রাথমিক চিকিৎসা দেয় এবং অবশেষে অনেক মৃতদেহসহ লঞ্চটি ঢাকা অভিমুখে যাত্রা করে। জুলাই মাসে পাকসেনারা চট্টগ্রাম-কুমিল্লা রোড খুলতে চেষ্টা করে। এই সময় মাঝে মাঝে পাকসেনাদের শক্তিশালী দল এই রাস্তায় টহল দেয়ার জন্যে আসতো। চৌদ্দগ্রামের উত্তরে ও দক্ষিণে লে. ইমামুজ্জামান এইসব পাকসেনাদের টহলদারী দলগুলোকে তাড়িয়ে দিত।

৩০ জুলাই সকাল ৭ টায় লে. ইমামুজ্জামানের একটি প্লাটুন চৌদ্দগ্রামের ৪ মাইল দক্ষিণে নানকারা নামক স্থানে এ্যামবুশ পাতে। এ্যামবুশ পার্টি সারাদিন অপেক্ষা করার পর জানতে পারে যে, জগন্নাথ দিঘীর নিকট একটি জীপ টহলে বেরোবার জন্যে তৈরি হচ্ছে। এই জীপকে এ্যামবুশ করার জন্যে এ্যামবুশ পার্টি তখনই তৈরি হয়ে যায়। সন্ধ্যা সাড়ে ৬ টার সময় পাক-বাহিনীর এই জীপটি চৌদ্দগ্রামের দিকে অগ্রসর হয় এবং মুক্তিযোদ্ধাদের এ্যামবুশ অবস্থানে পৌঁছে। পৌঁছার সঙ্গে সঙ্গে এ্যামবুশ পার্টি জীপটির

উপর মেশিনগান এবং হালকা মেশিনগান থেকে গুলি চালায়। গুলিতে ড্রাইভার আহত হয়। ৬ জন পাকসেনা জীপ থেকে লাফিয়ে নিচে নামে কিন্তু তারাও আমাদের এ্যামবুশ পার্টির গুলিতে নিহত হয়। পরে এ্যামবুশ পার্টি একটি মৃত পাকসেনার পকেটে একটি চিঠি পায়। তা থেকে জানা যায় যে এই পাকসেনারা ২৯ বেলুচ রেজিমেন্টের ‘সি’ কোম্পানির লোক। নিহত পাকসেনাদের নিকট হতে রাইফেল এবং যথেষ্ট গোলাবারুদ উদ্ধার করা হয়। একজন আহত পাকসেনা আমাদের হাতে বন্দি হয়। এই এ্যামবুশের পর পাকসেনারা কুমিল্লা থেকে আরও সৈন্য চৌক্ষণ্যে নিয়ে আসে এবং সারারাত ধরে আমাদের অবস্থানের উপর মর্টার এবং কামানের গোলা নিক্ষেপ করে। ‘আমাদের লোকেরাও শক্ত অবস্থানের উপর মর্টারের গোলা নিক্ষেপ করে। পরদিন ৩১ জুলাই সকালে পাকিস্তানিদের একটি কোম্পানি চৌক্ষণ্য থেকেও আর একটি কোম্পানি জগন্নাথ দিঘী থেকে ট্রাঙ্ক রোড হয়ে আমাদের অবস্থানের দিকে অগ্রসর হতে থাকে। পাকসেনারা যখন আমাদের অবস্থানের ২০০ গজের মধ্যে পৌঁছে, তখনই আমাদের এ্যামবুশ অবস্থান থেকে তাদের উপর অতর্কিত গুলি চালানো হয়। গুলির আঘাতে ২০ পাকসেনা রাস্তায় উত্তরে এবং ৬ জন দক্ষিণে আহত ও নিহত হয়। পাকসেনারা কামানের গোলার সহায়তায় পিছনে সরে যেতে থাকে। এই সময়েও আমাদের গুলির আঘাতে তাদের আরও কিছু সৈন্য হতাহত হয়। এরপর আমাদের এ্যামবুশ পার্টি সেই অবস্থান পরিত্যাগ করে হরিষ্বরদার হাটের নিকট নতুন অবস্থান নেয়। এর দুইদিন পর ২ আগস্ট সকাল ৭ টায় পাকসেনাদের একটি ব্যাটালিয়ন উত্তর, দক্ষিণ, পশ্চিম হতে হরিষ্বরদার হাটের দিকে অগ্রসর হয়। এই সময়ে আমাদের অবস্থানে লে. ইমামুজ্জামান আরও দুটি প্লাটুন পাঠিয়ে অবস্থানটি শক্তিশালী করে। পাকসেনারা হরিষ্বরদার হাটের নিকট অবস্থিত তিনটি ভাঙ্গা সেতু পর্যন্ত অগ্রসর হয় এবং সেখানে পিছন থেকে আরও সৈন্য একত্রিত করে। আমাদের এ্যামবুশ পার্টি শক্তদের একত্রিত পেয়ে তাদের উপর অতর্কিতে গোলাগুলি চালায়। এই গোলাগুলি সমস্ত দিন ধরে চলে। পাকসেনারা কামানের গোলার সাহায্যে আমাদের উপর আক্রমণ চালায়। আমাদের কোম্পানিটি ও সাহসের সঙ্গে পাকসেনাদের আক্রমণকে প্রতিহত করতে থাকে। সমস্ত দিনের যুদ্ধে পাকসেনাদের ২৫ জন হতাহত হয়। পাকসেনারা ২ আগস্ট রাতে প্রধান সড়কের উপর তাদের প্রতিরক্ষা বৃহৎ তৈরি করে। এর পরদিন ৩ আগস্ট সমস্ত দিন ধরে পাকসেনাদের সাথে সংঘর্ষ চলে। এদিন সন্ধ্যায় আমাদের কোম্পানিটি অবস্থান পরিত্যাগ করে তাদের ঘাঁটিতে ফিরে আসে।

পাকসেনাদের একটি শক্তিশালী দল নয়নপুর রেলওয়ে স্টেশন এলাকায় সুদৃঢ় ঘাঁটি করে অবস্থান করছিল। অনেক সময় এই অবস্থানের সঙ্গে অতীতে আমাদের যথেষ্ট সংঘর্ষ হয়। পাকসেনারা এই ঘাঁটিকে আরও বাড়িয়ে শালদা নদীর অবস্থান পর্যন্ত যোগাযোগ স্থাপন করার চেষ্টা করছিল। মেজর সালেক পাকসেনাদের নয়নপুর ঘাঁটি আক্রমণ করার সিদ্ধান্ত নেয়। এই ঘাঁটিতে পাকসেনাদের অস্তত এক কোম্পানির চেয়ে বেশি সৈন্য ছিল। পাকসেনারা স্টেশন ও নিকটবর্তী রেলওয়ে গুদাম এলাকায় তাদের সুদৃঢ় বাংকার তৈরি করে। মেজর সালেক পাকসেনাদের এই অবস্থানটি সহজে বিজ্ঞারিত

খবরাখবর সংগ্রহ করে। এরপর ৪ৰ্থ ইন্ট বেঙ্গলের ‘এ’ কোম্পানি এবং কিছুসংখ্যক গণবাহিনী নিয়ে রাত সাড়ে ১২ টার সময় পাকসেনাদের অবস্থানের নিকট জমায়েত হতে থাকে। পূর্ব পরিকল্পনা অনুযায়ী রাত আড়াইটার সময় স্টেশনের উত্তর দিক থেকে দুটি প্লাটুন একসাথে পাক অবস্থানের উপর আক্রমণ চালায়। একটি প্লাটুন স্টেশনের ২০০ গজ উত্তরে রেললাইন পর্যন্ত প্রথম পর্যায়ে দখল করে নিতে সক্ষম হয়। এই সময়ে পাকসেনাদের গোলাগুলি ভীষণ তীব্র হতে শুরু করে এবং আমাদের সেনাদের আক্রমণ কিছুটা দুর্বল হয়ে পড়ে। মেজর সালেক অন্য প্লাটুন অর্থাৎ যারা স্টেশনের দিকে ছিল তাদের আক্রমণ আরও তীব্র করার নির্দেশ দেয়। এই প্লাটুনটি পাকসেনাদের প্রবল গুলিবৃষ্টির মধ্যে রেললাইনের পাশ দিয়ে আস্তে আস্তে অগ্রসর হতে থাকে। এই প্লাটুনের লোকেরা রেল স্টেশনের ২৫ গজের মধ্যে পৌঁছতে সক্ষম হয় এবং পাকসেনাদের প্রায় ৬/৭টি বাংকার উড়িয়ে দেয়। এই সময় স্টেশনের নিকটস্থ শুদ্ধাম এলাকা থেকে আমাদের লোকদের উপর তীব্র আক্রমণ শুরু হয়। অতর্কিত এই আক্রমণে আমাদের অনেক লোক হতাহত হয়। অবস্থার দ্রুত অবনতি ঘটে। মেজর সালেকের পক্ষে আক্রমণ চালিয়ে যাওয়া আর সম্ভব হয় না। নিরপায় হয়ে মেজর সালেক তার আহত ও নিহত সৈনিকদের নিয়ে পশ্চাতে হটে আসতে বাধ্য হয়। এই যুদ্ধে আমাদের যথেষ্ট ক্ষয়ক্ষতি হয়। ‘এ’ কোম্পানির ৭ জন নিহত ও ৯ জন গুরুতর আহত হয়। এছাড়াও সৈনিকদের মনোবল কিছুটা দমে যায়। পাকসেনারা তাদের অবস্থান অক্ষত রাখতে সক্ষম হয়। আমার সেন্টারে এটাই ছিল প্রথম এবং সবচেয়ে মারাত্মক বিপর্যয়—যাতে এতজন একসাথে নিহত ও আহত হলো।

ঢাকা এবং ঢাকার ঢারপাশে গেরিলারা তাদের কার্যকলাপ চালিয়ে যাছিল। ২৫ জুলাই সকাল ৬ টায় পুবাইলের নিকট কালসজ স্থানে রেলওয়ে লাইনের উপর বৈদ্যুতিক পদ্ধতিতে বিস্ফোরণ ঘটিয়ে একটি ট্রেন উড়িয়ে দেয়া হয়। ইঞ্জিনসহ তিনটি রেলওয়ে বগী লাইনচুর্যত হয় এবং ইঞ্জিনে আগুন লেগে বিধ্বস্ত হয়। ট্রেনের আরোহী ৩০/৩৫ জন পশ্চিম পাকিস্তানি পুলিশ সেই সাথে নিহত হয়। বগীগুলো লাইনচুর্যত হয়ে পানিতে পড়ে যায়। গেরিলাদের আর একটি দল ৪ আগস্ট আড়াইহাজার থানার নিকট পাঞ্চকাপি সড়কসেতু এবং নওগাঁও সড়কসেতু উড়িয়ে দেয়। ফলে নরসিংহ-ডেমরার মধ্যে যোগাযোগ ব্যবস্থা বিচ্ছিন্ন হয়ে যায়। ঢাকা-কুমিল্লা রাস্তায় ৫ আগস্ট বাতেচরের নিকট সড়কসেতু এবং কুমিল্লা-দাউদকান্দির দিসলা সড়কসেতু উড়িয়ে দেয়। ফলে ঢাকা-কুমিল্লা সড়ক যোগাযোগ বিচ্ছিন্ন হয়ে যায়। এদিকে ২৭ জুলাই ৪ জনের একটি গেরিলা দল মতিঝিলের (পীরজঙ্গী মাজার) নিকট বিদ্যুৎ সরবরাহ সাব-স্টেশনের উপর আক্রমণ চালায়। পশ্চিম পাকিস্তানি পুলিশ এই সাব-স্টেশনটিকে পাহারা দিছিল। গেরিলারা দু'জন পশ্চিম পাকিস্তানি পুলিশকে নিহত এবং বাকিদের নিরস্ত্র করে। তারা তালা ভেঙে সাব-স্টেশনে প্রবেশ করে ও সাব-স্টেশনটি এক্সপ্লোসিভ লাগিয়ে ধ্বংস করে দেয়। ফলে মতিঝিল, কমলাপুর স্টেশন, শাহজাহানপুর, গোপিবাগে বিদ্যুৎ সরবরাহ সম্পূর্ণ বন্ধ হয়ে যায়। গেরিলা দলটি এর পর ফেরার পথে শাহজাহানপুরে রাজাকারদের দ্বারা আক্রান্ত হয় কিন্তু সাহসের সঙ্গে পান্টা আক্রমণ চালিয়ে ৮/১০ জন রাজাকারকে নিহত করে

নিরাপদে নিজ ঘাঁটিতে ফিরে আসে। জুলাই মাসের শেষ সপ্তাহে আর একটি গেরিলা দল সিন্ধিরগঞ্জ এবং খিলগাঁও ও কমলাপুরের মাঝে বেশ কয়েকটি বিদ্যুৎ সরবরাহ লাইনের পাইলন উড়িয়ে দেয়। ফলে টঙ্গী, কালিগঞ্জ প্রভৃতি শিল্প এলাকায় বিদ্যুৎ সরবরাহ বন্ধ হয়ে যায়। ১৫ জুলাই পাগলা এলাকায় গেরিলা দল ফতুল্লা এবং ঢাকার মাঝে একটি রেলওয়ে সেতু এক্সপ্লোসিভ লাগিয়ে উড়িয়ে দেয়। ফলে ঢাকা-নারায়ণগঞ্জ রেল যোগাযোগ সাময়িকভাবে বন্ধ হয়ে যায়। ফার্মগেটের নিকট পাকিস্তানিদের একটি চেকপোস্ট ছিল। এই চেকপোস্ট-এ ৮/১০ জন মিলিটারী পুলিশ সবসময় পাহারায় থাকতো। এইসব মিলিটারী পুলিশ যাতায়াতকারী সমস্ত যানবাহন থামিয়ে তল্লাশী করতো। ঢাকার একটি গেরিলাদল এই চেকপোস্ট আক্রমণ করার সিদ্ধান্ত নেয়। কয়েকদিন গাড়িতে রেকি করার পর তারা দেখতে পায় যে পাহারারত মিলিটারী পুলিশ সবসময় মোটেই সতর্ক থাকে না। একদিন সন্ধ্যায় হাবিবুল আলম, গাজী দস্তগীর, কাজী কামালউদ্দিন এবং কামরুল হক স্বপন নামে চারজন ঢাকার গেরিলা একটি গাড়িতে ফার্মগেট আসে। মিলিটারী চেকপোস্টের নিকটে পৌছার সময় তাদেরকে পাকসেনারা আসতে নির্দেশ দেয়। তারা তাদের গাড়িটি নির্দেশ অনুযায়ী দ্বিতীয় রাজধানীর দিকে মুখ করে রাস্তা করে দাঁড়ায়। চারজন পাকসেনা গাড়ির দিকে তল্লাশীর জন্য অগ্রসর হয়। সঙ্গে সঙ্গে গাড়ি থেকে গেরিলারা তিনটি চায়নিজ স্টেনগান থেকে শুলি চালাতে থাকে। পাকসেনাদের অন্যান্য লোকও গাড়ির দিকে অগ্রসর হওয়ার চেষ্টা করে। গেরিলা দল তাদের লক্ষ্য করে থেনেড ছুঁড়ে এবং তীব্র গতিতে গাড়ি চালিয়ে অবস্থান পরিত্যাগ করে। এ সংঘর্ষের ফলে পাকসেনাদের ৫ জন মিলিটারী পুলিশ আহত ও ৪ জন নিহত হয়। সঙ্গে সঙ্গে সমস্ত ফার্মগেট এবং কাওরান বাজার এলাকায় আতঙ্কের সৃষ্টি হয়। ২ আগস্ট ঢাকার গেরিলাদের আর একটি দল 'গ্যানিস' এবং 'ভোগ' নামক দুটি বড় দোকানে থেনেড ছুঁড়ে দোকান দুটির ক্ষতি সাধন করে।

লে. ইমামুজ্জামানের রেকি পার্টি সংবাদ নিয়ে আসে, পাকসেনাদের দুটি জীপকে রেশন এবং গোলাবারুণ সরবরাহের জন্য বালিয়াজুরি ভাঙা ত্রীজের নিকট শক্ত অবস্থানের দিকে যেতে দেখা গেছে। লে. ইমামুজ্জামান তৎক্ষণাতে একটি প্লাটুন জীপ দুটিকে এ্যামবুশ করার জন্য হরিসর্দার-বলিয়াজুরি ত্রীজের নিকট পাঠিয়ে দেয়। প্লাটুনটি পাক অবস্থানের নিকট পৌছে অবস্থান নেয় এবং দেখতে পায় যে, জীপ দুটি রাস্তার উপর ত্রীজের নিকট দাঁড়িয়ে আছে। লে. ইমামুজ্জামানের প্লাটুনটি সঙ্গে সঙ্গে অবস্থান নিয়ে জীপের উপর রাইফেলের সাহায্যে শুলি চালাতে থাকে। সঙ্গে সঙ্গে পাকসেনাদের দু'জন নিহত হয়। একটি জীপ মৃত সঙ্গীদের নিয়ে দ্রুত ঘুরে পালিয়ে যায়। অন্য জীপটির উপর প্লাটুনটি শুলি চালাতে থাকে। পাকসেনারা রাস্তার পচিম পার্শ্বে অবস্থান নিয়ে আমাদের প্লাটুনটির উপর শুলি চালাতে থাকে তাদের শুলি ফুরিয়ে এলে তারা গাড়ি থেকে নামার চেষ্টা করে কিন্তু তাদের সে চেষ্টা ব্যর্থ হয়। এ আক্রমণের তাদের ৬ জন মারা যায়। পরে পাকসেনারা আমাদের এ্যামবুশ অবস্থানের উপর প্রচণ্ড গোলা ছুঁড়তে থাকে। বাধ্য হয়ে আমাদের প্লাটুনটি অবস্থান ত্যাগ করে। শক্রদের গাড়িটি বিধ্বন্ত হয়ে যায়। এরপর পাকসেনাদের একটি শক্রিশালী দল দুপুর দেড়টার সময়

আমাদের অবস্থানের দিকে অগ্রসর হয়। এই দলটি যখন আমাদের অগ্রবর্তী অবস্থানের নিকট পৌঁছে, তখন আমাদের সৈন্যরা পাকসেনাদের উপর আক্রমণ চালায়। প্রচণ্ড সংঘর্ষে ১০ জন পাকসেনা নিহত এবং আরও কয়েকজন আহত হয়। পাকসেনারা বাধ্য হয়ে তাদের আক্রমণ পরিত্যাগ করে ফেরত চলে যায়।

মেজর সালেক ১০ আগস্ট একটি প্লাটুন নিয়ে শালদা নদীর পশ্চিমে ব্রাক্ষণবাড়িয়া-কুমিল্লা সিএভিবি রাস্তার একটি শিল্পাই গ্রামে তার গোপন ঘাঁটি স্থাপন করে। পরদিন স্থানীয় লোকের নিকট খবর পায় যে, সিএভিবি রাস্তার উপর দিয়ে প্রতিদিন কুমিল্লা থেকে উজানিশ্বর পাক অবস্থানে ৩/৪টি জীপ যাতায়াত করে। এই সংবাদ পেয়ে মেজর সালেক পাকসেনাদের জন্য সিএভিবি রাস্তায় একটা এ্যামবুশ পাতে। সমস্ত দিন ও রাত অপেক্ষা করার পরও পাকসেনারা সেদিন আর আসেনি। বোঝা গেল যে, হয়তো বা তাদের কোন দালাল বা রাজাকার আগে থেকেই এ্যামবুশ সম্বন্ধে সতর্ক করে দিয়েছিল। অনেক অপেক্ষা করার পর রাস্তায় মাইন লাগিয়ে মেজর সালেকের দলটি তার ঘাঁটিতে রওয়ানা হয়। পথে রসূলপুর গ্রামের নিকট একটি রাজাকার ক্যাম্পে আক্রমণ চালায়। আক্রমণের সময় ক্যাম্পভবনের ভিতর বেশ কয়েকটি ছেনেড নিষ্কেপ করা হয়। এই আক্রমণের ফলে ২০ জন রাজাকার নিহত ও ৩০ জন বন্দি হয়। এরপর দলটি নিজেদের অবস্থানে নিরাপদে ফিরে আসে।

শালদা নদী, মন্দভাগ এবং এর চতুর্দিকে আমাদের সৈন্যরা পাকিস্তানিদের ওপর প্রায়ই আক্রমণ চালিয়ে যাচ্ছিল। পাকসেনাদের হতাহতের সংখ্যাও দিন দিন আরো বেড়ে যাচ্ছিল। আমাদের আক্রমণের ফলাফল সম্বন্ধে দুটি সঠিক বিবরণ গ্রামবাসী মারফত জানতে পাই। শালদা নদীর শক্র অবস্থানের উপর আমরা গোলন্দাজ বাহিনীর সহায়তায় গোলার আক্রমণ চালানোর ফলে আগস্টের দ্বিতীয় সপ্তাহে শক্রপক্ষের অন্তত ৬০ জন নিহত হয়। বাধ্য হয়ে শক্ররা স্টেশন ছেড়ে নয়নপুর গ্রাম, শালদা নদী গোডাউন ইত্যাদি এলাকায় অবস্থান তৈরি করে। মন্দভাগেও শক্র অবস্থানের ওপর আমাদের গোলার আক্রমণের ফলে পাকসেনাদের প্রায় ১৫০ জন হতাহত হয়। পাকসেনাদের ১টি ১২০ মি.মি. মর্টারের মারাঘক ক্ষতি সাধন করা হয়। সন্তুষ্ট পাকসেনারা বাধ্য হয়ে তাদের কামানের অবস্থান পিছু হাটিয়ে ব্রাক্ষণপাড়ায় নিয়ে যায়। আমাদের এ্যামবুশের ফলে শালদা নদীর রাস্তা পরিত্যাগ করে নাগাইশ হয়ে ব্রাক্ষণপাড়া থেকে একটি নতুন রাস্তা খোলার চেষ্টা করে। ১১ আগস্ট পাকসেনাদের একটি কোম্পানি এই নতুন রাস্তায় আসে। আসার পথে নাগাইশ গ্রাম থেকে একজন স্থানীয় লোককে পথপ্রদর্শক হিসেবে নিয়ে আসে। এই লোকটি পরে আমাদের জানায় যে পাকসেনাদের মনোবল একেবারেই ভেঙ্গে গেছে। নৌকাতে আসার সময় অনেক সৈন্যই সামনে অগ্রসরে অনিচ্ছা প্রকাশ করে। তাদের কমাভাররা অনেকভাবে তাদের উৎসাহিত করার চেষ্টা চালায়। এছাড়াও তাদের অনেককে চিন্তিত ও বিমর্শ দেখাচ্ছিল। তারা তাদের পুরানো দাঙ্গিক স্বভাব অনেকটা পরিত্যাগ করেছে। পাকসেনারা গ্রামবাসীদের সাথে মিশবার চেষ্টাও করছিল। শক্রদের এই নতুন রাস্তার খবর পেয়ে মেজর সালেক একটি প্লাটুন পাঠিয়ে দেয়। প্লাটুনটি নাগাইশ গ্রামে পাকসেনাদের রাস্তায় এ্যামবুশ পাতে। ১৫

আগস্ট সকাল ৮/৯ টার সময় পাকসেনাদের দুটি রসদ বোৰাই নৌকা ব্রাক্ষণপাড়া থেকে নারায়ণপুরের দিকে যাচ্ছিল। আমাদের প্লাটুনটি তাদের উপর অতর্কিতে আক্রমণ করে এবং ১১ জন পাকসেনাকে নিহত করে নৌকাগুলো ডুবিয়ে দেয়।

কিছুক্ষণ পরে পাকসেনাদের আরও তিনটি নৌকা শালদা নদী থেকে ব্রাক্ষণপাড়ার দিকে যাচ্ছিল। এই নৌকাগুলোকেও আমাদের এ্যামবুশ পার্টি শশিদল গ্রামের নিকট এ্যামবুশ করে এবং এতে ১০ জন পাকসেনা নিহত হয়। পরদিন পাকসেনাদের দুটি শক্তিশালী প্লাটুন আমাদের মুক্তিযোদ্ধাদের দমনে নাগাইশের দিকে অগ্রসর হয়। আমাদের প্লাটুনটি সংবাদ পেয়ে সুবেদার নজরুল ও নায়েব সুবেদার মুনিরের নেতৃত্বে পাকসেনাদের এই দলটিকে নাগাইশ পৌছার আগেই অতর্কিত আক্রমণ করে ২৫ জন পাকসেনাকে নিহত করে। পাকসেনারা পিছু হটে যায়। ১৭ আগস্ট ব্রাক্ষণপাড়ার এই নদীপথ খোলার জন্য পাকসেনাদের একটি বিরাট দল নদীর পাড় দিয়ে অগ্রসর হয়। এবং সঙ্গে সৈন্য বোৰাই তিনটি নৌকাও অগ্রসর হয়। পাকসেনাদের এই দলটিকে আমাদের সৈন্যরা আবার এ্যামবুশ করে। এ্যামবুশের ফলে নৌকার আরোহী ১৮ জন পাকসেনা নিহত হয়। পাকসেনাদের যে দলটি পাড় দিয়ে আসছিল, তাদের প্রবল চাপে বাধ্য হয়ে আমাদের সৈন্যরা পিছু হটে আসে। পাকসেনারা দুই/তিনবার এ্যামবুশে পড়ার পরও শালদা নদীর নাগাইশ-ব্রাক্ষণপাড়া যোগাযোগ পথ খোলার চেষ্টা চালিয়ে যেতে থাকে। এই খাল ছাড়া পিছন থেকে শালদা নদীতে সরবরাহের আর কোন রাস্তা ছিল না।

১৯ আগস্ট দুপুর ১২ টার সময় পাকসেনাদের তিনটি নৌকা শালদা নদী থেকে ব্রাক্ষণপাড়ার দিকে অগ্রসর হচ্ছিল। এই নৌকাগুলো যখন নাগাইশের নিকট পৌঁছে তখন আমাদের সৈন্যরা নৌকাগুলোর উপর আক্রমণ চালায়। পাকসেনারা পাল্টা গুলি চালিয়ে আমাদের আক্রমণ প্রতিহত করার চেষ্টা করে কিন্তু আমাদের সৈন্যদের তীব্র আক্রমণের মুখে তাদের দুটি নৌকা ডুবে যায় এবং ২০ জন নিহত হয়। পিছনের নৌকাটি দ্রুত পিছনে ফিরে পাড়ে পৌঁছায়। পাকসেনারা নৌকা থেকে নেমেই আমাদের সৈন্যদের ওপর আক্রমণের চেষ্টা করে। প্রায় চার ঘণ্টা উভয় পক্ষে গোলাগুলি চলার পর পাকসেনারা পিছু হটে যায়। ঐদিনই বেলা ১ টার সময় আমাদের কামানের গোলায় শালদা নদী গুদামে অবস্থিত পাকসেনাদের একটি বাংকার ধ্বংস হয়। ফলে আটজন পাকসেনা ঘটনাস্থলেই নিহত হয়।

মন্দভাগেও ৪ৰ্থ ইন্ট বেঙ্গলের 'সি' কোম্পানি অতর্কিত আক্রমণ চালিয়ে পাকসেনাদের চারটি বাংকার ধ্বংস করে দেয়। ফলে ১১ জন নিহত ও তিনজন আহত হয়। লে. ইমামুজ্জামান পাকবাহিনীর হরিসর্দার হাটের অবস্থানের উপর তার চাপ রেখে যাচ্ছিল। এই চাপের ফলে পাকসেনাদের মনোবল দ্রুত ভেঙে পড়ছিল। এই অবস্থানটিতে বারবার অতর্কিত আক্রমণ এবং এ্যামবুশ চালানোর ফলে পাকসেনারা আমাদের মুক্তিযোদ্ধাদের ভয়ে সব সময় সজাগ থাকতো।

শক্রদের এই অবস্থানটি মুক্ত করার জন্যে একটি পরিকল্পনা নেওয়া হয়। ভীতসন্ত্রস্ত পাকসেনাদের মনোবল সম্পূর্ণ ভেঙে দেয়ার জন্যে অবস্থানটির নিকটবর্তী

এলাকায় গুজব ছড়িয়ে দেওয়া হয় যে পাকসেনাদের এই অবস্থানটির ওপর মুক্তিবাহিনীর আক্রমণ অবশ্যিক্ত। ৪৮ ইষ্ট বেঙ্গলের রেজিমেন্ট আক্রমণ করার জন্য অতিসত্ত্ব হরিসর্দার হাটের দিকে উত্তর থেকে অগ্সর হচ্ছে এবং তাদের সঙ্গে বহু রাষ্ট্রের দেয়া অনেক কামানও আছে। এছাড়াও অনেক মুক্তিযোদ্ধা ও আক্রমণের জন্য একত্রিত হচ্ছে। এই ধরনের গুজব প্রায়ই পাকসেনাদের আমানগোণা অবস্থানের এলাকায় প্রচার করা হচ্ছিল। এর ফলে পাকসেনাদের মনোবলে আরও ভাঙ্গন ধরে। ১৪ আগস্ট আরও গুজব ছড়িয়ে দেয়া হয়ে যে, পাকিস্তানের স্বাধীনতা দিবসেই এই আক্রমণ চালানো হবে। ১৪ আগস্ট রাত ১০ টার সময় লে. ইমামুজ্জামানের কয়েকজন সিপাই আমানগোণার নিকটে গিয়ে ভেরিলাইট পিস্তল এবং দুই ইঞ্জিং মটরের সাহায্যে ইলুক্যামিনেটিং প্যারাস্যুট বোমা ছেঁড়া হয় এবং কয়েক রাউন্ড গুলি চালানো হয়। এর পরদিন আমানগোণা অবস্থানের নিকট পৌছে দেখা গেল যে পাকসেনারা সমস্ত প্রতিরক্ষা অবস্থান ছেড়ে রাতে ভয়ে পালিয়ে গেছে এবং এলাকাবাসী পাক সেনাদের পরিত্যক্ত জিনিসপত্র সংগ্রহ করছে।

এ ছাড়াও পরে আমরা আরো অনেক সূত্রে জানতে পারি যে, মুক্তিবাহিনীর সভাব্য আক্রমণ সম্বন্ধে পাকিস্তানিরা এত বেশি সন্দিহান এবং চিহ্নিত হয়ে পড়েছিল যে, ১৩ আগস্ট ঢাকা থেকে এক ব্যাটালিয়ন সৈন্য এবং চারটি লাইট ট্যাংক কুমিল্লাতে আনা হয়। এই ব্যাটালিয়নটি বানাসিয়া থেকে গাজীপুর পর্যন্ত রেললাইনের পাশে প্রতিরক্ষা অবস্থান তৈরি করে, দুটি ট্যাংক কুমিল্লা বিমানবন্দরের নিকট মোতায়েন করে এবং বাকিগুলো কুমিল্লা ক্যান্টনমেন্টে রাখা হয়। কুমিল্লার সামরিক প্রশাসক ব্রিগেডিয়ার মাসুদ ঘোষণা করেন যে, যদি কোনো বাঙালি সামরিক কর্তৃপক্ষের কাছে অভিযোগ করে যে মুক্তিবাহিনী তার বাড়ি জুলিয়ে দিয়েছে তবে তাকে সম্পূর্ণ ক্ষতিপূরণ দেয়া হবে। এইভাবে পাকবাহিনী তাদের দোষ মুক্তিবাহিনীর ওপর চাপাবার প্রচেষ্টা চালায় এবং এইসব অভিযোগকে তাদের প্রচারকাজের জন্য ব্যবহার করার চেষ্টা করে।

পাকসেনারা হোমনা থানায় একবার আক্রান্ত হবার পর এই থানাটিতে আবার পশ্চিম পাকিস্তানি পুলিশ এবং কিছুসংখ্যক পাকসেনা মোতায়ের করে শক্তিশালী করে তোলে। থানাটিতে পাকসেনাদের অবস্থান শক্তিশালী হবার পর হোমনা এলাকায় মুক্তিবাহিনীর পক্ষে তাদের কার্যকলাপ চালিয়ে যাওয়াতে বাধার সৃষ্টি হয়। এই এলাকা আবার মুক্ত করার জন্য হাবিলদার গিয়াস থানাটিকে আক্রমণ করার সিদ্ধান্ত নেয়। প্রথমে থানাটি প্রতিরক্ষা ব্যবস্থা সম্বন্ধে সম্পূর্ণ খবর সংগ্রহ করে। স্থানীয় গেরিলাদেরকে তার প্লাটুনের সঙ্গে একত্রিত করে। ১৫ আগস্ট রাত ১২ টার সময় আমাদের সম্মিলিত দলটি হোমনা থানার উপর অতর্কিত আক্রমণ করে। থানার ভিতরে অবস্থিত পুলিশ ও পাকসেনারা যথেষ্ট সাহসের সাথে আক্রমণ প্রতিহত করার চেষ্টা করে। কিন্তু দু'ঘণ্টা তুমুল যুদ্ধের পর তারা আত্মসমর্পণ করতে বাধ্য হয়। যুদ্ধে তাদের ১০ জন নিহত ও ১৪ জন বন্দি হয়। আমাদের দলটির দু'জন আহত হয়। থানাতে ২৪টি রাইফেল, দুটি বন্দুক, ১৬টি বেয়োনেট, একটি অয়ারলেস সেট, ২টি টেলিফোন সেট, ১০টি ফ্রেনেড ও দেড় হাজার গুলি আমাদের হস্তগত হয়। বন্দিদের থানা হেডকোয়ার্টারে পাঠিয়ে দেয়া

হয়। হোমনা থানার বিস্তৃত এলাকা আমাদের নিয়ন্ত্রণে আসে। আর দুই দিন পর হোমনা প্রতিনের খবর পেয়ে পাকসেনাদের তৃতীয় দল মুরাদনগর থেকে হোমনার দিকে নৌকায় অগ্রসর হয়। মুরাদনগরে অবস্থিত আমাদের গেরিলারা এই সংবাদ পেয়ে যায়। স্থানীয় গেরিলা কমান্ডার মুসলেউন্দিরের নেতৃত্বে দুপুর দু'টার সময় নদীর পাড়ে অগ্রসরমান পাকসেনাদের জন্য এ্যামবুশ পাতে।

মুরাদনগর থেকে ৮ মাইল দূরে সন্ধ্যা ৬ টার সময় পাকসেনাদের নৌকাগুলো এ্যামবুশে পড়ে যায়। আমাদের গেরিলাদের গুলিতে দুটি নৌকা ডুবে যায়। গোলাগুলিতে ১ জন ক্যাপ্টেনসহ ২৯ জন পাকসেনা এবং পাঁচজন রাজাকার নিহত হয়। আমাদের গেরিলারা তিনটি এলএমজি এবং দুটি বেল্ট বৰু (৫০০ গুলিসহ), ৫০০ চাইনিজ রাইফেলের গুলি এবং একটি ৩০৩ রাইফেল হস্তগত করে। অবশিষ্ট অস্ত্রশস্ত্র পানিতে ডুবে যাওয়ায় উদ্ধার করা সম্ভব হয়নি। কুমিল্লা থেকে তিন মাইল উত্তর-পূর্বে কংশনগরে পাকসেনারা আগস্ট মাসে তাদের একটি ঘাঁটি স্থাপন করে। এ ঘাঁটিতে পাকসেনাদের অন্তত এক কোম্পানি শক্তি ছিল। পাকসেনাদের এই নতুন ঘাঁটির সংবাদ ক্যাপ্টেন মাহবুবের নিকট পৌছে। তিনি একটি পেট্রোল পার্টি পাঠিয়ে এই ঘাঁটি সমন্বে বিস্তৃত খবর সংগ্রহ করেন। ১৬ আগস্ট সন্ধ্যা ৭ টায় লে. মাহবুবের নেতৃত্বে দুটি প্লাটুন শক্রঘাঁটির দিকে অগ্রসর হয়। রাত দু'টার সময় লে. মাহবুবের দলটি পাকসেনাদের ঘাঁটির উপর অতর্কিত আক্রমন চালায়। মুক্তিবাহিনীর সৈনিকরা পাক-ঘাঁটির ভিতরে অনুপ্রবেশ করে পাকসেনাদের হতচকিত করে দেয়। তুমুল সংঘর্ষে কিংবর্তব্যবিমৃঢ় পাকসেনাদের প্রচুর ক্ষয়ক্ষতি হয়। পাকসেনারা পর্যন্ত হয়ে তাদের ঘাঁটি ছেড়ে পালিয়ে যায়। আমাদের দলটি পলায়মান পাকসেনাদের খায়েশ বাজার এবং লক্ষ্মীপুর ঘাঁটি থেকেও হটে যেতে বাধ্য করে। সমস্ত রাতের সংঘর্ষে পাকসেনাদের একজন অফিসারসহ ৩০ জন হতাহত হয়। এরপর আমাদের দলটি নিরাপদে তাদের কেন্দ্রে ফিরে আসে।

এর তিনদিন পর কুমিল্লার একমাইল উত্তরে আমাদের আরও একটি দল পাকসেনাদের জন্য একটি এ্যামবুশ পেতে বসে থাকে। ২০ আগস্ট রাত ৮ টায় পাকসেনাদের একটি টহলদার প্লাটুন এই এ্যামবুশের আওতায় পড়ে যায়। পাকসেনাদের প্লাটুনটি যখন পুরোপুরি আমাদের এ্যামবুশ পার্টির সম্মুখে এসে যায় তখন আমাদের দলটি হালকা মেশিনগান এবং অন্যান্য অস্ত্রের সাহায্যে তাদের উপর গুলিবর্ষণ করে। পাকসেনারা অতর্কিত এই আক্রমণে হতচকিত হয়ে ছ্রত্বঙ্গ হয়ে পলায়ন করে। এই এ্যামবুশে ১১জন পাকসেনা নিহত এবং ৩ জন আহত হয়। আমাদের দলটি পাকসেনাদের ১টি MG1A3 মেশিনগান ও কয়েকটি G-III রাইফেল দখল করে।

পাকসেনাদের একটি শক্তিশালী দল জগন্নাথ দিঘীতে ঘাঁটি করেছিল। এই দলটি মাঝে মাঝে নিকটবর্তী চিয়োরা গ্রামে রাত্রিতে তাদের অবস্থান পরিবর্তন করতো। এই খবর আমরা পেয়ে যাই। ২৩ আগস্ট মেজর জাফর ইমাম এই দলটিকে আক্রমণ করার জন্য দুটি প্লাটুন নিয়ে চিয়োরা গ্রামের নিকট পাকসেনাদের অপেক্ষায় অবস্থান করে। রাত সাড়ে ১২ টায় জগন্নাথ দিঘী পাক অবস্থানের উপর মুক্তিযোদ্ধাদের একটি দল

আক্রমণ চালায়। একই সঙ্গে চিয়োরা গ্রামে অবস্থিত পাকসেনাদের উপর মেজর জাফর ইমামের নেতৃত্বে আক্রমণ চালানো হয়। এই আক্রমণের ফলে চিয়োরা গ্রামে অবস্থিত পাকসেনারা ছত্রভঙ্গ হয়ে যায় এবং ২৪ জন পাকসেনা আমাদের মুক্তিবাহিনীর হাতে নিহত হয়। কিছু শক্রসেনা আহত অবস্থায় পালিয়ে যেতে সক্ষম হয়। নয়নপুর রেল স্টেশনে পাকসেনাদের উপর ৪৩ ইঞ্চ বেঙ্গলের ‘এ’ কোম্পানি এবং ‘সি’ কোম্পানি তাদের চাপ আরো জোরদার করে। ২৩ আগস্ট সকাল ১১ টায় উক্ত কোম্পানি দুটি মিলিতভাবে স্টেশনের উত্তর এবং দক্ষিণ দিক থেকে মর্টার ও ১০৬-এমএম আরআর নিয়ে পাক অবস্থানের উপর সাঁড়াশী আক্রমণ চালায়। ১০৬ এমএম আরআর-এর আঘাতে পাকিস্তানিদের বেশ কঠিন শক্ত বাংকার বিধ্বস্ত হয়। স্টেশনের কিছু দূরে একটি গুদাম ছিল। তার ভিতরেও পাকসেনারা বাংকার বানিয়েছিল। গুদামটিতেও রকেট মারা হয়। ফলে গুদামে আগুন ধরে যায়। রকেটি-এর পর মর্টার এবং মেশিনগানের সাহায্যে শক্র অবস্থানের উপর প্রচণ্ড গোলাবর্ষণ করা হয়। এই আক্রমণ এত সফল হয়েছিল যে, শক্র অবস্থান থেকে ভীতসন্ত্বষ্ট আর্টিলারি এবং চিৎকার শোনা যাচ্ছিল। পাকিস্তানিরা আমাদের আক্রমণের জবাব দেবার সুযোগ পায়নি। শক্রদের প্রকৃত হতাহতের সংখ্যা সে সময়ে জানা যায়নি। পরে আমরা গ্রামবাসী সৃত্রে খবর পেয়েছি যে, পাকসেনাদের যথেষ্ট হতাহত হয়েছে।

নোয়াখালী এবং বিলোনিয়াতে আমাদের সৈনিকরা এবং গেরিলা দল পাকসেনাদের নাজেহাল করে তুলেছিল। ২২ আগস্ট পাকসেনাদের একটি দল সোনাগাজীর দিকে ট্রাকে অগ্রসর হচ্ছিল। আমাদের একটি দল রাস্তায় এন্টি-ট্যাংক মাইন পেতে ভোর ৫ টায় পাকসেনাদের দলটিকে এ্যামবুশ করে। মাইনের আঘাতে পাকসেনাদের তিনটি ট্রাক ধ্বংস হয় এবং সেই সঙ্গে তাদের ২০ জন সৈন্য নিহত হয়। এছাড়াও এ্যামবুশ পার্টির গুলিতে প্রায় ৪০ জন পাকসেনা এবং রাজাকার হতাহত হয়। প্রায় একঘণ্টা যুদ্ধের পর আমাদের দলটি অবস্থান পরিত্যাগ করে নিরাপদে ফিরে আসে। ঘটনার দু'দিন পর চৌদ্দগ্রামে এবং লাকসাম সড়কের উপর আমাদের গেরিলারা মাইন পুঁতে রাখে। পাকসেনাদের একটি ডিজ গাড়ি মাইনের আঘাতে বিধ্বস্ত হয়। গাড়িতে অবস্থানরত একজন অফিসার এবং একজন পাকসেনা নিহত হয়। একই সময় ফেনী থেকে একটি ট্রাক পাকসেনাসহ চৌদ্দগ্রামের দিকে আসছিল। আমাদের একজন গেরিলা ট্রাকের ভিতর একটি গ্রেনেড নিষ্কেপ করে। প্রায় ২৫ জন পাকসেনা হতাহত হয়। অপর পক্ষে পাকসেনাদের গুলিতে আমাদের একজন মুক্তিযোদ্ধা কমান্ডার শাহজাহান শহীদ হয় এবং একজন আহত হয়। একজন মুক্তিযোদ্ধা পাকসেনার হাতে ধরা পড়ে। গেরিলারা ফেনীর কাছে গুমদণ্ডী রেলওয়ে লাইন ডিমোলিশন দিয়ে উড়িয়ে দেয়। ফলে ফেনী এবং কুমিল্লার মধ্যে ট্রেন যোগাযোগ সাময়িকভাবে বিচ্ছিন্ন হয়ে যায়। ২১ আগস্ট সকাল সাড়ে ৭ টায় আমাদের একটি পেট্রোল পার্টি পাকসেনাদের একটি দলকে কুমিল্লার উত্তরে গাজীপুরে রেলওয়ে সেতুর দিকে অগ্রসর হতে দেখে। আমাদের পেট্রোল পার্টিটি পুলের নিকট এ্যামবুশ পেতে পাকসেনাদের জন্য অপেক্ষা করতে থাকে পাকসেনারা এ্যামবুশ অবস্থানটির মধ্যে এসে যায় এবং আমাদের মুক্তিযোদ্ধা দ্বারা

অতর্কিতভাবে আক্রান্ত হয়। এই আক্রমণে একজন লেফটেন্যান্টসহ ছ'জন পাকসেনা নিহত হয় এবং অবশিষ্ট পাকসেনারা পালিয়ে বাঁচে। বহু অন্তর্শস্ত্র এবং ম্যাপ আমাদের দখলে আসে। ৪৬ ইন্ট বেঙ্গলের 'সি' কোম্পানি আগষ্ট মাসের শেষের দিকে কুমিল্লার উত্তরে মন্দভাগ এবং সিএভি সড়কের উপর তাদের কার্যকলাপ জোরদার করে তোলে। ২৩ আগস্ট রাত ১ টায় ক্যাপ্টেন গাফফারের নেতৃত্বে দুটি প্লাটুন মন্দভাগ বাজারের উপর অতর্কিত আক্রমণ চালায়। আক্রমণের সময় আমাদের সৈনিকরা গ্রেনেড চার্জ করে পাকসেনাদের চারটি বাংকার ধ্বংস করে দেয়। এই আক্রমণে পাকসেনাদের অন্তত ২৫ জন নিহত এবং ১২ জন আহত হয়। আমাদের পক্ষে দু'জন মারাঘাকভাবে আহত এবং একজন শহীদ হয়। একঘণ্টা যুদ্ধের পর আমাদের যোদ্ধারা শক্র অবস্থান পরিত্যাগ করে নিরাপদে ফিরে আসে। ২৫ আগস্ট আমাদের একটি ডিমোলিশন পার্টি সিএভি সড়কের কালামোড়া সেতুতে প্রহরারত পাকসেনাদের আক্রমণ করে। এই আক্রমণের ফলে ৭ জন পাকসেনা ও রাজাকার অন্তর্শস্ত্রসহ আমাদের নিকট আঘাসমর্পণ করে। সেতুটিকে আমাদের দলটি উড়িয়ে দেয়। ঐদিন ভোর ৫ টায় পাকসেনাদের একটি জীপ দ্রুতগতিতে বিধ্বস্ত হয় এবং ঐ জীপের আরোহী তিনজন পাকসেনা নিহত হয়। আমাদের আরেকটি দল সিএভি রাস্তার উপর একটি এ্যামবুশ পেতে রাখে।

২৫ আগস্ট সকাল ৮ টার সময় পাকসেনাদের একটি ডজ গাড়ি এ্যামবুশের আওতায় এলে গাড়িটি ধ্বংস করে দেয়া হয় এবং ডজের আরোহী চারজন পাকসেনাকে (একজন হাবিলদার ও তিনজন সিপাই) বন্দি করা হয়। মুক্তিযোদ্ধারা এ যান থেকে ছ'টি রাইফেল, ২২৫ রাউন্ড গুলি, ২টি পিস্তল ও তৃতীয় গ্রেনেড হস্তগত করে। কুমিল্লার উত্তরে জামবাড়ি ও আম্বুতলী এলাকায় পাকসেনারা প্রায়ই টহল দিতে আসতো। পাকসেনাদের এই দলটিকে এ্যামবুশ করার জন্য পরিকল্পনা নেয়া হয়। ২৫ আগস্ট তারিখে আমাদের একটি প্লাটুন লে. দিদারুল আলমের নেতৃত্বে বিকেল ৪ টায় মর্টারসহ পাকসেনাদের টহল দেয়া রাস্তার পাশে এ্যামবুশ পেতে বসে থাকে। সন্ধ্যা ৬ টার সময় পাকসেনাদের একটি কোম্পানি গোমতী পার হয়ে জামবাড়ির দিকে অগ্রসর হয়। এ্যামবুশের নিকট পৌছানোর সঙ্গে সঙ্গে তাদের উপর প্রবলভাবে মর্টারের গুলিবর্ষণ করা হয়। পাকসেনারা এই আকস্মিক আক্রমণে ছ্রত্বঙ্গ হয়ে পালাবার চেষ্টা করে। কিন্তু আমাদের এ্যামবুশ পার্টি পলায়নপর শক্রসেনাদের উপর মেশিনগান এবং হালকা মেশিনগানের সাহায্যে তাদের প্রতি আক্রমণ চালায়। এই এ্যামবুশে ৩০ জন পাকসেনা নিহত এবং ১০ জন আহত হয়। অবশিষ্ট পাকসেনারা রাতের আঁধারে পালিয়ে যেতে সমর্থ হয়।

পাকসেনারা শালমা নদী এবং নয়নপুরে তাদের সরবরাহ নদীপথে পাঠাতো। তাদের এই নদীপথ বন্ধ করার জন্য প্রায়ই পাকসেনাদের অবস্থানের পেছনে আমাদের এ্যামবুশ পার্টি পাঠানো হতো। ২৩ আগস্ট আমাদের এ্যামবুশ পার্টি সেনেরবাজারে অবস্থান নিয়েছিল। সকাল ১১ টায় পাকসেনাদের একটা নৌকা সেনেরবাজারের পশ্চিম পাড় ঘেঁষে আসতে থাকে। আমাদের এ্যামবুশ পার্টি দ্রুত শক্র নৌকার উপর গুলিবর্ষণ শুরু করে। এতে ৭ জন পাকসেনা নিহত হয়, অবশিষ্ট সৈন্যরা নৌকাটিকে তাঢ়াতাড়ি পশ্চিম তীরে ভিড়িয়ে নৌকা থেকে নেমে গ্রামের দিকে পালিয়ে যায়। এই ঘটনার ৩ দিন

পর আমাদের আরেকটি টহলদার দল ব্রাক্ষণপাড়া গ্রামের নিকট পাকসেনাদের ৬টি নৌকা নয়নপুরের দিকে অগ্রসর হতে দেখে। প্রত্যেকটি নৌকায় ছয় থেকে আটজন করে পাকসেনা ছিল। টহলদার দলটি হাবিলদার সৈয়দ আলী আকবরের নেতৃত্বে সেনেরবাজারের নিকট নদীর পশ্চিম তীর এ্যামবুশ পেতে বসে থাকে। নৌকাগুলো যখন এ্যামবুশের আওতায় আসে তখন আমাদের মুক্তিযোদ্ধারা নৌকাগুলোর উপর মেশিনগানের সাহায্যে গুলিবর্ষণ শুরু করে। প্রথম নৌকাটি গুলির আঘাতে উল্টে যায় এবং তা জন পাকসেনা নিহত হয়। অবশিষ্ট তা জন আরোহী পানিতে ঝাপ দিয়ে উল্টে যাওয়া নৌকার আড়ালে আঘাতক্ষার চেষ্টা করে। অপর ৫টি নৌকা দ্রুতগতিতে নাগাইশ গ্রামের দিকে পালিয়ে যাবার চেষ্টা করে। আমাদের আরেকটি দল সুবেদার নজরগুল ইসলামের নেতৃত্বে পলায়নপর পাকসেনাদেরকে নাগাইশ গ্রামের কাছে আক্রমণ করে এবং তাদের ৩টি নৌকা ডুবিয়ে দেয়। এতে ১৮ জন পাকসেনা পানিতে ডুবে মারা যায়। শুধু ২টি নৌকা থেকে পাকসেনারা রক্ষা পায় এবং নয়নপুরের দিকে পলায়ন করে। এই সংঘর্ষে আমাদের ছাত্র গেরিলা আবদুল মতিন গুলিবিদ্ধ হয়ে শাহাদাত বরণ করে।

২৭ আগস্ট সকালে পাকসেনারা নয়নপুরের পশ্চিম পাশে শশীদল গ্রামের নিকট তাদের সৈন্য সমাবেশ করে সেনেরবাজারের দিকে অগ্রসর হয়। পাকসেনাদের এই দলটি যাঁরের গোলার সাহায্যে সেনেরবাজারের উপর প্রচও আক্রমণ চালায়। সমস্ত দিন মুক্তিযোদ্ধাদের সঙ্গে প্রচও গুলি বিনিময় হয়। সন্ধ্যা সাড়ে ৭ টার সময় আমাদের সেনারা পাকসেনাদের আক্রমণকে প্রতিহত করে। পাকসেনারা অগ্রসর হতে ব্যর্থ হয়ে পিছু হটে যায়। পরে জানা যায় যে, এই সংঘর্ষে ১৫ জন পাকসেনা নিহত হয়।

২৮ আগস্ট পাকবাহিনী ব্রাক্ষণপাড়া থেকে ৫টি নৌকায় শালদা নদী দিয়ে অগ্রসর হওয়ার পথে আবার আমাদের এ্যামবুশ পার্টি দ্বারা আক্রান্ত হয়। এই এ্যামবুশে আমাদের মুক্তিযোদ্ধারা শক্রসেনাদের ৫টি নৌকা ডুবিয়ে দেয়। এখানে একজন ক্যাপ্টেনসহ প্রায় ৩০ জন পাকসেনা হতাহত হয়। এর ফলে পাকসেনাদের জন্য নদীপথে অগ্রবর্তী ঘাঁটিগুলোতে সরবরাহ পুরোপুরিভাবে বন্ধ হয়ে যায়।

৪৮ ইন্ট বেঙ্গলের রেজিমেন্টের ‘এ’ কোম্পানির একটি টহলদার দল মাধবপুর এলাকার নিকট ২৭ আগস্ট তাদের গোপন বেস গড়ে তোলে। এখান থেকে পাকসেনাদের বিরুদ্ধে কার্যকলাপ চালিয়ে যাবার জন্য সিএভিবি সড়কে তাদের লোক পাঠায়। ২৮ তারিখে সকাল ৭ টায় খবর আসে যে, পাকসেনারা একটি জীপ ও ট্রাকে সিএভিবি সড়ক থেকে কাঁচা রাস্তায় মাধবপুরের দিকে ধ্রংসাঞ্চক কার্যকলাপ চালানোর জন্য এগিয়ে আসছে। আমাদের টহলদার দলটি এই সংবাদ পেয়ে মাধবপুর গ্রামের বাইরে কাঁচা রাস্তায় যে পথে পাকসেনারা অগ্রসর হচ্ছিল সেখানে একটি এ্যামবুশ পেতে বসে থাকে। এগারটার সময় পাকসেনাদের জীপ এবং ট্রাকটি এ্যামবুশের আওতায় আসে। আমাদের এ্যামবুশ পার্টি আক্রমণ চালিয়ে গাড়ি দুটির মারাঞ্চক ক্ষতিসাধন করে। এই এ্যামবুশে ৯ জন পাকসেনা নিহত এবং ৬ জন আহত হয়। কিছুসংখ্যক পাকসেনা পালিয়ে যেতে সমর্থ হয়।

আগস্ট মাসের শেষের দিকে কুমিল্লার দক্ষিণে আমাদের গেরিলারা তাদের কার্যকলাপ আরো জোরদার করে। ট্রেনিংপ্রাণ্ড একটি গেরিলা দল বরুড়াতে তাদের বেইস-এ যাওয়ার পথে পাকসেনা এবং রাজাকার দ্বারা আকস্মিকভাবে আক্রান্ত হয়। এই সংঘর্ষে একজন পাকসেনা নিহত এবং দু'জন আহত হয়। আমাদের একজন গেরিলা গুরুতররূপে আহত হয়। এই সময় ফরিদগঞ্জ, হাজীগঞ্জ, দাউদকালি, চাগোরা প্রভৃতি জায়গায় পাকসেনাদের সঙ্গে গেরিলাদের সংঘর্ষে ১৬ জন পাকসেনা নিহত হয়। এসব সংঘর্ষে ২০টি রাইফেল এবং প্রচুর গোলাবৰুণ আমাদের হস্তগত হয়। আগস্ট মাসের ২৯ তারিখে আমাদের মিয়ারবাজার সাব-সেন্টারে ব্ববর আসে যে, পাকসেনারা লাকসাম থানার বুটচি গ্রামে সন্ধ্যা ৭ টায় শান্তি কর্মসূচির একটি সভা করার প্রস্তুতি নিয়েছে। এই সংবাদ পেয়ে ক্যাপ্টেন ইমামুজ্জামান সভাটি পও করার জন্য এক প্লাটুন মুক্তিযোদ্ধা পাঠিয়ে দেয়। পাকসেনা এবং রাজাকাররা সভা শুরু করলে আমাদের প্লাটুনটি তাদের উপর অতর্কিত আক্রমণ চালায়। এই আক্রমণের ফলে ৮ জন পাকসেনা, ৯ জন পশ্চিম পাকিস্তানি পুলিশ এবং ২০ জন রাজাকার হতাহত হয়। শান্তি কর্মসূচির সভাটি আর অনুষ্ঠিত হতে পারেনি। আমাদের মুক্তিযোদ্ধারা নিরাপদে নিজেদের আশ্রয়ে ফিরে আসে।

২৫ আগস্ট সকাল ৯ টার সময় পাকসেনাদের একটি প্লাটুনকে ব্রাক্ষণগাড়া থেকে ধানদাইল গ্রামের দিকে অগ্রসর হতে দেখা যায়। আমাদের একটা পেট্রোল পার্টি দূর থেকে পাকসেনাদের অগ্রসর হতে দেখে ধানদাইল গ্রামে এ্যামবুশ পাতে। পাকসেনারা এ্যামবুশের ভিতর এসে গেলে তাদের উপর অতর্কিত আক্রমণ চালায়। এতে ১ জন ক্যাপ্টেন সহ ১০ জন পাকসেনা নিহত হয়। অবশিষ্ট সেনারা ছত্রাঙ্গ হয়ে পালিয়ে যায়। পরদিন আমাদের এই টহলদার দলটি উভয় নাগাইশ এবং ছেট নাগাইশ প্রামের মাঝে শালদা নদীর পাড়ে এ্যামবুশ পাতে। সকাল ৫ টায় আমাদের এ্যামবুশ দল পাকসেনাদের একটি টহলদার দলকে শালদা নদীর পূর্ব তীর ঘেঁষে অগ্রসর হতে দেখে। পাকসেনাদের এই দলটি তাদের কয়েকটি সরবরাহবাহী নৌকাকে নয়নপুর থেকে মন্দভাগের দিকে পাহারা দিয়ে নিয়ে যাচ্ছিল। এই দলটা আমাদের এ্যামবুশ পার্টির আওতায় আসার সঙ্গে সঙ্গে তাদের উপর আক্রমণ চালায়। সঙ্গে সঙ্গে দুটি নৌকা ধ্বংস এবং ১৪ জন লোক নিহত হয়। পাকসেনাদের অপর পাহারা দল আমাদের এ্যামবুশ পার্টির প্রতি পাল্টা শুলি চালায়। প্রায় একঘণ্টা উভয় পক্ষের মধ্যে গোলা বিনিময় চলতে থাকে। নয়নপুর থেকে আরো ২টি নৌকায় পাকসেনারা তাদের দলটিকে আরো শক্তিশালী করার জন্য অগ্রসর হয়। প্রথম নৌকাটি আমাদের শুলিতে ডুবে যায় এবং ৫ জন পাকসেনা নিহত হয়। অন্য উপায় না দেখে দ্বিতীয় নৌকার সৈন্যরা তীরে নেমে পালিয়ে যায়। এরপর পাকসেনারা সমস্ত দিন এবং রাত হরিমঙ্গল, শশীদল এবং সেনেরবাজারের দক্ষিণ-পশ্চিম দিক থেকে আমাদের সেনেরবাজার এবং গৌরাঙ্গল অবস্থানের উপর গোলাবর্ষণ করতে থাকে। পরের দিন সকাল ৯ টায় ৩০ জন পাকসেনা দুটি নৌকায় সেনেরবাজার অবস্থানের দিকে আক্রমণের জন্য অগ্রসর হয়। অগ্রসর হওয়ার পথে আমাদের মেশিনগানের শুলিতে ২টি নৌকাই ডুবে যায় এবং সকল পাকসেনাই নদীতে ডুবে মারা যায়।

আগস্ট মাসের শেষে ঢাকাতে আমাদের গেরিলাদের শক্তি ক্রমান্বয়ে বাড়তে থাকে। তারা পাকসেনাদের ঢাকায় ব্যতিব্যস্ত করে তোলে। পাকসেনারা প্রায়ই রাতে ঢাকা শহরে ট্রাকে করে টহল দিতে বেরুতে। টহল দেয়ার সময় অনেক ক্ষেত্রে শহরবাসীদের উপর জঘন্য অত্যচার চালাতো। পাকসেনাদের রাতের এই তৎপরতা সীমিত করার জন্য আমাদের গেরিলারা সিদ্ধান্ত গ্রহণ করে। যেসব রাস্তায় সাধারণত পাকসেনারা টহল দিতো গেরিলারা সেসব রাস্তার ওপর বেশ কয়েকদিন লক্ষ্য রাখে। কোন্ রাস্তায় কতটাৰ সময় কতগুলো গাড়ি কত গতিতে চলে, কত ব্যবধান দুই গাড়ির ভিতৱে বিৱাজ করে প্ৰতি সংবাদ তারা সংগ্ৰহ করে। ২৭ আগস্ট রাতে সাড়ে ১১ টায় গ্ৰীন রোডের (স্টাফ কোয়ার্টাৰের বিপৰীত দিকে) কতকগুলো নিৰ্মাণাধীন দোকানের ছাদে আমাদের গেরিলাদল এ্যামবুশ পেতে বসে থাকে। গেরিলারা রাস্তার উপর গাড়ি বিধ্বংসী মাইন পেতে রাখে। এৱেপৰ এ্যামবুশ পার্টি পাকসেনাদের জন্য অপেক্ষা কৰতে থাকে। রাত প্ৰায় সাড়ে বারোটায় পাকসেনাদের ৪/৫টি বেডফোর্ড গাড়ি এবং জীপ তেজগাঁৰ দিকে গ্ৰীন রোড হয়ে অগ্রসৰ হয়। প্ৰথম গাড়িটি যখন এ্যামবুশ অবস্থানের শেষপ্রান্তে পৌঁছে তখন একটি মাইন-এৰ আঘাতে গাড়িটি সম্পূৰ্ণভাৱে ধূংস হয়। দ্বিতীয় গাড়িটিৰ চালক এই অবস্থা দেখে হকচকিয়ে পাশ কাটাতে গিয়ে পাৰ্শ্ববৰ্তী দালানেৰ সঙ্গে ধাক্কা মাৰে, ফলে এই গাড়িটিও ক্ষতিগ্রস্ত হয়। এৱে পেছনে পেছনে পাকসেনাদেৱ আৱেকটি জীপ ঘটনাস্থলে উপস্থিত হলে মাইনেৱ আঘাতে সেটিও উল্টে যায়। যেসব পাকসেনা ক্ষতিগ্রস্ত গাড়িগুলোতে অক্ষত অবস্থায় ছিল তারা গাড়ি থেকে বেৱৰৰ চেষ্টা কৰে এবং শুলিবৰ্ষণ কৰতে থাকে। আমাদেৱ এ্যামবুশ পার্টিৰ গেরিলারা ছাদ থেকে তাদেৱ উপৰ ছেনেড আক্ৰমণ চালায় এবং শুলি ছুঁড়তে থাকে। এৱে ফলে অধিকাংশ পাকসেনা হতাহত হয়। পেছন থেকে আৱো একটি গাড়িতে পাকসেনারা ঘটনাস্থলেৰ দিকে অগ্রসৰ হয় এবং গাড়ি থেকে নেমে আমাদেৱ গেরিলাদেৱ উপৰ আক্ৰমণ চালাবাৰ চেষ্টা কৰে। আমাদেৱ গেরিলারাও তাদেৱ উপৰ পাল্টা আক্ৰমণ চালায়। পাকসেনাদেৱ হতাহতেৰ সংখ্যা যখন বাড়তে থাকে তখন কোনো উপায় না দেখে তাৱা ক্যান্টনমেন্টেৰ দিকে পালিয়ে যায়। গোলাগুলিৰ শব্দে স্থানীয় জনসাধাৰণ তাদেৱ বাড়ি থেকে বেৱিয়ে আসে। তাৱা ২৪ জন পাকসেনার মৃতদেহ ও ৪১ জনকে আহত অবস্থায় এবং দুটি বিধ্বংস ট্ৰাক এবং একটি জীপ রাস্তায় পড়ে থাকতে দেখে। আমাদেৱ পক্ষে দু'জন সামান্য আহত হয়। আমাদেৱ গেরিলারা কিছুসংখ্যক অন্তৰ্শক্তি নিয়ে গ্ৰীন রোডেৰ পিছন দিকেৰ নিচু জায়গা, দিয়ে নিৰাপদে চলে আসতে সক্ষম হয়। পৱেৱ দিন এই বওযুদ্ধ এবং পাকিস্তানিদেৱ দুৱস্থার কাহিনী হাজাৱ হাজাৱ মানুষ প্ৰত্যক্ষদৰ্শীদেৱ মুখে জানতে পাৰে। এই সংবাদ সমস্ত ঢাকায় মুহূৰ্তে ছড়িয়ে পড়ে। ফলে ঢাকা শহৱেৰ মুক্তিকাৰী জনগণেৱ মনে আশাৱ সঞ্চাৰ হয়। দু'দিন পৱে ঢাকাৱ গেৱিলারা উচ্চমাধ্যমিক পৱীক্ষা বন্ধ কৱাৱ জন্য নিউ মডেল ডিগ্ৰী কলেজে এবং আৱো কয়েকটি কলেজে আক্ৰমণ চালায়। তাৱা পৱীক্ষাৱ খাতাপত্ৰ জুলিয়ে দেয়। টঙ্গী এবং জয়দে৬পুৱেৱ মাঝে দুটি বিদ্যুতেৰ পাইলনও তাৱা উড়িয়ে দেয়। ২ সেপ্টেম্বৰ রাতে পাকিস্তানিদেৱ একটি জীপ যখন গ্ৰীন রোড দিয়ে যাচ্ছিল তখন আমাদেৱ কয়েকজন

মুক্তিযোদ্ধা জীপটির ভিতর প্রেনেড নিষ্কেপ করে চারজন পাকসেনাকে নিহত করে।  
প্রেনেড নিষ্কেপে জীপটির আংশিক ক্ষতি হয়।

এছাড়া ঢাকার গেরিলা দল পশ্চিম পাকিস্তানি একটি পুলিশের দলকে কলাবাগানের কাছে অতর্কিত আক্রমণ চালিয়ে দশজনকে নিহত করে। কালিগঞ্জ-ডেমরা এবং কালিগঞ্জ-টঙ্গীর মধ্যস্থিত বিদ্যুৎ সরবরাহ লাইনের চারটি পাইলন উড়িয়ে দেয়। আমাদের আরেকটি গেরিলা দল রূপগঞ্জের নিকট নদীর পাড়ে পাকসেনাদের যাতায়াতের রাস্তায় একটি এ্যাম্বুশ পেতে রাখে। ১ সেপ্টেম্বর বিকেল ৫ টায় কালিগঞ্জ থানার দারোগা, ৭০ জন পাকসেনা এবং ৭০ জন পশ্চিম পাকিস্তানি পুলিশ মুক্তিবাহিনীর সম্পর্কে তদন্তের জন্য ঢাকা থেকে কোনো দূরবর্তী ঘামে নৌকায়োগে যাচ্ছিল। নৌকাটি যখন এ্যাম্বুশের আওতায় পৌছে তখন গেরিলারা নৌকার উপর হালকা মেশিনগান দ্বারা শুলি চালায়। শুলিতে নৌকার আরোহী পাকসেনা, পশ্চিম পাকিস্তানি পুলিশ এবং দারোগা নিহত হয় এবং নৌকাটি ডুবে যায়। ঢাকার আজিমপুরে গেরিলারা অতর্কিতে একটি রাজাকার দলের উপর আক্রমণ চালিয়ে চারজন রাজাকারকে নিহত এবং ৪টি রাইফেল ও ৬০ রাউন্ড শুলি দখল করে। টঙ্গীতেও একটি রাজাকার ক্যাম্প দখল করে নেয়। ডেমরার নিকট আমাদের একটি গেরিলা দল ১৩ আগস্ট বিকাল ৩ টার সময় পাক বিমানবাহিনীর একটি জীপ এ্যাম্বুশ করে ধ্বংস করে দেয়। এ্যাম্বুশে ৪ জন বিমানবাহিনীর এবং সেনাবাহিনীর গোয়েন্দা সৈনিক নিহত হয়। তাদের কাছ থেকে অনেক কাগজপত্র, পরিচয়পত্র এবং কয়েকটি রিভলবার দখল করা হয়। দখলীকৃত কাগজপত্র আমাদের হেডকোয়ার্টার-এ গেরিলারা পাঠিয়ে দেয়।

আগস্ট মাসের শেষে পাকসেনাদের কোনো গুপ্তচর আমাদের ঢাকার গেরিলাদের ধোলাই খাল ধাঁটি সম্পর্কে পাকসেনাদের অবহিত করে। সংবাদ পেয়ে পাকসেনারা ২০/২৫টি ট্রাকে ধোলাই খালে আমাদের ধাঁটিটি আক্রমণের জন্য আসে। পাক সেনাদের অতর্কিত আক্রমণে আমাদের গেরিলারা কোনো উপায় না দেখে তাদের সঙ্গে সম্মুখসমরে লিপ্ত হয়। প্রায় দু'ঘণ্টা যুদ্ধ চলে। সংঘর্ষে পাকসেনাদের প্রায় ৪০/৪৫ জন হতাহত হয় বলে খবর পাওয়া যায়। অপরদিকে আমাদের দু'জন গেরিলা মারাত্মকভাবে আহত হয়। প্রবল চাপের মুখে টিকতে না পেরে আমাদের গেরিলারা সাঁতরিয়ে ধোলাইখাল পার হয়ে অবস্থান পরিত্যাগ করে। পিছু হটার সময় একটি ২ ইঞ্জিন মর্টার, ৩টি ম্যাগাজিন খালে ফেলে দিয়ে আসতে বাধ্য হয়। পরদিন পাকসেনারা সেগুলো উদ্ধার করে এবং তাদের প্রচারের কাজে ব্যবহার করে। এর পরদিন আমদের গেরিলারা সূত্রাপুর থানায় আক্রমণ চালিয়ে দু'জন পাকসেনাকে নিহত করে। সূত্রাপুরের সার্কেল ইঙ্গেল্সের এবং ওসি গুরুতরভাবে আহত হয়।

আগস্টের শেষের দিকে আমাদের ২/৩ জন গেরিলা ১ জন মেজর ও ২ জন ক্যাপ্টেনকে (পাক গোলন্দাজ বাহিনীর) একটি জীপে করে আজিমপুরের নিকট এসে জীপ থেমে নেমে দূরে কোনো এক বাড়িতে প্রবেশ করতে দেখে। কিছুক্ষণ পর সে বাড়ি থেকে চিৎকারের শব্দ ওনে আমাদের গেরিলারাও সেই বাড়িতে প্রবেশ করে। তারা বুঝতে পারে যে অফিসাররা ঐ বাড়ির মহিলাদের শুলিতাহনির চেষ্টা করছে। তৎক্ষণাৎ

গেরিলারা অফিসারদের লক্ষ্য করে গুলি চালিয়ে হত্যা করে। গেরিলারা পাক অফিসারদের মৃতদেহ দূরে অপেক্ষমান পাক জীপের মধ্যে রেখে দেয় এবং নিরাপদে সে স্থান পরিত্যাগ করে। পাক-পুলিশের একটি দলকে আমাদের ধানমণির গেরিলারা প্রতিদিন ধানমণী সাতমসজিদ রোড ও নিকটবর্তী রাস্তায় টহল দিতে দেখে। আমাদের গেরিলারা ২৫ আগস্ট সন্ধ্যা সাড়ে সাতটায় ১৮ নং রোডের মোড়ে একটি চলন্ত গাড়ি থেকে স্টেনগানের গুলি দ্বারা ৯ জন পুলিশকে গুলি করে হত্যা করে। গুলির শব্দ পেয়ে নিকটবর্তী টহলদারী পাকসেনারা জীপ নিয়ে গেরিলাদের পিছু ধাওয়া করে। গেরিলারা গাড়ি থেকে গুলি ছুঁড়ে জীপের ড্রাইভারকে নিহত করে। এ সময় দ্রুতগতিসম্পন্ন চলন্ত জীপটি আয়ত্তের বাইরে চলে যায় এবং পার্শ্ববর্তী দেয়ালে প্রচওভাবে ধাক্কা খেয়ে বিধ্বস্ত হয়। এর ফলে গাড়ির আরোহী ২ জন পাকসেনা নিহত এবং ৩ জন আহত হয়। এই গেরিলাদের নেতৃত্ব দেয় রুমী (শহীদ, বীরবিক্রম)। পাকসেনারা পরে রুমীকে হেফতার করতে সক্ষম হয় এবং তাকে নির্মতভাবে হত্যা করে। আগস্টের ২৯ তারিখে ছ'জনের একটি গেরিলা দল ঢাকার সায়েদাবাদ সেতুটি এক্সপ্রোসিভ লাগিয়ে উড়িয়ে দেয়। এর ফলে ঐ সেতু দিয়ে যানবাহন চলাচল বন্ধ হয়ে যায়। এ সময়ই গেরিলারা একটি বার্জে দু'শো মণ পাটসহ লতিফ বাওয়ানী জুটমিলে যাওয়ার পথে বার্জিটিকে ধ্বংস করে দেয়। বরাইদের নিকট আরো 'তিনশ' মণ পাট ফসফরাস বোমা ফেলে জুলিয়ে দেওয়া হয়। গেরিলারা নারায়ণগঞ্জের জিএমসি ঘাটে পাঁচ হাজার বেল বহনকারী কামচাম ফ্ল্যাটটি ডুবিয়ে দেয়। আরসিএম জুটমিলের শ্রমিক (আমাদের একজন গেরিলা) ফসফরাস ৮০ গ্রেনেড নিক্ষেপ করে আরসিএম মিলের গুদামস্থিত প্রায় একলাখ মণ পাট জুলিয়ে দেয়। পরে জানা যায় যে, দমকল বাহিনীর সাতটি গাড়ি ৩/৪ ঘণ্টা চেষ্টা করেও সেই জুলন্ত পাটের অগ্নিবিপন্নে ব্যর্থ হয়। ফলে সমস্ত পাট পুড়ে যায়।

৩০ আগস্ট আমাদের গেরিলারা আড়াই হাজার থানা অতর্কিত আক্রমণ করে থানার দারোগাকে নিহত করে। গেরিলারা থানার সমস্ত অস্ত্রশস্ত্র নিয়ে আসে। এর পরদিন গেরিলারা একজন পাক দালালের দু'লাখ টাকা মূল্যের সুতাবাহী নৌকা ডুবিয়ে দেয়। আমাদের আরেকটি গেরিলাদল শিবপুর থানা আক্রমণ করে থানা এবং রাজস্ব অফিস জুলিয়ে দেয়। তারা থানা থেকে ৮টি রাইফেল, ৫টি শর্টগান এবং ৪০ রাউন্ড গুলি দখল করে। এই খবর পেয়ে নরসিংহী থেকে পাকসেনাদের একটি কোম্পানি ঘটনাস্থলের দিকে অগ্রসর হয়। আমাদের গেরিলারা আগে থেকেই এর জন্য প্রস্তুত ছিল। পুটিঘরের নিকট আমাদের একটি গেরিলা দল পাকসেনাদেরকে আক্রমণের জন্য এ্যামবুশ পাতে। পাকসেনারা এ্যামবুশের ফাঁদে পড়লে গেরিলারা গুলি চালায়। চারঘণ্টা সংঘর্ষের পর ৩৩টি মৃতদেহ ফেলে পাকসেনারা ছত্রঙ্গ হয়ে নরসিংহীর দিকে পালিয়ে যায়। যুদ্ধে পাকসেনাদের পাঞ্জাব রেজিমেন্টের ক্যাপ্টেন সেলিমও নিহত হয়। মৃতদেহ থেকে পরিচয়পত্র ও অন্যান্য কাগজপত্র উদ্ধার এবং অনেক অস্ত্রশস্ত্র আমাদের গেরিলারা হস্তগত করে। গেরিলারা নরসিংহীর বিভিন্ন মিলে গ্রেনেড এবং মর্টারের সাহায্যে আক্রমণ চালিয়ে মিলের ভিতর সন্ত্রাসের সৃষ্টি করে। ফলে পাকসেনারা একে একে সব মিলগুলো বন্ধ করে দিতে বাধ্য হয়। পাকসেনাদের একটি দল ঝিনারদিতে

(ঘোড়াশালের নিকট) তাদের ক্যাম্প স্থাপন করে। আগস্ট মাসের ১৩ তারিখে দুপুর আড়াইটায় আমাদের একটি গেরিলাদল পাকসেনাদের এই ক্যাম্পটি অতর্কিতে আক্রমণ করে। আড়াই ঘণ্টা যুদ্ধের পর একজন পাকসেনা নিহত হয় এবং ১৫ জন গেরিলাদের নিকট আত্মসমর্পণ করে। সাতজন পাকসেনা পালিয়ে যেতে সমর্থ হয়। গেরিলারা জিনারদি রেল টেশনটিকে ধ্বংস করে দেয়। টেশনের টেলিফোন যোগাযোগের সেটটিও তারা ধ্বংস করে দেয়। টিকিট ও অন্যান্য কাগজপত্রও তারা জ্বালিয়ে দেয়। ক্যাম্প থেকে আমাদের গেরিলারা একটি হালকা মেশিনগান, ১১টি রাইফেল, হালকা মেশিনগানের ৪,৫০০ গুলি, ১টি স্টেনগান, ১০০ রাউন্ড স্টেনগানের গুলি, ১৪টি বেল্ট, ২৬ জোড়া বুট, ১৭ ব্যাগ আটা, ১১ পেটি দুধের টিন এবং আরো অন্যান্য জিনিসপত্র দখল করে এবং কয়েকদিন পর পাকসেনারা গোপন সূত্রে খবর পেয়ে আমাদের গেরিলা ইউনিট হেডকোয়ার্টারে দুর্দিক থেকে আক্রমণ করে। আমাদের গেরিলারা দুর্জয় সাহসের সঙ্গে তাদের সে আক্রমণের মোকাবিলা করে এবং আক্রমণ প্রতিহত করে। দুঃঘটা যুদ্ধের পর পাকসেনারা পিছু হটে যেতে বাধ্য হয়। ১৪ আগস্ট পাকসেনাদের একটি দল ঝিনারদি টেশনের কাছে একটি গ্রামে লুটতরাজের উদ্দেশ্যে আসে। এই খবর পেয়ে আমাদের একটি গেরিলা দল পাকসেনাদের উপর আক্রমণ চালায়। পাকসেনারা তিনঘণ্টা যুদ্ধের পর দুটি মৃতদেহ ও কয়েকটি আহত সেনাকে ফেলে নরসিংদীর দিকে পালিয়ে যায়। আমাদের গেরিলারা আহত পাকসেনাদেরকে পিছু ধাওয়া করে তাড়িয়ে নিয়ে যায়। এর দুর্দিন পর ১৬ আগস্ট আমাদের আরেকটি গেরিলা দল নরসিংদী-তারাবো সড়কে পাঁচদুনার নিকট একটি গুরুত্বপূর্ণ সেতুতে প্রহরারত পাকসেনাদের একটি দলের উপর অতর্কিত আক্রমণ চালায়। এই আক্রমণ প্রায় আধঘণ্টা চলে। আমাদের আক্রমণ প্রবল হওয়ায় আহত পাকসেনাদের বাঁচাও বাঁচাও চিৎকার শোনা যায়। এমন সময় চার ট্রাক পাকসেনা তাদের সাহায্যে সেখানে উপস্থিত হয়। পাকসেনারা ভারি অস্ত্রের সাহায্যে আমাদের গেরিলাদের আক্রমণ প্রতিহত করে। ভারি অস্ত্রের মোকাবিলা করতে না পেরে আমাদের গেরিলারা বাধ্য হয়ে পিছু হটে আসে। পাকসেনাদেরকে পাঁচটি মৃতদেহ উঠিয়ে নিয়ে যেতে দেখা যায়। পাকসেনারা নরসিংদীর নিকটস্থ আমাদের গেরিলা অবস্থানের খবর পেয়ে আগস্টের ২১ তারিখে প্রায় এক কোম্পানি শক্তি নিয়ে আমাদের অবস্থানের দিকে অগ্রসর হয়। পথিমধ্যে আমাদের একটি গেরিলা দল তাদেরকে অতর্কিতে আক্রমণ করে। প্রায় একঘণ্টা গোলাগুলির পর পাকসেনারা তাদের গোলাগুলি বন্ধ করে আমাদের অবস্থানের ২/৩ মাইল দূরে থাকতেই আর অগ্রসর না হয়ে পিছু হটে যায়।

আমাদের বিদ্যুৎ সরবরাহ বন্ধ করার প্রচেষ্টা চলতে থাকে। কিন্তু পাকসেনারাও খুব দ্রুত বিদ্যুৎ সরবরাহের লাইনগুলো যথাসম্ভব তাড়াতাড়ি মেরামত করে ফেলে। এর ফলে কিছুদিন বন্ধ থাকার পর শিল্প প্রতিষ্ঠানগুলো সীমিত পরিমাণে বিদ্যুৎ সরবরাহ পায়। পাকসেনাদের বিদ্যুৎ সরবরাহে আরো বিল্ল সৃষ্টির জন্য নতুন করে আরেকটি পরিকল্পনা নেয়া হয়। পরিকল্পনা অনুযায়ী তিতাস গ্যাসের পাইপ লাইনের নকশা যোগাড় করি এবং পরীক্ষা করে সিদ্ধান্তে পৌছি যে, গ্যাসের পাইপ কেটে দিলে সিদ্ধিরগঞ্জ এবং

ঘোড়াশালের বিদ্যুৎ সরবরাহ কেন্দ্রগুলো গ্যাসের অভাবে বন্ধ হয়ে যাবে। হানাদার কর্তৃপক্ষ এইসব বিদ্যুৎ সরবরাহ কেন্দ্র চালাবার ব্যবস্থা করলে তাদের তেলের সংকট দেখা দেবে। পাইপ লাইন উড়িয়ে দেবার জন্য নরসিংহী এবং ঝুপগঞ্জের গেরিলাদের নির্দেশ দেই। আমার নির্দেশ অনুযায়ী ২০ আগস্ট রাত ১ টায় নরসিংহী গেরিলা ইউনিটের ডিমোলিশন পার্টি তিতাস গ্যাস লাইন বারং লাগিয়ে উড়িয়ে দেয়। এই অপারেশন পুরোপুরি সফল হয়। বিক্ষেপণের ফলে প্রজুলিত অগ্নিশিখা প্রায় ১০ মাইল দূর থেকে যায় এবং ৬/৭ মাইল দূর থেকে বিক্ষেপণের বিকট শব্দ শোনা যায়। ঘোড়াশালের উত্তরে সমস্ত এলাকায় বিদ্যুৎ সরবরাহ বন্ধ হয়ে যায়। নরসিংহী, ঘোড়াশাল এবং পাঁচদোনাতে অবস্থানরত পাকসেনারা এই বিক্ষেপণের বিকট শব্দে ভীষণভাবে ভীতসন্ত্রস্ত হয়ে পড়ে এবং অনেকেই তাদের অস্ত্রশস্ত্র এবং জিনিসপত্র ফেলে ঢাকার দিকে পালিয়ে যেতে চেষ্টা করে। পরে স্থানীয় লোকজনের মুখে শোনা যায় যে, পাকসেনারা ধারণা করছিল ভারতীয় বিমান বোমা ফেলেছে। এর পরদিন আশুগঞ্জের নিকটও কয়েক জায়গাতে পাইপ লাইন উড়িয়ে দেয়া হয়। এই গ্যাসের পাইপ লাইন মেরামত করতে বেশ ক'দিন সময় লাগে। ততদিন শিল্প-কারখানাগুলো বন্ধ থাকে।

ঝুপগঞ্জের একটি গেরিলা দল ২২ আগস্ট রাতে নরসিংহী এবং ঝিনারদি রেলস্টেশনের মাঝে রেল লাইনের নিচে মাইন পুঁতে রাখে। রাতে একটি ট্রেন দুটি বগীসহ সেখান দিয়ে চলে যায়। ট্রেন এবং বগী দুটি চলে যাবার সাথে সাথেই মাইনটি বিক্ষেপিত হয়। এতে ট্রেনটির ক্ষতি না হলেও রেল লাইনের অনেকখানি ধ্বংস হয়। আমাদের বৈদ্যোবাজার থানার গেরিলা দল সোনারগাঁও এবং সিএন্ডবি রোডের অনেক জায়গায় মাইন পুঁতে রাখে। ১৬ আগস্ট রাতে পাকসেনাদের একটি ট্রাক মাইনের আঘাতে ধ্বংস হয় এবং সাথে সাথে ১১ জন পাকসেনা ও তিনজন রাজাকার নিহত হয়। ঢাকা-কুমিল্লা রাস্তায় ভাট্টেরচরের নিকটস্থ সড়কসেতুতে অবস্থানরত পাকিস্তানিদের ওপর আমাদের গেরিলারা ৩১ আগস্ট অতর্কিতে আক্রমণ চালায়। সংঘর্ষে কয়েকজন পাকসেনা এবং রাজাকার নিহত হয়। গেরিলারা সেতুটির ৬০ ফুট লম্বা স্প্যান উড়িয়ে দেয়। তার পরদিন রাতে ঢাকা-দাউদকান্দি সড়কে বাউসিয়া এবং ভবেরচর সেতুটি বিক্ষেপক লাগিয়ে উড়িয়ে দেওয়া হয়। ফলে ঢাকা-কুমিল্লা রাস্তা সম্পূর্ণরূপে বন্ধ হয়ে যায়। পাকসেনারা ভবেরচর সেতুর যোগাযোগ ব্যবস্থা পুনরুদ্ধার করার জন্য ফেরীর বন্দোবস্ত করে। সেপ্টেম্বরের ২ তারিখে আমাদের গেরিলারা ফেরীঘাট আক্রমণ করে এবং ফেরীটি ধ্বংস করে দেয়। এই আক্রমণে ফেরী থেকে চারটি ব্যাটারী মুক্তিযোদ্ধারা দখল করে নেয়।

নারায়ণগঞ্জ-দাউদকান্দি সড়কে গজারিয়াতে পাকসেনাদের একটি চেকপোস্ট ছিল। সেপ্টেম্বরের ২ তারিখে রাত ৮ টায় আমাদের গেরিলাদের একটি দল সেই চৌকিটি আক্রমণ করে। একঘণ্টা যুদ্ধে ৩ জন ইপিকাফ নিহত ও একজন বন্দি হয়। এখান থেকে ৫টি রাইফেল এবং ১৫০ রাউন্ড গুলি আমাদের গেরিলারা দখল করে। পরদিন ১০টি রাইফেল এবং ২০০ রাউন্ড গুলিসহ ১১ জন রাজাকার মুক্তিযোদ্ধাদের কাছে আত্মসমর্পণ করে।

ঢাকার মুসিগঞ্জ এবং মানিকগঞ্জ মহকুমার গেরিলারাও তাদের তৎপরতা বাড়িয়ে দেয়। গেরিলাদের একটি দল হরিরামপুর থানার নিকট পাকসেনাদের একটি লঞ্চ আক্রমণ করে। লঞ্চে পাকসেনারা হরিরামপুর অবস্থান থেকে তাদের সৈনিকদের জন্য রসদ নিয়ে যাচ্ছিল। একটো গোলাগুলির পর ১১ জন পাকসেনা নিহত এবং আরো অনেকে আহত হয়। পাকসেনারা আর অগ্সর হতে না পেরে লঞ্চ নিয়ে ঢাকার দিকে পালিয়ে যেতে বাধ্য হয়। এর পরদিন হরিরামপুর থানার সেকেন্ড অফিসার এবং কয়েকজন পাকিস্তানি পুলিশ আমাদের গেরিলাদের দ্বারা আক্রান্ত হয়। পুলিশদের নিহত করে আমাদের গেরিলারা ৩টি রাইফেল দখল করে নেয়। ঘিরে থানাতেও পাকসেনাদের একটি টহলদারী দলের উপর আমাদের গেরিলারা আক্রমণ চালিয়ে ৮ জন নিহত করে এবং ৮টি রাইফেল দখল করে। সেপ্টেম্বর মাসের ১ তারিখে নওয়াবগঞ্জ থানা আমাদের গেরিলারা আক্রমণ করে। এই আক্রমণে সেখানকার সমস্ত অন্তর্শস্ত্র গেরিলাদের হস্তগত হয়। আগস্ট মাসের শেষ সপ্তাহে আমাদের গেরিলারা লৌহজং, শিবালয়, সিরাজুদ্দীনখান এবং শ্রীনগর থানাগুলোতে অতর্কিত আক্রমণ চালিয়ে পাক পুলিশ হত্যা করে এবং প্রচুর অন্তর্শস্ত্র দখল করে। সেপ্টেম্বরের প্রথম সপ্তাহে শিবালয় থানার গেরিলা দল পাকসেনাদের একটি প্লাটুনকে টহল দেয়ার সময় এ্যামবুশ করে। এই এ্যামবুশে ১৩ জন পাকসেনা নিহত এবং আরো অনেকে আহত হয়। পাকসেনারা ঢাকা থেকে আরো সৈন্য এনে শিবালয়ে আমাদের গেরিলা দলটির ঘাঁটিতে ১৭ সেপ্টেম্বর আক্রমণ চালায়। কয়েক ঘণ্টা যুদ্ধের পর আমাদের গেরিলা পাকসেনাদের পিছু হটিয়ে দিতে সক্ষম হয়। যুদ্ধে ১০ জন পাকসেনা এবং ১১ জন রাজাকার নিহত হয়।

১৯ সেপ্টেম্বর আমাদের গেরিলারা মালোচিন বাজারে অবস্থানরত পাক পুলিশের একটি দলকে আক্রমণ করে ১৯ জন পাক পুলিশকে নিহত এবং ৩ জনকে আহত করে। ঘোড়াশালের গেরিলা দল ৯ আগস্ট রাতে আড়াইহাজার থানার নিকটে পুরিন্দা বিদ্যুৎ সরবরাহ সাবস্টেশনে আক্রমণ চালায়। এই ঘটনার দুই দিন পর সিঙ্কেশ্বরী-ঘোড়াশালের বিদ্যুৎ সরবরাহ লাইনের ক্ষতিসাধন করে। গেরিলা দল মাশরেকী জুট মিলস লিমিটেডের বিদ্যুৎ সরবরাহ সাবস্টেশনটিও ধ্বংস করে দেয়। ফলে ঐ এলাকার বিদ্যুৎ সরবরাহ বন্ধ হয়ে যাওয়ায় কলকারখানাগুলো সাময়িকভাবে বন্ধ হয়ে যায়। আমাদের গেরিলারা ক্লিপগঞ্জের নিকট যে গ্যাস লাইন ধ্বংস করে দিয়েছিল পাকসেনারা পশ্চিম পাকিস্তানি প্রকৌশলীদের দ্বারা তা মেরামত করে নেয়। এই সংবাদ আমার হেডকোয়ার্টারে যথাসময়ে পৌঁছে। এই গ্যাস লাইনকে পুনরায় ধ্বংস করার জন্য একটি পরিকল্পনা গ্রহণ করি। পরিকল্পনা অনুযায়ী ঘোড়াশালের নিকট গ্যাসলাইনটি নদীর মাঝে ক্ষতি করার জন্য নির্দেশ দেই। ঘোড়াশালের নিকট গ্যাসলাইনটি মেঘনা নদীর মাঝ দিয়ে গেছে। নির্দেশ অনুযায়ী গেরিলারা লাইনটির পথ গোপনে অনুস্কান করে। ৯ সেপ্টেম্বর রাতে নৌকার সাহায্যে নদীর মাঝামাঝি জায়গায় যায় এবং প্রায় ১৫/২০ ফুট পানির নিচে অবস্থিত গ্যাস পাইপে ডিমোলিশন দ্বারা ‘ডিলে সুইচ’ (বিলম্বে কার্যকরী সুইচ)-এর সাহায্যে পাইপটি উড়িয়ে দেয়। ফলে গ্যাস পাইপের ভিতর পানি চুকে যায়। এতে গ্যাস সরবরাহ অনেক দিনের জন্য বন্ধ হয়ে যায়। আড়াইহাজার থানার

গেরিলারা জানতে পারে যে, পাকসেনারা কামানদি চরে তাদের একটি ঘাঁটি স্থাপন করেছে এবং স্থানীয় লোকদের উপর অত্যাচার চালিয়ে যাচ্ছে। তারা আরও জানতে পারে যে, পাকসেনারা নিকটস্থ গ্রাম থেকে মেয়েদের তাদের ক্যাম্প ধরে নিয়ে অত্যাচার চালাচ্ছে। এই সংবাদ পেয়ে ২৯ জন গেরিলার একটি দল ১১ সেপ্টেম্বর সন্ধ্যায় পাকসেনাদের ঘাঁটি আক্রমণ করে। ৩/৪ ঘণ্টা যুদ্ধের পর পাঁচজন পাকসেনা এবং ৬ জন রাজাকার নিহত হয়। অবশিষ্ট পাকসেনারা ক্যাম্প ছেড়ে পালিয়ে যায়। গেরিলারা ক্যাম্প থেকে মেয়েদেরকে উদ্ধার করে তাদের স্ব বাড়িতে পৌছিয়ে দেয়।

পাকসেনারা সিরাজদীখান থানার আবদুস সালাম নামক আমাদের একজন গেরিলাকে ছেফতার করে তালতলা ক্যাম্পে নিয়ে যায়। স্থানীয় প্রায় ৫০ জন গেরিলার একটি দল পরদিন রাত সাড়ে আটটায় এই ক্যাম্পটির উপর আক্রমণ চালায়। তারা প্রায় তিনঘণ্টা যুদ্ধের পর একজন পাকিস্তানি সুবেদার মেজরসহ কিছু সংখ্যক পাকসেনা, পাকপুলিশ ও রাজাকারকে হতাহত করে আবদুস সালামকে উদ্ধার করে আনে। এই ঘটনার একদিন পর নওয়াবগঞ্জ থানার গেরিলারা একটি লঞ্চকে (এমএল পয়েন্টার) পাকসেনা বহন করে নওয়াবগঞ্জের দিকে অগ্রসর হতে দেখে। ২৪ সেপ্টেম্বর সন্ধ্যা ৬ টার সময় লঞ্চটি যখন গালিমপুরের নিকট পৌঁছে তখন আমাদের গেরিলারা লঞ্চটির উপর অতর্কিতে আক্রমণ করে। এই আক্রমণের ফলে প্রথমেই পাকসেনাদের কিছু লোক হতাহত হয়। পাকসেনারা লঞ্চটিকে পিছু হচ্ছিয়ে পাড়ে অবতরণের চেষ্টা করে। আমাদের গেরিলারা আবার তাদের উপর আক্রমণ চালায়। যুদ্ধ ২৫ তারিখ দুপুর পর্যন্ত চলে। শেষ পর্যন্ত আমাদের গেরিলারা পাক সেনাদেরকে সম্পূর্ণরূপে পর্যন্ত করতে সক্ষম হয়। যুদ্ধে পিএসএস ৯১৩৩ ক্যাপ্টেন জাফর আলী খান, সুবেদার আবদুল্লাহ, ৪৪ জন পাকসেনা এবং একজন বাঙালি পথপ্রদর্শক পুলিশ নিহত হয়। লঞ্চটিকে পরে ডুবিয়ে দেয়া হয়। আমাদের দু'জন গেরিলা আবদুর রহিম এবং মুহম্মদ আলী শহীদ হন; এই খবর পেয়ে পাকসেনারা আরেকটি লঞ্চে করে বড় খাল দিয়ে নওয়াবগঞ্জের দিকে অগ্রসর হয়। আমাদের গেরিলাদের ৪০ জনের আরেকটি দল পাকসেনাদের লঞ্চটিকে ২৬ সেপ্টেম্বর সকাল সাড়ে ৭ টার সময় অতর্কিতে আক্রমণ করে। অতর্কিত আক্রমণের ফলে ৩ জন পাকসেনা নিহত এবং ৮ জন আহত হয়। পাকসেনারা লঞ্চটির দিক পরিবর্তন করে দ্রুত নাগালের বাইরে চলে যায়। ২৭ সেপ্টেম্বর দুপুর ১ টায় পাকসেনাদের একটি শক্তিশালী দল নওয়াবগঞ্জের দিকে আবার অগ্রসর হওয়ার চেষ্টা করে। এই সংবাদ নওয়াবগঞ্জের গেরিলা হেডকোয়ার্টারে পৌঁছার সঙ্গে সঙ্গে আমাদের ৫০ জনের একটি শক্তিশালী দল গালিমপুরের নিকট পাকসেনাদের জন্য এ্যামবুশ পেতে অপেক্ষা করতে থাকে। পাকসেনারা গালিমপুরে এ্যামবুশের আওয়াতায় পড়ার সঙ্গে সঙ্গে গেরিলারা তাদের উপর আক্রমণ চালায়। আক্রমণে একজন ক্যাপ্টেনসহ ৩৫ জন পাকসেনা নিহত এবং অনেকে আহত হয়। অবশিষ্ট পাকসেনারা ছত্রতঙ্গ হয়ে তাদের কিছু আহত লোককে নিয়ে পালিয়ে যায়। আমাদের গেরিলারা একটি এলএমজি, ঢটি স্টেনগান, প্রচুর গুলি ও বেশকিছু রাইফেল দখল করে। এর দু'দিন পর পাকসেনারা আরো শক্তিশালী হয়ে বড় খাল এবং আড়িয়াল বিল দিয়ে আবার অগ্রসর হবার চেষ্টা

করলে আমাদের গেরিলারা অতর্কিতে আক্রমণ করে। গেরিলারা তাদের এই চেষ্টাকেও ব্যর্থ করে দেয়। প্রায় তিনদিন ধরে পাকসেনারা অগ্রসরের চেষ্টা চালিয়ে যায়। কিন্তু আমাদের গেরিলারা তাদের প্রতিবারের চেষ্টাকেই ব্যর্থ করে দেয়। তিনদিনের মুক্তি ২০ জন পাকসেনা নিহত এবং ৩০ জন আহত হয়। অপরপক্ষে আমাদের একজন শহীদ এবং কিছুসংখ্যক গেরিলা আহত হয়। অঙ্গোবরের প্রথম তারিখ পর্যন্ত নওয়াবগঞ্জের সম্পূর্ণ এলাকা শক্রমুক্ত হয় এবং মুক্তিবাহিনীর সম্পূর্ণ আয়ত্তে আসে। দোহার থানার পাকসেনারাও আমাদের মুক্তিযোদ্ধাদের চাপে দুর্বল হয়ে পড়ে। ২৭ সেপ্টেম্বর পাকসেনাদের একটি দল মাগুলা বাজার থেকে তাদের রসদ নিয়ে দোহার থানার ক্যাম্পে যাবার পথে আমাদের গেরিলাদের দ্বারা আক্রান্ত হয়। আক্রমণে ১৪ জন পাকসেনা নিহত এবং ৮ জন আহত হয়। পাকসেনাদের সমন্ত রসদ মুক্তিবাহিনীর দখলে আসে। এরপর দোহার থানার পাকসেনাদের ক্যাম্পের সৈনিকরা ভীতসন্ত্বষ্ট হয়ে পড়ে এবং ক্যাম্পের বাইরে আসা বন্ধ করে দেয়।

২৪ সেপ্টেম্বর লৌহজং থেকে নারায়ণগঞ্জগামী ১৮ হাজার মণ পাটবাহী একটি জাহাজ পদ্মা নদীতে ডুবিয়ে দেয়া হয়। অঙ্গোবর মাসে পাকিস্তানিরা আবার ঢাকাতে শাস্তির পরিবেশ ফিরিয়ে আনার চেষ্টা করে এবং ঢাকা শহরের নিরাপত্তা ব্যবস্থা আরও জোরদার করে তোলে। পাক সামরিক জাত্তা সঙ্গে সঙ্গে স্থানীয় জনসাধারণের মধ্যে স্বাভাবিক অবস্থা ফিরিয়ে আনার জন্য বাণিজ্য এবং শিল্প ক্ষেত্রকে উৎসাহিত করে তোলার চেষ্টা করে। এ সময় আমরা ভবিষ্যতে ব্যাপক আক্রমণের জন্য প্রস্তুতি নিছিলাম। ফলে ঢাকা শহরে আমাদের গেরিলাদের কার্যকলাপও কিছুটা শিথিল করে দেয়া হয়েছিল। কিন্তু হানাদার বাহিনীর স্বাভাবিকীকরণের প্রচেষ্টার খবর পেয়ে আমরা আমাদের হেডকোয়ার্টার থেকে একটি গেরিলা দলকে একটি বিশেষ মিশনে প্রেরণ করি। আমাদের পরিকল্পনা অনুযায়ী গেরিলাদল একটি গাড়ির পেছনে ২৫ পাউন্ড এক্সপ্লোসিভ নিয়ে গাড়িটিকে তদানীন্তন ইপিআইডিসি এবং হাবিব ব্যাংকের সামনে পার্ক করে রাখে।

সে সময় এই ব্যাংকে যথেষ্ট পরিমাণ পাকিস্তানি ব্যবসায়ীর আনাগোনা ছিল। এছাড়াও এই ব্যাংকটি পাকিস্তানিদের বাংলাদেশ থেকে পাকিস্তানে অর্থ পাচারে সাহায্য করছিল। গেরিলারা দুপুর সাড়ে ১১ টার দিকে গাড়িতে ভর্তি বিক্ষেপণের বিক্ষেপণ ঘটায়। ফলে এই গাড়ির পার্শ্ববর্তী পার্ক করা ১০/১২টি গাড়ি ধ্বংস হয় এবং হাবিব ব্যাংকের বেশ ক্ষতি হয়। বিক্ষেপণে প্রায় ২৫ পাকিস্তানি ব্যবসায়ী আহত হয়। বিক্ষেপণের বিকট শব্দে এবং ধ্বংস দেখে মতিঝিল বাণিজ্যিক এলাকায় সমন্ত জনতা ছুটে পালায় এবং সকল ব্যবসাকেন্দ্র বন্ধ হয়ে যায়। ফলে অন্ন সময়ের মধ্যেই গোটা এলাকা জনশূন্য হয়ে পড়ে। পাকিস্তানি ব্যবসায়ী মহলের মধ্যেও একটা আতঙ্কের সৃষ্টি হয়। পাকিস্তান রেডিও'র ঢাকা কেন্দ্র থেকে এই বিক্ষেপণের ঘটনা স্বীকার করা হয়। হেডকোয়ার্টার থেকে ২ টি ৮১ মি.মি. মটরসহ একটি ডিটাচমেন্ট ঢাকাতে পাঠাতে হয়। এই ডিটাচমেন্টকে ঢাকা বিমান বন্দর এবং ক্যান্টনমেন্ট এলাকায় পাকসেনাদের ওপর এবং পাকিস্তানি বিমান বাহিনীর ঘাঁটির উপর শেল নিষ্কেপ করার নির্দেশ দিয়ে

পাঠানো হয়। আমাদের এই দলটি হেডকোয়ার্টার থেকে ঢাকার পূর্বে এসে তাদের বেইস স্থাপন করে। এরপর একটি ছোট রেকি দল বিমানবন্দর ও ক্যান্টনমেন্টের চতুর্দিকে ৩/৪ দিন অনুসন্ধান চালায়। এই সময়ে পাকসেনারা বিমান বন্দর এবং ক্যান্টনমেন্টের নিরাপত্তার জন্য পার্শ্ববর্তী এলাকায় বাংকার তৈরি করে এবং টহল দিয়ে আমাদেরকে দূরে রাখার চেষ্টা করে। যেহেতু মর্টারের শেল ঢার হাজার গজ দূরত্বের বেশি নিষ্কেপ করা যায় না এবং মর্টার ফায়ার করার সময় ফ্লাশ এবং মর্টার পজিশন থেকে শব্দ শুনে পাকিস্তানি টহলদারী সৈনিকরা এর অবস্থান খুঁজে বের করতে পারে সেহেতু অনুসন্ধান চালবার পর আমাদের দলটি বাড়োর নিকট থেকে ৯ অক্টোবর রাত ১ টা ৪০ মিনিটের সময় মর্টারের গোলা নিষ্কেপ শুরু করে। ৬টি গোলা ঢাকা ক্যান্টনমেন্টের একটি লাইনের মধ্যে পড়ে। এতে ১৪ জন পাকসেনা নিহত হয়। কয়েকটি গোলা বিমানবন্দরের নিকট পড়ে কিন্তু কোনো এয়ারক্রাফ্ট-এর ক্ষতি সাধিত হয়নি। আরো কয়েকটি গোলা পাক টোবাকে কোম্পানির ফ্যাট্রীতে পড়ে। এতে ফ্যাট্রীর বেশ ক্ষতি হয়। কয়েকটি গোলা মহাখালী হাসপাতালের নিকটে রাস্তায় পড়ে। এই অতর্কিত মর্টার আক্রমণের ফলে ঢাকা ক্যান্টনমেন্টে আতঙ্কের সৃষ্টি হয়। পরে আমাদের কাছে খবর পৌঁছে যে, পাকিস্তানিরা ভেবেছিল মুক্তিবাহিনী ঢাকা ক্যান্টনমেন্ট আক্রমণ করেছে। সঙ্গে সঙ্গে ঢাকা ক্যান্টনমেন্টের সমস্ত পাকসেনারা চতুর্দিকে দ্রুত বেরিয়ে পড়ে—স্বয়ংক্রিয় অন্ত্র এবং ট্যাংকসহ গুলশান এবং ক্যান্টনমেন্ট এলাকায় সমস্ত রাত পাগলের মতো ছুটাছুটি করতে থাকে এবং সারারাত গোলাগুলি চালায়। আমাদের দলটি আরো কয়েকটি গোলা নিষ্কেপ করে পাকসেনাদেরকে আরো ব্যতিব্যস্ত করে সেখান থেকে সরে পড়ে।

১১ অক্টোবর দুপুর ১২ টার সময় আমাদের গেরিলারা তিতাস গ্যাস পাইপ লাইন আবার বিস্ফোরক দিয়ে উড়িয়ে দেয়। ফলে ঢাকার গ্যাস সরবরাহ পুনরায় বন্ধ হয়ে যায়।

পাকসেনাদের একটি শক্তিশালী দল পিলখানাতে অবস্থান করছিল। পিলখানার পাশের রাস্তা দিয়ে নিউ মার্কেটের দিকে পাকসেনাদের অনেক গাড়ি যাতায়াত করতো। আমাদের আজিমপুরের গেরিলা দল সেই রাস্তায় মাইন পুঁতে রাখে। ১৬ অক্টোবর রাত সাড়ে ৯ টায় পাকসেনাদের একটি জীপ এই রাস্তায় টহল দেবার সময় মাইনের আঘাতে সম্পূর্ণ ধ্বংস হয় এবং সঙ্গে সঙ্গে ৪ জন পাকসেনা নিহত এবং ২ জন গুরুতর রুপে আহত হয়। এর একদিন পর ২ জন পাক পুলিশ মিরপুর রোডে টহল দেবার সময় ধানমন্ডির নিকট আমাদের গেরিলাদের হাতে নিহত হয়।

ঢাকা শহরে মুক্তিবাহিনীর তৎপরতা এবং পাকসেনাদের নাজুক অবস্থা বিদেশি সংবাদ সংস্থাগুলো থেকেও ব্যাপক প্রচার করা হয়। এছাড়া এসব খবর ভয়েস অব আমেরিকা এবং বিবিসি থেকেও প্রচারিত হয়। ফলে হানাদার অধিকৃত এলাকার জনগণের মনেও মুক্তিসংগ্রামের সাফল্য সম্পর্কে নতুন আশার সৃষ্টি হয়।

৩০ আগস্ট পাকসেনাদের একটি শক্তিশালী দল শালদা নদীর দক্ষিণ প্রান্তে সমবেত হয় এবং বিধ্বস্ত রেলওয়ে সেতুর উপর বাংকার তৈরি করার প্রস্তুতি নেয়। আমাদের

একটি পেট্রোল পার্টি তাদের উপর গুলি চালিয়ে বেশকিছু পাকসেনাকে হতাহত করে। পাকসেনারা পিছু হটে যায়। পরদিন সকাল ৮ টায় পাকসেনারা অঘসর হয়ে আবার বাংকার তৈরি করার চেষ্টা করে। আমাদের মুক্তিযোদ্ধারা তাদের ওপর পুনরায় আক্রমণ চালায়। আক্রমণে ৬ জন পাকসেনা নিহত এবং আরো অনেক হতাহত করে। এরপর পাকসেনারা তাদের গোলন্দাজ বাহিনীর সহায়তায় পালিয়ে যেতে সমর্থ হয়। পাকসেনাদের ব্রাক্ষণপাড়ায় অবস্থিত কামানগুলো এরপর ৪ৰ্থ ইন্ট বেঙ্গলের 'এ' কোম্পানির অবস্থানের উপর ব্যাপকভাবে গোলাবর্ষণ করতে থাকে। এতে আমাদের একজন সৈনিক শহীদ এবং ২/৩ জন আহত হয়। পাকসেনাদের ওপর চাপ সৃষ্টির জন্য কোনাবন থেকে ক্যাপ্টেন গাফফার ৪ৰ্থ ইন্ট বেঙ্গলের 'সি' কোম্পানিকে চান্দলা পাঠান। এই কোম্পানিটিও ৩০ আগস্ট বিকাল ৪ টায় পাকসেনাদের একটি দলের উপর অতর্কিতে আক্রমণ করে একজন ক্যাপ্টেনসহ ১৯ জন পাকসেনা ও ২৪ জন রাজাকারকে নিহত করে। সংঘর্ষে অনেক পাকসেনা আহত হয়। পরে পাকসেনারা ছত্রভঙ্গ হয়ে ব্রাক্ষপাড়ার দিকে পালিয়ে যায়। ফলে ১টি হালকা মেশিনগান, তিনি রাইফেলসহ অনেক গোলাবারুণ্ড আমাদের সৈনিকরা দখল করে। এর পরদিন আমাদের মুক্তিযোদ্ধারা পাকসেনাদের একটি দলকে মন্ডভাগ বাজারের পূর্ব পাশে শালদা নদীতে আক্রমণ করে। পাকসেনাদের এই দলটি নৌকাযোগে মন্ডভাগ বাজারের দিকে অঘসর হচ্ছিল। আক্রমণে একটি নৌকা ডুবে যায় এবং ২০ জন পাকসেনা নিহত ও বেশকিছু আহত হয়। পাকসেনারা ছত্রভঙ্গ হয়ে পালিয়ে যায়। পাকসেনারা মন্ডভাগ, সেনেরহাট, চান্দলা প্রভৃতি এলাকায় অবস্থিত আমাদের অবস্থানের ওপর তাদের চাপ ক্রমাবর্যে বৃক্ষি করতে থাকে। ৩০ আগস্ট বিকেল ৪ টার সময় পাকসেনারা চারটি নৌকা বোঝাই করে এসে ছোট চান্দলা নিকট অঘসর হবার চেষ্টা করে। আমাদের সৈনিকরা তাদের উপর আক্রমণ চালিয়ে ১৫ জন পাকসেনাকে নিহত করে। এরপর পাকসেনারা আমাদের অবস্থানের ওপর ব্রাক্ষণপাড়া এবং শাকুটিতে অবস্থিত মর্টার এবং কামানের সহায়তায় চড়াও হবার চেষ্টা করে। আমাদের সৈনিকরাও সাহসের সঙ্গে পাকসেনাদের এই আক্রমণ প্রতিহত করে। উল্লেখ্য যে, পাকসেনারা প্রায় তিন কোম্পানি সৈন্যশক্তি নিয়ে এই আক্রমণ পরিচালনা করে। সারারাত ধরে এই আক্রমণ অব্যাহত থাকে। এই আক্রমণে একজন অফিসারসহ ৩০ জন পাকসেনা নিহত এবং বেশ কিছু আহত হয়। পাকসেনারা পরে ছত্রভঙ্গ হয়ে পশ্চাদপসরণ করে। আমাদের ২ জন মুক্তিযোদ্ধা গুরুতরভাবে এবং ৬ জন সামান্য আহত হয়। ৪ সেপ্টেম্বর পাকসেনারা আমাদের চান্দলা ও শীতলা অবস্থানের ওপর দুর্দিক থেকে আক্রমণ চালায়। সমস্ত দিন যুদ্ধের পর আমাদের সৈনিকরা পাকসেনাদের এই আক্রমণকে প্রতিহত করতে সমর্থ হয়। পাকসেনাদের পক্ষে অনেক হতাহত হয় তবে সঠিক ক্ষতির পরিমাণ জানা সম্ভব হয়নি। পরাজয়ের প্লানিতে পশ্চাদপসরণকারী পাকসেনারা মনের আক্রমণে ব্রাক্ষণপাড়া, ছোট চান্দলা এবং পার্শ্ববর্তী গ্রামগুলো জালিয়ে দেয় ও নিরীহ জনসাধারণকে হত্যা করে। দুই/তিন দিন বিরতির পর পাকসেনারা আবার আমাদের সেনেরহাট অবস্থানের দিকে অঘসর হবার চেষ্টা করে। সেনেরহাট অবস্থানটি দখল করে নেবার জন্য পাকসেনারা

সেনেরহাটের পশ্চিমে এবং শালদা নদী স্টেশনের পশ্চিমে বিপুল সংখ্যক সৈন্যের সমাবেশ ঘটায়। তারা দু'দিক থেকে আক্রমণের জন্য প্রস্তুতি নেয়। পাকসেনাদের সমাবেশের কৌশল দেখে আমরা বুঝতে পারি যে, পাকসেনারা মন্দভাগের পশ্চিমে আশাবাড়ি পর্যন্ত আমাদের দখলকৃত সমষ্টি এলাকা পুনরুদ্ধারের পরিকল্পনা নিয়েছে। এতে তাদের পক্ষে কসবা এবং মন্দভাগ পুনর্দখল করা সহজ হবে। পাকসেনাদের পরিকল্পনা বুঝতে পেরে আমরা সেনেরহাট অবস্থানকে আরো শক্তিশালী করে তুলি। ৮ সেপ্টেম্বর সকালে পাকসেনারা তাদের নয়গুরে অবস্থিত ১২০ এমএম মর্টার, ব্রাক্ষণপাড়ায় অবস্থিত কামান এবং শশীদলে অবস্থিত ৩ ইঞ্জিন মর্টারের সাহায্যে আমাদের সেনেরহাট অবস্থানের ওপর প্রচণ্ড গোলাবর্ষণ শুরু করে—সঙ্গে সঙ্গে পাকসেনারা সেনেরহাট অবস্থানের দিকেও অগ্রসর হতে থাকে। পাকসেনাদের কামানের গোলায় আমাদের বেশকিছু লোক শহীদ ও আহত হয়। পাকসেনাদের রকেট লঞ্চারের গোলায় আমাদের ৪টি বাংকার ধ্বংস হয়ে যায়। পাকসেনারা আমাদের অবস্থানের দেড়শ গড় পর্যন্ত অগ্রসর হতে সক্ষম হয়। কিন্তু এতদত্ত্বেও আমাদের সৈনিকরা এতটুকু মনোবল না হrirয়ে বরং দৃঢ়তার সঙ্গে পাকসেনাদের আক্রমণকে প্রতিহত করে। আমাদের সৈনিকদের শুলিতে অগ্রসরমান অনেক পাকসেনা হতাহত হয়। আমাদের মুজিব ব্যাটারী গোলন্দাজ বাহিনী পাকসেনাদের উপর গোলাবর্ষণ করে অনেক পাক সৈন্যকে হতাহত করে। পাকসেনারা সমষ্টি দিন তাদের আক্রমণ চালিয়ে আমাদের প্রতিরোধ ব্যুহ ভেদ করতে না পেরে এবং তাদের অনেক হতাহত হওয়াতে সন্ধ্যায় তাদের আক্রমণ বন্ধ করতে বাধ্য হয় এবং পিছু হট্টে বাধ্য হয়। এর পরদিন পাকসেনারা আমাদের মন্দভাগ এবং মইনপুর অবস্থানের ওপরও আক্রমণ চালায়। সেই আক্রমণও একইভাবে প্রতিহত করা হয়। যাবার পথে পরাজয়ের আক্রোশে সকাল ৭ টার সময় পাকসেনাদের প্রায় দুই কোম্পানি সৈন্য প্রবল কামানের গোলার সহায়তায় আমাদের মইনপুরের অবস্থানের ওপর আক্রমণ চালায়। প্রায় দু'ঘণ্টা যুদ্ধের পর পাকসেনাদের প্রায় ৪০ জন সৈন্য হতাহত হয়। আমাদের সৈন্যরা অসীম সাহসিকতার সঙ্গে সেই আক্রমণকেও প্রতিহত করে। আমাদের পক্ষে ৯ জন সৈন্য আহত হয়। পাকিস্তানি গোলন্দাজ বাহিনীর প্রবল গোলাবর্ষণের জন্য আমাদের সৈনিকদের পক্ষে আমাদের অবস্থান করা অসম্ভব হয়ে ওঠে, ফলে বাধ্য হয়ে আমাদের সৈনিকরা সে অবস্থান পরিত্যাগ করে ৬০০ গজ পিছনে বায়েকের নিকট জেলা বোর্ডের রাস্তায় নতুন অবস্থান গড়ে তোলে। পাকসেনারা এই অবস্থানের ওপরও আক্রমণ চালায়। তাদের সেই আক্রমণকে আমাদের সৈনিকরা দৃঢ়তার সঙ্গে প্রতিহত করে। পাকসেনারা আর অগ্রসর হতে না পেরে পিছু হটে যেতে বাধ্য হয়। পাকসেনারা মনোরা, বাগরা, নাগাইশ, দুশিয়া, বড়দুশিয়া, ধান্দুহল, সিদলাই প্রভৃতি প্রায় একশ'টি গ্রাম জুলিয়ে দেয় এবং নিরীহ জনসাধারণকে হত্যা করে। ৯ সেপ্টেম্বর রাতে ক্যাপ্টেন গাফ্ফার একটি শক্তিশালী রেইডিং পার্টি ৩ ইঞ্জিন মর্টার ও ৭৫ মি.মি. আরআরসহ পাকসেনাদের অবস্থানের দিকে পাঠিয়ে দেন। এই দলটি শালদা নদীর উত্তর তীর দিয়ে লক্ষ্মীপুরস্থ পাকসেনাদের অবস্থানের পেছনে অনুপ্রবেশ করে এবং দু'দিন রেকি করার পর ১১

সেপ্টেম্বর বিকাল ৫ টার সময় পাকসেনাদের অবস্থানের অতি নিকটে পৌছে গোলা নিক্ষেপ শুরু করে। এতে শক্রদের দুটি বাংকার রকেটের গোলায় ধ্রংস হয়। গোলার আঘাতে ১১ জন শক্রসেন্য নিহত এবং ৭ জন আহত হয়। পাকসেনারা পার্শ্ববর্তী গ্রামগুলো জুলিয়ে দেয় এবং বিক্ষিণ্ডভাবে গ্রামের মধ্যে কামানের গোলাবর্ষণ করে। এরপর আমাদের রেইডিং পার্টি ১৪ সেপ্টেম্বর সকাল ৮ টায় কায়েমপুরে পাকসেনাদের আরো দুটি বাংকার রকেটের সাহায্যে ধ্রংস করে। এতে ৮ জন পাকসেনা নিহত ও ৩ জন জন আহত হয়। পাকসেনাদের দুটি নৌকাকেও এ্যামবুশ করে ডুবিয়ে দেয়া হয়। এতে ১৬ জন পাকসেনা নিহত এবং ৮ জন আহত হয়। ১৫ সেপ্টেম্বর দুপুর ১২ টার সময় আমাদের আরেকটি রেইডিং পার্টি লক্ষ্মীপুরের নিকট পাকসেনাদের দুটি বাংকার অতর্কিত আক্রমণ করে ধ্রংস করে দেয়। এতে ৩ জন পাকসেনা নিহত এবং ৮ জন আহত হয়। ১৯ সেপ্টেম্বর সকাল ৬ টায় লক্ষ্মীপুরস্থ পাকসেনাদের আরো দুটি বাংকার রকেটের শুলিতে উড়িয়ে দেওয়া হয়। এতে দু'জন পাকসেনা নিহত এবং একজন আহত হয়।

ফরিদপুরে আমাদের মুক্তিবাহিনীর গেরিলারা তাদের কর্মতৎপরতা অব্যাহত রাখে। ৩ আগস্ট বিকাল ৪ টার সময় আমাদের গেরিলারা মাদারীপুরের ভাঙা এবং মুতাফিজ সেতুগুলোতে পাহারার শক্রসেনাদের ওপর আক্রমণ চালায়। সে আক্রমণে তারা সেতুগুলো ধ্রংস করে দেয় ও ৭টি রাইফেল দখল করে। ১০ তারিখে মিঠাপুরের ডাকঘর এবং ইউসুফপুরের তহসীল অফিস জুলিয়ে দেয়। ১৪ তারিখে সকাল ৬ টায় আমগ্রামের সমান্দার সেতু সম্পূর্ণরূপে ধ্রংস করে দেয়। ঐ দিনই গেরিলাদের আরেকটি দল পাকসেনাদের একটি গাড়ি মাদারীপুর-টেকেরহাট রাস্তায় গাটমাকির নিকট এ্যামবুশ করে। গাড়িটি ক্ষতিগ্রস্ত হয়। এতে ৯ জন পাকসেনা আহত হয়।

২৭ আগস্ট আমাদের একটি টহলদার দল পরশুরাম থানার নিকট পাকসেনাদের একটি টহলদারী দলকে এ্যামবুশ করে ৭ জন পাকসেনাকে নিহত করে। দুইঘন্টা সংঘর্ষের পর পাকসেনারা মর্টারের সাহায্যে আক্রমণ চালিয়ে আমাদের গেরিলাদের হাত থেকে রক্ষা পেয়ে পালাতে সক্ষম হয়। আরেকটি দল ফেনী-বিলোনিয়া সড়কের উপর হাসানপুর সেতুটি ধ্রংস করে দেয়। শালদা নদীর নিকটে আমাদের একটি টহলদার দল দু'জন পাকসেনাকে রাতে টহল দিতে দেখে এ্যামবুশ করে। এই এ্যামবুশে দু'জন পাকসেনাই নিহত হয়। নিহত পাকসেনাদের পকেট থেকে পাওয়া কাগজপত্রে তাদের নাম পাওয়া যায়। এদের একজনের নাম হাবিদার আবদুল আজিজ এবং অপরজনের নাম ছিল হাবিলদার রহমান গুল। ২০ সেপ্টেম্বর বিকেল ৪ টায় পাকসেনাদের একটি দল আমাদের শালদা নদী অবস্থানের দিকে অগ্রসর হওয়ার চেষ্টা করে। ছোট পাহাড়ের উপর অবস্থিত আমাদের অবস্থানের দিকে অগ্রসর হওয়ার সময় আমাদের সৈনিকদের প্রচঙ্গ গোলাবর্ষণের ফলে তারা ছত্রভঙ্গ হয়ে পালিয়ে যায়। ক্যান্টেন গাফ্ফার একটি শক্রিয়ালী রেইডিং পার্টি নিয়ে ১৯ সেপ্টেম্বর কায়েমপুরে পাকসেনাদের অবস্থানের পিছনে অনুপ্রবেশ করে। পরদিন ভোরে রেকি করার পর সকাল ১০ টায় পাকসেনাদের পেছনদিকের অবস্থানের উপর অতর্কিত আক্রমণ চালায়। আক্রমণের ফলে পাকসেনারা

হতভুব হয়ে পড়ে এবং আতঙ্কিত হয়ে ছুটাছুটি করতে থাকে। আমাদের রেইডিং পার্টির গুলিতে ৩২ জন পাকসেনা নিহত এবং ৭ জন আহত হয়। এরপর আমাদের দলটি আক্রমণ প্রত্যাহার করে শক্ত অবস্থান থেকে নিরাপদ দূরত্বে চলে আসে। পাকসেনাদের একটি দল কায়েমপুরে তাদের অবস্থানের দিকে নৌকাযোগে অগ্রসর হবার পথে আমাদের এ্যামবুশ পার্টি তাদের ওপরও অতর্কিত আক্রমণ চালায়। দুটি নৌকা আক্রমণের ফলে ধ্বংস হয়ে যায় এবং এতে ১৫ জন পাকসেনা নিহত হয়।

আমাদের সৈন্যরা পাকসেনাদের ওপর তাদের হামলা চালিয়ে যেতে থাকে। পাকসেনাদের চাপও আমাদের ওপর থেকে ধীরে ধীরে কমে যায়। পাকসেনারা তাদের বিপর্যস্ত অবস্থানগুলো বাঁচানোর জন্য ভারি তোপের সাহায্যে আমাদের মন্ডাগ কোনাবন এবং শালদা নদীর অবস্থানের ওপর প্রচণ্ড গোলাবর্ষণ করে। এতে আমাদের ২ জন নন-কমিশন্ড অফিসার ও ১ জন গোলন্দাজ বাহিনীর ওপি শহীদ হয়। পাক সেনাদের একটি জঙ্গী বিমান ২৮ সেপ্টেম্বর তাদের সেনাদের সাহায্যের জন্য দুপুর ২ টা থেকে ৩ টা পর্যন্ত আমাদের অবস্থানগুলোর ওপর ক্রমাগত আক্রমণ চালায়। পাকসেনাদের অবস্থানগুলো আমাদের আক্রমণে অনেকটা দুর্বল হয়ে পড়েছে বলে আমরা বুঝতে পারি এবং তাদেরকে পূর্ণভাবে এই এলাকা থেকে হাটিয়ে দেয়ার জন্য ২৭ তারিখে একটি সিদ্ধান্ত নেয়া হয়। সিদ্ধান্ত অনুযায়ী ২৮ তারিখ সাড়ে ১০ টার সময় ৪৮ ইক্ট বেঙ্গলের একটি শক্তিশালী দল উত্তর দিক থেকে কায়েমপুরের শক্ত অবস্থানের উপর প্রচণ্ড আক্রমণ চালায়। ৪ ঘণ্টা স্থায়ী যুদ্ধের পর পাকসেনাদের ১৫ জন নিহত এবং ৩০ জন আহত হয়। আমাদের কিছুসংখ্যক যোদ্ধা ও শহীদ এবং আহত হয়। আমাদের সৈন্যদের প্রচণ্ড আক্রমণের মুখে টিকতে না পেরে পাকসেনারা তাদের কায়েমপুর ঘাঁটি ছেড়ে পালিয়ে যেতে বাধ্য হয়। আমাদের সৈন্যরা তাদের পরিত্যক্ত অবস্থান থেকে মেশিনগান, মর্টার ও অন্যান্য অস্ত্রশস্ত্র এবং প্রচুর গোলাবারুদ দখল করে নেয়। এখানে উল্লেখযোগ্য যে, সেপ্টেম্বর মাসের ৯ তারিখে আমাদের সৈন্যরা এইসব অবস্থানগুলো থেকে শক্তির প্রবল চাপের মুখে পর্যাপ্ত পরিমাণ অস্ত্রশস্ত্রের অভাবে পিছু হটে আসতে বাধ্য হয়। ফলে শক্তরা এইসব জায়গা দখল করে নেয়। এর এক সপ্তাহ পরেই আমরা পুনরায় পাল্টা আক্রমণ চালাই। এই পাল্টা আক্রমণের ফলে প্রায় ২০১ জন পাকসেনা নিহত এবং ৮৩ জন আহত হয়, ৭০টি বাংকার ধ্বংস করা হয় এবং অসংখ্য অস্ত্রশস্ত্র আমাদের দখলে আসে। আমাদের ক্ষয়ক্ষতি সে তুলনায় ছিল অতি অল্প—১০জন শহীদ এবং ৬ জন আহত হয়। আমাদের সৈনিকরা পাকসেনাদের দখলকৃত কায়েমপুর, শ্রীপুর, মইনপুর, কামালপুর, লক্ষ্মীপুর প্রভৃতি জায়গা পুনরুদ্ধার করে। এরপর সেপ্টেম্বর মাসের শেষ পর্যন্ত দেউসসহ মন্ডাগের পশ্চিমের বিস্তীর্ণ এলাকা সম্পূর্ণরূপে শক্তমুক্ত করা হয়। এর ফলে পাকসেনাদের মন্ডাগ রেলওয়ে স্টেশন এবং তার পশ্চিমে আশাবাড়ি পর্যন্ত আমাদের দখলে থাকা এলাকা পুনরুদ্ধারের সমষ্টি আশা ও পরিকল্পনা সম্পূর্ণরূপে ব্যর্থ হয়ে পড়ে এবং তারা হতাশ হয়ে পড়ে।

কসবার পশ্চিমে টি. আলীর বাড়ির নিকট অবস্থিত পাকসেনাদের অবস্থানগুলোর উপর আমাদের সৈনিকরা ক্রমাগত চাপ বাড়িয়ে যাচ্ছিলো। ২৮ আগস্ট ক্যাপ্টেন

আইনুদ্দিন ৪ৰ্থ ইষ্ট বেঙ্গলের 'ডি' কোম্পানি থেকে একটি প্লাটুন পাক অবস্থানের পিছনে পাঠিয়ে দেয়। আমাদের কাছে খবর ছিল পাকসেনারা তাদের অঞ্চলী অবস্থানগুলোতে নৌকার সাহায্যে সরবরাহ কাজ চালাচ্ছে। এই প্লাটুনটিকে পাক সেনাদের সরবরাহকারী নৌকাগুলো এ্যামবুশ করার দায়িত্ব দেয়া হয়। প্লাটুনটি ২৯ তারিখ সকালে পাকসেনাদের পিছনে জলপথের ওপরে এ্যামবুশ লাগিয়ে বসে থাকে। বেলা ২-৪০ মিঃ পাকসেনাদের দুটি নৌকা সেদিকে অঞ্চসর হয়। এ্যামবুশের আওতায় আসার সঙ্গে সঙ্গে আমাদের সৈনিকরা তাদের ওপর আক্রমণ চালায়। প্রচণ্ড গোলাগুলির পর তাদের দুটি নৌকাই ডুবিয়ে দেয়া হয় এবং সেই সঙ্গে ৩০ জন পাকসেনাই নিহত হয়। আমাদের একজন সৈনিক শহীদ হয়। ৪ৰ্থ ইষ্ট বেঙ্গলের 'ডি' কোম্পানির আরও দুটি প্লাটুন সেপ্টেম্বর মাসের ৫ তারিখ থেকে ১০ তারিখ পর্যন্ত লাটুমুড়া, তাজিষ্বর, ফতেহপুর, চারনল বগাবাড়ি প্রভৃতি স্থানে পাকসেনাদের অতর্কিত আক্রমণ করে ৩৬ জন খানসেনা ও ১৭ জন রাজাকারকে নিহত ও আহত করে। পাকসেনারা এই এলাকায় আমাদের সৈনিকদের আক্রমণাত্মক কার্যকলাপে অতিষ্ঠ হয়ে একটি শক্তিশালী দল তাজিষ্বর এবং বগাবাড়ির দিকে ১১ সেপ্টেম্বর অঞ্চসর হয়। পাকসেনাদের এই দলটির অঞ্চসরের খবর আমাদের কাছে আগে পৌছে যায়। 'ডি' কোম্পানির দুটি প্লাটুন বগাবাড়ির নিকট পাকসেনাদের পথে এ্যামবুশ পেতে বসে থাকে। ১১ তারিখ সকাল ৬ টার সময় অঞ্চগামী পাকসেনা দলটি আমাদের এ্যামবুশের আওতার পড়ে যায়। আমাদের সৈনিকরা তাদের অতর্কিত আক্রমণ করে। প্রবল আক্রমণের মুখে পাকসেনারা টিকতে না পেরে আবার পশ্চাদপসরণ করে। এই যুদ্ধের ফলে ১৫ জন পাকসেনা নিহত এবং ২ জন আহত হয়। পাকসেনাদের এই এলাকায় বিপর্যস্ত অবস্থায় তাদের সাহায্যের জন্য ১৩ তারিখে পাকসেনাদের পাঁচটি জঙ্গিবিমান বিকাল ৫ টার সময় আমাদের অবস্থানগুলোর ওপর একঘট্টাব্যাপী প্রচণ্ড বোমাবর্ষণ করে। পাকসেনাদের বিমান হামলা আমাদের সৈনিকদের মনোবল ভাঙতে পারেনি। তারা তাদের অবস্থানে শক্র চাপের মুখেও অটল থাকে। পাকসেনাদের সংঘর্ষ উপরোক্তিত এলাকায় এর পরেও অব্যাহত থাকে।

পাকসেনারা এই সেঁটরে আরও সৈন্যসমাবেশ করতে থাকে। তাদের অবস্থানগুলোর দিকে পাকসেনাদের অঞ্চসর হওয়ার পথে বাধা দেওয়া জন্য ৪ৰ্থ ইষ্ট বেঙ্গলের 'ডি' কোম্পানি ১৬ সেপ্টেম্বর শক্র অবস্থানের পেছনভাগে মেহারী গ্রামে একটি এ্যামবুশ পেতে বসে থাকে। ১৭ তারিখ সকাল ৭ টায় পাকসেনাদের একটি শক্তিশালী দল পশ্চিম দিক থেকে অঞ্চসর হয়ে আমাদের অবস্থানে আক্রমণের জন্য মেহারীতে আমাদের এ্যামবুশ এর নিকট সম্মিলিত হয়। পাকসেনারা সমবেত হওয়ার সঙ্গে সঙ্গে আমাদের এ্যামবুশ পার্টি তাদের ওপর অতর্কিত আক্রমণ করে। নিজেদের অবস্থানের এত কাছে তারা আক্রান্ত হবে তা তারা ভাবতেও পারেনি। ফলে এই আকস্মিক আক্রমণে তারা দিকবিদিক হারিয়ে ফেলে এবং ছত্রভঙ্গ হয়ে পালিয়ে যায়। পাক গোলন্দাজ বাহিনী কামানের গোলাতে তাদেরকে পালাতে সহায়তা করে। কিন্তু দুর্ভাগ্যবশত তাদের নিজেদের কামানের গোলাতেও তাদের অনেক সৈন্য হতাহত হয়। এই এ্যামবুশে

পাকসেনাদের ২১ জন নিহত এবং ৪৩ জন আহত হয়। আমাদের সৈন্যরা নিরাপদে পিছু হটে আসতে সক্ষম হয়। ঐদিন রাত্রে আমাদের এই দলটি সায়েন্দাবাদের নিকট পাকসেনাদের একটি ঘাঁটিতে অতর্কিতে আক্রমণ চালিয়ে দুটো জীপ ও ১টি ওটন গাড়ি ধ্বংস করে দেয়। এর পরদিন আমাদের রেইডিং পার্টি চারগাছা বাজারের নিকট পাকসেনাদের একটি টহলদার দলকে এ্যামবুশ করে ২০ জন পাকসেনাকে হতাহত করে। পাকসেনারা এই সংবাদ পেয়ে তাদের টহলদার দলের সাহায্যার্থে একটি শক্তিশালী দল তিনটি নৌকা বোঝাই করে চারগাছার দিকে অগ্রসর হয়। কিন্তু পৌছার আগেই আমাদের সৈনিকরা তাদেরকে শিমরাইলের নিকট এ্যামবুশ করে দুটি নৌকা ডুবিয়ে দেয় এবং সঙ্গে সঙ্গে দুটি নৌকা ভর্তি পাকসেনাদের সবাই নিহত হয়। এই সংঘর্ষে আমাদের ১ জন সৈনিক শহীদ হয়। আমাদের সৈনিকদের জন্য এই এলাকার পাকসেনাদের এহেন বিপর্যয়ের ফলে তারা পুনরায় আরো ব্যাপকভাবে এই এলাকায় সৈন্য সমাবেশ ঘটায় এবং চাপ বৃদ্ধি করতে থাকে। এতে আমরা আরেক অসুবিধার সম্মুখীন হই। ঢাকাতে এবং ফরিদপুরে যেসব গেরিলাদের পাঠানো হতো তারা এই এলাকার ভিতর দিয়ে যাতায়াত করতো। পাকসেনাদের তৎপরতার জন্য সমস্ত অনুপ্রবেশ পথগুলো প্রায় বন্ধ হয়ে যাবার উপক্রম হয়। ২২ সেপ্টেম্বর আমাদের ৬০ জন গেরিলার একটি দল চারটি নৌকায় অনুপ্রবেশের পথে পাকসেনাদের দ্বারা আক্রান্ত হয়। ফলে দুটি নৌকা ডুবে যায়। চারজন মুক্তিযোদ্ধা শহীদ হয় এবং একজন আহত হয়। তিনটি স্টেনগান, চারটি রাইফেল এবং কিছু টাকা ও ১০০০ গুলি পানিতে পড়ে হারিয়ে যায়। গেরিলারা আহত ও শহীদদের নিয়ে আমাদের অবস্থানে ফিরে আসে। এই রাত্তা বন্ধ হয়ে যাওয়ায় আমার পক্ষে মুক্তিযোদ্ধাদের বিভিন্ন জায়গায় পাঠানো বিপজ্জনক হয়ে পড়ে। এমতাবস্থায় আমি মেজর আইনুদ্দীনকে যেকোনো উপায়ে এই এলাকাকে পুনঃমুক্ত করার জন্য নির্দেশ দেই। তাকে আরেকটি অতিরিক্ত দল দিয়ে তার শক্তি বৃদ্ধি করে কসবা থেকে নবীনগর পর্যন্ত আমাদের তৎপরতা বাড়িয়ে নেয়ার জন্য নির্দেশ দিই। পাকসেনাদের বিভিন্ন ঘাঁটির উপর বারবার আক্রমণ করে তাদেরকে এই এলাকা থেকে বিভাগিত করার জন্য সকল ব্যবস্থা নেয়া হয়। শক্তি বৃদ্ধি পাওয়াতে মেজর আইনুদ্দীন তার তৎপরতা বাড়িয়ে দেয়। ১০/১২টি শক্তিশালী রেইডিং পার্টি কসবা, সাইদাবাদ, চৰগাছা প্রভৃতি এলাকাতে পাঠিয়ে দেয়। এই রেইডিং পার্টিগুলো বিভিন্ন স্থানে পাকসেনাদের উপর অতর্কিতে আক্রমণ চালিয়ে ২৫ জন পাকসেনা নিহত এবং ৩০ জনকে আহত করে ও ১টি গাড়ি ধ্বংস করে। আমাদের পুনঃ পুনঃ আক্রমণের ফলে পাকসেনারা ব্যতিব্যস্ত হয়ে পড়ে। আস্তে আস্তে সমস্ত এলাকাতে আমাদের সৈন্যরা পাকসেনাদের মনে ত্রাসের সৃষ্টি করে। ২৪ সেপ্টেম্বর সকাল ৭-৩০ টার সময় পাকসেনাদের একটি শক্তিমালী দল ১৭টি নৌকায় আমাদের একটি রেইডিং পার্টিরে আক্রমণ করার জন্য নবীনগরের দিকে অগ্রসর হয়। পাকসেনাদের নৌকাগুলো যখন বিদ্যাকোট গ্রামের নিকট পৌছায় তখন আমাদের সৈনিকরা তাদেরকে অতর্কিতে আক্রমণ করে। এই আক্রমণে পাঁচটি নৌকা ডুবে যায় এবং অন্তত ২৫ জন পাকসেনা নিহত এবং পঁয়ত্রিশ জন আহত হয়। মুক্তিযোদ্ধাদের এই সকল আক্রমণে সে এলাকার

সমস্ত জনসাধারণ স্বত্তির নিঃশ্঵াস ফেলে এবং বিপুল আনন্দে মুক্তিযোদ্ধাদেরকে অভিনন্দিত করে। এর কয়েকদিন পর ৩ অক্টোবর পাকসেনাদের একটি লঞ্চ গোলাবারুন্দ ও রসদ নিয়ে সাইদাবাদ যাবার পথে আমাদের মুক্তিযোদ্ধাদের দ্বারা মলুগ্রামে আক্রান্ত হয়। আক্রমণের ফলে লঞ্চটির গোলাবারুন্দে আগুন লেগে ডুবে যায়। সেই সঙ্গে ১০ জন পাকসেনা নিহত ও আহত হয়। আমাদের ৪ জন মুক্তিযোদ্ধা শহীদ হয় এবং ২ জন আহত হয়। এই খবর পেয়ে পাকসেনাদের একটি শক্তিশালী দল আরেকটি লঞ্চযোগে আমাদের অবস্থানের দিকে অগ্রসর হয়। অগ্রসর হওয়ার পথে আমাদের মুক্তিযোদ্ধারা তাদেরকে চরগাছার নিকট আক্রমণ করে। প্রায় ২/৩ ঘণ্টা যুদ্ধের পর অনেক পাকসেনা লঞ্চ থেকে ঝাঁপিয়ে পালাবার চেষ্টা করে এবং ডুবে যায়। পাকসেনাদের ৭০/৮০ জন নিহত ও আরো অনেক আহত হয়। লঞ্চটিরও বেশ ক্ষতি হয় এবং বহু কষ্টে বাকী সৈন্যদের নিয়ে লঞ্চটি সেখান থেকে পালিয়ে যেতে সমর্থ হয়। ঐ দিনই বিকেল ৫ টার সময় পাকসেনাদের ২০টি নৌকা ও ৩টি স্পীডবোট আমাদের মুক্তিযোদ্ধাদের দ্বারা কসবার নিকট আক্রান্ত হয়। ফলে ৩য় পাঞ্জাব রেজিমেন্টের কমাণ্ডিং অফিসার লে. কর্নেল জামান ও একজন ক্যাপ্টেনসহ ১২ জন পাকসেনা নিহত হয় এবং তিনটি স্পীডবোট ও কয়েকটি নৌকা ডুবে যায়।

সেপ্টেম্বরের শেষ সপ্তাহ থেকে অক্টোবরের প্রথম সপ্তাহ পর্যন্ত এই এলাকায় ছোট ছোট এ্যামবুশ এবং ছোট ছোট আক্রমণের ফলে পাকসেনারা ব্যতিব্যন্ত হয়ে পড়ে। ৩ ও ৪ অক্টোবরে চারগাছা, মলুগ্রাম, কসবা প্রভৃতি জায়গায় পাকসেনাদের অস্তত ২৫০ থেকে ৩০০ সৈনিক নিহত হয়। ১টি লঞ্চ, ৩টি স্পীডবোট ও ১০টি নৌকা ডুবে যায় এবং অন্য আরেকটি লঞ্চ মারাঘাকভাবে ক্ষতিগ্রস্ত হয়। প্রায় লক্ষাধিক পরিমাণের গোলাবারুন্দ পানিতে ডুবে যায় কিংবা আমাদের দখলে আসে। একজন লে. কর্নেলসহ বেশ ক'জন অফিসার নিহত হয়। এর ফলে এই এলাকায় পাকসেনাদের তৎপরতা সম্পূর্ণরূপে বন্ধ হয়ে যায় এবং তারা অনেকে পিছু হটে যেতে বাধ্য হয়।

কুমিল্লার দক্ষিণে এবং নোয়াখালী এলাকাতেও আমাদের মুক্তিযোদ্ধারা তাদের তৎপরতা আরো জোরদার করে তোলে। ৩০ আগস্ট সকাল ১০ টায় লাকসাম থেকে পাকসেনাদের একটি শক্তিশালী দল চৌদ্দগ্রামের দিকে অগ্রসর হয়। এই দলটি আমাদের অবস্থানের ২০০ গজের মধ্যে পৌছলে আমাদের মুক্তিযোদ্ধারা তাদের ওপর আক্রমণ চালায়। উভয় পক্ষের মধ্যে সমস্ত দিন ধরে গোলাগুলি চলতে থাকে। পাকসেনারা আক্রোশে রাস্তার চতুর্দিকের সমস্ত গ্রাম জুলিয়ে দেয়। প্রচণ্ড আক্রমণ সত্ত্বেও আমাদের সৈনিকরা নিজেদের অবস্থানে অটল থাকে। সমস্ত দিনের যুদ্ধে তাদের প্রায় ২০ জন সৈন্য নিহত এবং অনেক আহত হয়। তারা অগ্রসর হতে সক্ষম না হয়ে পিছু হটে যেতে বাধ্য হয়। পরদিন ল্যাঙ্ক নায়েক লোকমান আলী ও ল্যাঙ্ক নায়েক আহসানউল্লাহর নেতৃত্বে একটি ডিমোলিশন পার্টিকে চৌদ্দগ্রাম-বাংগোড়া লাকসাম রাস্তা দিয়ে শক্রসৈন্যদের চলাচলে বিঘ্ন ঘটাবার জন্য রাস্তার মাঝে মাঝে ডিমোলিশন দিয়ে ভেঙে দেওয়ার জন্য পাঠানো হয়। দলটি নির্দিষ্ট স্থানে পৌছানোর পর তাদের ডিমোলিশন কাজ শুরু করে। কিন্তু স্থানীয় শাস্তিকমিটি ও তাদের লোকেরা পাকসেনা

কর্তৃক প্রতিশোধের ভয়ে রাস্তায় ডিমোলিশন লাগাতে বাধা দেয়। ল্যান্ড নায়েক স্থানীয় লোকদেরকে দেশের বৃহস্তর স্বার্থের কথা বুঝিয়ে বলেন। বোঝানোর পর শান্তি কমিটির লোকেরা তাদের সঙ্গে সক্রিয়ভাবে সহযোগিতা করে। তারা নিজেরাই রাস্তা খুঁড়ে তিন জায়গাতে ৫০ পাউন্ডের জিলেটিন এক্সপ্রেসিভ-এর ব্যাগ লাগায় এবং ৮০ ফুট রাস্তা উড়িয়ে দেয়। এতে পার্শ্ববর্তী রাস্তার দু'পাশের পানি রাস্তার খাদে প্রবেশ করে। ফলে চৌদ্দগ্রাম-লাকসাম যোগাযোগ ব্যবস্থা বিচ্ছিন্ন হয়ে পড়ে। ঐদিন রাতে আমাদের আরেকটি টহলদার দল কুমিল্লার দক্ষিণ-পূর্বে বিবির বাজারের নিকট রাস্তায় মাইন লাগিয়ে ১ জন ক্যাপ্টেন ও ৩ জন পাকসেনাসহ একটি জীপ উড়িয়ে দেয়। আর একটি দল লাঙ্গলকোট ও লাকসামের মাঝামাঝি রেললাইনের উপর মাইন পুঁতে একটি ইঞ্জিনসহ তিনটি রেলওয়ে বগী ধ্রংস করে দেয়। কাজলপুরের নিকট আরেকটি মালবাহী ট্রেন আমাদের পোতা মাইনের আঘাতে লাইনচুট হয়। ফেনী ও লাকসামের মাঝে নাওতি স্টেশনের নিকট ডিমোলিশন লাগিয়ে রেললাইনের ১৪ ফুট রাস্তা ধ্রংস করে দেয়া হয়। মুক্তিযোদ্ধারা কুমিল্লা-ফেনী রেললাইনের পাশে টেলিফোনের তার কয়েক জায়গায় কেটে দেয়। ৩ সেপ্টেম্বরের আমাদের আর একটি ডিমোলিশন পার্টি লালমাই ও জাঙ্গালিয়া স্টেশনের মাঝে রেলওয়ে রাস্তার উপর ডিমোলিশন লাগিয়ে রেললাইনের খানিকটা উড়িয়ে দেয় এবং জমুরা ও বেতুরার রেভিনিউ অফিস পুড়িয়ে দেয়।

সেপ্টেম্বরের প্রথম সপ্তাহে বিলোনিয়াতে পাকসেনারা তাদের তৎপরতা আরো বাড়িয়ে তোলে। ৬ সেপ্টেম্বর পাক সামরিক জাত্তা নয়নপুরের নিকট বিপুল পরিমাণ সৈন্য সমাবেশ করতে থাকে। ঐ দিন রাত প্রায় ৩ টার সময় পাকসেনাদের দুটি প্লাটুন সেলোনিয়া নদী অতিক্রম করে। আমাদের অবস্থানের দিকে অগ্রসর হবার চেষ্টা করে। পাকসেনাদের দলটি নৌকাযোগে যখন নদী পার হওয়ার চেষ্টা করে তখন আমাদের অগ্রবর্তী দল তাদের ওপর আক্রমণ চালায়। আক্রমণের ফলে ১৫ জন পাকসেনা নিহত এবং বেশকিছুসংখ্যক আহত হয়। অবশিষ্ট সৈন্যরা মর্টারের গোলার সহায়তায় পচাদপসরণ করে। পরদিন বিকেলে ৪ টায় পাকসেনাদের আরেকটা শক্তিশালী দল আরো পঞ্চিমে মহুরী নদী অতিক্রম করার চেষ্টা করে। এখানেও আমাদের অগ্রবর্তী অবস্থান থেকে তাদের ওপর আক্রমণ চালানো হয়। গোলাগুলিতে পাকসেনাদের একজন অফিসারসহ ১৫ জন নিহত এবং প্রায় ২০ জন আহত হয়। পাকসেনারা তাদের আক্রমণ অব্যাহত রাখে এবং আমাদের অবস্থানগুলোর ওপর প্রচণ্ডভাবে কামানের গোলাবর্ষণ করতে থাকে। আমাদের সৈনিকরা টিকতে না পেরে অগ্রবর্তী অবস্থান পরিত্যাগ করে স্থায়ী অবস্থানে ফিরে আসে। পাকবাহিনী তাদের আক্রমণের চাপ অব্যাহত রাখে। সন্ধ্যা ৬ টা পর্যন্ত এই আক্রমণ চলতে থাকে। আমাদের বীর সৈনিকরা তাদের অবস্থান থেকে গোলন্দাজ বাহিনীর সহায়তায় পাকসেনাদের আক্রমণকে দেড়ঘণ্টার যুদ্ধে প্রতিহত করতে সক্ষম হয়। পাকসেনাদের অনেক হতাহত হয় ও পরে আমাদের পাল্টা আক্রমণের মুখে টিকতে না পেরে পিছু হটে ছত্রভঙ্গ হয়ে যায়। এরপর পাকসেনারা পরওরামের নিকট সৈন্য সমাবেশ করতে থাকে। প্রায় এক ব্যাটালিয়ন

সৈন্য পরশুরামে মোতায়েন করে। ৯ সেপ্টেম্বর আমাদের খবর সংগ্রহকারী লোকেরা জানতে পারে যে পাকসেনারা বেশ কয়েকটি ১০৫ এমএম কামানসহ সালিয়ার নিকট অবস্থান নিচ্ছে। পাকসেনাদের তৎপরতা দেখে আমরা বুঝতে পারি যে মুহূর্ণী নদীর পূর্ব পাড়ে তাদের অবস্থান পাকা করে নদী পার হওয়ার প্রস্তুতি নিচ্ছে। এছাড়া বিশ্বস্ত সূত্রে আমরা আরো জানতে পারি, যে কোন উপায়ে বিলোনিয়া এলাকা নিজেদের দখলে আনার জন্য তারা বদ্ধপরিকর। ১০ সেপ্টেম্বর সকাল ৯ টা থেকে পাকসেনারা মহূর্ণী নদী পার হয়ে প্রচণ্ড কামানের গোলার সহায়তায় আমাদের অবস্থানের উপর আক্রমণ চালায়। সমস্ত দিন যুদ্ধের পর পাকসেনাদের এই আক্রমণকে আমাদের যোদ্ধারা প্রতিহত করে। বিপুল ক্ষয়ক্ষতির পর আমাদের সৈনিকরা পাকসেনাদের আবার পশ্চিম তীরে পশ্চাদপসরণে বাধ্য করে। আমাদের সেনারা যখন পাকসেনাদের ওপর সম্মুখসমরে প্রতি আক্রমণ চালিয়ে যাচ্ছিল সে সময়ে গেরিলাদের বেশ কয়েকটি দল পাকবাহিনীর পিছনে আঘাত হেনে তাদেরকে বিপর্যস্ত করে তোলে।

মতিগঞ্জে গেরিলারা পাকসেনাদের একটি ক্যাম্পে অতর্কিতে আক্রমণ করে একজন অফিসারসহ ১১ জন পাকসেনাকে নিহত এবং ২০০ জনকে আহত করে। পাকসেনাদের ক্যাম্প থেকে প্রচুর পরিমাণ অস্ত্রশস্ত্র, ২ টি মটর সাইকেল, তিনটি রেডিও এবং তিন বাত্র ওষুধ দখল করে নেয়। আমাদের একজন মুক্তিযোদ্ধা এই সংঘর্ষে শহীদ হয়। আরেকটি দল ১০ সেপ্টেম্বর রাত ১০ টায় নয়াপাড়ার শক্রঘাঁটি আক্রমণ করে তাদেরকে সেখান থেকে বিতাড়িত করে। এখানেও আমাদের গেরিলারা বেশকিছু অস্ত্রশস্ত্র দখল করে নেয়। অপর আরেকটি গেরিলা দল ফেনীর নিকট ফতেপুর রেলসেতু ডিমোলিশন লাগিয়ে উড়িয়ে দেয়। ফলে পঞ্চাশ ফুটের একটি খাদের সৃষ্টি হয় এবং এর ফলে লাকসাম-ফেনীর মধ্যে ট্রেন চলাচল বন্ধ হয়ে যায়। এছাড়া ফেনীর শহরেও আমাদের গেরিলারা ঘেনেড নিষ্কেপ করে পাকসেনাদের মনে আতঙ্কের সৃষ্টি করে। গেরিলারা ফেনী থেকে ফুলগাজী পর্যন্ত পাকসেনাদের টেলিফোন লাইন কেটে তাদের টেলিফোন যোগাযোগ ব্যবস্থা বিচ্ছিন্ন করে দেয়। পাকসেনারা তাদের অথবর্তী অবস্থানগুলোতে ফেনী থেকে ট্রলির সাহায্যে রসদ সরবরাহ করতো। তাদের এই সরবরাহ বন্ধ করার জন্য চিথলিয়ার নিকট ঘানিমোড় রেলসেতুটি উড়িয়ে দেবার জন্য আমাদের পাইওনীয়ার প্লাটুন পাঠানো হয়। এই প্লাটুনটি বিপদের বুকি নিয়ে রাতে পাকসেনাদের অবস্থানের পিছনে অনুপ্রবেশ করে। পরদিন সকালে তারা সেতুটি সম্পর্কে তথ্যানুসন্ধান চালিয়ে জানতে পারে পাকসেনারা সেতুটিকে কড়া প্রহরার ব্যবস্থা করেছে। অতি কষ্টে তারা মহূর্ণী নদী সাঁতরিয়ে রাতের অন্ধকারে সেতুটির নিচে ডিমোলিশন লাগিয়ে এই গুরুত্বপূর্ণ সেতুটি উড়িয়ে দেয়। এর ফলে ফেনী এবং বিলোনিয়াতে পাকসেনাদের ট্রলির সাহায্যে সরবরাহ সম্পূর্ণরূপে বন্ধ হয়ে যায়।

শক্রদের উপর আমাদের আক্রমণের চাপ অব্যাহত রাখা হচ্ছিলো। ১১ সেপ্টেম্বর আমাদের একটি শক্তিশালী দল কামানের সহায়তায়, সঞ্চ্চা ৭ টায় পরশুরামের নিকট পাকঘাঁটির উপর অতর্কিত আক্রমণ করে ৭ জন পাকসেনাকে নিহত এবং ১৫ জনকে আহত করে। এর পরদিন আমাদের দুটি শক্তিশালী দল সালদার এবং জগন্নাথ দীঘির

শক্রঘাঁটির উপর অতর্কিতে আক্রমণ চালিয়ে ৪ জন পাকসেনাকে নিহত এবং অনেককে আহত করে। আমাদের এই পুনঃ পুনঃ আঘাতের ফলে পাকসেনারা বিপর্যস্ত হয়ে পড়ে এবং ফেনীর দক্ষিণে তাদের কামানের অবস্থান গড়ে তোলে। সেখান থেকে আমাদের অবস্থানের উপর প্রচণ্ড কামানের আক্রমণ চালায়। এই আক্রমণের ফলে আমাদের অবস্থান বেশ কিছু বিপর্যয়ের মুখে পড়ে যায়। পাক সেনারা তাদের কামানের আক্রমণ অব্যাহত রাখে। তাদের এই কামানের ঘাঁটিগুলোকে ধ্বংস করে দেবার জন্য ১৪ সেক্টের তারিখে সকালে আমাদের একটি কোম্পানিকে তিনটি মর্টারসহ পাকসেনাদের অবস্থানের পেছনে পাঠানো হয়। গোপন পথে অনুপ্রবেশ করে এই দলটি ফেনী বিমান বন্দরের পশ্চিমে বিকেলে পৌছে এবং পাকসেনাদের বিপ্লিত অবস্থিত কামানঘাঁটি সম্পর্কে বিস্তারিত খবর সংগ্রহ করে রাত ১-৩০ টায় পাক অবস্থানের উপর মর্টারের সাহায্যে অতর্কিতে আক্রমণ চালায়। পাকসেনারা এই ধরনের আক্রমণের জন্য মোটেই প্রস্তুত ছিল না। আক্রমণের চাপে উপায়ান্তর না দেখে তারা ফেনীতে অবস্থিত তাদের জন্য গোলন্দাজ বাহিনীর সাহায্য আহ্বান জানায়। ফেনী থেকে পাকসেনাদের কামানগুলো আমাদের অবস্থানের উপর প্রচণ্ড আক্রমণ চালায়। আমাদের দুর্ধর্ষ গোলন্দাজ বাহিনী পাকসেনাদের ফেনী অবস্থানের উপর পাল্টা আক্রমণ চালায়। দুঃঘটা যুদ্ধের পর আমাদের রেইডিং পার্টি পাকসেনাদের দশজনকে নিহত, ১৬ জনকে আহত এবং তাদের আরো বহু ক্ষতিসাধন করে নিরাপদে নিজেদের অবস্থানে ফিরে আসে। আমাদের কামানের আক্রমণ পাকসেনাদের ঘাঁটি যথেষ্ট ক্ষতিসাধন করে এবং তারা তাদের গোলাবর্ষণ বন্ধ করতে বাধ্য হয়। পরে আমরা জানতে পারি যে, আমাদের এই আক্রমণের ফলে পাকসেনাদের গোলন্দাজ ঘাঁটিতে ১১ জন পাকসেনা নিহত এবং ২৩ জন আহত হয়। বিপ্লিতে তিনটি জীপ ধ্বংস হয়ে যায়। একটি কামানেরও মারাঞ্চক ক্ষতি হয়। ফেনীতে পাকসেনাদের মনোবল অনেকটা ভঙ্গে পড়ে। বিশেষ করে পাকসেনাদের সহকারী শান্তি কমিটির সদস্য দালালরা ভয়ে ফেনী শহর পরিত্যাগ করে অন্যত্র চলে যায়। অপরদিকে এই আক্রমণের ফলে আমাদের মুক্তিবাহিনী ও স্বাধীনতাপ্রিয় জনগণের মনোবল আরো বৃদ্ধি পায়। এর পরদিন আমাদের আর একটি কোম্পানি সালদার শক্রঘাঁটি রেইডিং করার জন্য পাঠানো হয়। সমস্ত দিন রেকি করার পর রাত ৮-৩০ মিনিটে আমাদের কোম্পানিটি গোলন্দাজ বাহিনী এবং তি ইঞ্জিন মর্টারের সহায়তায় পাকসেনাদের উপর অতর্কিত আক্রমণ চালায় এবং প্রায় একঘণ্টা যুদ্ধের পর আমাদের সৈন্যরা পাকসেনাদের অগ্রবর্তী অবস্থানগুলো দখল করে নেয়। পাকসেনারাও তাদের গোলন্দাজ বাহিনীর সাহায্যে আমাদের অগ্রসর পথে বাধা দেবার চেষ্টা করে। কিন্তু আমাদের সৈনিকরা ক্ষিপ্রতা ও বীরত্বের সঙ্গে পাকসেনাদের অবস্থানের উপর তাদের হামলা অব্যাহত রাখে। পাকসেনাদের গোলন্দাজ বাহিনীর আক্রমণের ফলে আমাদের অগ্রসর পথে কিছুটা বাধা আসে। কিন্তু তবুও আমাদের সৈনিকরা ডানদিক থেকে তাদের অগ্রযাত্রা অব্যাহত রাখে। সকাল পর্যন্ত সংঘর্ষে পাকসেনারা তাদের অবস্থান থেকে কিছুটা হটে যেতে বাধ্য হয়। আমাদের সৈনিকরা এই অবস্থানের পেছনে অবস্থিত একটি প্রেট্রোল পাম্পও ধ্বংস করে দিতে সক্ষম হয়। এতে প্রায় ২০/২৫ জন

পাকসেনা হতাহত হয়। সারদার অবস্থান থেকে পাকসেনাদের বিতাড়িত করার পর আমরা পরশুরামের নিকট অনন্তপুর গ্রামে পাকসেনাদের অবস্থানের উপর চাপ বাড়িয়ে তুলি। প্রথমদিন এই অবস্থানে আমাদের গোলন্দাজ বাহিনী আক্রমণ চালায়। ফলে ১০ জন পাকসেনা নিহত এবং আরো বেশকিছু আহত হয়। এর একদিন পর আবার অনন্তপুর গ্রামের অবস্থানের উপর আমাদের গোলন্দাজ। বাহিনী আক্রমণ চালায়। ফলে ১৩ জন পাকসেনা নিহত ও ২ জন আহত হয়।

২৯ সেপ্টেম্বর সন্ধ্যা ৭ টার সময় ৪৪ ইঞ্ট বেঙ্গলের 'বি' কোম্পানির পাকসেনাদের নয়নপুর অবস্থানের উপর অতর্কিতে আক্রমণ চালায়। এই আক্রমণের আমাদের গোলন্দাজ বাহিনীও সহায়তা করে। যুদ্ধ প্রায় ৩০ তারিখ রাত ২ টা পর্যন্ত চলতে থাকে। ছ'টার যুদ্ধে আমাদের সৈনিকরা ১০ জন পাকসেনা নিহত, ১৫ জন আহত ও ৬ জনকে বন্দি করে। তাছাড়া অনেক অন্তর্শন্ত্র দখল করে নেয়। পাকসেনারা মাসীর হাট থেকে আরো সৈন্য এনে শক্তি বৃদ্ধি করে আমাদের উপর পাল্টা আক্রমণ চালায়। আমাদের সৈনিকরা সাহসিকতার সাথে পরে আক্রমণের মোকাবিলা করে। কিন্তু শেষ পর্যন্ত আমাদের বাহিনী গোলাবারুন্দ ফুরিয়ে এলে অবস্থান পরিত্যাগ করে নিরাপদে মূল অবস্থানে ফিরে আসে। এই সংঘর্ষে আমাদের পক্ষে একজন শহীদ ও ১১ জন আহত হয়। আমাদের যুদ্ধ চলাকালীন সময়ে পাকসেনাদের একটি সরবরাহবাহী ট্রলী মুসীরহাট থেকে বিলোনিয়ার দিকে যাওয়ার পথে আমাদের সৈনিকদের পুঁতে রাখা মাইনের আঘাতে ধ্বংস হয়। এতে তিনজন পাকসেনা নিহত ও ৬ জন আহত হয়। ট্রলীতে বোঝাই গোলাবারুন্দ এবং রেশনও ধ্বংস হয়ে যায়।

এই ঘটনার দু'দিন পর ১ অক্টোবর রাত ১১ টার সময় আমাদের একটি শক্তিশালী দল পাকসেনাদের মুসীরহাট অবস্থানের উপর প্রচও আক্রমণ চালায়। মুসীরহাট পাকসেনাদের জন্য বিলোনিয়া সেঁটেরে অত্যন্ত গুরুত্বপূর্ণ ঘাঁটি ছিল। কারণ এই ঘাঁটির মাধ্যমে বিলোনিয়ার পশ্চিম দিকে তাদের অবস্থানগুলোতে সরবরাহ অব্যাহত রেখেছিল। বস্তুত সেই জন্যই আমাদের আক্রমণকে প্রতিহত করার জন্য আপ্রাণ চেষ্টা করে। কিন্তু আমাদের প্রচও আক্রমণের মুখে টিকতে না পেরে তাদের অবস্থান পরিত্যাগ করে পালিয়ে যায়। এর পরদিন ২ অক্টোবর পরশুরাম শক্রঘাঁটির উপর আমাদের সৈনিকরা আক্রমণের চাপ বাড়াতে শুরু করে। পাকসেনারা বিপুল সংখ্যক সমাবেশ করে তাদের এই অবস্থানকে রক্ষা করার জন্য আমাদের উপরও পাল্টা আক্রমণ চালায়। আমাদের সৈনিকরা পাকসেনাদের পরশুরামের দিক থেকে এই পাল্টা-আক্রমণ দৃঢ়তার সঙ্গে প্রতিহত করে। এতে পাকসেনারা ছত্রভঙ্গ হয়ে যায়। পাকসেনাদের আক্রমণ প্রতিহত হওয়ার সঙ্গে সঙ্গে আমাদের অন্যান্য অবস্থান থেকে প্রায় ২/৩ কোম্পানি সৈন্য একত্রিত করে ছত্রভঙ্গ হয়ে যাওয়া পাকসেনাদের উপর পুনরায় পাল্টা আক্রমণ চালাবার জন্য নির্দেশ দিই। আমাদের সৈন্যরা পাকসেনাদের উপর আক্রমণ চালিয়ে তাদেরকে পিছু হচ্ছিয়ে দেয় এবং মহারী নদী অতিক্রম করে পরশুরামের পাকসেনাদের অনেকগুলো অবস্থান দখল করে নেয়। পাকসেনারা তাদের অবস্থানের উপর আক্রমণ হওয়াতে নিজেদের গোলন্দাজ বাহিনীকে সাহায্যের জন্য অনুরোধ জানায়। আমজাদ নগরে

অবস্থিত পাক গোলন্দাজ বাহিনী পরশুরামের উপর গোলাবর্ষণ শুরু করে। কিন্তু সৌভাগ্যবশত আমাদের আক্রমণের চাপ শক্রঘাঁটির অতি নিকটবর্তী থাকায় সে গোলাগুলি বেশিরভাগই তাদের নিজেদের অবস্থানের উপর আঘাত হানতে থাকে। আমাদের আক্রমণের চাপ ও তাদের নিজেদের গোলার আঘাতে পাকসেনাদের অবস্থানটি মারাত্মকভাবে ক্ষতিগ্রস্ত হয়। প্রায় ৩০/৪০ জন পাকসেনা নিহত ও প্রচুর সংখ্যক সৈন্য আহত হয়। তারা উপায়ান্তর না দেখে তাদের পশুরামের অবস্থানটি পরিত্যাগ করে অনেক পেছনে নতুন করে অবস্থান নেয়। কয়েকদিনের মুদ্রে বিভিন্ন জায়গায় আমাদের সৈনিকদের কাছে বিপর্যস্ত হয়ে অনেক ক্ষয়ক্ষতি স্বীকার করে বিলোনিয়া ও পশুরামের পাকসেনাদের মনোবল সম্পূর্ণরূপে তেঙ্গে যায়। পাকসেনাদের এহেন শোচনীয় অবস্থা দেখে আমরা তাদের উপর আমাদের চাপ অব্যাহত রাখি। ২ অক্টোবর সন্ধ্যায় আমাদের একটি দল পাকসেনাদের শালদার অবস্থানের উপর আক্রমণ চালিয়ে ৯ জন পাকসেনা নিহত করে এবং তাদের অনেক রসদ বিনষ্ট করে দেয়। পাকসেনারা তাদের অবস্থানগুলোকে রক্ষা করার জন্য ২ ও ৩ অক্টোবরের মধ্যবর্তী রাতে ফেনী থেকে মুসীরহাট ও চিথলিয়াতে আরো এক ব্যাটালিয়ন সৈন্য সমাবেশ করে। ৩ তারিখ সকাল ৬ টার সময় তাদের একটি শক্রিশালী দল আমাদের অন্তপুর ও ধনীকুণ্ডা অগ্রবর্তী অবস্থানের দিকে অগ্রসর হয়। ভারি কামান ও মর্টারের সাহায্যে তারা আমাদের অবস্থানগুলোতে প্রচও গোলাবর্ষণ করে এবং সেই সঙ্গে তাদের পদাতিক বাহিনীও আক্রমণ চালায়। পাকসেনারা যখন অবস্থানের ৪০/৫০ গজের মধ্যে পৌছে, তখন আমাদের সৈনিকরা তাদের উপর প্রচও গুলি চালিয়ে প্রায় ২৫/৩০ জন পাকসেনাকে নিহত করে। পাকসেনারা হামলা চালিয়ে আমাদের অন্তপুরের অবস্থানের দক্ষিণাংশের ইপিগুলো দখল করে নেয়। দক্ষিণাংশে একটি হালকা মেশিনগান বাংকারের উপর কামানের গুলি লেগে ধ্বংস হয়। এই আঘাতে আমাদের কয়েকজন সৈনিক শহীদ হয়। পাকসেনাদের এই প্রবল চাপ ও প্রচও কামানের গুলির মুখে প্রয়োজনীয় গোলা বারুদ ও অন্ত্রের অভাবে টিকতে না পেরে আমাদের অগ্রবর্তী ঘাঁটির সৈনিকরা পিছু হটে মূল অবস্থানে আসে। পাকসেনারা তাদের আক্রমণ আমাদের মূল অবস্থানের উপরও চালাতে থাকে। এই সময় আমাদের গোলন্দাজ বাহিনী এবং মর্টারের গোলাতে তাদের আক্রমণ প্রতিহত হয়ে যায়। আমাদের মূল অবস্থান থেকে একটি শক্রিশালী দল তাদের উপর পাল্টা আক্রমণ চালায়। এই আক্রমণে টিকতে না পেরে পাকসেনারা ছত্রভঙ্গ হয়ে পালিয়ে যায়। আমাদের পাল্টা আক্রমণকারী দলটি আরো অগ্রসর হয়ে অন্তপুর এবং ধনীকুণ্ডা পুনর্দখল করে। পাকসেনাদের প্রায় ৪০/৫০ জন হতাহত হয়। আমাদের ১ জন শহীদ ও ৫ জন আহত হয়। পাকসেনারা মজুমদারহাট এবং চিথলিয়াতে তাদের অবস্থানগুলোতে আরো সৈন্য সমাবেশ করতে থাকে। আমরাও আমাদের চাপ অব্যাহত রাখি। ৪ অক্টোবর রাতে আমাদের একটি শক্রিশালী রেইডিং পার্টি পাকসেনাদের অবস্থানে অনুপ্রবেশ করে সকাল ৬ টা পর্যন্ত চিথলিয়ার নিকট পৌছে। সকাল ৬ টায় ৩ ইপিগুলোর সহায়তায় চিথলিয়া পাকসেনাদের অবস্থানের দক্ষিণে আতর্কিত আক্রমণ চালায়। আধুনিক পর্যন্ত আক্রমণের ফলে প্রায় ৩০ জন পাকসেনা হতাহত করে এবং

একটি আরআর ধৰ্স করে দেয়। এরপৰ পাক অবস্থান থেকে সৱে পড়ে নিরাপদে ফিরে আসে। ৬ থেকে ১০ তারিখ পর্যন্ত আমাদের গোলন্দাজ বাহিনী পরশুরাম, মজুমদারহাট, চিথলিয়া এবং নোয়াপাড়ার উপর বিভিন্ন সময়ে আক্ৰমণ চালিয়ে প্ৰায় ১০ জন পাকসেনা হতাহত কৰে। ১১ তারিখ সক্ষ্যা ৭ টায় পাকসেনারা পৰশুরাম ও মজুমদারহাটের দিক থেকে এক ব্যাটালিয়ন শক্তিসহ গোলন্দাজ বাহিনী ও ৩ ইঞ্জিনীয়ারের সহায়তায় আমাদের অন্তপুৰ অবস্থানের উপর পুনৰায় আক্ৰমণ চালায়। পাকসেনারা আমাদের অবস্থানের অতি নিকটে পৌছতে সমৰ্থন হয়। কিন্তু আমাদের সৈনিকৰা বীৰবিক্রমে তাদেৱ আক্ৰমণকে প্ৰতিহত কৰে। সমস্ত রাত আক্ৰমণ চালাবাৰ পৰ পাকসেনাদেৱ প্ৰায় ৩৫ জন সৈনিক নিহত হয়। শক্তি প্ৰতিৱোধ ব্যৰ্থ এবং প্ৰচুৰ ক্ষয়ক্ষতিৰ জন্য পাকসেনারা তাদেৱ মৃতদেহ ফেলে ভোৱে ছত্ৰঙ্গ হয়ে পিছু হতে যায়। এই সাফল্যেৰ ফলে আমাদেৱ সৈনিকদেৱ মনোবল আৱো বৃক্ষি পায়। ১৩ এবং ১৪ অক্টোবৰ পাকসেনারা আমাদেৱ অবস্থানেৰ সামনেৰ এলাকায় তাদেৱ তৎপৰতা বাঢ়িয়ে চলে। ১৪ অক্টোবৰ সালধৰেৱ নিকট পাকসেনাদেৱ দুটি প্লাটুন আমাদেৱ প্ৰতিৱোধ মাইনেৰ শিকাৰ হয়, ফলে ১৮ জন পাকসেনা নিহত হয়। ১৩ তারিখ সকা঳ ১০ টার সময় আমাদেৱ গোলন্দাজ বাহিনী পাকসেনাদেৱ পৰশুরাম অবস্থানেৰ উপৰ গোলাবৰ্ধণ কৰে একটি মেশিনগানসহ ৫ জন পাকসেনাকে ধৰ্স কৰে দেয়। পাকসেনারা ২/৩ দিন নীৱৰ থাকাৰ পৰ আবাৰ তাদেৱ তৎপৰতা বাঢ়িয়ে দেয়। ১৬ অক্টোবৰ আমাদেৱ দুটি প্লাটুন বিকেল সাড়ে ৩ টায় পাকসেনাদেৱ শালদার অবস্থানেৰ উপৰ আবাৰ অতিৰিক্ত আক্ৰমণ চালায়। ২০ মিনিটেৰ এই আক্ৰমণে মুক্তিযোৰ্ধ্বাৰা ৫ জন পাকসেনাকে নিহত ও ১০ জনকে আহত কৰে নিরাপদে ফিরে আসে। ওই দিনই সাড়ে চারটাৰ সময় আমাদেৱ গোলন্দাজ বাহিনী পাকসেনাদেৱ পৰশুরাম অবস্থানে হামলা চালিয়ে ১০ জনকে হতাহত কৰে এবং একটি বাংকাৰ উড়িয়ে দেয়। পাকসেনারা ১৫ তারিখ সক্ষ্যা ৭ টায় প্ৰায় এক ব্যাটালিয়ন সৈন্যশক্তি নিয়ে গোলন্দাজ বাহিনীৰ সহায়তায় আমাদেৱ সাহেবনগৰ, চন্দনা এবং জঙ্গলখোলা অবস্থানগুলোৰ সাহায্যাৰ্থে পাক সেনাদেৱ উপৰ আক্ৰমণ চালায়। আমাদেৱ গোলন্দাজ বাহিনী এই অবস্থানগুলোৰ সাহায্যাৰ্থে পাক সেনাদেৱ উপৰ আক্ৰমণ চালায় প্ৰায় তিনঘণ্টা যুদ্ধে আমাদেৱ প্ৰচণ্ড আক্ৰমণেৰ মুখে টিকতে না পেৱে পাকসেনারা পিছু হতে যায়। তাদেৱ হতাহতেৰ সংখ্যা জানা যায়নি।

কুমিল্লাৰ দক্ষিণে জুলাই মাসেৰ শেষেৰ দিকে আমৱা শত শত গেৱিলাকে ট্ৰেনিং দিয়ে ভিতৱে পাঠিয়ে দিই। এইসব গেৱিলা কুমিল্লা, চৌদ্দগ্ৰাম, লাকসাম, হাজীগঞ্জ, বকুলা, চাঁদপুৰ, ফরিদগঞ্জ প্ৰভৃতি জায়গাতে প্ৰবেশ কৰে নিজ নিজ জায়গায় বেইস তৈৰি কৰে তোলে। আগষ্ট মাসেৰ প্ৰথম সপ্তাহে ফরিদগঞ্জে অবস্থিত আমাদেৱ গেৱিলাদেৱ একটি প্লাটুন পাকসেনাদেৱ একটি টহলদারী দলকে বোয়াল নামক স্থানে গ্যামৰুশ কৰে। একঘণ্টা যুদ্ধেৰ পৰ ১২ জন পাকসেনা নিহত ও ১৫ জন আহত হয়। বেশকিছু অন্তৰ্শন্ত্র আমাদেৱ গেৱিলাৰা দখল কৰে নৈয়। লাকসাম থানাৰ সাহাপুৰ গ্যামে পাকসেনাদেৱ একটি ছোট ঘাঁটি ছিল। লাকসামেৰ গেৱিলাৰা ৫ আগষ্ট সক্ষ্যা ৭ টার

সময় এই ঘাঁটির উপর অতর্কিতে আক্রমণ চালায়। আক্রমণে ১০ জন পাকসেনা নিহত ও ২ জন আহত হয়। আমাদের আরেকটি গেরিলা দলের দুটি প্লাটুন মিয়াবাজারের নিকট পাকসেনাদের একটি ঘাঁটির বিস্তারিত সংবাদ পায়। তিনটি প্লাটুনের এই দলটি ৭ তারিখে রাত পৌনে তিনটার সময় সেই ঘাঁটিতে অতর্কিতে আক্রমণ চালায়। প্রায় আধঘণ্টা যুদ্ধের ফলে ২৮ জন পাকসেনা নিহত এবং একজন অফিসার ও জেসিওসহ ১২ জন আহত হয়। বেশ কিছুসংখ্যক বাংকার উড়িয়ে দেয়া হয়।

সেপ্টেম্বরের দ্বিতীয় সপ্তাহে চৌদ্দগ্রামের দক্ষিণে এবং কুমিল্লার দক্ষিণে কৃষ্ণনগর, কলাতলা, আমজাদহাট প্রভৃতি জায়গায় আমাদের গেরিলারা পাকসেনাদের উপর বিভিন্ন সময় আঘাত হেনে প্রায় ২০ জনকে নিহত ও ১৬ জনকে আহত করে। এসব সংঘর্ষে আমাদের ৩৪ জন মুক্তিযোদ্ধা শহীদ এবং ৩ জন আহত হয়। সেপ্টেম্বরের ২০ তারিখে আমাদের একটি গেরিলা দল চট্টগ্রাম-কুমিল্লা রাস্তায় জগন্নাথ দীঘির নিকট বাজানকারা সেতুটি উড়িয়ে দিয়ে সেতু থেকে কিছু উত্তরে ১০ জন গেরিলা ও একটি নিয়মিত বাহিনীর পাকসেনাদের অপেক্ষায় গ্র্যামবুশ পেতে বসে। সেতুটি ধ্বংসের সংবাদ পেয়ে ফেনী থেকে পাকবাহিনীর একটি শক্তিশালী দল সেতুর দিকে অগ্রসর হয়। সেতুতে পৌছার আগেই পাকসেনারা আমাদের মুক্তিযোদ্ধাদের গ্র্যামবুশে পড়ে যায়। আমাদের মুক্তিযোদ্ধারা তাদের উপর প্রচণ্ড আক্রমণ চালিয়ে একজন অফিসারসহ ২৫ জন পাকসেনাকে নিহত করে। পাকসেনারা ছত্রভঙ্গ হয়ে ফেনীর দিকে পালিয়ে যায়।

পাকসেনারা লাকসামের নিকট হাসনাবাদ নামক এক জায়গায় তাদের একটি ঘাঁটি তৈরি করে। তাদের সঙ্গে বেশ কিছু সংখ্যকে রাজাকারণ ছিল। এই ক্যাম্প থেকে তারা চাঁদপুর-লাকসাম-কুমিল্লা রাস্তায় অনবরত টহল দিয়ে বেড়াতো। ফলে চাঁদপুরে এবং দক্ষিণ ঢাকা ও ফরিদপুরে অনুপ্রবেশকারী আমাদের গেরিলাদের জন্য মারাত্মক প্রতিবন্ধকতার সৃষ্টি হয়। এই ঘাঁটিটি ধ্বংস করে দেবার জন্য লে. মাহবুবকে নির্দেশ দেয়া হয়। লে. মাহবুব এই ঘাঁটিটি সম্পর্কে পুরোপুরি সংবাদ সংগ্রহ করে। সেপ্টেম্বর মাসের প্রথম দিকে ৪ৰ্থ ইন্ট বেঙ্গলের 'বি' কোম্পানি ও গেরিলা সমর্পিত একটি শক্তিশালী দল লাকসাম এলাকায় অনুপ্রবেশ করে এবং পরদিন পাকসেনাদের হাসনাবাদ ঘাঁটির উপর অতর্কিতে আক্রমণ করে। ফলে প্রায় ২৫ জন পাকসেনা ও ৩০ জন রাজাকার নিহত হয়। পাকসেনারা ক্যাম্প ছেড়ে কুমিল্লার দিকে পালিয়ে যায়। হাসনাবাদ অবস্থান থেকে অনেক অস্ত্রশস্ত্র আমাদের দখলে আসে। এই সংঘর্ষের একদিন পর আমাদের দলটি হাজীগঞ্জে অবস্থিত রাজাকারদের একটি বিরাট ট্রেনিং ক্যাম্পে আক্রমণ চালিয়ে ৩০ জন রাজাকারকে নিহত করে। এর ফলে আমাদের গুরুত্বপূর্ণ অনুপ্রবেশ পথটি আবার বিপদমুক্ত হয়। পাকসেনারা এই অঞ্চলে আমাদের ধ্বংস করার জন্য আরো সৈন্য সমাবেশ ঘটায়। তাদের একটি ব্যাটালিয়ন চৌদ্দগ্রামে মোতায়েন হয়। পাকসেনাদের ব্যাটালিয়ন হেডকোয়ার্টার একটি মদ্রাসা বিল্ডিং-এ স্থাপন করে। এইসব সংবাদ আমাদের কাছে স্থানীয় গেরিলাদের মারফত পৌছে। পাকসেনাদের এই নতুন ব্যাটালিয়নটি আসার সাথে সাথেই ব্যতিবন্ধ করে তোলার জন্য লে. ইমামুজ্জামান সেপ্টেম্বর মাসের ১০ তারিখে আমাদের মর্টার প্লাটুন ও একটি গেরিলা দলকে চৌদ্দগ্রাম

পাঠায়। আমাদের দলটি বিকেল ৫ টায় চৌদ্দগ্রামের নিকট উপস্থিত হয়ে পাকসেনাদের হেডকোয়ার্টারের উপর মর্টারের গোলাবর্ষণ শুরু করে। বেশ ক'টি গোলা মাদ্রাসা ঘরের মধ্যে পড়ে। এর ফলে পাকসেনাদের প্রায় ৩০/৪০ জন হতাহত হয়। আমাদের একজন প্রত্যক্ষদৰ্শী স্থানীয় গেরিলা আহতদের লাকসামের দিকে নিয়ে যেতে দেখে। পাকসেনারা কামানের সাহায্যে আমাদের অবস্থানের উপর গোলাগুলি চালায়। এতে কিছু বেসামরিক লোক নিহত হয়। এর দু'দিন পর পাকসেনাদের একটি দল হরিসর্দার বাজারের নিকট স্থানীয় দালাল, শান্তি কমিটির লোকদের নিয়ে এক সভায় মিলিত হয়। এই সভা পও করে দেয়ার জন্য আমাদের একটি টহলদার দল পাকসেনাদের উপর অতর্কিতে আক্রমণ চালায়। ফলে একজন জেসিওসহ ৩ জন পাকসেনা নিহত হয়। শান্তি কমিটির লোকেরা ভয়ে পালিয়ে যায়। পাকসেনারা সেপ্টেম্বর মাসেই চৌদ্দগ্রামের উত্তরে হরিসর্দার বাজারের নিকট পুনরায় নতুন করে তাদের ধাঁটি তৈরি করার চেষ্টা চালায়। এই সংবাদ পেয়ে লে. ইমামুজ্জামান পাকসেনাদের সম্বন্ধে সম্পূর্ণ খবর সংগ্রহ করার জন্য রেকি দল পাঠায়। রেকি দলটি রাত ৯ টার সময় খবর সংগ্রহ করে ফেরত আসে। তারা দেখতে পায়, পাকসেনাদের প্রায় এক কোম্পানি শক্তি হরিসর্দার বাজারের উত্তরে ধাঁটি তৈরি করার জন্য ট্রেক্স খোঢ়ায় ব্যস্ত। সংবাদ পেয়ে লে. ইমামুজ্জামান ৪৮ ইন্ট বেঙ্গলের 'বি' কোম্পানি এবং দুটি গেরিলা কোম্পানি নিয়ে মর্টারের সহায়তায় রাত সাড়ে ৪ টার সময় পাকসেনাদের অবস্থানের উপর অতর্কিত আক্রমণ চালায়। আমাদের তীব্র আক্রমণের ফলে পাকসেনাদের দুটি হালকা মেশিনগান পোস্ট ছাড়া সম্পূর্ণ অবস্থানগুলো পর্যন্ত হয়ে যায়। পাকসেনারা তাদের বাংকার থেকে আক্রমণের চাপে পালাবার চেষ্টা করলে আমাদের সৈনিকরা তাদের নিহত করে। প্রায় ২৫ জন পাকসেনা বেঞ্জারসহ নিহত হয় এবং অনেকে আহত হয়। দু'ঘণ্টা আক্রমণ চালাবার পর আমাদের সৈনিকরা নিরাপদে তাদের অবস্থানে ফিরে আসে। পরে পাকসেনারা তাদের আহত সৈনিক ও নিহতদের নিয়ে জীপে করে লাকসামের দিকে পালিয়ে যায়। প্রায় ৮ টার সময় পাঁচটি হেলিকপ্টারে করে পাকসেনাদের আরেকটি দল সেই অবস্থানের শক্তি বৃদ্ধি করার জন্য আসে। শক্তি বৃদ্ধির পর পাকসেনারা প্রায় ১০ টার দিকে আমাদের অবস্থানে আক্রমণের জন্য অগ্রসর হয়। আমাদের অবস্থানটি পাকসেনাদের এই আক্রমণের জন্য প্রস্তুত ছিল। লে. ইমামুজ্জামানের নেতৃত্বে পাকসেনাদের আক্রমণকে আমাদের সৈনিকরা প্রতিহত করতে থাকে। আমাদের প্রচণ্ড গোলাগুলির মধ্যেও পাকসেনারা আমাদের অগ্রবর্তী অবস্থানের নিকট পর্যন্ত অগ্রসর হতে সমর্থ হয়। এ সময় আমাদের মর্টারগুলো তাদের উপর মারাত্মক আঘাত হানে। ফলে পাকসেনাদের আক্রমণ ছত্রভঙ্গ হয়ে যায়। শুধুমাত্র ক্ষুদ্র একটি পাকসেনা দল আমাদের ডানদিক দিয়ে যেতে সক্ষম হয়। কিন্তু লে. ইমামুজ্জামানের সময়মত পাল্টা আক্রমণের ফলে তারাও নিহত হয়। ৫/৬ ঘণ্টা যুদ্ধের পর আমাদের বীর সৈনিকরা সাফল্যের সঙ্গে তাদের আক্রমণ প্রতিহত করতে সক্ষম হয়। এই যুদ্ধে একজন মেজরসহ ৩৮ জন পাকসেনারা নিহত হয়। মর্টারের গোলার আঘাতে পাকসেনাদের অফিসার নিহত হবার পর পাকসেনারা মনোবল হারিয়ে পক্ষিম দিকে পিছু হটে যায়। এর দু'দিন পর ১৩ সেপ্টেম্বর সন্ধ্যা সাড়ে ৭ টার সময় আমাদের

একটি গেরিলা দল ফতেহপুরের নিকট একটি রেলসেতু উড়িয়ে দেয়। এতে ৫০ ফুট গ্যাপ সৃষ্টি হয়। ফলে লাকসাম-ফেনীর মধ্যে ট্রেন চলাচল বন্ধ হয়ে যায়। বাডিসা এবং গোবিন্দমানিক্যর দীঘিতে পাক সেনাদের দুটি ঘাঁটি ছিল। লে. ইমামুজ্জামান ১৯ সেপ্টেম্বর সকাল সাড়ে পাঁচটার সময় এই দুটি পাক অবস্থানের উপর একযোগে অতর্কিতে আক্রমণ চালায়। এই আক্রমণে ৮১ মি.মি. মর্টার, ৭৫ মি.মি. আরআর এবং মেশিনগান ব্যবহার করা হয়। মানিক্যর দীঘিতে অবস্থিত পাকসেনারা আমাদের আক্রমণের পূর্বাভাস পেয়ে সতর্ক হয়ে ছিল। ফলে সাতসা অবস্থানের শুধু দুটি বাংকার ধ্বংস ও ৬ জন পাকসেনা আমাদের আক্রমণে নিহত হয়। আমাদের দু'জন সৈনিক আহত হয়। বাডিসা ঘাঁটির উপর আমাদের আক্রমণ সম্পূর্ণ সফল হয়। আরআর-এর গোলার আঘাতে প্রায় ছাঁটি বাংকার ধ্বংস হয়। পাকসেনাদের ২০ জন নিহত ও ১২ জন আহত হয়। আমাদের আক্রমণকারী দলটি দু'ঘণ্টা পর নিরাপদে নিজেদের অবস্থানে ফিরে আসে। এই সংঘর্ষের চারদিন পর ২৩ সেপ্টেম্বর তোর ৫ টার সময় একটি প্লাটুন ও ১৬ জন গেরিলা লে. ইমামুজ্জামানের নেতৃত্বে মর্টার এবং আরআর-এর সাহায্যে আবার গোবিন্দমানিক্য দীঘিতে অতর্কিত আক্রমণ চালায়। এই আক্রমণের সময় আমাদের সৈনিকরা শক্তির বেশকিছু বাংকার আরআর-এর সাহায্যে ধ্বংস করে দিতে সক্ষম হয়। ফলে প্রায় ১৫ জন পাকসেনা নিহত ও ১০ জন আহত হয়। একঘণ্টা যুদ্ধের পর আমাদের সৈনিকরা তাদের অবস্থানে নিরাপদে ফিরে আসে।

পাকসেনাদের একটি শক্তিশালী দল কুমিল্লার দক্ষিণে পায়েলগাছা থেকে নারায়ণপুরের দিকে অগ্সর হয় এবং নারায়ণপুরের অনেকগুলো বাড়িগুলি জ্বালিয়ে দেয় এবং নারীধর্ষন করে। ২/৩ ঘণ্টা যাবত তাদের অত্যাচার চলে। নারায়ণপুরের নিকট অবস্থিত আমাদের মাত্র ১৩ সদস্যের ছোট একটি গেরিলা পাকসেনাদের নারায়ণপুরের দিকে অগ্সর হতে দেখে। পরে এই দল পায়েলগাছার রাস্তায় এ্যামবুশ পাতে। পাকসেনারা নারায়ণপুরে অত্যাচার চালাবার পর ফেরার পথে তাদের এ্যামবুশের আওতায় পড়লে গেরিলারা আক্রমণ চালায়। আক্রমণে ১৪ জন পাকসেনা ও ২৮ জন রাজাকার নিহত এবং ১৩ জন পাকসেনা ও ১৬ জন রাজাকার আহত হয়। আমাদের বীর যৌন্দারা তাদের শুলি শেষ না হওয়া পর্যন্ত প্রাণপণে আক্রমণ চালিয়ে যায়। এই এ্যামবুশে শেষ পর্যন্ত ৫ জন গেরিলা শহীদ হয় এবং বাকি ৮ জন ফিরে আসতে সমর্থ হয়। শক্তিশালী পাকবাহিনীর দলের সঙ্গে ক্ষুদ্র এই গেরিলা বাহিনীর প্রচণ্ড আক্রমণ এবং আত্মত্যাগ কোনোদিন ভুলে যাবার নয়।

চাঁদপুরের নিকট আকন্দহাট বাজারের নিকট আমাদের একটি কোম্পনি তাদের বেইস স্থাপন করে। স্থানীয় দালাল এবং রাজাকাররা পাকসেনাদেরকে এই বেইস সম্বন্ধে খবর দেয়। এই বাজারটির তিনদিকে পানি থাকায় আমাদের সৈনিকরা বেইসটিকে যথেষ্ট নিরাপদ মনে করতো। ৬ সেপ্টেম্বর সকাল ৬ টার সময় পাকসেনাদের একটি শক্তিশালী দল স্থানীয় দালালের সহযোগিতায় আমাদের এই বেইসটি আক্রমণের জন্য আসে। আক্রমণের সময় তারা নৌকার সাহায্যে খাল পার হয়ে বেইস-এর দিকে অগ্সর হবার চেষ্টা করে। পাকসেনারা নিকটে পৌছলে আমাদের সৈনিকরা তাদের উপর

আক্রমণ চালায়। দুঃঘটা যুদ্ধে একজন মেজর ও জন পাকসেনাসহ নিহত হয়। খাল পার হতে না পেরে এবং অনেক হতাহতের ফলে তারা ছত্রভঙ্গ হয়ে যায়। আমাদের কোম্পানিটি পরে সেখান থেকে নিরাপদে অন্য বেইস-এ চলে আসে।

কুমিল্লার দক্ষিণে পাকসেনাদের কংসতলা ঘাঁটিটি আমাদের গেরিলা বাহিনীর যাতায়াতে বিশেষ অসুবিধার সৃষ্টি করেছিল। এই ঘাঁটি থেকে পাকসেনাদের টহলদার দল আমাদের যাতায়াত পথে বিশেষ তৎপরতা চালাতো। এই ঘাঁটিটিকে ধ্বংস করে দেবার জন্য ক্যাপ্টেন মাহবুবকে নির্দেশ দেয়া হায়। বিশেষ তথ্য অনুসন্ধান করে ৫০ জনের একটি দল লে. মাহবুবের নেতৃত্বে ৩০ সেপ্টেম্বর রাত একটায় এই ঘাঁটিতে অনুপ্রবেশ করে আক্রমণ চালায়। তিনঘটা যুদ্ধের পর সুবেদার শাহজাহানসহ ১৬ জন পাকসেনা নিহত এবং ৮ জন আহত হয়। পাকসেনারা এই আক্রমণের ফলে এতই বিপর্যস্ত হয়ে পড়ে যে, সেখান থেকে তারা তাদের অবস্থান পরিত্যাগ করে কুমিল্লায় চলে যেতে বাধ্য হয়। এর দু'দিন পর আমাদের ডিমোলিশন পার্টি পেপুলিয়া বাজারের নিকট লালমাই সোনাগাজী সড়কের একটি সেতু বিস্ফোরক দিয়ে উড়িয়ে দেয়। পাকসেনারা এই রাস্তাটিকে ট্যাঙ্ক এবং ভারি গাড়ি চলাচলের জন্য পুনঃনির্মাণের চেষ্টা করছিল। সেতুটি ধ্বংস করে দেবার পর তারা রাস্তা মেরামতের কাজ বন্ধ করে দেয়। আমাদের আরেকটি গেরিলা দল চান্দিনার নিকটে দোতুলাতে রাস্তায় মাইন পুঁতে পাকসেনাদের একটি গাড়ি ধ্বংস করে দেয়। এছাড়াও কুমিল্লার দক্ষিণে ও উত্তরে ১ অক্টোবর থেকে ৩ অক্টোবর আমাদের সঙ্গে বিভিন্ন সংঘর্ষে প্রাণছড়া, কোটেঞ্জের, আজনাপুর, বিবিরবাজার, আমতলী প্রভৃতি জায়গায় ২৫ জন পাকসেনা নিহত এবং ৮ জন আহত হয়।

আমাদের ৪১ জনের একটি গেরিলা দল ১ অক্টোবর তাদের ট্রেনিং শেষ করে রাত ৮ টায় ঢাকার উদ্দেশ্যে রওয়ানা হয়। কসবার দক্ষিণ দিক দিয়ে এই দুটি নৌকায় উজানিষ্ঠর সেতুর নিকট পৌছে। পাকসেনাদের একটি টহলধারী দল রাত ১১ টায় আমাদের দ্বিতীয় নৌকাটিকে দেখতে পায় এবং আক্রমণ চালায়। আক্রমণের ফলে আমাদের ৫ জন গেরিলা শহীদ ও তিনজন আহত হয়। ১৫টি রাইফেল ও ৫টি টেনগান পানিতে পড়ে হারিয়ে যায়। বাকী গেরিলারা অতিকষ্টে শক্রদের নাগালের বাইরে চলে আসতে সক্ষম হয়। এই ঘটনার তিনদিন পর লে. ইমামুজ্জামানের ৪ অক্টোবর সকাল ৫ টায় চৌক্ষিকামের ৫ মাইল উত্তরে হরিসর্দার বাজারে পাক অবস্থানের উপর ১০৬ মি.মি. আরআর ও ৮১ মি.মি. মার্টেরের সাহায্যে আক্রমণ চালিয়ে শক্র ষটি বাংকার ধ্বংস করে ২৫ জন পাকসেনা ও ৭ জন রাজাকারকে হতাহত করে। মুক্তিযোদ্ধারা চৌক্ষিকামের তিনমাইল দক্ষিণে একটি সেতুও ধ্বংস করে দেয়। ৪ ও ৫ অক্টোবর কুমিল্লার উত্তরে আজনাপুর ও জামবাড়ি এলাকায় আমাদের গেরিলারা পাকসেনাদের বেশ ক'টি টহলধারী দলকে আক্রমণ করে ১৫ জনকে নিহত ও ২০ জনকে আহত করে। আমাদের ১ জন শহীদ ও ১ জন আহত হয়। কুমিল্লাতে গোমতী বাঁধে মাইন পুঁতে পাকসেনাদের ১টি জীপ ধ্বংস করে দেয়া হয়। সেই সঙ্গে একজন অফিসারসহ তিনজন পাকসেনা নিহত হয়। এছাড়া রামচন্দ্রপুর এবং বাংগোরা ডাকঘর জালিয়ে দেয়া হয়। হোমনা থানায় অবস্থিত পাকসেনাদের একটি দলের সঙ্গে তিন তারিখ রাত সাতে ৩ টার সময়

আমাদের একটি গেরিলা দলের সংঘর্ষ হয়। ৬ ঘণ্টার মুক্ত পাকসেনারা সম্পূর্ণরূপে পর্যুদ্ধ হয়ে পালিয়ে যায়। আমাদের গেরিলারা পাকসেনাদের দ্বারা বন্দি ১৯ জন ব্যক্তিকে মুক্ত করে দেয় এবং ৯টি রাইফেল দখল করে। এরপর হোমনা এলাকা সম্পূর্ণরূপে আমাদের কর্তৃত্বে আসে। ৬ অক্টোবর রাত ৩ টার সময় পাকসেনাদের একটি দল দুর্ভিপুরের নিকট আমাদের এ্যামবুশে পড়ে যায়। এই এ্যামবুশে একজন ইঞ্জিনিয়ার কোর-এর অফিসারসহ ১২ জন পাকসেনা নিহত হয়। পাকসেনারা গোমতীর উত্তরে আবার তাদের আধিপত্য পুনরুদ্ধারের জন্য তৎপরতা বাড়িয়ে দেয়। পাকসেনাদের এই তৎপরতাকে বাধা দেবার জন্য ক্যাপ্টেন দিদারুল আলম দুটি প্লাটুন পানছড়া এবং মোহনপুরে পাঠায়। এই প্লাটুনগুলো পাকসেনাদের চলাচলের রাস্তায় এ্যামবুশ পেতে অপেক্ষা করতে থাকে। ৮ তারিখ পাকসেনাদের একটি শক্তিশালী দল গোমতী পার হয়ে পানছড়ার দিকে অগ্রসর হয়। সকাল ৬ টায় সময় এই দলটি আমাদের এ্যামবুশের আওতায় আসে। ফলে ২০ জন পাকসেনা নিহত ও ১০ জন আহত হয়। পরদিন পাকসেনাদের আরেকটি ছোট দল মনোহরপুরে আমাদের এ্যামবুশের আওতায় আসে এবং এ্যামবুশে ৬ জন পাকসেনা নিহত হয়। ঐদিনই আমাদের মুক্তিযোদ্ধারা পাকসেনাদের আরেকটি দলকে বুড়ীচং-এর নিকট সাদেকপুরে জেরুইনে এ্যামবুশ করে। এ্যামবুশে ১ জন মেজর ও ১ জন ক্যাপ্টেনসহ ২০ জন পাকসেনা নিহত ও ৭ জন ইপিসিএএফ নিহত হয়। নিহত একজন ক্যাপ্টেনের নাম সৈয়দ জাতেদ শাহ বলে পরে আমরা জানতে পারি। একজন পাকসেনা আমাদের হাতে বন্দি ও হয়। এই সংঘর্ষে আমাদের একজন শহীদ এবং তিনজন আহত হয়। ৭টি রাইফেল আমরা দখল করে নেই। এর দু'দিন পর ১১ অক্টোবর সকাল সাড়ে ১১ টার সময় আমাদের মুক্তিযোদ্ধারা কুমিল্লার সার্কিট হাউস এবং গোমতীর চাঁদপুর ফেরীতে মর্টারের গোলাবর্ষণ করে। কুমিল্লা সার্কিট হাউসে পাকসেনাদের মার্শাল ল' হেডকোয়ার্টার ছিল। এই গোলাবর্ষণের ফলে প্রায় ৩৯ জন পাকসেনা ও রাজাকার হতাহত হয়। শহরের ভিতরে বসে মর্টারের গোলাবর্ষণ করাতে পাকসেনাদের মধ্যে আতঙ্কের সৃষ্টি হয়। পরে আমরা জানতে পারি যে, শহরে অবস্থিত অনেক টহলদার পাকসেনা ভৌতসন্ত্রস্ত হয়ে তাদের অন্তর্শন্ত্র ফেলে ময়নামতি ক্যান্টনমেন্টের দিকে পালিয়ে যায়। আমরা আরো জানতে পারি যে, সার্কিট হাউসে গোলাবর্ষণের সময় সেখানে পাকিস্তানি ৯ ডিভিশনের জেনারেল অফিসার কমান্ডিং উপস্থিত ছিলেন। অল্লের জন্য তিনি আমাদের আক্রমণ থেকে রক্ষা পান। পাকসেনারা কুমিল্লা শহরে প্রকাশ্য দিবালোকে মুক্তিযোদ্ধাদের দ্বারা এই আক্রমণের খবর পাকিস্তানি রেডিও থেকেও প্রচার করে। তারা ৫ জন সৈনিক নিহত ও ৩৯ জন আহত হওয়ার কথা স্বীকার করে। আমাদের গেরিলারা কালির বাজার গ্রামে পাকসেনাদের একটি হেডকোয়ার্টারের সন্ধান পায়। এই সংবাদ পেয়ে লে. ইমামুজ্জামান একটি ৭৫ মি.মি. আরআর, মেশিনগান ও হালকা মেশিনগানসহ একটি প্লাটুন পাঠিয়ে দেয়। এই প্লাটুনটি পথ প্রদর্শকের সহায়তায় পাকসেনাদের হেডকোয়ার্টারের নিকটে রাতে পৌছতে সক্ষম হয়। ১২ অক্টোবর ভোর ৫ টায় আমাদের এই দলটি রকেট এবং মেশিনগানের সাহায্যে

পাকসেনাদের এই হেডকোয়ার্টারে আক্রমণ করে একটি বিল্ডিং-এ অবস্থিত দুটি বাংকার সম্পূর্ণভাবে উড়িয়ে দেয়। ঐ অবস্থানের আরো পাকসেনারা রকেট হামলায় ইতস্তত পালাবার চেষ্টা করে। এমতাবস্থায় তাদের প্রতি মেশিনগানের সাহায্যে শুলিবর্ষণ করে তাদের ১২ জনকে নিহত ও ৪ জনকে আহত করে। এরপর আমাদের দলটি নিরাপদে আমাদের অবস্থানে ফিরে আসে। এই ঘটনার একদিন পর বগাবাড়ি ও জাজিখৰে আরেকটা আক্রমণে ৭ জন পাকসেনা ও ৫ জন রাজাকার নিহত হয়।

বুড়ীচং থানার রামনগর গ্রামে আমাদের গেরিলাদের একটি অবস্থান ছিল। পাকসেনারা স্থানীয় দালালদের নিকট সংবাদ পেয়ে ৮ অক্টোবর দুপুরে একটি শক্তিশালী দল নিয়ে সেই অবস্থানের উপর আক্রমণ চালায়। আমাদের মুক্তিযোদ্ধারা বীরত্বের সঙ্গে সেই আক্রমণের মোকাবেলা করে। দুপুর ১ টা থেকে রাত ৮ টা পর্যন্ত যুদ্ধ চলে। যুদ্ধে পাকসেনাদের প্রায় ১৬ জন সৈনিক ও ১৪ জন রাজাকার নিহত হয়। পাক আক্রমণের চাপ বাড়তে থাকলে আমাদের মুক্তিযোদ্ধারা তাদের অবস্থান পরিত্যাগ করে জাগলপুরে নতুন করে অবস্থান নেয়। পরদিন পাকসেনাদের আরেকটি শক্তিশালী দল সেই অবস্থানের উপরও আক্রমণ চালায়। প্রায় ৪ ঘণ্টা যুদ্ধ করে আমাদের যোদ্ধারা ৩৫ জন পাকসেনাকে হতাহত করে। এরপর সেই অবস্থান পরিত্যাগ করে প্রধান ঘাঁটিতে আসে। আসার পথে পাঁচজন পাকসেনা আমাদের হাতে বন্দি হয়। আমাদের একজন শহীদ, দু'জন আহত এবং ১ জন বন্দি হয়।

আমাদের একটি প্লাটুন ১৫ তারিখ সকাল ৮ টায় কুমিল্লার দক্ষিণে পাকসেনাদের একটি অবস্থানের আধমাইল দূরে বারচর গ্রামে এ্যামবুশ পাতে। একঘণ্টা অবস্থানের পর পাকসেনাদের একটি দল তাদের ঘাঁটিতে ফেরার পথে এই এ্যামবুশের আওতায় পড়ে। এ্যামবুশে ১২ জন নিহত ও ৩ জন আহত হয়। ঐ দিনই বিকেলে মনোহরের নিকট পাকসেনাদের আরেকটি দলের উপর আমাদের সৈনিকরা আক্রমণ করে। পাকসেনাদের এই দলটি নিকটবর্তী একটি গ্রাম জুলিয়ে তাদের ঘাঁটিতে ফেরত যাচ্ছিলো। দু'দিন পর ১৮ অক্টোবর রমজানপুরে আমাদের মুক্তিযোদ্ধারা একটি এ্যামবুশ পাতে। রাত প্রায় সাড়ে ৩ টার সময় একটি টহলদারী দল এই এ্যামবুশে পড়ে যায়। উভয়পক্ষে প্রায় আধঘণ্টা গোলাগুলি বিনিময় হয়। এতে ১০ জন পাকসেনা ও ১৮ জন রাজাকার হতাহত হয়। আমাদের একজন আহত হয়। পাকসেনারা ছত্রভঙ্গ হয়ে মৃতদেহ ফেলে রেখে পালিয়ে যায়।

পাকসেনারা অক্টোবর মাসের দ্বিতীয় সপ্তাহে মিয়াবাজারের নিকট তাদের একটি ঘাঁটি স্থাপন করে। আগস্ট মাসে এই অবস্থান থেকে আমরা পাকসেনাদের তাড়িয়ে দিতে সক্ষম হয়েছিলাম। পুনরায় এই ঘাঁটি স্থাপন করায় আমরা বুঝতে পারি যে, পাকসেনারা আবার চট্টগ্রাম-কুমিল্লা রাস্তা খুলবার প্রস্তুতি নিচ্ছে। তাদের এই পরিকল্পনা ব্যর্থ করার জন্য প্রথম অবস্থাতেই মিয়াবাজারের শক্রঘাঁটিটি ধ্বংস করে দেবার জন্য লে. মাহবুব একটি পরিকল্পনা গ্রহণ করে। অক্টোবর মাসের ১৭ তারিখ রাত ৭ টার সময় আমাদের একটি কোম্পানি পাকসেনাদের ঘাঁটি রেইড করার উদ্দেশ্যে তাদের নিজেদের বেইস থেকে রওনা হয়। রাত প্রায় ১১ টার সময় শক্রঘাঁটির নিকট পৌছে অতর্কিতে আক্রমণ

চালায়। প্রায় দেড়ঘণ্টা যুদ্ধের পর ২ জন পাকসেনা নিহত ও ৫ জন আহত করে আমাদের দলটি অবস্থান পরিত্যাগ করে। এর তিনদিন পর ২০ অক্টোবর ভোর ৪ টার সময় মিয়াবাজারের আরেকটি শক্রঘাঁটির উপর আমাদের সৈন্যরা আক্রমণ চালায়। এই অকস্মাৎ আক্রমণে পাকসেনারা বিপর্যস্ত হয়ে পড়ে। দুঃঘন্টা যুদ্ধের ফলে প্রায় ২১ জন পাকসেনা নিহত এবং অনেক আহত হয়। পাকসেনাদের নিহত ও আহত সৈনিকদেরকে পরের দিন গাড়িতে কুমিল্লার দিকে নিয়ে যেতে দেখা যায়। আমাদের দলটি যে রাস্তায় ফিরে আসে পাকসেনাদের ঘাঁটির কিছু দূরে সেই রাস্তার উপর মাইনের সাহায্যে বুবীট্র্যাপ লাগিয়ে আসে। পরদিন সকালে পাকসেনাদের একটি শক্তিশালী দল সেই রাস্তায় খবরাখবর নেয়ার জন্য অগ্সর হ্বার পথে বুবীট্র্যাপ-এর কাছে পড়ে যায় এবং মাইন বিস্ফোরণের ফলে ১৬ জন পাকসেনা নিহত ও ৫ জন আহত হয়।

আমাদের আরেকটি দল লে. ইমামুজ্জামানের নেতৃত্বে ২২ অক্টোবর ভোর ৪টার সময় মর্টার এবং ১০৬ মি.মি. আরআর-এর সহায়তায় হরিসর্দার বাজারের উপর পাকসেনাদের আরেকটি নতুন ঘাঁটির উপর আক্রমণ চালায়। প্রায় ১২ ঘণ্টার যুদ্ধে আমাদের মর্টার, মেশিনগান এবং আরআর-এর গোলা পাকসেনাদের প্রচুর ক্ষয়ক্ষতি করে। আরআর-এর সাহায্যে বেশ ক'টি বাংকার আমাদের সৈন্যরা উড়িয়ে দিতে সমর্থ হয়। তাদের প্রায় ৩৫ জন হতাহত হয়। পাকসেনারা কুমিল্লা বিমানবন্দরে অবস্থিত কামানের সাহায্যে আমাদের আক্রমণকে প্রতিহত করে। প্রচণ্ড কামানের আক্রমণের ফলে সক্ষ্যা ৬ টার সময় আমাদের সৈনিকরা গোলার অভাবে পিছু হটে আসতে বাধ্য হয়। আসার সময় পাকসেনাদের অবস্থানের নিকট রাস্তায় মাইন লাগিয়ে আসে। পরদিন সকালে মাইন বিস্ফোরণের ফলে ৭/৮ জন পাকসেনা আহত হয়। এর একদিন পর আমাদের আরেকটি দল সকাল ৭ টার সময় চৌদ্দগ্রামের এক মাইল উত্তরে পাকসেনাদের কালিরবাজার ঘাঁটির উপর মর্টার এবং আরআর-এর সহায়তায় আক্রমণ চালায়। এই আক্রমণে প্রায় ১২ জন পাকসেনা হতাহত হয়। পাকসেনারা তাদের গোলন্দাজ বাহিনীর সহায়তায় আক্রমণকে প্রতিহত করতে সক্ষম হয়। এর কয়েকদিন পর পাকসেনাদের একটি টহলদারী দল চৌদ্দগ্রাম থেকে সাড়ে চার মাইল দক্ষিণে আমাদের বাজারের নিকট আমাদের সৈন্যদের এ্যামবুশে পড়ে যায়। ফলে ৮ জন পাকসেনা নিহত হয়। ১৮ অক্টোবর বিকাল সাড়ে ৫ টার সময় আমাদের একটি শক্তিশালী দল মর্টার এবং আরআর-এর সহায়তায় পাকসেনাদের বাডিসা ঘাঁটের উপর আক্রমণ চালায়। প্রায় দেড়ঘণ্টার এই যুদ্ধে ২০ জন পাকসেনা হতাহত হয়। বাডিসা ঘাঁটের আক্রমণের সঙ্গে সঙ্গে পাকসেনাদের রাজাসার দীঘির অবস্থানের উপরও আক্রমণ চালানো হয়। এই আক্রমণের ফলেও প্রায় ৬ জন নিহত এবং বেশ ক'টি বাংকার আমাদের সৈন্যরা ধ্বংস করে দিতে সমর্থ হয়। আমাদের একটি ছোট দল আরিউরার নিকটে রাস্তায় মাইন পুঁতে রাখে। পাকসেনারা বাডিসা এবং রাজাসার দীঘি আক্রমণের অবস্থাদে পেয়ে ৪/৫ টি গাড়ি ভর্তি সৈন্য নিয়ে সাহায্যের জন্য সেদিকে অগ্সর হয়। পথে পুঁতে রাখা মাইন বিস্ফোরণে একটি ট্রাক ও একটি জীপ সম্পূর্ণরূপে ধ্বংস হয়ে যায়। ফলে ১৮ জন পাকসেনা নিহত এবং ২ জন অফিসারসহ ৫ জন আহত হয়। এই

এলাকাতে সর্বত্র আমাদের আক্রমণের তীব্রতার দরঘন পাকসেনারা নাজেহাল হয়ে যায়। ফলে এই এলাকায় পুনঃ প্রাধান্য ফিরে পাবার আশায় ২০ অক্টোবর বিকেল ৪ টার সময় তাদের একটি শক্তিশালী দল হরিসর্দার ঘাঁটি থেকে আমাদের অবস্থানের দিকে অগ্রসর হয়। এই দলটি কামানের সহায়তায় প্রায় দু'ঘণ্টা ধরে আমাদের অবস্থানের উপর আক্রমণ চালায়। আমাদের সৈনিকরা ৩ ইঞ্জিন মৰ্টার এবং হালকা মেশিনগানের সাহায্যে পাক সেনাদের প্রচণ্ড আক্রমণকে প্রতিহত করে। আমাদের গোলাগুলিতে অনেক পাকসেনা হতাহত হয়। পাকসেনারা ছত্রভঙ্গ হয়ে পিছু হটে যেতে বাধ্য হয়। এই এলাকা থেকে আমাদের বিভাড়িত করার উদ্দেশ্য সেই সাথে বিফল হয়ে যায়।

আগস্ট মাসের প্রথম দিকে নোয়াখালী এলাকায় আমাদের গেরিলাদের শক্তিবৃদ্ধি পায়। অনেক গেরিলাকে প্রশিক্ষণ দিয়ে নিজ নিজ এলাকাতে পাঠানো হয়। সুষ্ঠু নিয়ন্ত্রণের জন্য নোয়াখালী জেলাকে চারটি ভাগে বিভক্ত করে বেঙ্গল রেজিমেন্টের চারজন সুবেদারকে এইসব এলাকার গেরিলা এবং নিয়মিত বাহিনীর সৈনিকদের তত্ত্বাবধানের ভার দেয়া হয়। সোনাইমুড়ি, ফরিদগঞ্জ এলাকার ভার সুবেদার আলী অ. করব পাটোয়ারী, নোয়াখালী সদরের ভার সুবেদার লুৎফুর রহমান, দক্ষিণ ফেণীর ভার সুবেদার জব্বার এবং লক্ষ্মীপুর ও রামগতির ভার অন্য আরেকজন সুবেদারের প্রতি আরোপিত হয়। এলাকা বিভক্তের পর স্থানীয় কমাণ্ডাররা সম্মিলিত গেরিলা ও নিয়মিত বাহিনীর পূর্ণ সহযোগিতায় তাদের তৎপরতা বৃদ্ধি করে। সুবেদার আলী আকবার পাটোয়ারীর নেতৃত্বে আগস্ট মাসের শেষের দিকে ফরিদগঞ্জ থানার রাওয়াল নামক গ্রামে পাকসেনাদের একটি দলকে অতর্কিত আক্রমণ করে ১২ জন পাকসেনাকে নিহত এবং ১০ জনকে আহত করে। আমাদের একজন মুক্তিযোদ্ধাও শহীদ হয়। সুবেদার লুৎফুর রহমানের নেতৃত্বে আমাদের আরেকটি গেরিলা দল শুণবতী ও সরিষাদী রেলস্টেশনে আক্রমণ চালিয়ে প্রায় ৩২ জন পাকসেনা ও রাজাকারকে হতাহত করে। সোনাইমুড়ির উত্তরে কাদের বাজারের নিকট পাকসেনাদের ১০টি দলকে গ্র্যামবুশ করে ৩ জনকে নিহত ও ১০ জনকে আহত করে প্রচুর অন্তর্ভুক্ত দখল করে নেয়। পাকিস্তানি রেঞ্জার ও রাজাকাররা রায়পুরের নিকট এল.এম, হাইকুলে একটি শিবির স্থাপন করে। ৬ আগস্ট সন্ধ্যার সময় আমাদের একটি গেরিলা দল শক্তদের এই ঘাঁটির উপর অতর্কিত আক্রমণ করে। ফলে ৯ জন রেঞ্জার হতাহত হয়। আমাদের একজন আহত হয়। এর দু'দিন পর আমাদের আরেকটি গেরিলা দল পাকসেনা ও রাজাকারদের একটি দলকে লক্ষ্মীপুর থানার দালাল বাজারে গ্র্যামবুশ করে ১৫ জন শক্তসেনাকে হতাহত করে। ১৪ আগস্ট কোম্পানিগঞ্জ থানার বসুরহাটের নিকট পাক মিলিশিয়াদের গ্র্যামবুশ করে প্রায় ৩০ জনকে হতাহত করে। তারা একটি টয়োটা জীপও ধ্বংস করে দেয়। সংঘর্ষে আমাদের একজন সিপাই নুরুল্লাহী মারাঞ্চকভাবে আহত হয়। পাকসেনারা আনুমানিক ৩০টি মেশিনগানের সাহায্যে গোলাগুলি চালায়। ১৮ আগস্ট রামগঞ্জ থানার সেকেন্ড অফিসার এবং কয়েকজন দালালকে পাকসেনাদের ক্যাম্পে যাবার পথে নিহত করা হয়।

পাকপুলিশ এবং রাজাকাররা লক্ষ্মীপুর থানার চন্দ্রগঞ্জ প্রতাপ হাইকুলে একটি ঘাঁটি স্থাপন করে। ১৫ তারিখ রাত ১১ টার সময় আমাদের সৈনিকরা এই ঘাঁটি আক্রমণ করে

প্রায় ৪০ জন পাকসেনাকে হতাহত করে। এবং সেখান হতে তাদেরকে তাড়িয়ে দেয়। ১৬ আগস্ট সোনাইমুড়ি রেলস্টেশনের নিকট বগাদিয়া রেলসেতু গেরিলারা উড়িয়ে দেয়। আমাদের গেরিলাদের এইসব তৎপরতায় পাকসেনারা আরো ব্যতিব্যস্ত হয়ে ওঠে। পাকসেনাদের একটি শক্তিশালী দল বেগমগঞ্জ থানার সোনাপুর ও গোপালপুরের নিকট দালালদের কাছে আমাদের ঘাঁটির খবর জেনে ৩০ আগস্ট সকালে আক্রমণের জন্য অগ্রসর হয়। পাকসেনাদের এই আক্রমণকে আমাদের মুক্তিযোদ্ধারা বীরত্বের সাথে প্রতিহত করে। প্রায় ৩/৪ ঘণ্টা যুদ্ধের পর পাকসেনাদের ৪০ জন নিহত হয়। আমাদের সেনাদের প্রচও পাল্টা আক্রমণের মুখে টিকতে না পেরে তারা তাদের মৃতদেহগুলো ফেলেই পালিয়ে যেতে বাধ্য হয়। এই যুদ্ধে আমাদের সৈনিকরা ২০টি অস্ত্র দখল করে। আমাদের একজন সিপাই শহীদ হয়। এই ঘটনার দু'দিন পর আমাদের সৈনিকরা মাইন পুঁতে সোনাইমুড়ির নিকট বানোয়াইতে পাকসেনাদের একটি গাড়ি ধ্বংস করে। ফলে ১ জন পাকসেনা নিহত ও ৮ জন মারাঞ্চকভাবে আহত হয়।

সেপ্টেম্বর মাসের দ্বিতীয় সপ্তাহে পাকসেনা ও রাজাকারদের একটি দল রামগঞ্জের নিকট তাদের ঘাঁটি স্থাপন করে। সুবেদার আলী আকবর পাটোয়ারীর নেতৃত্বাধীনে ২০ সেপ্টেম্বর আমাদের একটি মুক্তিযোদ্ধা দল এই ঘাঁটির উপর আক্রমণ চালায়। প্রায় দু'ঘণ্টা যুদ্ধে ১৪ জন পাকসেনা নিহত ও ১৭ জন আহত হয়। এর ৩ দিন পর ২৬ সেপ্টেম্বর সকালে ২৫০ সদস্যবিশিষ্ট পাকসেনা ও রাজাকারদের একটি দল রামগঞ্জ বাজারের দিকে অগ্রসর হচ্ছিল। আমাদের মুক্তিযোদ্ধাদের ৫০ সদস্যের একটি দল এই খবর পেয়ে রাজগঞ্জ বাজারের পূর্বদিকে পাকসেনাদের জন্য একটি এ্যামবুশ পেতে রাখে। পাকসেনারা অগ্রসর হবার পথে এই এ্যামবুশে পড়ে যায়। ফলে ২০ জন পাকসেনা ও রাজাকার নিহত ও ২৭ জন আহত হয়। আহত পাকসেনা ও রাজাকারদের মাইজনী বেসামরিক হাসপাতালে ভর্তি করে। ২৫ সেপ্টেম্বর আরো দু'জন আহত পাকসেনা হাসপাতালে মারা যায়।

আমাদের অপর একটি গেরিলা দল লৌহজং থানার নিকট পদ্মানন্দীতে ১৮ হাজার মণ পাটসহ কয়েকটি নৌকা ডুবিয়ে দেয়। এই পাটগুলো নারায়ণগঞ্জের বিভিন্ন পাটকলে ব্যবহারের জন্য নিয়ে যাওয়া হচ্ছিলো। ফেনীর নিকট বারদিন সেতুটি ধ্বংস করে দেয়া হয়। ফলে ফেনী ও কুমিল্লার মাঝে রাস্তার যোগাযোগ বিচ্ছিন্ন হয়ে পড়ে।

রাজাকারসহ পাকসেনাদের একটি দল রামগঞ্জ থেকে লক্ষ্মীপুরের রাস্তায় ১০টি গাড়িতে ২৯ সেপ্টেম্বর অগ্রসর হচ্ছিলো। এই সংবাদ পেয়ে আমাদের মুক্তিযোদ্ধারা সুবেদার আলী আকবর পাটোয়ারীর নেতৃত্বে মীরগঞ্জ এবং ফজলচাঁদ হাটের নিকট পাকসেনাদের কনতয়টিকে অতর্কিত আক্রমণ চালায়। এই আকস্মিক আক্রমণের ফলে পাকসেনারা মারাঞ্চকভাবে ভীত-সন্ত্রস্ত হয়ে ওঠে। পাকসেনারাও গাড়ি থেকে নিচে নেমে আক্রমণ প্রতিহত করার চেষ্টা করে। উভয় পক্ষের মধ্যে সকাল ৯ টা থেকে সন্ধ্যা ৬ টা পর্যন্ত প্রচও যুদ্ধ চলতে থাকে। এই প্রচও যুদ্ধের ফলে আমাদের মুক্তিযোদ্ধাদের এবং স্থানীয় জনসাধারণের মনোবল আরো সুদৃঢ় হয়। অপর পক্ষে পাকসেনাদের মনে আতঙ্কের সৃষ্টি হয়। আমাদের ৬০ সদস্যের একটি গেরিলা দলে ১ অঞ্চোবর রায়পুরে

অবস্থিত রাজাকার প্রশিক্ষণ কেন্দ্রের উপর আক্রমণ চালিয়ে ৪০ জন রাজাকারকে নিহত করে। ১০ অক্টোবর পাকিস্তানিদের একটি রেঞ্জার দলে লক্ষ্মীপুর থেকে রামগঞ্জ যাবার পথে আমাদের গেরিলারা অতর্কিত আক্রমণ চালিয়ে রেঞ্জারদের একটি গাড়ি সম্পূর্ণ ধ্বংস করে। এতে একজন রেঞ্জার নিহত ও ১২ জন আহত হয়। এর একদিন পর পাকিস্তানিদের একটি দল সোনাইয়ুড়িতে তাদের গাড়িতে আরোহণ করার সময় সুবেদার লুৎফুর রহমানের নেতৃত্বে আমাদের একটি গেরিলা দল তাদের উপর আক্রমণ চালায়। প্রায় দেড়ঘণ্টা গোলাগুলির পর ৬ জন পাকসেনা নিহত ও ৩ জন আহত হয়। অবশিষ্ট পাকসেনারা সোনাইয়ুড়ি থেকে পালিয়ে যায়। ১২ অক্টোবর আমাদের গেরিলারা ফেনী থানার অন্তর্গত লেমুয়ার একজন কুখ্যাত দালালকে হত্যা করে। এই সংবাদ পেয়ে পরদিন সকালে পাকিস্তানিদের একটি শক্তিশালী দল ওই এলাকায় আসে। এবং স্থানীয় জনসাধারণের উপর নৃশংস অত্যচার শুরু করে। আমাদের ঐ এলাকার গেরিলারা পাকসেনাদের উপর নৃশংস অত্যচার শুরু করে। আমাদের ঐ এলাকার গেরিলারা পাকসেনাদের এই অত্যচার বন্ধ করার জন্য প্রায় ৫০ জন একত্রিত হয়ে পাকসেনাদের উপর আক্রমণ চালায়। চারঘণ্টা যুদ্ধের পর পাকসেনারা পলায়ন করে আত্মরক্ষা করে। প্রায় ৭ জন পাকসেনা ঐ যুদ্ধে শুরুত্বর আহত হয়। বেশকিছু অঙ্গুশস্তু আমাদের দখলে আসে।

জুলাই এবং আগস্ট মাসে আমাদের হেডকোয়ার্টার থেকে কয়েকশ' গেরিলা ট্রেনিংপ্রাঙ্গ হয়ে অপারেশনের জন্য তৈরি হয়। এইসব গেরিলাদের বিভিন্ন দলে বিভিন্ন করে ফরিদপুর সদর এবং মাদারীপুর মহকুমার বিভিন্ন থানায় অপারেশনের দায়িত্ব অর্পণ করার হয়। এইসব দলগুলোকে নবীনগর, দাউদকান্দি হয়ে নদীপথে তাদের নিজস্ব জায়গাতে পাঠানো হয়। ৩/৪ হাজার গেরিলা ছোট ছোট দলে গ্রাম্যপথে এবং নদীপথে পাকসেনাদের প্রতিরক্ষা ব্যৱ অনুপ্রবেশ করে তাদের নিজ নিজ গন্তব্যস্থলে পৌছতে সক্ষম হয়। শুধু একটি দল যাওয়ার পথে হোমনার নিকট পাকসেনাদের দ্বারা আক্রান্ত হয়। পাকসেনাদের শুলিতে একটি নৌকা ডুবে যায়। ফলে ৪ জন গেরিলা শহীদ হয় এবং ৪ জন আহত হয়। ৩টি স্টেনগান ও ৫টি রাইফেল পানিতে পড়ে ডুবে যায়। নিজ নিজ জায়গায় পৌছে গেরিলা দলগুলো তাদের তৎপরতা বাড়িয়ে দেয়। এই সময় পাকসেনারা ফরিদপুর হয়ে বরিশালের রাস্তায় যাতায়াত করতো। সেপ্টেম্বরে মাদারীপুরের একটি গেরিলা দল ভুরঘাটার নিকট একটি সড়ক সেতুতে আক্রমণ চালিয়ে সেতুটি উড়িয়ে দেয়। ফলে পাকসেনাদের বরিশাল যাতায়াতের রাস্তায় অসুবিধার সৃষ্টি হয়। এরপর গেরিলাদের আরেকটি দল নড়িয়া থানা আক্রমণ করে। সেই সঙ্গে ডাকঘর ও রেজিস্ট্রি অফিস জ্বালিয়ে দেয়। ১,৫০০ মণ পাটও তারা পুড়িয়ে দেয়। সেপ্টেম্বর মাসের প্রথম সপ্তাহে গেরিলারা ভেদরগঞ্জ থানা আক্রমণ করে সকল পাক পুলিশকে নিহত করে। সেখানকার রেজিস্ট্রি অফিস, পোস্ট অফিস, কালেষ্টেরেট অফিস ইত্যাদি বন্ধ করে দেয়। এরপর কিঞ্চুদিনের মধ্যেই গেরিলারা পালং থানার রাজগঞ্জ এবং কোটালীপাড়ায় আক্রমণ চালিয়ে সমস্ত সরকারি অফিস ধ্বংস করে দেয় এবং সঙ্গে সঙ্গে প্রায় ৪ হাজার মণ পাট জ্বালিয়ে দেয়। পরের সপ্তাহে গেরিলাদের একটি

শক্তিশালী দল জাজিয়া থানার রাজস্ব অফিস এবং রেজিস্ট্রি অফিস বন্ধ করে দেয়। মাদারীপুরের অন্যান্য থানা আক্রমণ হওয়ার ফলে পাকসেনারা নড়িয়া থানাতে তাদের শক্তি বৃদ্ধি করে। এই থানার পাকসেনা ও পুলিশরা নিকটস্থ গ্রামে তাদের অকথ্য অত্যাচার চালায়। স্থানীয় গেরিলারা এই থানাটির শক্তি সম্বন্ধে সম্পূর্ণ খবরাখবর সংগ্রহ করে। ৬ সেপ্টেম্বর ৫০ জনের একটি গেরিলা দল রাত ৮ টার সময় এই থানার উপর অতির্ক্ত আক্রমণ চালায়। পাকসেনা ও পুলিশরা সর্বশক্তি দিয়ে থানাকে রক্ষা করার আপ্রাণ চেষ্টা করে। প্রায় তিনঘণ্টা যুদ্ধের পর আমাদের গেরিলারা থানাটি দখল করে নিতে সমর্থ হয়। প্রায় ১৭ জন পাকসেনা ও পুলিশ নিহত এবং বাকীরা পালিয়ে আত্মরক্ষা করে। থানার দারোগা এতে নিহত হয়। থানা থেকে ৩০টি রাইফেল এবং একটি বেতারযন্ত্র গেরিলাদের হস্তগত হয়। গেরিলারা থানাটি ধ্বংস করে দেয়। গেরিলাদের আরেকটি দল ঝিকরকাঠির নিকট বরিশাল-ফরিদপুর টেলিফোন লাইনের ডুশ' গজ তার নষ্ট করে দেয়। টেলিফোন বিভাগের টেকনিশিয়ানরা পাকসেনাদের পাহারায় টেলিফোন লাইনটি মেরামত করতে আসার পথে গেরিলাদের বসানো বিস্ফোরণে তাদের জীপটি ধ্বংস হয়ে যায়। পাকসেনাদের আরেকটি টহলদার দল মাদারীপুরের হওলাদার জুট মিলের নিকট গেরিলাদের দ্বারা আক্রান্ত হওয়ায় চারজন পাকসেনা নিহত হয়। গেরিলারা মাদারীপুরের নিকট ঘাটমাঝিতে প্রায় ৩০/৪০ গজ রাস্তা কেটে সড়ক যোগাযোগ বিচ্ছিন্ন করে দেয়। মাদারীপুরের চরমুগরিয়ায় সরকারি পাটগুদামে আগুন লাগিয়ে প্রায় ৫০ হাজার মণ পাট জুলিয়ে দেয় হয়। মাদারীপুর-ফরিদপুর রাস্তায় সমাদার ফেরীঘাটে একটি ফেরী অগ্নিসংযোগে জুলিয়ে দেয়া হয়। একটি মটর লঞ্চও ধ্বংস করা হয়। এই মটর লঞ্চটি পাকসেনারা টহল দেয়ার কাজে ব্যবহার করতো। আমাদের গেরিলাদের এইসব ব্যাপক তৎপরতায় পাকসেনারা অতিষ্ঠ হয়ে ওঠে। ৬ সেপ্টেম্বর পাকসেনাদের একটি শক্তিশালী দল লঞ্চে মাদারীপুরে দিকে তৎপরতা আরো জোরদার করার জন্য অগ্রসর হয়। এই খবর আমাদের গেরিলারা আগেই পেয়ে যায়। ২০ জনের একটি গেরিলা দল পালং থানার রাজগঞ্জের নিকট নদীর তীরে পাকসেনাদের জন্য এ্যামবুশ পেতে বসে থাকে। সকাল ১০ টার সময় লঞ্চটি আমাদের গেরিলা দলের এ্যামবুশের আওতায় এলে তৎক্ষণাতে গেরিলারা তাদের উপর আক্রমণ চালায়। ফলে ১০/১২ জন পাকসেনা নিহত এবং বেশকিছু আহত হয়। উপায়ান্তর না দেখে পাকসেনাদের লঞ্চটি শেষ পর্যন্ত পালিয়ে যায়। এর কয়েকদিন পর পাকসেনারা আরো অধিক সংখ্যক সৈন্য ফরিদপুর থেকে পালং থানায় মোতায়েন করে। ঐ এলাকার গেরিলারা পাকসেনাদের পালং থানার ঘাঁটি পুনর্দখলের পরিকল্পনা নেয়। গেরিলারা সঠিক সংবাদ নেয়ার পর জানতে পায় যে, থানাতে প্রায় এক প্লাটুন পাকসেনা ও ৫০/৬০ জন পাকপুলিশ এবং রাজাকার রয়েছে। ২/৩শ' গেরিলা একত্রি হয়ে পূর্ব পরিকল্পনা অনুযায়ী ২১ সেপ্টেম্বর রাত ১১ টায় পালং থানার উপর আক্রমণ চালায়। প্রায় চারঘণ্টা সম্মুখ্যমুক্তির পর ওই ঘাঁটি থেকে অনেক সংখ্যক পাকসেনা উপায়ান্তর না দেখে পালিয়ে যায়। গেরিলারা যুদ্ধে ৫০ জন পাকসেনা, রাজাকার ও পাকপুলিশকে নিহত করে। এর পর থেকে সম্পূর্ণ এলাকাটি আমাদের গেরিলাদের নিয়ন্ত্রণে চলে আসে।

কুমিল্লার উত্তরে ৪৩' ইন্ট' বেঙ্গলের 'সি' কোম্পানি ক্যাপ্টেন গাফফারের নেতৃত্বে এবং 'এ' কোম্পানি মেজর সালেক ও মেজর আইনউদ্দিনের নেতৃত্বে মন্ডাগ ও শালদা নদী এলাকায় পাকসেনাদের উপর তাদের চাপ অব্যাহত রাখে। ফলে পাকসেনারা মন্ডাগ বাজার, লক্ষ্মীপুর ও সাইতসালা প্রভৃতি জায়গা সম্পূর্ণরূপে পরিত্যাগ করে চান্দলা, পানছড়া ও সেনেরহাট ইত্যাদি জায়গায় তাদের ঘাঁটি পিছিয়ে নিতে বাধ্য হয়। পাকসেনারা পুনরায় তাদের পূর্বোক্ত অবস্থানগুলো দখল করার আগ্রাণ চেষ্টা করে। কিন্তু আমাদের সৈনিকদের সুদৃঢ় প্রতিরক্ষার সামনে তাদের চেষ্টা সম্পূর্ণ ব্যর্থ হয়। তাদের সঙ্গে যখন আমাদের সৈনিকদের সম্মুখ্যমুক্ত তীব্রভাবে চলছিল সেই সময় আমাদের গেরিলারাও পাকসেনাদের পিছনে তৎপরতা চালিয়ে যাচ্ছিলো। ব্রাক্ষণবাড়িয়ার নিকট বিদ্যাকোটে আমাদের গেরিলাদের একটি দল পাকসেনাদের একটি টহলদার কোম্পানিকে এ্যামবুশ করে একজন অফিসারসহ ৫০ জন পাকসেনাকে নিহত করে। তাদের চারটি নৌকাও ডুবিয়ে দেয়। গোসাইরহাট রেলস্টেশনের নিকট একটি রেলইঞ্জিন মাইন দিয়ে উড়িয়ে দেয়। ব্রাক্ষণবাড়িয়ার জেল সড়কে গেরিলারা একটি টহলদার পাক সেনাদলকে এ্যামবুশ করে ৭ জন পাকসেনাকে নিহত করে। এসব সংঘর্ষে আমাদের গেলিয়া অনেক অন্তর্ভুক্ত দখল করে। অস্টোবর মাসের প্রথম সপ্তাহে পাকসেনারা কসবার পক্ষিমে প্রায় দুই কোম্পানি সৈন্য সমাবেশ করে। পাক সমাবেশে আমরা বুঝতে পারি যে, কসবাকে পুনর্দখল করার জন্য তারা পরিকল্পনা নিয়েছে। আমরা তাদের সংস্থাব্য আক্রমণ মোকাবিলা করার জন্য প্রস্তুতি নেই। আমি আমাদের কসবা অবস্থানের সাহায্যার্থে আমাদের প্রথম গোলন্দাজ ব্যাটারিকে অনুরূপভাবে মোতায়েন করি।

১৩ অস্টোবর বিকাল সাড়ে ৫ টায় পাকসেনারা গোলন্দাজ বাহিনী সহায়তায় আমাদের অবস্থানের উপর প্রচণ্ড আক্রমণ চালায়। ৪৩' ইন্ট' বেঙ্গলের 'ডি' কোম্পানি বিপুল সাহস ও দৃঢ় আস্থার সঙ্গে এই আক্রমণের মোকাবিলা করে। প্রায় একঘণ্টা যুদ্ধের পর গোলন্দাজ বাহিনীর সহায়তায় তীব্র পাল্টা আক্রমণের মুখে পাকসেনারা টিকতে না পেরে পিছু হটে যেতে বাধ্য হয়। যুদ্ধে প্রায় ৪৫ জন পাকসেনা হতাহত হয়। ১৫টি জি-III রাইফেল, একটি ৩ ইঞ্জিন মর্টার এবং ৩,৫০০টি ৭.৬২ গুলি ও ৮টি ৩ ইঞ্জিন মর্টারের গোলা আমাদের হস্তগত হয়। এছাড়াও ন'টি বাংকার ধ্বংস করা হয়। এই প্রচণ্ড সংঘর্ষে আমাদের ২ জন শহীদ হয় এবং একজন আহত হয়। পরে জানা যায় যে, পাকসেনারা এই আক্রমণে ৫ম পাঞ্জাব রেজিমেন্টের সৈন্য নিয়োগ করেছিল। পরদিন পাকসেনারা যখন কসবার পক্ষিম দিক থেকে আরো পিছু হটে যাচ্ছিলো, ঠিক সেই সময় আমাদের একটি প্লাটুন তাদের একটি দলকে এ্যামবুশ করে। এ্যামবুশে প্রায় ১৫ জন পাকসেনা এবং ১৫ রাজাকার নিহত হয়। আমাদের ২ জন সৈনিক শহীদ এবং একজন আহত হয়। আমাদের একটি হালকা মেশিনগান বিনষ্ট হয়।

এই সময় পাকসেনারা তাদের অগ্রবর্তী ঘাঁটিগুলোতে লক্ষ্য ও নৌকার সাহায্যে রসদ সরবরাহ করতো। নদীপথে জলযান বন্ধ করে দেয়ার জন্য আমি একটি গেরিলা দলকে বাঞ্ছারাম থানার উজানচরের নিকট বিদ্যুৎ সরবরাহকারী পাইলনগুলো কেটে নদীতে

ফেলে নদীপথে বাধা সৃষ্টি করার নির্দেশ দেই। নির্দেশমতো আমাদের গেরিলা দল বৈদ্যুতিক পাইলগুলো কেটে নদীতে ফেলে দিয়ে একটু দূরে এ্যামবুশ পেতে অপেক্ষা করতে থাকে। পাইলন কাটার সংবাদ পেয়ে ৩/৪টি লঞ্চভর্টি পাকসেনা, মুজাহিদ ও রাজাকার নদীপথের এই বাধাগুলো পরিষ্কার করার জন্য আসে। পাকসেনারা যখন কাজে লেগে যায় ঠিক এমন সময় অদূরেই এ্যামবুশ পেতে অবস্থানরত আমাদের গেরিলারা তাদের উপর অতর্কিতে আক্রমণ চালায়। ফলে প্রায় ৭০/৮০ জন পাকসেনা, মুজাহিদ এবং রাজাকার নিহত হয়। গেরিলাদের প্রচণ্ড গোলার মুখে অবশিষ্ট পাকসেনা লঞ্চ নিয়ে পালিয়ে আঘাত করে। এই বিপর্যয়ের কয়েকদিন পর পাকসেনারা প্রতিশোধ নেয়ার জন্য ৫/৬টি লঞ্চে বিপুল সংখ্যক সৈন্য বিমান বাহিনীর সহায়তায় আমাদের উজানচরের ঘাঁটির উপর আক্রমণ চালায়। আমাদের সৈনিকরা শুধু হালকা মেশিনগান, রাইফেল ও এসএলআর নিয়ে পাকসেনাদের এই বিপুল শক্তির বিরুদ্ধে সাহসিকতার সঙ্গে যুদ্ধ চালায়। কিন্তু বিমান হামলার বিরুদ্ধে টিকতে না পেরে অবশেষে অবস্থানটি পরিভ্যাগ করতে বাধ্য হয়। এর তিনদিন পর ১১ অক্টোবর বিকাল ৪ টায় আমাদের এই দলটি জানতে পারে যে, পাকসেনাদের একটি প্লাটুন লঞ্চযোগ বাঞ্ছারাম থানার আসাদনগর এলাকা লুট করার জন্য অগ্রসর হচ্ছে। এই খবর পেয়ে আমাদের গেরিলা দলটি পাকসেনাদের লঞ্চটিকে আসাদনগরের কাছে এ্যামবুশ করে। এ্যামবুশে ৮ জন পাকসেনা নিহত হয় এবং অন্যরা পলায়ন করে প্রাণ বাঁচায়। আমাদের আরেকটি দল হোমনায় তাদের বেইস তৈরি করে। এই সময় হোমনা থানাতে পাকসেনারা পশ্চিম পাক পুলিশ মোতায়ন করে। আমাদের গেরিলা দলটি হোমনা থানাতে অতর্কিতে আক্রমণ চালিয়ে ৭ জন পাকপুলিশকে নিহত করে এবং ৭টি রাইফেল ও কয়েকশ' রাউণ্ড গুলি দখল করে নেয়।

পাকসেনারা কসবাতে বিপর্যস্ত হওয়ার পর কুমিল্লা থেকে চান্দলার নিকট সৈন্য সমাবেশ করে। পাকসেনাদের মূল কারণ ছিল মন্দভাগকে পুনর্দখল করা। ৪ৰ্থ ইন্ট বেঙ্গলের 'সি' কোম্পানি এই সময় মন্দভাগের প্রতিরক্ষায় নিয়োজিত ছিল। ১৮ তারিখ রাত সাড়ে ৩ টায় পাকসেনারা প্রায় এক কোম্পানি শক্তি নিয়ে আমাদের প্রতিরক্ষার উপর আক্রমণ চালাতে উরু করে। প্রায় তিনঘণ্টা যুদ্ধের পর সকাল সাড়ে ৬ টা পর্যন্ত আমাদের সৈনিকরা এই আক্রমণকে প্রতিহত করতে সক্ষম হয়। পাকসেনারা প্রতিহত হয়ে আমাদের রক্ষাবৃহের সামনে থেকে গোলাগুলি চালাতে তাকে। বেলা ১০ টার সময় পাকসেনারা আরো দুই কোম্পানি সৈন্য নিয়ে দু'বার আক্রমণ চালায়। পাকসেনাদের এই শক্তিশালী দলগুলো গোলন্দাজ বাহিনীর সহায়তায় প্রবল বাধার মাঝেও সামনে অগ্রসর হতে থাকে। অগ্রসর হওয়ার সময় আমাদের সৈনিকদের গুলিতে তাদের অনেক হতাহত হয়। অবশেষে পাক সেনারা আমাদের প্রতিরক্ষাবৃহ ভেদ করতে সক্ষম হয়। প্রায় দু'ঘণ্টা যাবত হাতাহাতি যুদ্ধে আমাদের দুর্ধর্ষ সৈনিকরা আমারেদ প্রতিরক্ষাবৃহে প্রবেশকারী পাকসেনাদেরকে সাফল্যের সঙ্গে সম্পূর্ণরূপে পর্যন্দন্ত করতে সক্ষম হয়। পাকসেনারা তাদের মৃতদেহ ফেলে রেখেই পলায়ন করতে বাধ্য হয়। আমাদের প্রতিরক্ষাবৃহের চতুর্দিকস্থ কর্দমাক্ষ নিম্ন জলাভূমি দিয়ে পালাবার পথে তারা আরো

অধিকভাবে বিপর্যয়ের সম্মুখীন হয়। আমাদের সৈন্যরা এই যুদ্ধে ৩৩ বেলুচ রেজিমেন্টের সেকেও লে। পারভেজ খানসহ ৮ জন পাকসেনারকে বন্দি করে। এছাড়া একজন অফিসারসহ ৫০ জন পাকসেনা নিহত হয়। ৬টি ৮১ মি.মি. মর্টার, কুড়িটি ৭.৬২ চীনা রাইফেল, চারটি জি-III রাইফেল, ১টি MG1A3, ১টি মর্টার ১টি হালকা পিস্তল, ৫ টি সাবমেশিনগান, ১৫ বাক্স মেশিনগানের গুলি, ৩১টি ৯৪-এনার্গী প্রেনেড, ২০টি ৩৬-এইচই প্রেনেড, ১০টি ৮১ মি.মি. মর্টারের গোলা, অনেকগুলো বেয়োনেট, বেশকিছু জি-III রাইফেল ম্যাগজিন, ১৫টি বিভিন্ন দলিলপত্রসহ বেশকিছু ফাইল আমাদের সৈন্যরা দখল করে নেয়। এই প্রচণ্ড যুদ্ধে আমাদের ৫ জন সৈনিক শুরুতরভাবে আহত হয়, কেউ শহীদ হয়নি। তারে এই বিপুল বিপর্যয়ের ফলে পর্যন্ত দিশেহারা পাকবাহিনীর এফ-৮৬ জঙ্গীবিমান দিয়ে আমাদের অবস্থানে প্রয় ৪৫ মিনিটকাল ধরে মারাঞ্চকভাবে হামলা চালায়। পাকসেনার গোলন্দাজ ইউনিটও তারি কামানের সাহায্যে শত শত গোলাবর্ষণ করতে থাকে। আমাদের এই অবস্থানটি দখল করতে না পেরে পাকসেনারা কিছু পিছনে গিয়ে পুনরায় আক্রমণের প্রস্তুতি নিতে থাকে। ২০ অক্টোবর পাকসেনাদের একটি শক্তিশালী দল সকাল থেকে কামালপুরের নিকট আমাদের আরেকটি অবস্থানের উপর গোলন্দাজ বাহিনীর সহায়তায় আক্রমণ চালায়। এই আক্রমণেও তারা আমাদের শক্তিশালী প্রতিরক্ষা বৃহৎ ভেদ করতে না পেরে বিফল হয়। পাকিস্তানিদের একজন অফিসারসহ ৩০ জন সৈনিক নিহত হয়। বারবার ব্যর্থ হওয়ায় পাকবাহিনী দিশেহারা হয়ে পড়ে। পাকসেনারা ৩/৪ দিন ধরে আমাদের অবস্থানগুলো দুর্বলতা সম্পর্কে অনুসন্ধান চালায়। ২৫ তারিখ অপরাহ্ন ৩ টা ২৫ মিনিট থেকে মন্ডাগ, মঙ্গলপুর ও শ্রীগুরস্থ আমাদের অবস্থানগুলোর উপর বিকাল ৪টা ১০ মিনিট পর্যন্ত চারটি এফ-৮৬ জঙ্গীবিমান প্রবলভাবে হামলা চালায় এবং একই সঙ্গে গোলন্দাজ বাহিনীর সহায়তায় পাকসেনিকরাও এইসব অবস্থানগুলোর উপর প্রবল আক্রমণ চালায়। এই আক্রমণ সংক্ষে সাড়ে ৬ টা পর্যন্ত চলতে থাকে। আমাদের সৈনিকরাও মনোবল না হারিয়ে পাকসেনাদের এই সশ্চিকিৎ আক্রমণকে দ্রুতার সঙ্গে প্রতিহত করে। সংঘর্ষে পাকসেনাদের প্রায় ৫৮ জন সৈনিক হতাহত হয়। ফলে তাদের আক্রমণ দুর্বল হয়ে পড়ে এবং বাধ্য হয়ে পিছু হতে যায়। যুদ্ধে আমাদের দু'জন সৈনিক শহীদ এবং ৯ জন আহত হয়।

আমরা যখন মন্ডাগে পাকসেনাদের সঙ্গে যুদ্ধে লিঙ্গ এবং পাকসেনাদের প্রতিহত করার জন্য কসবার অবস্থান থেকে কিছু সংধ্যক সৈন্য মন্ডাগ নিয়ে মন্ডাগ অবস্থানকে শক্তিশালী করছিলাম ঠিক তখনই আমাদের কসবার অবস্থানের দুর্বলতার সুযোগ নিয়ে পাকসেনারা অগ্রসর হয়ে কসবার পুরানো বাজার পর্যন্ত পুনর্দখল করে নেয়।

সেপ্টেম্বর মাসের শেষ সপ্তাহে আমার সেক্টরের সৈনিকদের পুনর্গঠনের নির্দেশ দেয়া হয়। নির্দেশ আসে 'কে' ফোর্স গঠনের। আমি আগে থেকেই ঘনস্থ করেছিলাম যে, পাকসেনাদের উপর পুনঃআক্রমণের পূর্বে আমার অধীনস্থ সৈনিকদের পুনর্গঠনের দরকার। গত ৪/৫ মাস ধরে অবিরাম যুদ্ধে এবং জীবন ধারণের নিম্নতম প্রয়োজন

আহার-নিদো থেকে বঞ্চিত ও যুদ্ধ সামগ্ৰীৰ অপৰ্যাপ্ততা ইত্যাদি প্ৰবল প্ৰতিকূলতাৰ দৱৰন তাৱা স্বাভাৱিক কাৱণেই অত্যন্ত পৱিশ্রান্ত হয়ে পড়েছিল। সুতৰাং পৱৰ্বৰ্তী সময়ে ব্যাপকভাৱে শক্রপক্ষকে আক্ৰমণেৰ পূৰ্বে আমাদেৱ সৈনিকদেৱ কিছু বিশ্রাম ও পুনৰ্গঠনেৰ প্ৰয়োজন হয়ে পড়ে। এছাড়া নতুন প্ৰশিক্ষণপ্ৰাণী সৈনিকদেৱ নিয়ে এবং ৪ৰ্থ ইষ্ট বেঙ্গলেৰ পুৱানো ও অভিজ্ঞ সৈনিকদেৱ নিয়ে আৱো কয়েকটি ব্যাটালিয়ন গঠন কৱাৰ ইচ্ছা ছিল। এই পৱিকল্পনা অনুযায়ী আমি আমাৱ সাৰ-সেষ্টৱ কামান্ডারদেৱ নিয়ে আমাৱ হেডকোয়ার্টাৰ মেলাঘৱে একটি কনফাৰেন্স কৱি। সে কনফাৰেন্সে নিম্নোক্ত সিদ্ধান্তগুলো গ্ৰহণ কৱা হয় :

- ক. ৪ৰ্থ ইষ্ট বেঙ্গল থেকে পুৱানো ও অভিজ্ঞ সৈনিক নিয়ে আৱো দুটি ব্যাটালিয়ন গঠন কৱা হবে।
- খ. ৪ৰ্থ ইষ্ট বেঙ্গলেৰ 'সি' কোম্পানি এবং হেডকোয়ার্টাৱেৰ কিছু সৈনিক ৪ৰ্থ ইষ্ট বেঙ্গলেই থাকবে এবং তাৰকে নিয়ে ৪ৰ্থ ইষ্ট বেঙ্গলকে পুনৰ্গঠন কৱা হবে। এই ব্যাটালিয়নটি কমান্ড কৱাৰ জন্য ক্যাপ্টেন গাফফাৱকে নিযুক্ত কৱা হল। এই ব্যাটালিয়নটি পুনৰ্গঠন এবং পুনৰ্বিন্যাসেৰ জন্য কোনাবন বেইস-এ একত্ৰিত কৱা হবে।
- গ. ৪ৰ্থ ইষ্ট বেঙ্গলেৰ 'ডি' কোম্পানি এবং 'বি' কোম্পানিৰ কিছু সৈন্য নিয়ে নতুন কৱে ৯ম ইষ্ট বেঙ্গল রেজিমেন্ট গঠন কৱা হবে। মেজৱ আইনডিনকে এই ব্যাটালিয়নেৰ অধিনায়ক নিযুক্ত কৱা হল। এই ব্যাটালিয়নটিকে কসবা বেইস-এৱ পুনৰ্গঠন ও পুনৰ্বিন্যাস কৱা হবে।
- ঘ. ৪ৰ্থ ইষ্ট বেঙ্গলেৰ 'এ' কোম্পানি এবং 'বি' কোম্পানিৰ অবশিষ্ট সৈনিকদেৱ নিয়ে ১০ম ইষ্ট বেঙ্গল রেজিমেন্ট গঠন কৱা হবে। মেজৱ সালেককে এই ব্যাটালিয়নেৰ অধিনায়ক নিযুক্ত কৱা হল। মেজৱ সালেক এবং ৪ৰ্থ ইষ্ট বেঙ্গলেৰ 'এ' কোম্পানি শালদা নদীতে যুক্ত লিঙ্গ থাকায় তাকে তাৱ সৈন্যসহ বিলোনিয়াতে যাবাৰ নিৰ্দেশ দেয়া হলো। ১০ম ইষ্ট বেঙ্গল রেজিমেন্টকে বিলোনিয়া রাজনগৱ বেইস-এ পুনৰ্বিন্যাস কৱা হবে।
- ঙ. ২ নং সেষ্টৱেৰ অধীনস্থ সব যোৰ্কাদেৱ তিনভাগে বিভক্ত কৱা হবে। নবগঠিত ৪ৰ্থ, ৯ম ও ১০ম ইষ্ট রেজিমেন্টকে নিয়ে 'কে' ফোৰ্স নামে ব্ৰিগেড গঠন কৱা হলো।
- চ. নবগঠিত 'কে' ফোৰ্স ব্ৰিগেডেৰ আলাদা হেডকোয়ার্টাৰ স্থাপন কৱে সেখানে স্টাফ অফিসাৱ হিসেবে মেজৱ মতিন এবং ক্যাপ্টেন আনোয়াকুল আলমকে নিযুক্ত কৱা হল।
- ছ. গেৱিলা হেডকোয়ার্টাৰ মেলাঘৱেই রাখা হবে। মেজৱ হায়দাৱ আমাৱ অধীনে গেৱিলা স্টাফ অফিসাৱ নিযুক্ত হল।
- জ. ১৮টি সেষ্টৱ কোম্পানি হিসেবেই থাকবে এবং তাৱা 'কে' ফোৰ্স হেডকোয়ার্টাৰেৰ নিৰ্দেশ মেনে চলবে। তাৰকে সাধাৱণত কমান্ডো হিসেবে

শক্রপঙ্কের পশ্চাত্তাগে (গভীর অভ্যন্তরে) ধ্বংসাত্মক তৎপরতা চালাবার কাজে নিয়োগ করা হবে।

- ঝ. গেরিলারা তাদের নিজ নিজ এলাকায় পাকসেনাদের নির্মূল করে নিজ নিজ এলাকা শক্রমুক্ত করবে। পাকসেনাদের ছোট ছোট দলে বিচ্ছিন্ন করে তাদের শক্ত ঘাঁটিগুলোকে অনুরোধ করে আত্মসমর্পণ করাতে বাধ্য করবে।
- ঞ. ‘কে’ ফোর্স ব্রিগেডকে পাকসেনাদের শক্তিশালী ঘাঁটিগুলোকে দখল করার কাজে নিয়োজিত থাকবে।
- ট. অক্টোবর মাসের ১৪ তারিখের মধ্যেই ‘কে’ ফোর্স পুনর্গঠনের কাজ শেষ করা হবে।
- ঠ. ‘কে’ ফোর্স পুনর্গঠনকালে পাকসেনারা যাতে তাদের হত মনোবল পুনরুদ্ধার না করতে পারে এবং প্রাধান্য বিস্তারে সক্ষম না হয় সেজন্য সেক্টর কোম্পানিগুলো এবং কমান্ডো প্লাটুনগুলো গেরিলাদের সহায়তায় ৪ৰ্থ ইন্ট বেঙ্গলের অপারেশন এলাকায় নিয়োজিত থেকে শূন্যতা পূরণ করবে এবং তাদের তৎপরতা অব্যাহত রাখবে।
- ড. অস্ত্র, গোলাবারুন্দ ও অন্যান্য যুদ্ধসরঞ্জাম যা কিছু আছে তা পুনরায় বিভিন্ন দলের মধ্যে সুষ্ঠুভাবে বণ্টন করা হবে।
- ঢ. গোলন্দাজ বাহিনীর প্রথম ফিল্ড রেজিমেন্ট ‘কে’ ফোর্স-এর অধীনে নিযুক্ত করা হলো।
- ণ. ‘কে’ ফোর্স এবং ২ নং সেক্টরের অধিনায়কত্ব যৌথভাবে আমার অধীনে থাকবে। আমার অবর্তমানে এই দুটি বাহিনী বিভক্ত হবে। ‘কে’ ফোর্স-এর অধিনায়কত্ব করবেন মেজর সালেক ও ২ নং সেক্টরের অধিনায়কত্বের দায়িত্ব পালন করবেন মেজর হায়দার।

কনফারেন্সের বর্ণিত সিদ্ধান্ত অনুযায়ী ২ নং সেক্টরের পুনর্বিন্যাস ও পুনর্গঠনের কাজ শুরু করা হয়। নিয়মিত বাহিনীর ‘কে’ ফোর্স ব্রিগেড গঠন করার কাজে আমাদের যথেষ্ট বেগ পেতে হয়। যেহেতু যুদ্ধসামগ্রীর যথেষ্ট অভাব ছিল, বিশেষ করে অস্ত্রশস্ত্র, গোলাবারুন্দ ও পোশাকের, তবুও সংগঠনের কাজ মোটামুটি এগিয়ে চলে। সেপ্টেম্বরের শেষের দিকে ৯ম ইন্ট বেঙ্গল রেজিমেন্ট কসবাতে, ৪ৰ্থ ইন্ট বেঙ্গল রেজিমেন্ট শালদা নদীতে এবং ১০ম ইন্ট বেঙ্গল রেজিমেন্ট বিলোনিয়াতে সংগঠিত হয়ে পুনরায় যুদ্ধের জন্য তৈরি হয়ে যায়। যুক্তে পুনঃনিয়োগের আগে এইসব ইউনিটগুলোকে তিনি সন্তানের জন্য ব্যাপকভাবে সমর্পিত প্রশিক্ষণ দেয়া হয়। অক্টোবর মাসের মাঝামাঝিতে ৯ম ইন্ট বেঙ্গল পরীক্ষামূলকভাবে যুদ্ধেক্ষেত্রে পুনঃনিয়োগের সিদ্ধান্ত নেই। এই সময়ে আমাদের সেক্টর ট্রুপস কসবা, মন্ডভাগ প্রভৃতি এলাকায় পাকসেনাদের উপর মারাত্মকভাবে আঘাত হেনে চলছিল। ফলে পাকসেনারা এই এলাকায় ভীষণভাবে বিপর্যস্ত হয়ে পড়ে। আমি এই সুযোগের সম্ভবতা করে তাদেরকে সম্পূর্ণভাবে এই এলাকা থেকে বিতাড়িত করার সিদ্ধান্ত নেই। কসবাৰ পূর্বাংশ ইতোমধ্যেই আমাদের নিয়ন্ত্রণাধীন ছিল। পাকসেনারা

সেখান থেকে পিছু হটে পূর্বেই পশ্চিমাংশে পুরানা বাজারের নিকট তাদের ঘাঁটি স্থাপন করেছিল। পাকসেনাদের এই ঘাঁটিটি ও ৯ম ইন্ট বেঙ্গল রেজিমেন্টকে আক্রমণের নির্দেশ দেই। নির্দেশ অনুযায়ী মেজর আইনউদ্দিন তার ব্যাটালিয়নকে লাতুমুড়ার পিছনে সমবেত করে এবং ২০ অক্টোবর পর্যন্ত শক্র অবস্থানের সমস্ত সংবাদ সংগ্রহ করে। শক্র অবস্থানের তথ্য জানার পর বোৰা যায় যে পাকসেনারা তাদের অবস্থানটি পূর্ব এবং দক্ষিণমুখী করে অধিক শক্তিশালী করে তুলেছে। আমি মেজর আইনউদ্দিনকে ৯ম ইন্ট বেঙ্গল রেজিমেন্টের দুই কোম্পানি দিয়ে উত্তর দিক থেকে পাক অবস্থানের উপর আক্রমণ করার নির্দেশ দেই। শক্রসেনারা মনোযোগ অন্যদিকে পরিবর্তন করার জন্য একটি কোম্পানি দিয়ে কসবার দিক থেকে অবস্থানের উপর চাপ সৃষ্টি করার নির্দেশ দেই। আরেকটি কোম্পানি রিজার্ভ থাকার আদেশ করি। ১ম ফিল্ড ব্যাটারিকে এই আক্রমণে সহায়তার জন্য মেজর আইনউদ্দিনের অধীনে দেই।

২২ অক্টোবর ভোর সাড়ে ৫ টার সময় পূর্ব পরিকল্পনা অনুযায়ী ৯ম ইন্ট বেঙ্গল রেজিমেন্ট পাকসেনাদের উপর আক্রমণ চালায়। প্রায় ১০ মিনিট তীব্র কামানের গোলার আক্রমণের পর উত্তর দিক থেকে দুটি কোম্পানি লে। আজিজ ও সুবেদার মেজর শামসুর হকের নেতৃত্বে পাকসেনাদের উপর ঝাপিয়ে পড়ে। এই অতর্কিত আক্রমণের জন্য পাকসেনারা প্রস্তুত ছিল না। প্রচণ্ড আক্রমণের মুখে তাদের অবস্থানগুলো ভেঙ্গে পড়ে। তারা দিশেহারা হয়ে অবস্থান পরিত্যাগ করে পেছনের দিকে পালিয়ে যায়। তিনঘণ্টা যুদ্ধের পর ৯ম ইন্ট বেঙ্গল রেজিমেন্ট পাকসেনাদের অবস্থানটি দখল করে নেয়। যুদ্ধে ২৬ জন পাকসেনা নিহত ও ১৮ জন আহত হয়। ১১টি এলএমজি, ১টি পিস্টল সিগনাল, ৪০টি এইচই-৩৬ ফ্রেনেড, ৩টি ৯৪ এনার্গী, ৪৪টি প্রাণ্টিক মাইন, ১টি ম্যাপ, ২টি র্যাক্সের ‘ব্যাজ’ আমাদের হস্তগত হয়। এই যুদ্ধে আমাদের লে। আজিজ ও ৩ জন সৈনিক শহীদ হয় এবং ১৫ জন আহত হয়। পাকসেনাদের একটি ছোট দল পিছনে হটে গিয়ে ছোট একটি নালার পশ্চিম তীরে পুনরায় দ্রুত অবস্থান গড়ে তোলার চেষ্টা করে। পরদিন ভোর ৪ টায় সুবেদার মেজর শামসুল হকের কোম্পানি পাকসেনাদের এই অবস্থানের উপর পুনরায় আক্রমণ চালায়। প্রচণ্ড আক্রমণের ফলে ২০ জন পাকসেনা নিহত ও ২২ জন আহত হয়। বিপর্যস্ত হয়ে পাকসেনারা সম্পূর্ণরূপে পশ্চাতে হটে যায়। এই আক্রমণের ফলে সম্পূর্ণ কসবা আমাদের দখলে আসে। পাকসেনারা পিছু হটে গিয়ে মইন পুর, কায়েমপুর, কামালপুর, গুবগ্নাইট প্রভৃতি জায়গায় তাদের নতুন অবস্থান তৈরি করে।

কসবা শক্রমুক্ত করার পর ৯ম ইন্ট বেঙ্গল রেজিমেন্ট কৃশানপুর, বগাবাড়ি, ইয়াকুবপুর এলাকা জুড়ে তাদের নতুন প্রতিরক্ষাব্যূহ তৈরি করে। এই অবস্থানগুলো থেকে পেট্রোল পার্টি ও শক্তিশালী রেইডিং পার্টি পাক অবস্থানগুলোর উপর ক্রমাগত আক্রমণ চালিয়ে যেতে থাকে। ফলে ৭ নভেম্বর পর্যন্ত বিভিন্ন স্থানের সংঘর্ষে ২২ জন পাকসেনা নিহত ও ৩০ জন আহত হয়।

৪৮ ইন্ট বেঙ্গল রেজিমেন্ট কোনাবনে তাদের বেইস-এ পুনর্গঠিত হওয়ার পর অক্টোবর মাসে পুনরায় যুদ্ধের জন্য তৈরি হয়ে যায়। আমি এই ব্যাটালিয়নকে শালদা

নদী থেকে পাকসেনাদের বিতাড়িত করার নির্দেশ দেই। শালদা এলাকার কমপ্লেক্স ট্যাকটিক্যাল এলাকা বলে তাদেরকে পুরো ব্যাটালিয়ন হিসাবে আক্রমণ করার নির্দেশ প্রদান করি। কোম্পানি এবং প্লাটুন-এ ভাগ হয়ে প্রথম তৎপরতা চালিয়ে এলাকার উপর পুরো আধিপত্য অর্জন করার নির্দেশ দেই। এই নির্দেশের পর ক্যাপ্টেন গাফফার তার মন্তব্য অবস্থান থেকে শালদা নদীর পশ্চিমে ও উত্তরে ৪৩ ইক্স বেঙ্গল রেজিমেন্টের তৎপরতা বৃদ্ধি করে। অক্টোবর মাসের মাঝামাঝি ৪৩ ইক্স বেঙ্গল রেজিমেন্টের একটি প্লাটুন কায়েমপুরের নিকট গ্রামবুশ পাতে। পাকসেনাদের প্রায় ৪০ জন সৈনিক এই গ্রামবুশে আক্রান্ত হয়। ফলে ১৫ জন পাকসেনা নিহত এবং অনেক আহত হয়। এর ৩/৪ দিন পর ৪৩ ইক্স বেঙ্গলের আরেকটি রেইডিং পার্টি পাকসেনাদের চতুরা অবস্থানের উপর অতর্কিত আক্রমণ চালিয়ে রকেট লঞ্চার দ্বারা একটি বাংকার উড়িয়ে দেয় এবং ১৫ জন পাকসেনাকে হতাহত করে। এর কিছুদিন পর নায়েব সুবেদার সিকদার আফজাল হোসেনের নেতৃত্বে ৪৩ ইক্স বেঙ্গলের একটি কোম্পানি পাকসেনাদের পেছনে অনুপবেশ করে চাপিতলায় গ্রামবুশ পাতে। পরদিন ভোর ৪ টায় পাকসেনাদের দুটি কোম্পানি তাদের অগ্রবর্তী ঘাঁটিগুলো শক্তিশালী করার জন্য অগ্সর হচ্ছিলো। পাকসেনাদের এই দলটি ভোর পাঁচটায় আমাদের গ্রামবুশে এসে যায়। প্রায় চার ঘণ্টা যুদ্ধ চলে। যুদ্ধে প্রায় ৫০ জন পাকসেনা হতাহত হয়। এই আক্রমণের পরপরই পাকসেনারা আমাদের অবস্থানের উপর জঙ্গি বিমান দিয়ে ৯ টা ৪৫ মিনিট থেকে ১০টা ৩০ মিনিট পর্যন্ত প্রচণ্ড আক্রমণ করে। আমাদের পক্ষে কোনো ক্ষয়ক্ষতি হয়নি। ৪৩ ইক্স বেঙ্গল রেজিমেন্ট পাকসেনাদের কামালপুর, মইনপুর, লক্ষ্মীপুর অবস্থানগুলোর উপর তাদের চাপ আরো জোরদার করে তোলে। ১১ নভেম্বর আমাদের একটি শক্তিশালী রেইডিং পার্টি পাকসেনাদের কামালপুরের অবস্থানের উপর অতর্কিত আক্রমণ চালায়। সাড়ে ৯ টা থেকে ১২ টা পর্যন্ত এই আক্রমণে পাকসেনাদের ১৬ জন নিহত এবং ২২ জন আহত হয়। এর পরদিন সকাল সাড়ে ৫ টায় ৪৩ ইক্স বেঙ্গলের আরেকটি কোম্পানি লক্ষ্মীপুর এবং শালদা নদী ফেরী এলাকা আক্রমণ করে দখল করে নেয়। যুদ্ধে প্রায় ১০০ জন পাকসেনা হতাহত হয়েছে বলে বিশ্বস্তসূত্রে জানা যায়। আমাদের ১ জন সৈনিক শহীদ ও ৭ জন আহত হয়। শক্রদের কাছ থেকে ১৫টি রাইফেল, ৩টি এলএমজি, ১২টি এলএমজি বাত্র, ২টি পিস্টল, একটি ৪০ মি.মি. রকেট লঞ্চার, ৭২টি ৬০ মি.মি. মর্টার বোমা, ৩টি টেলিফোন সেট, ১টি জেনারেটর, ৫টি অয়্যারলেস সেট ব্যাটারী, ১টি মেশিনগানের ব্যারেল এবং ৪টি ম্যাপসহ অনেক যুদ্ধসরঞ্জাম দখল করে নেয়। শালদা নদী ফেরী এবং লক্ষ্মীপুর এলাকা আমাদের দখলে আসার পর ৪৩ ইক্স বেঙ্গল রেজিমেন্টকে শালদা নদী কমপ্লেক্স দখল করার জন্য নির্দেশ দেয়া হয়।

### শালদা নদীর যুদ্ধ

শালদা নদী এলাকায় শক্রদের ঘাঁটিটি খুবই শক্তিশালী ছিল। এই ঘাঁটির উত্তরদিক দিয়ে শালদা নদী প্রবাহিত হওয়ায় শক্রদের উত্তর দিকে সম্পূর্ণরূপে নিরাপদ ছিল। পূর্ব দিকে রেলওয়ে স্টেশন ও উচু রেল লাইন সম্মুখবর্তী এলাকায় শক্রদের নিরাপত্তায় প্রাধান্য

বিস্তার করে। পশ্চিমের গুদাঘরের উচু ভূমি তাদের শক্তিশালী ঘাঁটির নিরাপত্তায় বেশ সহায়ক ছিল। এই অবস্থানটিকে নিয়মিত প্রথায় আক্রমণ করে সফল হওয়া দুষ্কর ছিল। শক্তিশালী ঘাঁটির এই সকল বৈশিষ্ট্য তাদের পক্ষে সহায়ক হওয়ায় আমরা এই ঘাঁটিটিকে নিয়মিত প্রথায় আক্রমণ না করে অনিয়মিত পদ্ধতিতে আক্রমণ করার সিদ্ধান্ত নেই। শক্তদের ঘাঁটিটি পর্যবেক্ষণের পর আমরা আরো জানতে পারি যে, শালদা নদীর তীর বরাবর আমাদের ঠিক সামনে তারা চারটি বড় পরিখা খনন করেছে। শালদা নদীর গুদামঘরের পাশ দিয়েও তারা একই রকম পরিখা খনন করেছিল। সিদ্ধান্ত অনুযায়ী ঘাঁটিটিকে তিনিদিক থেকে সাঁড়াশী আক্রমণের পরিকল্পনা নেয়া হয়। পরিকল্পনা অনুযায়ী ক্যাপ্টেন গাফফার ও নায়েব সুবেদার সিরাজের নেতৃত্বে একটি প্লাটুন শালদা নদী রেলস্টেশনের পূর্বে পাহাড়ী এলাকায় অবস্থান নেয়। সুবেদার মঙ্গল মিয়ার নেতৃত্বে আরেকটি প্লাটুন শালদা নদী ও গুদামঘরের পশ্চিমে নদী অতিক্রম করে অবস্থান নেয়। সুবেদার বেলায়েতের নেতৃত্বে আরেকটি প্লাটুন শালদা নদীতে শক্তিশালী বিপরীত দিকে অবস্থান নেয়। পাকসেনারা যাতে আক্রমণের সময় আমাদের পেছন থেকে আঘাত হানতে না পারে সেজন্য সুবেদার ওহাবের নেতৃত্বে একটি কোম্পানি মঙ্গল মিয়ার অবস্থানের পেছনে নিরাপত্তামূলক অবস্থান গ্রহণ করে। এছাড়া পাকসেনাদের মনোযোগ অন্যদিকে আকর্ষণ করার জন্য চারটি ছোট রেইডিং পার্টিকে বড় ধূশিয়া, চান্দলা, গোবিন্দপুর, কায়েমপুর প্রভৃতি শক্তিশালী দিকে পাঠানো হয়। পূর্ব পরিকল্পনা অনুযায়ী এইসব রেইডিং পার্টিগুলো ১৫ নভেম্বর রাতে পাকসেনাদের মনোযোগ আকর্ষণ করার জন্য শক্তিশালী উপর হালকা আক্রমণ চালায়। সঙ্গে পাকসেনারা শালদা নদী থেকে রেইডিং পার্টির উপর কামান এবং মর্টারের সাহায্যে গোলাবর্ষণ করে। এই গোলাবর্ষণ সমস্ত রাত ধরে চলে এবং ভোরের দিকে বক্ষ হয়ে যায়। আমাদের আক্রমণ শেষ হয়ে গেছে তেবে পাকসেনারা পরদিন সকালে কিছুটা অসর্ক হয়ে পড়ে এবং বিশ্বামীর সুযোগ নেয়। এই সময় তাদের প্রতিরক্ষা ব্যুহগুলো রাজাকার এবং ইপকাপ-এর প্রহরাধীন ছিল। প্রসঙ্গত উল্লেখ্য যে, শক্ররা সাধারণত রাতের বেলায় আমাদের সম্ভাব্য আক্রমণের জন্য যতটা সর্বকাতো, দিনের বেলায় ততটো প্রস্তুত থাকতো না।

এমতাবস্থায় আমরা তাদের এই অসর্কতার সুযোগ নিয়ে সকাল ৮ টার দিকে তাদের উপর পূর্ব পরিকল্পনা অনুযায়ী প্রচণ্ড আক্রমণ চালাই। সুবেদার মঙ্গল মিয়ার দলটি পশ্চিম দিকে থেকে শালদা নদী গুদামঘরের পরিখায় অবস্থানরত শক্তদের উপর এবং নায়েব সুবেদার রিয়াজ পূর্বদিকের পাহাড়ী এলাকার অবস্থান থেকে শালদা নদী রেলস্টেশন-এর পরিখায় অবস্থানরত শক্তদের উপর আক্রমণ চালায়। সঙ্গে সঙ্গে নায়েব সুবেদার মুহুর্মত হোসেন নায়েব সুবেদার বেলায়েতের অবস্থান থেকে নদীর অপর তীরের পরিখাগুলোতে আরআর-এর সাহায্যে শক্তদের চারটি পরিখা ধ্বংস করে দেয়। এতে আমাদের যথেষ্ট সুবিধা হয় এবং পাকসেনারা সম্মুখবর্তী পরিখা ছেড়ে পিছু হটে যায়। সঙ্গে সঙ্গে নায়েব সুবেদার বেলায়েত তার সৈন্যদের নিয়ে নদীতে ঝাঁপিয়ে পড়ে এবং সাঁতরিয়ে অপর তীরে শক্তদের সম্মুখবর্তী পরিত্যক্ত পরিখাগুলো দখল করে নেয় এবং কিছু সৈনিক সেইসব পরিখাতে রেখে সামনের দিকে আরো অগ্রসর হয়। অগ্রসর হওয়ার

পথে নায়েব সুবেদার বেলায়েত শক্রসেনা কর্তৃক অতর্কিতে আক্রান্ত হয়। নিজের জীবনের মায়া ত্যাগ করে নায়েব সুবেদার বেলায়ের বীরবিক্রমে সম্মুখাগের শক্রপরিখার উপর ঘেনেড চার্জ করে। এরা কয়েকটি শক্র বাংকার ধ্বংস করে এবং শক্রসৈন্য নিহত করে। নায়েব সুবেদার বেলায়েত ও তার দলের প্রচণ্ড আক্রমণে শালদা নদীর তীরবর্তী এলাকা সম্পূর্ণরূপে শক্রমুক্ত হয়ে যায়। ফলে শালদা নদী রেলস্টেশনে অবস্থানরত পাকসেনাদের সঙ্গে শালদা নদী গুদামঘরে অবস্থানরত পাকসেনাদের যোগাযোগ সম্পূর্ণরূপে বিছিন্ন হয়ে যায় এবং তারা দুই ভাগে বিভক্ত হয়ে দুর্বল হয়ে পড়ে। পাকসেনারা আমাদের উপর কামান কিংবা মর্টারের গোলা নিষ্কেপ করার সুযোগ পাচ্ছিলো না। কেননা, আমাদের সৈনিকরা তাদের দু'দলের মধ্যবর্তী স্থানে পৌছে যাওয়ায় তাদের গোলাবর্ষণে নিজেদেরই ক্ষয়ক্ষতি হওয়ার সম্ভাবনা ছিল। গুদামঘরে অবস্থানরত পাকসেনারা বুঝতে পরে যে, তারা দু'দিক থেকে সাঁড়াশী আক্রমণের শিকার হয়ে মূল ঘাঁটি থেকে বিছিন্ন হয়ে পড়েছে এবং তাদের পক্ষে এই আক্রমণের মুখ্য বেশিক্ষণ টিকে থাকা সম্ভব নয়। এই সময় পাকসেনাদের একটি অয়্যারলেস ম্যাসেজ আমাদের কাছে ধরা পড়ে। এতে তারা কর্তৃপক্ষকে জানায় যে, মুক্তিবাহিনীর একটি ব্যাটালিয়ন তাদের উপর প্রচণ্ড আক্রমণ চালাচ্ছে। তাদের পক্ষে এই ঘাঁটিতে বেশিক্ষণ টিকে থাকা সম্ভব হচ্ছে না। এই ম্যাসেজ পাওয়ার পর পাকসেনাদের দুর্বলতা সম্পূর্ণভাবে বুঝতে পারি। তাদের মনোবল যে একেবারেই ভঙ্গে পড়েছে তা বেশ বোঝা যায়। সঙ্গে সঙ্গে সুবেদার মঙ্গল মিয়াকে তার আক্রমণ আরো জোরদার করার নির্দেশ দেই। এই প্রচণ্ড আক্রমণে টিকতে না পেরে গুদামঘরে অবস্থানরত পাকসেনারা নয়নপুর রেলস্টেশনের দিকে পালাতে থাকে। সুবেদার মঙ্গল মিয়ার দলটি গুদামঘর এলাকা দখল করে নেয়। আরো কিছুক্ষণ মুদ্র চলার পর নায়েব সুবেদার বেলায়েত এবং নায়েব সুবেদার সিরাজের প্রচণ্ড আক্রমণে শালদা নদী রেলস্টেশনে অবস্থানকারী পাকসেনারাও রেললাইন ধরে নয়নপুরের দিকে পালাতে থাকে। আমাদের সৈনিকরা পলায়নপর পাকসেনাদের উপর গুলি চালিয়ে অনেককে হতাহত করে। দুপুর নাগাদ সমস্ত শালদা নদী এলাকা শক্রমুক্ত হয় এবং আমাদের সম্পূর্ণ নিয়ন্ত্রণাধীনে আসে। পাকসেনারা যাতে এই এলাকাটি আবার দখল করে নিতে না পারে সেজন্য আমাদের অবস্থানটিকে শক্তিশালী করে তোলা হয়। পাকসেনারা নয়নপুর রেলস্টেশনের ঘাঁটি থেকে বেশ কয়েকবার এই অবস্থানের উপর মর্টার ও কামানের আক্রমণ চালায় এবং এই অবস্থানটি পুনর্দখলের জন্য শালদা নদী গুদামঘরের দক্ষিণে কিছুসংখ্যক সৈন্য সমাবেশ করে। এই খবর পেয়ে নায়েব সুবেদার বেলায়েত একটি দল নিয়ে পাকসেনাদের আক্রমণকে প্রতিহত করার জন্য গুদামঘর এলাকায় আক্রমণ চালায়। পাকসেনাদের আক্রমণ প্রতিহত হয় এবং তারা পালিয়ে যায়। কিন্তু একজন পাকসেনা আড়াল থেকে নায়েব সুবেদার বেলায়েতকে লক্ষ্য করে গুলি ছোঁড়ে। নায়েব সুবেদার বেলায়েতের মাথায় গুলি বিন্দু হয়। সঙ্গে সঙ্গে তাকে চিকিৎসার জন্য ২ নং সেক্টরে মুক্তিবাহিনী হাসপাতালে পাঠানো হয়। কিন্তু দুঃখের বিষয় যে, হাসপাতালে পৌছার আগেই পথে সে শাহাদাত বরণ করে। তার মতো বীর সৈনিকের শহীদ হওয়াতে আমরা

সবাই মর্মাহত হয়ে পড়ি। বাংলাদেশ সেনাবাহিনী তথা বাংলাদেশ একজন মহান বীরকে হারালো। সুবেদার বেলায়েতের কীর্তি এবং বিক্রমের কথা বাংলাদেশের ইতিহাসে স্বর্ণাক্ষরে লেখা থাকবে বলে আমি বিশ্বাস করি।

শালদা নদী এলাকা দখল করা একটি দুঃসাহসী পরিকল্পনা ছিল। এই পরিকল্পনা অত্যন্ত অপ্রচলিত কৌশলের একটি বিরাট সাফল্য। এর ফলে কুমিল্লা থেকে ব্রাহ্মণবাড়িয়া পর্যন্ত সম্পূর্ণ এলাকা শক্রমুক্ত হয়। আমাদের সরকার ক্যাপ্টেন গাফফার এবং শহীদ বেলায়েতকে কৃতিত্বপূর্ণ লড়াইয়ের জন্য ‘বীরউত্তম’ উপাধিতে ভূষিত করেন। এই যুদ্ধে প্রচুর অন্তর্শন্ত্র আমাদের হস্তগত হয়। এগুলোর মধ্যে ২১ টা রাইফেল, ৫ টা এলএমজি ও ৩ টা MG1A3 মেশিনগান, ৩১ টা হালকা মেশিনগান ম্যাগাজিন, ৪ টা রকেট লঞ্চার (৮০ টি গোলা সহ), ১ টা এসএমজি, ১ টা অয়্যারলেস সেট, ২০২৫০টি গুলি, ২০০ টা ২' মর্টার শেলা, ৩ টা টেলিফোন সেট, ১ টা জেনারেটর, ১ টা এমজি ব্যারেল, অনেক রেশন ও কাপড়-চোপড়, ম্যাপ ও বিভিন্ন ধরনের নথিপত্র আমাদের দখলে আসে। এইসব দলিলপত্র থেকে জানা যায় ৩০ পাঞ্চাব রেজিমেন্টের ‘বি’ কোম্পানি ও ‘ডি’ কোম্পানি পাকিস্তানিদের প্রতিরক্ষা ব্যুহে নিয়োজিত ছিল। এই সংঘর্ষে প্রায় ৮০/৯০ জন পাকসেনা হতাহত হয় এবং ১২ পাকসেনা আমাদের হাতে জীবন্ত ধরা পড়ে। ভোর ৫ টা থেকে রাত ১০ টা পর্যন্ত ১৬ ঘণ্টা যুদ্ধে আমাদের ২ জন শহীদ এবং ৮ জন আহত হয়।

শালদা নদী কমপ্লেক্স আমাদের হস্তগত হওয়ার পর পাকসেনারা ক্ষণ হয়ে ওঠে। এই এলাকা পুনর্দখলের জন্য প্রস্তুতি নিতে থাকে। পাকসেনারা চান্দলার নিকটে অন্যান্য এলাকা থেকে প্রচুর সৈন্য এনে সমাবেশ ঘটায়। ১৬ নভেম্বর রাত ২-১৫ মিনিটে পাকসেনারা প্রায় দুই ব্যাটালিয়ন সৈন্যশক্তি নিয়ে আমাদের শালদা নদী, মন্দভাগ, কামালপুর, মঙ্গল প্রভৃতি অবস্থানের উপর গোলন্দাজ বাহিনী ও মর্টারের সহায়তায় প্রচণ্ড আক্রমণ চালায়। এই আক্রমণ প্রায় ৩/৪ ঘণ্টা ধরে চলতে থাকে। ৪৬ ইষ্ট বেঙ্গল রেজিমেন্টের সৈনিকরা অসীম সাহসিকতার সঙ্গে পাকসেনাদের এই প্রচণ্ড আক্রমণকে প্রতিহত করে। সকাল পর্যন্ত যুদ্ধে পাকসেনারা আক্রমণ পরিত্যাগ করে পিছু হটে যায়। এর একদিন পর আমাদের একটি ছোট দল মঙ্গলপুরের নিকট পাকসেনাদের ঘাঁটির উপর অতর্কিত আক্রমণ চালিয়ে ১৭ জন পাকসেনাকে নিহত ও অনেককে আহত করে। আরেকটি রেইডিং পার্টি কায়েমপুরে পাকসেনাদের অবস্থানের দুটি বাংকার আরআর দিয়ে ধ্বংস করে দিয়ে ১৪ জন পাকসেনাকে নিহত করে। ২০ এবং ২১ নভেম্বর ৪৬ ইষ্ট বেঙ্গলের ‘এ’ কোম্পানি এবং ‘বি’ কোম্পানি মঙ্গলপুর এবং কায়েমপুরের উপর তাদের চাপ বাড়িয়ে তোলে। ২১ তারিখ সকাল ৯ টার সময় এই দুই কোম্পানি পাক অবস্থানের উপর অতর্কিত আক্রমণ চালায়। এই আক্রমণে ১৬ জন পাকসেনাকে নিহত এবং ৯ জনকে আহত করে। ১০৬ আরআর-এর সাহায্যে পাকসেনাদের বেশ কঢ়ি বাংকার উড়িয়ে দেয়া হয়। আমাদের সৈনিকরা অনেক অন্তর্শন্ত্র দখল করে নেয়। ২৩ নভেম্বর পাকসেনারা আমাদের মন্দভাগ অবস্থানটি পুনর্দখলের জন্য আবার তাদের সৈন্য একত্রিত করতে থাকে। দুপুর ২ টার সময় আমাদের একটি কোম্পানি

পাকসেনাদের সমাবেশের উপর আক্রমণ চালায়। ফলে পাকসেনাদের অনেক হতাহত হয়। পরে তারা ছত্রভঙ্গ হয়ে পালিয়ে যায়। মন্দভাগ পুনর্দখল করতে অসমর্থ হয়ে পাকসেনারা শালদা নদীর নিকটে মনোরা রেলসেতুর নিকটবর্তী আমাদের অবস্থানগুলোর উপর প্রচণ্ড আক্রমণ চালায়। মেশিনগান, ১০৬ মি.মি. আরআর ও গোলন্দাজ বাহিনীর সহায়তায় পাকসেনারা আমাদের অবস্থানের একটি বাংকার ধ্বংস করতে সমর্থ হয়। আমাদের সৈনিকরা পাকসেনাদের আক্রমণকে প্রতিহত করতে সমর্থ হয় এবং তাদের বহু সৈনিককে হতাহত করে। আমাদের একজন সৈনিক শহীদ এবং ৪ জন আহত হয়। একটি মেশিনগান গোলন্দাজ বাহিনীর শুলিতে নষ্ট হয়ে যায়। ২৩ নভেম্বর থেকে পাকসেনাদের সঙ্গে বেশ ক'টি খণ্ডুদের আমাদের সৈনিকরা শক্তদেরকে বিতাড়িত করে দিতে সমর্থ হয়। এই এলাকায় শক্ররা পর্যুদস্ত হয়ে বুড়িং এবং কুমিল্লার দিকে সরে যায়।

এর কয়েকদিন পর ৪ৰ্থ ইন্ট বেঙ্গলকে শালদা নদী থেকে ফেনীর দিকে আক্রমণ চালানোর জন্য 'কে' ফোর্স-এর অধীনে বিলোনিয়াতে স্থানান্তরিত করা হয়। ফ্লাইট লেফটেন্যান্ট কামালের অধীনে কয়েকটি সেষ্টর কোম্পানি শালদা নদীতে রেখে ক্যাপ্টেন গাফফারের নেতৃত্বে ৪ৰ্থ ইন্ট বেঙ্গল বিলোনিয়াতে কে ফোর্স-এর যোগদান করে। ১০ম ইন্ট বেঙ্গল রেজিমেন্ট রাজনগরে তাদের পুনর্গঠন ও পুনর্বিন্যাসের পর তাদেরকে দু'সঙ্গাহের জন্য প্রশিক্ষণের ব্যবস্থা করা হয়। ব্যাপক প্রশিক্ষণের পর বিলোনিয়াতে পুনরায় তাদেরকে পুরানো প্রতিরক্ষা ঘাঁটিগুলোতে পাঠানো হয় এবং এই সেষ্টের তৎপরতা বাড়ানোর নির্দেশ দেওয়া হয়। এই সময়ে ১০ম ইন্ট বেঙ্গল রেজিমেন্টকে মেজর জাফর ইয়াম নেতৃত্ব দিচ্ছিলেন। পুনরায় রণক্ষেত্রে পৌছানোর পর ১০ম ইন্ট বেঙ্গল রেজিমেন্ট তাদের তৎপরতা বৃক্ষি করে। ১৫ অক্টোবর ১০ম ইন্ট বেঙ্গলের অনন্তপুর প্রতিরক্ষা বৃহের সামনে পরশুরাম, চিথলিয়া প্রভৃতি জায়গায় পাকসেনাদের ঘাঁটিগুলোর উপর ছোট ছোট আক্রমণ চালিয়ে ২৪ জন পাকসেনাকে নিহত এবং ৩০ জনকে আহত করে। পাকসেনাদের তিনটি বাংকারও তারা ধ্বংস করে দেয়। ১৮ অক্টোবর সকাল ৬ টার সময় পাকসেনাদের একটি প্লাটুন আমাদের ঘাঁটি দিয়ে অগ্সর হবার পথে বিলোনিয়া নদীর পূর্ব তীরে আমাদের সৈনিকদের এ্যামবুশ-এ পড়ে। ফলে, ১২ জন পাকসেনা নিহত এবং ১৪ জন আহত হয়। ফুলগাজীর নিকট ১০ম ইন্ট বেঙ্গলের পাইওনিয়ার প্লাটুন ঐ দিনই রাত্তায় মাইন পুঁতে সকাল ১০ টার সময় পাকসেনাদের একটি ট্রাক ধ্বংস করে দেয়। ৭ জন পাকসেনা এতে নিহত এবং ৩ জন আহত হয়। ২০ অক্টোবর আমাদের মর্টার ডিটাচমেন্ট সঞ্চ্যা ৬ টায় পাকসেনাদের অবস্থানে অনুপ্রবেশ করে চিথলিয়া ঘাঁটিটিতে অতর্কিতে আক্রমণ চালিয়ে ১২ জন পাকসেনাকে নিহত ও ৭ জনকে আহত করে। ২৫ অক্টোবর আমাদের গোলন্দাজ বাহিনী পাক সেনাদের চিথলিয়া ঘাঁটির উপর আবার আক্রমণ চালায়। ফলে দুটি গাড়ি ধ্বংস হয়ে যায়। এবং ৭ জন পাকসেনা নিহত হয়। ২৬ অক্টোবর ভোর ৫ টার সময় ফুলগাজীর নিকট আমাদের একটি প্লাটুন পাকসেনাদের টহলদারী দলকে এ্যামবুশ করে ৯ জন পাকসেনা নিহত এবং ৬ জনকে আহত করে। এই যুদ্ধে আমাদের একজন

মুক্তিযোদ্ধা কুটি মিয়া শহীদ হয়। ঐদিনই পাকসেনাদের একটি শক্তিশালী দল আমাদের ঘাঁটির সামনে এসে মাইন পোতার চেষ্টা করে। কিন্তু পাকসেনাদের এই দলটির সঙ্গে আমাদের একটি দলের সংঘর্ষ হয়। সংঘর্ষে ১২ জন পাকসেনা নিহত এবং ১০ জন আহত হয়। অবশিষ্ট পাকসেনারা আহত এবং নিহতদের ফেলে ও অন্তর্শস্ত্র রেখেই পালিয়ে যায়। ১০ম ইন্ট বেঙ্গলের তৎপরতার কারণে এই এলাকায় পাকসেনাদের বিপুল সমাবেশ ঘটানো হয়। তারা ১০ম ইন্ট বেঙ্গলকে ধ্বংস করার জন্য প্রস্তুতি নেয়। ২৭ অক্টোবর চিথলিয়ার নিকট এক ব্যাটালিয়নের অধিক শক্তির সামবেশ ঘটায়। সন্ধ্যা ৬ টার সময় গোলন্দাজ বাহিনীর সহায়তায় পাকসেনাদের দু'টো কোম্পানি অগ্রসর হয়ে আমাদের অগ্রবর্তী ঘাঁটি নিলক্ষ্মীর উপর প্রচও আক্রমণ চালায়। আমাদের সৈনিকরা সাহসের সঙ্গে পাকসেনাদের আক্রমণে বাধা দেয়। কিন্তু প্রচও আক্রমণের সামনে টিকতে না পেরে তারা মূল ঘাঁটিতে ফিরে আসে। পাকসেনারা নিলক্ষ্মী অগ্রবর্তী ঘাঁটিটি দখল করে নেয়। পরদিন সকালে ১০ম ইন্ট বেঙ্গলের তিন কোম্পানি আমাদের গোলন্দাজ বাহিনীর সহায়তায় নিলক্ষ্মীর ওপর পাটা আক্রমণ চালায়। সকাল ১০ টা পর্যন্ত তিনঘণ্টা ধরে যুদ্ধ চলে। প্রচও চাপে পাকসেনারা টিকতে না পেরে নিলক্ষ্মী ঘাঁটি পরিত্যাগ করে পিছু হটে যায়। আমাদের সৈনিকরা নিলক্ষ্মী পুনর্দখলের পর প্রতিরক্ষাবৃহ মালিবিল ও গাবতলী পর্যন্ত সম্প্রসারিত করে। পরদিন সন্ধ্যা ৬ টায় আমাদের একটি প্লাটন দুবলা চাঙ্গের নিকট একটি এ্যামবুশ পেতে বসে থাকে। পাকসেনাদের একটি দল বিলোনিয়া যাবার পথে সেই এ্যামবুশ-এ পড়ে। আমাদের প্লাটুনটি পাকসেনাদের আক্রমণ চালিয়ে ১৩ জন পাকসেনাকে নিহত করে এবং ২ জন পাকসেনাকে জীবিত বন্দি করে। এছাড়া অনেক অন্তর্শস্ত্র দখল করে নেয়। নিলক্ষ্মীতে পাকসেনারা পুনর্স্থ হওয়ার পর পুনঃ আক্রমণের প্রস্তুতি নেয়। ২৯ অক্টোবর তোর ৪ টার সময় পাকসেনারা শালদার নয়াপুর এবং ফুলগাজী থেকে আমাদের প্রতিরক্ষা ঘাঁটির উপর কামানের সাহায্যে প্রচও গোলাবর্ষণ শুরু করে। আমাদের কামানগুলোও পাকসেনাদের গোলার প্রত্যুক্তির দেয়। সাকলে পাকসেনারা তিনদিক থেকে আমাদের ঘাঁটির উপর আক্রমণ চালায়। প্রায় ৫ ঘণ্টা যুদ্ধের পর আমাদের পাটা আক্রমণের মুখ্যে পাকসেনাদের আক্রমণ বিপর্যস্ত হয়ে পড়ে। প্রচও বাধার সামনে টিকতে না পেরে পাকসেনারা পিছন দিকে পালিয়ে যায়। সংঘর্ষে ৪০ জন পাকসেনা হতাহত হয়। অনেক অন্তর্শস্ত্র আমাদের হস্তগত হয়। আমাদের দু'জন সৈনিক শহীদ হয়।

এই সময়ে পাকসেনাদের প্রতিরক্ষা ঘাঁটি চিথলিয়া, পরগুরাম ও বিলোনিয়া থানার নিকট ছিল। এসব ঘাঁটিগুলোতে রেলওয়ে ট্রলির সাহায্যে পাকসেনারা ফেনী থেকে রসদ যোগাতো। ৫ নভেম্বর রাতে আমাদের একটি রেইডিং পার্টি চিথলিয়ার দক্ষিণে রেলওয়ে লাইনের উপর এ্যামবুশ পাতে। ৬ নভেম্বর সাকল ৭ টায় পাকসেনাদের একটি ট্রলি আমাদের রেইডিং পার্টির এ্যামবুশ-এর আওতায় এসে যায়। ট্রলিটিকে সম্পূর্ণরূপে ধ্বংস করে দেয়া হয় এবং পাকসেনাদের একজন অফিসারসহ চারজন সৈনিক নিহত হয়। আমাদের রেইডিং পার্টি একটি হালকা মেশিনগান, ১টি রাইফেল, ১টি স্টেনগান, ১টি রেনডিসাইড, ২০০০ রাউন্ড গুলি ও ১০টি রেন্ডিসাইড গোলা হস্তগত করে। ১০ম ইন্ট

বেঙ্গল পাকসেনাদের আক্রমণকে ব্যর্থ করার পর বিলোনিয়া থেকে পাকসেনাদের সম্পূর্ণরূপে বিতাড়িত করার জন্য পাল্টা আক্রমণের প্রস্তুতি নেয়। পরিকল্পনা অনুযায়ী প্রথম পর্যায়ে পরশুরাম ও চিথলিয়ার মাঝে পাকসেনাদের সরবরাহ লাইনের সড়কটি বিছিন্ন করার প্রস্তুতি নেয়। ৬ নভেম্বর ১০ম ইন্ট বেঙ্গলের একটি কোম্পানি গোলন্দাজ বাহিনী ও মর্টারের সহায়তায় চিথলিয়ার উত্তরাংশে পাকসেনাদের প্রতিরক্ষা ব্যৱহের উপর প্রচণ্ড আক্রমণ চালায়। প্রয় ৪ ঘণ্টা যুদ্ধের পর ১০ম ইন্ট বেঙ্গলের কোম্পানিটি চিথলিয়ার উত্তরাংশ দখল করে নিয়ে সালিয়া এবং ধনীকুণ্ডার মাঝখানে রাস্তা বঙ্গ করে দিয়ে পরশুরাম ও ফেনীর মধ্যে যোগাযোগ সম্পূর্ণ বিছিন্ন করে দিতে সমর্থ হয়। এর ফলে বিলোনিয়ার উত্তরাংশের পাকসেনিকরা অবরুদ্ধ হয়ে পড়ে। একজন অফিসারসহ ১২ জন পাকসেনা যুদ্ধে নিহত এবং পাঁচজন বন্দি হয়। অফিসারের পকেট থেকে প্রাণ্ড এমও ফর্ম থেকে জানা যায় যে, সে ১৫ বেলুচ রেজিমেন্টের ক্যাপ্টেন এবং বিলোনিয়াতে সে সময় ১৫ বেলুচ রেজিমেন্ট আমাদের বিরুদ্ধে যুদ্ধে লিপ্ত ছিল। এই সংঘর্ষে আমাদের মর্টার প্লাটুন কমান্ডার হাবিলদার ইয়ার আহমদ শহীদ হয় এবং আরো ৫ জন আহত হয়। পাকসেনাদের মনোবল সম্পূর্ণরূপে ভেঙ্গে পড়ে। পাকসেনারা চিথলিয়ার দক্ষিণে পক্ষাদপসরণ করে। বিপুল অন্তর্শন্ত্র আমাদের হস্তগত হয়। আমাদের চিথলিয়ার অবস্থানটি পুনর্দখলের জন্য পাকসেনারা পরদিন তোর ৫ টায় দুই কোম্পানি শক্তি নিয়ে প্রচণ্ড আক্রমণ চালায়। আমাদের কোম্পানিটি গোলন্দাজ বাহিনীর সহায়তার অসীম সহাসের সঙ্গে এই আক্রমণের মোকাবিলা করে। আপ্রাণ চেষ্টা সত্ত্বেও আমাদের সৈনিকদের শুলির সামনে এবং গোলন্দাজ বাহিনীর গোলার মুখে পাকসেনাদের এই আক্রমণটি ব্যর্থ হয়ে যায়। ৩৫ জন পাকসেনা নিহত এবং অনেক আহত হয়। কয়েকটি হালকা মেশিনগানসহ অনেক অন্তর্শন্ত্র আমাদের হস্তগত হয়। পাকসেনারা ছত্রভঙ্গ হয়ে পিছু হটে যায়।

১০ম ইন্ট বেঙ্গল উত্তর চিথলিয়া দখলের পর তাদের তৎপরতা অব্যাহত রাখে। ৯ নভেম্বর রাত সাড়ে ১১ টায় সময় আমাদের একটি পেট্রোল পার্টে পাঁচজন পাক সেনাকে বন্দি করে এবং একটি মেশিনগান ও ৪টি চীনা রাইফেল দখল করে নেয়। ১০ম ইন্ট বেঙ্গলের দুটি কোম্পানি ৯ নভেম্বর রাত সাড়ে ১১ টায় সময় পরশুরাম এবং বিলোনিয়া শক্রঘাটির উপর অতর্কিত আক্রমণ চালায়। আক্রমণে অনেক পাকসেন্য নিহত হয় এবং বহু অন্তর্শন্ত্র আমাদের হস্তগত হয়। চারঘণ্টা যুদ্ধের পর এই দুই ঘাঁটি আমাদের সৈনিকরা দখল করে নেয়। পাকসেনারা পরদিন আমাদের প্রতিরক্ষা ব্যৱহের উপর জঙ্গী বিমানের আক্রমণ চালায়। আমাদের সৈনিকরা ভারি মেশিনগানের সাহায্যে বিমান আক্রমণের পাল্টা জবাব দেয়। শক্রদের একটি জঙ্গী বিমান আমাদের মেশিনগানের শুলিতে বিন্দু হয়ে সলিয়ার নিকট ভূপাতিত হয়। বিমান আক্রমণে আমাদের দু'জন সৈনিক শহীদ ও ৫ জন আহত হয়। এর পরদিন ১০ ইন্ট বেঙ্গলের আরো দুটি কোম্পানি সকাল ১০ টায় দক্ষিণ চিথলিয়ার উপর গোলন্দাজ বাহিনীর সহায়তায় আক্রমণ চালায়। ৩ ঘণ্টা যুদ্ধের পর আমাদের গোলন্দাজ বাহিনীর গোলা এবং মর্টারের শুলিতে শক্রপক্ষের ব্যাপক ক্ষতি হয় এবং চিথলিয়া রেল স্টেশন ধ্বংস হয়ে যায়। এখানে

পাকসেনাদের অনেক হতাহত হয়। আমাদের ৫ জন শহীদ এবং ১৩ জন আহত হয়। শেষ পর্যন্ত চিথলিয়া আমাদের দখলে আসে। আমাদের সৈনিকরা শত শত অন্তর্ষ্মত্ত্ব, অয়্যারলেস সেট, পোশাক, রেশন প্রভৃতি দখল করে নেয়। ৪ দিনের মুক্তির ৫৭ জন পাকসেনা ও ১৫ জন ইপ্রিসিএএফ আমাদের হাতে বন্দি হয় এবং আরো অনেক হতাহত হয়। পাকসেনারা চিথলিয়া থেকে পালিয়ে মুসীরহাটের দক্ষিণে এবং পাঠাননগরের কাছে তাদের রক্ষাবৃহৎ পুনরায় স্থাপন করে। তাদের মূল ঘাঁটি ফেনীতে পিছিয়ে নেয়। এই সময় 'কে' ফোর্স-এর এই দুই ব্যাটালিয়নের প্রচণ্ড চাপে পাকসেনারা টিকতে না পেরে তাদের অগ্রবর্তী ঘাঁটি পাঠাননগর ও দক্ষিণ মুসীরহাট ছেড়ে পেছনের দিকে পালিয়ে যায়। ডিসেম্বর মাসের প্রথম দিকে 'কে' ফোর্স ছাগলনাইয়া ও ফেনীর উপকল্পে পাকসেনাদের উন্নত-পক্ষিম দিকে সম্পূর্ণভাবে ঘিরে ফেলে এবং পাকসেনাদের অবস্থানগুলোর উপর গোলন্দাজ বাহিনীর সাহায্যে প্রচণ্ড আক্রমণ চালায়। এই প্রচণ্ড চাপে পাকসেনারা ভীতসন্ত্বষ্ট হয়ে ওঠে। আমাদের আক্রমণের চাপ আরো বাড়িয়ে দেয়। উপায়াত্তর না দেখে ৬ ডিসেম্বর পাকসেনারা তাদের অন্তর্ষ্মত্ত্ব ও গোলাবারুদ ফেলে শুভপূর সেতু হয়ে চট্টগ্রামের দিকে পালিয়ে যায়। ৬ ডিসেম্বর দুপুরে 'কে' ফোর্স ফেনীকে শক্রমুক্ত করে। ফেনীতে পাক সেনাদের অজস্র গোলাবারুদ আমাদের হস্তগত হয়। শক্ররা পালাবার সময় শুভপূর সড়ক ও রেলসেতু উড়িয়ে দেয়। যার ফলে পাকসেনাদের পিছু ধাওয়া করা 'কে' ফোর্স-এর পক্ষে অসুবিধা হয়ে পড়ে এবং তাদের অগ্রাভিয়ান বাধাপ্রাপ্ত হয়। শুভপূর সেতু মেরামতের জন্য দুদিন সময় লেগে যায়। মিত্র বাহিনীর প্রকৌশলীরা একটি সেতু পুনঃনির্মাণ করে এবং এরপর সেতু ও নৌকার সাহায্যে চট্টগ্রামের দিকে 'কে' ফোর্স-এর অগ্রাভিয়ান পুনরায় শুরু হয়। এই সময় আমি আহত হওয়ার ফলে 'কে' ফোর্স-এর নেতৃত্বে মেজর সালেকের উপর ন্যস্ত ছিল। 'কে' ফোর্স ফেনী থেকে করেরহাট পর্যন্ত পাকসেনাদের ছোটখাট রক্ষাবৃহৎ দখল করে তাদের অগ্রাভিয়ান অব্যাহত রাখে এবং করের হাট পর্যন্ত বিস্তীর্ণ এলাকা শক্রমুক্ত করে। করেরহাট থেকে চট্টগ্রামে অগ্রসর হওয়ার জন্য নতুন এক পরিকল্পনা নেয়া হয়। এই পরিকল্পনা অনুসারে ৪৬ ইন্ট বেঙ্গল ও 'মুজিব' ব্যাটারীকে (বাংলাদেশের প্রথম গোলন্দাজ বাহিনী) নিয়ে হিয়াকু ফটিকছড়ি নাজিরহাট হয়ে চট্টগ্রামের উন্নত-পক্ষিম দিক থেকে শক্রবাহিনীর উপর আক্রমণ চালাবে এবং ১০ম ইন্ট বেঙ্গল ফেনী-চট্টগ্রাম প্রধান সড়কে সীতাকুণ্ড হয়ে চট্টগ্রামের দিকে অগ্রসর হবে। এই দ্বিমুখী অগ্রাভিয়ান চট্টগ্রামের উপকল্পে পৌছে চট্টগ্রাম শহরের উপর সাঁড়াশী আক্রমণ চালাবে। পরিকল্পনা মতো ৪৬ ইন্ট বেঙ্গল 'মুজিব' ব্যাটারীসহ হিয়াকুর দিকে ৭ ডিসেম্বর রাত ১২ টায় অগ্রসর হয়। পরদিন সকাল ৬ টায় হিয়াকু বাজারের নিকট পৌছার পর পাকসেনাদের এক অগ্রবর্তী ঘাঁটির সঙ্গে সংঘর্ষ হয়। পাকসেনাদের এই ঘাঁটিতে প্রায় ৪০/৫০ জন সৈনিক ছিল। তারা আমাদের বাধা দেয়, কিন্তু আমাদের সৈনিক এবং গোলন্দাজ বাহিনীর আক্রমণে টিকতে না পেরে পাকসেনারা ফটিকছড়ির দিকে পালিয়ে যায়। ফলে হিয়াকু বাজার আমরা অতি সহজেই শক্রমুক্ত করে নিজেদের দখলে আনি। হিয়াকু থেকে চট্টগ্রামের দিকে একটি কঁচা রাস্তা গেছে। রাস্তাটি খুবই খারাপ। সেই রাস্তা হয়ে

পায়ে হেঁটে আমাদেরকে অগ্রসর হতে হয়। অগ্রসরের পথে নারায়ণহাটের নিকট পাকসেনাদের আরেকটি আক্রমণের চাপে টিকতে না পেরে ফটিকছড়ির দিকে পিছু হটে যায়। যাওয়ার সময় একটি কাঠের সেতু ধ্বংস করে দেয়। ৪৬ ইঞ্ট বেঙ্গল ওই দিন রাতে নারায়ণহাটে বিশ্রাম নেয়। ধ্বংসপ্রাণ সেতুটি মেরামত করার পর আমাদের অঘ্যাতা পুনরায় শুরু হয়। পথে কাজীরহাটে পাকসেনারা আমাদের অগ্রাভিযানে বাধা দেবার জন্য পথে অনেক মাইন পুঁতে রাখে। এই মাইনগুলোকে সরিয়ে রাস্তা পরিষ্কার করে আমাদেরকে অগ্রসর হতে হয়। ১০ ডিসেম্বর ফটিকছড়ির উপকষ্টে ৪৬ ইঞ্ট বেঙ্গলের অগ্রাভিযানকে পাকিস্তানের ২৪ ফ্রন্টিয়ার ফোর্স রেজিমেন্ট বাধা দেয়। ফটিকছড়িতে পাকিস্তানিদের একটি শক্তিশালী ঘাঁটি ছিল। সেজন্য ৪৬ ইঞ্ট বেঙ্গলের অধিনায়ক ক্যাপ্টেন গাফফার পাকসেনাদের ঘাঁটিটি সংস্কারে পুরুষানুপুরুষ তথ্য সংগ্রহ করে। এরপর ৪৬ ইঞ্ট বেঙ্গলকে দুইভাবে বিভক্ত করা হয়। একটি দল ফটিকছড়ির সন্নিকটে পাহাড়ের দিকে অগ্রসর হয় এবং প্রধান দলটি কাজীরহাট-ফটিকছড়ি রাস্তার দিকে অগ্রসর হয়। ১১ ডিসেম্বর বিকাল ৪-৩০ টায় এই দুটি দল সম্মিলিতভাবে দু'দিক থেকে পাক অবস্থানের উপর প্রচণ্ড আক্রমণ চালায়। এই আক্রমণে টিকতে না পেরে রাত ১২ টার পর পাকসেনারা সমস্ত অন্তর্শন্ত্র, গোলাবারুদ, বিছানাপত্র ফেলে পিছন দিকে পালিয়ে যায়, ফলে ফটিকছড়ি শক্রমুক্ত হয়। এই যুদ্ধে আমাদের দু'জন শহীদ হয়, অপরদিকে শক্রপক্ষের কমপক্ষে ৩০/৪০ জন হতাহত হয়। এই সময়ে খবর আসে যে পাকসেনাদের একটি শক্তিশালী দল তাদের রামগড় অবস্থান পরিত্যাগ করে মানিকছড়ির পথে ফটিকছড়ির দিকে অগ্রসর হচ্ছে। এই সংবাদ পেয়ে ৪৬ ইঞ্ট বেঙ্গল থেকে দুটি প্লাটুন এবং মর্টার প্লাটুন এই দলটিকে বাধা দেবার জন্য মানিকছড়ির রাস্তায় পাঠানো হয়। আমাদের প্লাটুনগুলো পাকসেনাদের মানিকছড়ির রাস্তায় সাফল্যের সঙ্গে এ্যামবুশ করতে সমর্থ হয়। পাকসেনারা অতর্কিতে আক্রান্ত হয়ে নাজিরহাটের দিকে পালিয়ে যায়। ১২ ডিসেম্বর ভোরে ফটিকছড়ি থেকে ৪৬ ইঞ্ট বেঙ্গল চট্টগ্রামের দিকে অগ্রসর হয়। ২/৩ ষষ্ঠী পর প্রায় ৯/১০ টার সময় নাজিরহাট নদীর পাড় থেকে পাকসেনারা আমাদের উপর প্রচণ্ড আক্রমণ চালিয়ে আমাদের অঘ্যাতায় বাধা দেয়। ক্যাপ্টেন গাফফার নদীর নিকটস্থ একটি দোতলা বাড়ি থেকে পাকসেনাদের অবস্থানের তথ্য সংগ্রহ করে। খবরাখবর নিয়ে বোৰা যায় যে, পাকসেনাদের ২৪ ফ্রন্টিয়ার ফোর্স তাদের প্রায় তিনটি কোম্পানি ও বেশ কিছু সংখ্যক ইপিসিএএফ সহ নাজিরহাট নদীর তীর বরাবর একটি শক্তিশালী অবস্থান নিয়ে আছে। ১৩ ডিসেম্বর পাকসেনাদের সংস্কারে আরো তথ্য সংগ্রহ করা হয় এবং তার পরই পাক অবস্থানের উপর গোলাবর্ষণ করা হয়। কিন্তু শক্রদের অবস্থান এত শক্তিশালী ছিল যে, চার ষষ্ঠী ধরে যুদ্ধ চালানোর পরও পাকসেনারা আমাদের আক্রমণকে প্রতিহত করে। সুতরাং এইভাবে আক্রমণ চালিয়ে কোনো লাভ নেই মনে করে অন্য পক্ষ অবলম্বনের সিদ্ধান্ত নেয়া হয় এবং সেজন্য আমাদের সৈন্যদেরকে কিছুটা পিছিয়ে নেয়া হয়। এই সময় একজন পাকসেনা আমাদের হাতে জীবিত ধরা পড়ে। ধৃত সেই পাকসেনার কাছ থেকে পাকসেনাদের প্রতিরক্ষা ব্যুৎসনাক্ষেত্রে আরো সঠিক খবর জানা যায়। সেখানে জানা যায়, ২৪ ফ্রন্টিয়ার ফোর্স-এর

মেজর আশেক এই প্রতিরক্ষা বৃহের নেতৃত্ব দিচ্ছে। এই প্রতিরক্ষা বৃহের শক্তি প্রায় এক ব্যাটালিয়নের মতো। নদী বরাবর ব্যাটালিয়নটি অসংখ্য বাংকার তৈরি করে তাদের প্রতিরক্ষা সুদৃঢ় করেছে। কিন্তু এদের নজর ফটিকছড়ির দিকে বেশি থাকাতে পশ্চিম ভাগ বেশি শক্তিশালী নয়। অতি অগ্র সংখ্যক সৈন্য দিয়ে পশ্চিমের চা বাগানের দিকে রক্ষাবৃহ রচনা করা হয়েছে, এই গুরুত্বপূর্ণ তথ্য পেয়ে পশ্চিমের চা-বাগানের দিক থেকে পাকসেনাদের উপর আক্রমণের পরিকল্পনা নেয়া হয়। পরিকল্পনা অনুযায়ী লে. শওকতের নেতৃত্বে গণবাহিনীর একটি কোম্পানি চারঘণ্টা আগে নাজিরহাট এবং চট্টগ্রামের রেলপথের মাঝে পাকসেনাদের অবস্থানের পেছন দিকে অনুপ্রবেশ করে অবস্থান নেয়। এরপর ৪ৰ্থ ইন্ট বেঙ্গল ১৪ ডিসেম্বর রাতে পশ্চিম দিকে দ্রুতগতিতে অগ্রসর হয়ে চা-বাগানের ভিতর দিয়ে ভোর ৫ টায় নাজিরহাটে পাকসেনাদের অবস্থানের উপর অতর্কিতে আক্রমণ চালায়। এই আক্রমণে তারা এত হতভুব হয়ে পড়েছিল যে, আমাদের আক্রমণে বাধা পর্যন্ত দিতে পারেনি এবং শক্রো ঘূম থেকে উঠেই দেখতে পায় আমরা তাদেরকে পেছন দিক থেকে আক্রমণ চালিয়েছি। উপায়ান্তর না দেখে সবকিছু ফেলে তারা চট্টগ্রামের দিকে পালাতে থাকে। পালাবার পথে আমাদের মর্টারের এবং মেশিনগানের গুলিতে অনেক পাকসৈন্য হতাহত হয়। প্রায় ৪০ জন হতাহত পাকসেনাকে আমরা যুদ্ধক্ষেত্রে পাই। ৮ জন পাকসেনা বন্দি হয়, ৪৯ জন ইপিসিএএফ অন্তর্শন্ত্রসহ আত্মসমর্পণ করে। প্রচুর গোলাবারুদ ও অন্যান্য জিনিসপত্র আমাদের হস্তগত হয়। রেশন বোঝাই কয়েকটি ট্রাকও আমাদের দখলে আসে। পালাবার সময় পূর্ব থেকে লে. শওকতের গণবাহিনীর কোম্পানিও পাকসেনাদের উপর আক্রমণ চালায় এবং অনেককে হতাহত করে। পাকসেনারা রাস্তা ছেড়ে থামের মধ্য দিয়ে পালিয়ে যেতে সমর্থ হয়। ১৪ ডিসেম্বর নাজিরহাট সম্পূর্ণরূপে শক্রমুক্ত হয়। আমাদের একজন শহীদ ও ১ জন সৈনিক আহত হয়। পাকসেনারা নাজিরহাট সড়কসেতু আগে থেকেই ধ্বংস করে দিয়েছিল। সেজন্য নাজিরহাট থেকে চট্টগ্রামের দিকে অগ্রযাত্রা একদিন দেরি হয়ে যায়। নাজিরহাটের স্থানীয় জনগণের সাহায্যে সেই সেতুটির আংশিক পুনঃনির্মাণ করা সম্ভব হয় এবং ১৫ ডিসেম্বর নাজিরহাট থেকে চট্টগ্রামের দিকে আমাদের অগ্রাতিয়ান পুনরায় শুরু হয়। সকালে হাটহাজারী পৌঁছার পর ১০ম ইন্ট বেঙ্গলের সঙ্গে যোগাযোগ হয়। ১০ম ইন্ট বেঙ্গল মেজর জাফর ইমামের নেতৃত্বে সীতাকুণ্ড হয়ে চট্টগ্রামের দিকে এগিয়ে আসছিল। হাটহাজারীতে যোগাযোগের পর ‘কে’ ফোস-এর ১০ম ইন্ট বেঙ্গল ও ৪ৰ্থ ইন্ট বেঙ্গল সম্মিলিতভাবে অগ্রসর হয়ে চট্টগ্রাম বিশ্ববিদ্যালয় পর্যন্ত শক্রমুক্ত করে। ১৬ ডিসেম্বর সকালে এই সম্মিলিত বাহিনী চট্টগ্রাম বিশ্ববিদ্যালয় থেকে অগ্রসর হয়ে চট্টগ্রাম শহর আক্রমণের প্রস্তুতি নেয়। এই সময় বাংলাদেশ ফোর্সেস হেডকোয়ার্টার আক্রমণ স্থগিত রাখার নির্দেশ পাঠায়। আরো খবর আসে যে, পাকসেনারা ওইদিন আত্মসমর্পণ করবে। ১৬ ডিসেম্বর বিকেল ৪-৩০ টায় পাকসেনাদের এক ডিভিশন সৈন্য ‘কে’ ফোর্স-এর নিকট অন্তর্শন্ত্রসহ আত্মসমর্পণ করে। পাকসেনাদেরকে ফৌজদারহাট ক্যাডেট কলেজ, চট্টগ্রাম সেনানিবাস, নৌ ধাঁচি ট্রানজিট ক্যাম্প প্রতি জাহাজগায় বন্দি করে রাখা হয়। সমস্ত চট্টগ্রাম ‘কে’ ফোর্স-এর

নিয়ন্ত্রণে আসে। স্বতঃকৃত জনগণ বিজয়মাল্যে ভূষিত করে আমাদের বিজয়ী বীর সৈনিকদের নিয়ে উল্লাসে শহর প্রদক্ষিণ করে।

১১ এবং ১২ নভেম্বর ৯ম ইন্ট বেঙ্গলের 'এ' কোম্পানি এবং 'বি' কোম্পানি কৃষ্ণপুর ও বগাবাড়ি অবস্থান থেকে পাকসেনাদের অবস্থানের উপর আক্রমণ চালিয়ে তাদেরকে কুমিল্লার দিকে আরো পিছু হটিয়ে দেয়। দুইদিনের মুক্তে পাকসেনাদের ১৪ জন নিহত ও ৭ জন আহত হয়। আমাদের পক্ষে ২ জন শহীদ এবং ১ জন আহত হয়। এই সময় ৪র্থ ইন্ট বেঙ্গল শালদা নদীর দিক থেকে পাকসেনাদের উপর প্রচণ্ড আক্রমণ চালিয়ে যাচ্ছিল। এই দুই ব্যাটালিয়নের আক্রমণে পাকসেনারা পরান্ত হয়ে শালদা নদী, কসবা, মন্দভাগ প্রভৃতি এলাকা সম্পূর্ণরূপে পরিত্যাগ করে নভেম্বর মাসের শেষ সপ্তাহে কুমিল্লাতে আশ্রয় নেয়। ডিসেম্বর মাসের ১ তারিখে কুমিল্লার উত্তর এলাকা সম্পূর্ণরূপে শক্রমুক্ত হওয়ার পর চারটি সেন্টার কোম্পানিকে এই এলাকায় মোতায়েন রেখে ৯ম ইন্ট বেঙ্গলকে কুমিল্লার দক্ষিণ-পূর্বে মিয়াবাজার এলাকায় সমাবেশ করার জন্য নির্দেশ দেয়া হয়। ডিসেম্বর মাসের ২ তারিখে ৯ম ইন্ট বেঙ্গল মেজর আইনউদ্দিনের নেতৃত্বে মিয়াবাজারের দিকে অগ্রসর হয়। মিয়াবাজারে লে. মাহবুবের ছ'টি সেন্টার কোম্পানি ও তার সঙ্গে যোগ দেয়। ৩ ডিসেম্বর সকালে এই সম্মিলিত বাহিনী মিত্রবাহিনীর কামানের সহায়তায় মিয়াবাজারে পাকসেনাদের প্রতিরক্ষাব্যুহের উপর প্রচণ্ড আক্রমণ চালায়। পাকসেনারা এই আক্রমণের মুখে টিকতে না পেরে কুমিল্লার দিকে পিছু হটে যায়। মিয়াবাজার শক্রমুক্ত করার পর ৯ম ইন্ট বেঙ্গলের একটি দলকে লাকসামের দিকে অগ্রসর হওয়ার নির্দেশ দিয়ে মেজর আইনউদ্দিন কুমিল্লা আক্রমণের জন্য অগ্রসর হতে থাকে। যাত্রাপথে শক্র প্রতিরক্ষাব্যুহ ধ্রংস করে অগ্রাভিযানের গতি অব্যাহত রেখে ৪ ডিসেম্বরের ভোরে মেজর আইনউদ্দিনের দল কুমিল্লার বিমানবন্দর এলাকা পর্যন্ত পৌছতে সমর্থ হয়। কুমিল্লা বিমানবন্দরের নিকট পাকসেনাদের একটি শক্তিশালী ঘাঁটি ছিল। ৯ম ইন্ট বেঙ্গল মিত্রবাহিনীর গোলন্দাজ বাহিনীর সহায়তায় এই ঘাঁটিটির উপর প্রচণ্ড আক্রমণ চালায়। পাকসেনারা এই আক্রমণ প্রতিহত করতে না পেরে কুমিল্লা শহরের দিকে পালিয়ে যায়। দুপুর পর্যন্ত সমস্ত কুমিল্লা বন্দর এলাকা শক্রমুক্ত হয় এবং ৯ম ইন্ট বেঙ্গলের দুটি কোম্পানি কুমিল্লার দক্ষিণ এবং পূর্ব দিক (রাজগঞ্জ বাজার) থেকে কুমিল্লা শহরের অভ্যন্তরে প্রবেশ করে। ৯ ডিসেম্বর পর্যন্ত পাকসেনাদের আরো বিতাড়িত করে ময়নামতির পথে রেলওয়ে ক্রসিং এলাকা পর্যন্ত শক্রমুক্ত করে। ৯ম ইন্ট বেঙ্গলের আক্রমণের মুখে টিকতে না পেরে কুমিল্লা শহরে অবস্থানরত পাকসেনারা ময়নামতি সেনানিবাসের দিকে পালিয়ে যায়। এই সময়ে হাজার হাজার জনতা আমাদের সঙ্গে যোগ দিয়ে পাকসেনাদের পেছনে অগ্রসর হয়। প্রসঙ্গত উল্লেখ্য যে, পাকবাহিনীর সঙ্গে সম্মুখ্যমুক্তে এই জেলা শহরটি সর্বপ্রথম মুক্তিবাহিনী কর্তৃক শক্রমুক্ত হয়। ১০ ডিসেম্বর ৯ম ইন্ট বেঙ্গল কুমিল্লা শহরের রেলওয়ে ক্রসিং থেকে ময়নামতি ছাউনীর দিকে অগ্রসর হতে থাকে। এই অগ্রাভিযানের সময় মিত্র বাহিনীর তিনটি ট্যাঙ্ক ৯ম ইন্ট বেঙ্গলের সহায়তার জন্য মেজর আইনউদ্দিনের কমান্ডের অধীনে দেয়া হয়। রেলওয়ে ক্রসিং থেকে দেড় মাইল পশ্চিমে অগ্রসর হওয়ার পর ৯ম ইন্ট বেঙ্গলের অগ্রবর্তী দলগুলো

টেক্সটাইল মিল এলাকার সামনে পাক সেনাদের গোলাগুলির সম্মুখীন হয়। ৯ম ইন্ট বেঙ্গলের আরেকটি কোম্পানি কোর্টবাড়ির পথে ময়নামতির দক্ষিণ দিক থেকে অগ্রসর হচ্ছিলো। এই দলটি মিল এলাকায় পাক সেনাদের গোলাগুলির সম্মুখীন হলেও অগ্রবর্তী দলগুলো পাকসেনাদের অবস্থানগুলো দখল করার চেষ্টা করে। কিন্তু একব্যন্তি রেকি করার পর বোঝা যায় যে, পাকসেনাদের অবস্থানগুলো খুবই শক্তিশালী। অবস্থানগুলোতে মেশিনগান এবং ১০৬ মি.মি. আরআর বাংকারের ভিতর রেখে কুমিল্লা-ময়নামতির রাস্তাকে সুদৃঢ়ভাবে প্রতিরক্ষার প্রস্তুতি নিয়েছে। এই সংবাদ আমাদের অগ্রবর্তী দলগুলো মেজর আইনউদ্দিনকে অবগত করে। মেজর আইনউদ্দিন পাকসেনাদের অবস্থানগুলোর উপর চাপ অব্যাহত রাখার নির্দেশ দিয়ে নিজে আরো সম্মুখবর্তী অবস্থানে এসে পাকসেনাদের সম্বন্ধে বিস্তারিত সংবাদ সংগ্রহ করে। সংবাদ সংগ্রহের পর সম্পূর্ণ ব্যাটালিয়ান দিয়ে মিত্র বাহিনীর ট্যাংকের সহায়তায় আক্রমণ করার সিদ্ধান্ত নেয়। সিদ্ধান্ত অনুযায়ী পরদিন ভোরে মিত্র বাহিনীর ট্যাংকগুলোকে সড়কের বাঁদিক দিয়ে অগ্রসর হওয়ার নির্দেশ দেয় এবং ৯ম ইন্ট বেঙ্গলকে উত্তর দিক থেকে আক্রমণের পরামর্শ দেয়। পরিকল্পনা অনুযায়ী মিত্রবাহিনীর ট্যাংকগুলো রাস্তার দক্ষিণ দিক দিয়ে অগ্রসর হতে থাকে। কিছুদূর অগ্রসর হওয়ার পর পাকসেনারা ট্যাংকগুলোর উপর ১০৬ মি.মি. আরআর-এর সাহায্যে প্রচণ্ড গোলাবর্ষণ করে। মিত্রবাহিনীর একটি ট্যাংক পাকবাহিনীর গোলায় বিনষ্ট হয়ে যায়। শক্তপক্ষের প্রচণ্ড আক্রমণের মুখে ট্যাংকগুলোর অগ্রসর হওয়া উচিত নয় ভেবে মেজর আইনউদ্দিন ট্যাংকগুলোকে নিজ নিজ অবস্থানে লুকায়িত অবস্থান থেকে পাকসেনাদের বাংকারগুলোর উপর আক্রমণ চালাবার নির্দেশ দেয়। অপরদিকে ৯ম ইন্ট বেঙ্গল তাদের আক্রমণ আরো জোরদার করে। এই সাঁড়াশী আক্রমণের মুখে পাকসেনারা দারুণভাবে বিপর্যস্ত হয়ে পড়ে। ১৫ ডিসেম্বর সকালে পাকসেনাদের সর্ব বামদিকে সাদা পতাকা উড়তে দেখা যায় এবং কিছুক্ষণ পর সেই জায়গা থেকে গোলাগুলি বন্ধ হয়। মেজর আইনউদ্দিন সাদা পতাকা দেখে আক্রমণ স্থগিত রাখার নির্দেশ দেয় এবং শক্তসেনাদের উদ্দেশ্যে আত্মসমর্পণের আদেশ দেয়। প্রায় আধব্যন্তি পর গোলাগুলি স্থিমিত হয়ে এলে উত্তর দিকের পুরুর পাড়ের উঁচু বাঁধের উপর প্রায় ২৫/৩০ জন পাকসেনাকে অন্তর্শ্রদ্ধসহ সাদা পতাকা হাতে সামনের দিকে অগ্রসর হতে দেখা যায়। মেজর আইনউদ্দিন তৎক্ষণাত্মে সেইসব পাকসেনাদের আরো সামনে আসতে নির্দেশ দেয়। পাকসেনারা নির্দেশমতো মেজর আইনউদ্দিনের কাছে তাদের অন্তর্শ্রদ্ধ সমর্পণ করে। এই সময় হাজার হাজার স্থানীয় জনসাধারণ পাকসেনাদের ঘেরাও করে তাদেরকে বেঁধে ফেলে। বাকি পাকসেনারা, যারা তখনো বাঁধ থেকে সামনের দিকে আসছিল তারা ভয়ে সামনের দিকে না এসে পেছনের দিকে পালাতে থাকে মেজর আইনউদ্দিন তাদেরকে পুনরায় আত্মসমর্পণের আদেশ দেওয়া সত্ত্বেও পাকসেনারা নিজেদের বাক্সারে আশ্রয় নেয়। আত্মসমর্পণের আদেশ না মানায় মেজর আইনউদ্দিন ৯ম ইন্ট বেঙ্গলকে পুনরায় আক্রমণের নির্দেশ দেয়। প্রায় ৪০ ঘণ্টা আক্রমণের পর শক্ত অবস্থানটি ৯ম ইন্ট বেঙ্গলের হস্তগত হয়। প্রায় ১৫০ জন পাকসেনা আত্মসমর্পণ করে। অবশিষ্ট পাকসেনা ময়নামতি ছাউনীতে

পালিয়ে যেতে সক্ষম হয়। অনেক অন্তর্শস্ত্র আমাদের হস্তগত হয়। পাকবাহিনীর ৩৯ পাঞ্জাব রেজিমেন্ট এই অবস্থান প্রতিরক্ষায় নিয়োজিত ছিল। অবস্থানটি শক্রমুক্ত করার পর ৯ম ইন্ট বেঙ্গল ক্ষিপ্র গতিতে অগ্রসর হয়—ময়নামতি সেনানিবাসের উপকর্ত পর্যন্ত শক্রমুক্ত করে। ৯ম ইন্ট বেঙ্গল পাকসেনাদের শক্তিশালী প্রতিরক্ষাব্যহৈর সম্মুখীন হয়। পাকসেনারা ময়নামতি সেনানিবাসের উচু ভূমির সহায়তায় এই ঘাঁটিটিকে একট দুর্গে পরিণত করেছিল। চতুর্দিকে পরিখা খনন এবং বাংকার তৈরি করে প্রতিরক্ষাকে অত্যন্ত শক্তিশালী করে তুলেছিল।

৯ম ইন্ট বেঙ্গল উভর এবং দক্ষিণ দিক থেকে ময়নামতি এলাকা সম্পূর্ণরূপে ঘিরে ফেলে। কুমিল্লার হাজার হাজার গেরিলা ৯ম ইন্ট বেঙ্গলের সঙ্গে যোগ দিয়ে পশ্চিম দিকে অবস্থান নিয়ে ময়নামতিকে ঢাকা থেকে বিচ্ছিন্ন করে ফেলে। ১৫ তারিখ বিকেলে অবরোধ সম্পন্ন হয়; এ সময় পাকসেনাদেরকে আত্মসমর্পণের আদেশ দেয়া হয়। পাকসেনারা সেই আদেশ প্রত্যাখ্যান করে তাদের প্রতিরক্ষার কাজে অটল থাকে। ময়নামতি ছাউনীতে চূড়ান্ত আক্রমণের জন্য ৯ম ইন্ট বেঙ্গল, গেরিলা এবং মিত্রবাহিনী প্রস্তুতি নেয়। ১৬ ডিসেম্বর ময়নামতি গ্যারিসন কমান্ডার আত্মসমর্পণের ইচ্ছা প্রকাশ করে সংবাদ পাঠায়। সেই দিনই বিকেল ৪ টায় ময়নামতি গ্যারিসনে অবস্থানরত পাকসেনারা অন্যান্য জায়গার মতো আনুষ্ঠানিকভাবে ৯ম ইন্ট বেঙ্গল এবং মিত্রবাহিনীর কাছে আত্মসমর্পণ করে। আত্মসমর্পণের পর সমস্ত পাকসেনাকে বিভিন্ন জায়গাতে ৯ম ইন্ট বেঙ্গলের তত্ত্বাবধানে স্থানান্তরিত করা হয় এবং তাদের অন্তর্শস্ত্র বেঙ্গল লাইনে একত্রে জমা করে। ৯ম ইন্ট বেঙ্গল আবার জয়ী হয়ে তাদের পুরানা বেঙ্গল লাইনে ফিরে এসে বিজয় উল্লাসে ফেটে পড়ে। প্রসঙ্গত উল্লেখ্য যে, ন' মাস পূর্বে এখান থেকে ৪ৰ্থ ইন্ট বেঙ্গলের সৈনিকরা স্বাধীনতা সংগ্রামে অংশগ্রহণ করার জন্য দেশমাত্ত্বকার প্রতি প্রাণের টানে ঝাঁপিয়ে পড়েছিল, সেই ৪ৰ্থ ইন্ট বেঙ্গলেরই অধিকাংশ সৈনিক ও নতুন রিক্রুট করা সৈনিকদের নিয়ে যুদ্ধকালীন বিপর্যস্ত সময়ে ৯ম ইন্ট বেঙ্গল রেজিমেন্ট গড়ে উঠেছিল।